

PHILOTHEA

Seu

INTRODUCTIO AD VITAM SPIRITUalem,

A U T H O R E

S. FRANCISCO DE SALES

E P I S C O P O ,

AC PRINCIPE GENEVensi
Gallico idiomate conscripta ;


Subinde

IN LINGUAM LATINAM TRANSLATA

Per

D. MARTINUM MARTINEZ

MIDDLEBURGENSEM.



TYRNAVIAE,


TYPIS COLLEGII ACADEM. SOCIET. JESU ,
ANNO M. DCC. LXVI.

AD L E C T O R E M



Ibellum hunc Lector bene-
vole! dupli, materia nem-
pe, & Authoris nomine ti-
bi placitum confidimus. Materia
ea est, que cuiusvis conditionis ho-
minibus (seu ii. sanctioris vite in-
stitutum auspicentur, seu in eo jam
profecti sint) & commodi, & sola-
tii adferat plurimum. Author, Ma-
gnus ille Genevensium Princeps, &
Episcopus Sanctus Franciscus de Sa-
les; cuius sanctimoniam, eruditionem
sacram, & in animabus tractandis
dexteritatem, & alia complura, Spi-
ritu divino plena, comprobant opera,
ut: Tractatus de amore DEI, Con-
ferentiæ spirituales ad Sancti-Monia-
les sui Ordinis, Enchyridion Con-
troversiarum, Epistolæ ad varias
personas, &c. Neque vero scriptis

*amplius, atque virtutum, earumque
summarum exemplis, Exemplum ipse
factus omnibus, refulsit; ut jam non
una Genevensium, sed universa etiam
Ecclesia de eo glorietur. Hujus tan-
ti Præfulis exempla Lector benevo-
le! ut secteris, ejusdem in Libello
hoc vere aureo sacram institutionem
accipe, huicque nostro conatui fave,
ac vale!*



INTRODUCTIONIS P A R S P R I M A.

In qua monita quædam, & exercitia proponuntur, ex quorum præscripto, animam jam inde a primo vitæ spiritualis ineundæ desiderio, ad usque perfectum illius amplectendæ propositum conduci oporteat.

C A P U T I.

Vera devotio describitur.



A D devotitonem aspiras haud dubie charissimæ Philothea; quod enim Christiana sis, nosti eam virtutem esse, quæ divinæ Majestati longe gratissima. Sed, quoniam parvi, qui in rei alicujus initio admittuntur, errores postea in progressu ejusdem infinitum

6 INTRODUCT. AD VITAM SPIRIT.

ex crescunt, & in fine propemodum irreparabiles, & incorrigibiles sunt ; hinc antea omnia noris, oportet, quidnam sit devotio, nam, quoniam una tantum est vera devo-
tio, & plures falsæ, & vanæ, hinc nisi no-
ris, quænam sit vera, decipi, & errare pos-
ses, & impertinenti, & superstitionis alicui
devotioni sectandæ temetipsam sine fructu
impendere. Quascunque imagines, & vultus
depingeret pictor Arelius, ad similitudinem,
atque effigiem mulierum, quas adamabat, ef-
formabat ; sic sibi quisque devotionem pro
passione, & imaginatione sua depingit. Qui
jejunio addictus est, valde se devotum repu-
tabit, si multum, & frequenter jejunet, li-
cet intus natet odio, & malevolentia, cum-
que non audeat linguam vino, ac nequidem
aquæ præ sobrietate intingere, illam sanguini
proximorum palam immerge, iis detrahen-
do, & calumniando non verebitur. Alius se
devotum existimabit, qui plurimas quotidie
preces, & orationes decurrat, esto exinde
lingua illius in verba morosa, querula, ar-
rogantia, & injuria in domesticos, & vici-
nos suos tota fœse effundat. Alius libenter
admodum eleemosynas in egenos, & inopes
e crumena educit, benignitatem tamen, &
amorem corde suo elicere, ac depromere
nequit, quo inimicis ignoscat. Erit & alias,
qui quidem inimicis suis haud difficulter in-

ju-

jurias omnes dimitteret, sed ut creditoribus suis satisfaciat, & cum iis rationes ineat, quain ægerreme in animum suum inducat; & nonnisi violenter, ac Judice compellente. Omnes hi, vulgo devoti habentur, revera tamen devoti non sunt. Milites Saulis Davidem in domo sua quærebant, at cum Michol statuam in lecto collocasset, eamque vestibus Davidis induisset, crediderunt illi Davidem ipsum ægrum in lecto decumbere. Sic permulti, actionibus, & operibus quibusdam externis, ad sanctam devotionem spestantibus, sese induunt, & palliant, & credunt homines illos vere devotos, & spirituales esse, cum revera, & a parte rei non nisi simulacra quædam, & inania phantasma- ta devotionis sint.

Porro vera, vivaque devotio, Philothea, amorem Dei præsupponit, nec quid aliud est, quam verus quidam Dei amor: non tamen qualiscunque, & talis qualis amor: nam in quantum amor divinus animam nostram cohonestat, & venustat, dicitur gratia, divinæque ejus Majestati acceptos nos reddit: in quantum vero vires ad beneficiendum nobis confert, vocatur charitas: verum cum jam ad eum perfectionis gradum pertingit, ut nos non solum bene facere, verum etiam sollicite, diligenter, frequenter, prompteque operari faciat, tum

8 INTRODUCT. AD VITAM SPIRIT.

demum devotionis appellatur nomine. Struthiones nunquam subvolant, & gallinæ non nisi admodum graviter, & demisse, & rarissime; sed aquilæ, columbæ, hirundines, & sœpe, & celeriter, & sublime evolant. Pari modo, peccatores nunquam ad Deum sursum evolant, sed omnis eorum libratio, & studium in terra, circa terram, & propter terram suscipitur. Probi vero homines, qui scilicet nondum ad devotionem pervenere, ad Deum quidem per opera sua bona subvolant, attamen raro admodum, tarde, & graviter. At qui vere devoti sunt, frequenter, expedite, & sublime in Deum evolant. Ut concludam ergo, devotio aliud non est, quam quædam agilitas, & vivacitas spirituæ, cuius adminiculo charitas suas in nobis actiones (aut potius nos per illam) prompte, affectuoseque exequitur, & operatur. Et sicuti ad charitatem spectat, ut omnia Dei mandata in genere, & universaliter nos adimplere faciat, ita ad devotionem pertinet, nos ad eadem prompte, seduloque adimplenda excitare, & inducere. Quamobrem, quisquis omnia Dei præcepta non prout oportet, observat, nec bonus, nec devotus haberi potest: etenim ut bonus quis sit, charitatem habeat, oportet; & vero devotis præter charitatem, eximia quædam

ad

ad opera charitatis exequenda vivacitas, & promptitudo necessaria est.

- Quoniam vero devotio in certo quodam eminentis charitatis gradu sita est, hinc ipsa non solum promptos, expeditos, & diligentes in omnium Dei mandatorum observatione nos reddit; verum etiam praeter hoc, ad quam possumus plurima bona opera prompte, magnoque cum affectu exequenda nos excitat, esto ea nullatenus de præcepto sint, sed tantum de consilio, aut divinitus nobis inspirata. Nam quemadmodum qui recenter admodum e morbo quodam gravi convaluit, ingreditur quidem tantum, quantum necessitas ipsa exigit, sed lento, & gravi passu: eodem modo peccator, qui jam nuper in fine ex iniurie suæ morbo convaluit, incedit quidem quantum Deus eum incedere jubet, usque dum perfectionem attingat: tunc namque ad instar optime valentis, & vegeti in divinorum mandatorum via non modo incedit, sed & currit, & saltitat; quin & ad ipsas consiliorum, & inspirationum cœlestium semitas transit, in iisque alacer currit. Itaque charitas, & devotio non plus inter se differunt, quam ignis, & flamma, quod charitas, cum spiritualis quidam ignis sit, quando vehementer inflammata, & accensa est, dicatur devotio, adeo ut devotio ad charitatis ignem aliud non addat præ-

ter flammam, quo charitatem & alacrem,
& promptam, & diligentem non modo ad Di-
vina mandata observanda, verum etiam ad
consilia, & inspirationes cœlestes exerce-
das, reddat.

C A P U T I I.

Devotionis proprietas, & excellentia.

Qui Israelitas a terræ promissionis ingressu deterrebant, dicebant, terram illam hujusmodi esse, ut suos ipsa habitatores devoraret; id est, cœli ejus clima immite, & insalubre esse, nemo ut sub eo diu posset vivere; atque ex altera parte incolas ejus adeo esse feros, & barbaros, ut invicem, & locustas devorarent. Ad eundem modum mundus, charissima Philothea, sanctam devotionem pro viribus, & quantum potest, denigrat, sugillat, & traducit; dum eos, qui devoti sunt, vultu esse fingit tetrico, lrido, tristi, ac nubilo, ipsamque devotionem melancholicos quosdam, & intolerabiles humores causare comminiscitur. Sed, quemadmodum Josue, & Caleb tum temporis palam protestabantur, terram promissionis non modo bonam, & amœnam esse, sed & possessionem illius jucundam, & delectabilem fore: sic & S. Spiritus per os omnium Sanctorum, & ipse Redemptor suomet ore

no-

nobis declarat, vitam devotam, & suavem, & felicem, & jucundam esse.

Videt quidem mundus devotos injurias tolerare, morbidis, & ægris ministrare, pauperibus stipem conferre, vigilare, iram suam compescere, passiones suppressimere, & suffocare, sensibilibus voluptatibus ultro abstinerre, & has aliasque id genus actiones obire, quæ natura, & qualitate sua asperæ sunt, & rigorem includunt; ad interiorem, & cordialem devotionem omnia hæc opera suavia, dulcia, & facilia reddentem minime videt. Considera apiculas in thymo, & circa thymum volitantes; vide, ut ex eo succum quemdam amarissimum exsugant, sed eum mox in mel, quod hæc earum natura sit, convertant. Multum quidem fateor, o mundane! devotæ animæ suis in mortificationis exercitiis amaritudinis sentiunt, sed eadem obeundo ipsam paulatim in dulcedinem, & suavitatem transire faciunt; sic olim ignes, flammæ, & enses Martyribus flores, & fragrantissima aromata videbantur, quod devoti essent. Si ergo atrocissimis tormentis, quin & ipsimet morti adferre, & addere dulcedinem, eaque veluti condire devotio potest, quid in ipsis virtutis actionibus non faciet?

Immaturos fructus dulcorat saccharum, maturorum vero cruditatem, & malignitatem corrigit, ac tollit. Devotio porro re-

rum

rum spirituale saccharum est, utpote quæ & a mortificationibus amaritieim, & a consolationibus damna aufert; a pauperibus tristem murmurationem, a divitibus arrogantiam, desolationem, & mœstitudinem ab opppresso, insolentiam a fortunæ filio, tristitiam a solitariis, dissolutionem ab eo, qui inter homines conversatur: in hyeme ignis vicem supplet, in æstate roris: novit & abundare, & penuriam pati: facit, ut æque prospicit honor, ac contemptus: voluptatem simul ac dolorem pari prope semper vultu excipit, & mirabiliter nos suavitate, & gaudio adimplet.

Considera, quæso, scalam Jacob (quæ vera vitæ devotæ imago est) duo ejus latera & longurii, inter quæ ascenditur, & quibus gradus scalares annexi sunt, orationem, quæ amorem Dei impetrat, & sacramenta, a quibus is dari solet, repræsentant. Gradus porro aliud, mea sententia, non sunt, quam diversi charitatis gradus, per quos de virtute in virtutem proceditur, tam per actionem ad proximo auxiliandum, & opitulandum descendendo, quam per contemplationem ad morosam Dei unionem ascendendo. Vide jam, obsecro, eos, qui in hac scala versantur; homines certe sunt, Angelica habentes corda, aut Angeli corpora habentes humana: non sunt quidem ætate juvenes, sed esse videntur, quod spirituali vigore, & agilita-

litate pleni sunt , alas habent ad volandum ,
ac per sanctæ orationis libramentum ad Deum
se sese elibrant , pedes porro habent , ad
cum hominibus per sanctam , & dulcem con-
versationem ambulandum , vultus eorum
vividi , & alacres sunt , quod omnia mira cum
lenitate , & serenitate animi suscipiant , cru-
ra , brachia , & capita ipsorum nuda , omni-
um patent aspectibus , eo quod cogitationes ,
affectus , & opera ipsorum nullum alium ha-
bent scopum , & intentionem , quam ut so-
li Deo placeant , reliqua vero corporis pars
tecta , & vestita est , sed veste pulchra , &
levi , quod mundo rebusque mundanis
utantur quidem , sed modo quodam prorsus
puro , & sincero , dum nonnisi obiter , &
velut per transennam utuntur eo , quo ra-
tione status , & conditionis prorsus carere
nequeunt . Tales omnino sunt homines de-
voti . Devotio ergo (mihi credas velim , cha-
rissima Philothea) omnium dulcedinum est
dulcissima , & virtutum universarum regina .
Est namque ipsa charitatis perfectio , si enim
charitas lac sit ; devotio ejus est tremor : si
illa planta sit ; devotio ejus est flos : si illa
gemmae , ac lapis pretiosus , devotio ejus est
fulgor , & jubar : si illa balsamum & aroma ,
devotio ejus est fragantia , & odor suavita-
tis , homines confortans , ac vegetans , An-
gelos autem lætificans .

Caput III.

*Devotio omnigenæ hominum vocationi,
statu, & professioni convenit.*

IN ipsa rerum creatione plantis mandavit creator Deus, ut una quæque fructum ferret secundum genus suum: ita Christianis, qui vivæ Ecclesiæ suæ plantæ sunt, imperavit, ut quisque devotionis fructum pro qualitate, statu, & vocatione sua proferret. Diversimode, inquam, devotio est exercenda, a nobili videlicet, & a mechanico, a famulo, & a principe; a vidua & puella innupta, ac conjugata. Imo ne hoc quidem satis est; sed & ipsa devotionis praxis, viribus, negotiis, & officiis cujusque in particulari est accommodanda. Dic mihi, obsecro, Philothea mea, consentaneumne foret, si Episcopus, Carthusianorum instar, solitudinem consecrari vellet; si conjugati non magis de peculio suo adaugendo solliciti essent, quam Capuccini; si Religiosi in morem mechanicus totos dies in templo ageret; & Religiosus vice versa, ad omnes casus & eventus, qui proximi necessitatem, & utilitatem concernerent, Episcopi exemplo, semper esset expositus; an non devotio hæc ridicula, inordinata, & intolerabilis foret? Hic tamen error, & absurditas sæpiissime occurrit; & hinc mundus, qui devotionem veram ab eo.

rum,

rum, qui se putant devotos esse, indiscretione non discernit, aut saltem non vult discernere, devotionem carpit, & fugillat; quæ tamen harum inordinationum nequit esse causa.

Nequaquam, mea Philothea: etenim, ^odevotio, siquidem ea vera, & sincera est, nihil omnino destruit, sed cuncta perficit, & consummat; & si quando legitimæ alicujus vocationi, ac statui contrariatur, & adversatur, haud dubie falsa est. Apis ita suum e floribus mel, teste Aristotele, colligit, ut eos minime lædat, aut destruat, tam eos integros, intaminatos, & recentes relinquens, atque eos reperit. Melius vero id præstat vera devotio: nam adeo nullum vocationis, aut negotiorum genus destruit, ut ea etiam exornet, ac condecoreret. Nam ut quælibet gemmæ melli impositæ; pro suo quæque colore, fulgentiores, & rutilantiores fiunt; sic in sua quisque vocatione acceptior fit, & perfectior, si devotioni illam conjungat. Per hanc fit enim, ut familiæ cura longe redditur quietior, mutuus inter maritum, & uxorem amor sincerior, obsequium Principi debitum fidelius, & omnes, quotquot sunt, occupationes suaviores, & meliores.

Error proinde est, quin & hæresis, devotionis exercitium a cohortibus militaribus, ab officina opificum, ab aulis principum,

a fa-

a familia conjugatorum velle excludere: fateor quidem, charissima Philothea, devotio, nem, quæ pure contemplativa, monastica, & Religiosa est, hisce in officiis, & statibus minime exerceri posse: at præter triplex hoc devotionis genus, sunt & aliæ multæ ad eos, qui in statibus secularibus vivunt, perficiendos peraccommodæ. Testes rei hujus in veteri quidem Testamento sunt Abraham, Isaac, Jacob, David, Job, Tobias, Sara, Rebeka, Judith; in novo vero S. Josephus, Lydia, & S. Crispinus perfecte devoti suis in officinis fuere; S. Anna, Martha, Monica, Aquila, & Priscilla in rei suæ familiaris, & domesticæ cura; SS. Cornelius, Sebastianus, Mauritius inter arma, & gladios; Constantinus, Helena, S. Ludovicus, B. Amadeus, S. Eduardus suis in soliis regalibus. Imo vero plurimi in media solitudine, quæ tamen perfectioni comparandæ adeo optabilis est, devotionis jacturam fecerunt, & vice versa permulti, in ipso negotiorum strepitu, & medios inter homines, inter quos perfectio, si qua sit, destruenda, & minime provehenda, videtur, eam conservarunt. Sic Loth, inquit S. Gregorius, qui impia in urbe adeo honeste vixerat, in solitudine tam fœde corruit, seque incestu polluit. Ubiunque locorum ergo sumus, ad vitam perfectam aspirare & debemus, & possimus.

C A P U T I V.

Ad devotionem auspicandam, & aliquem in ea progressum faciendum, directore, & conductore opus est.

TObias filius, jussus a parente in Rages proficiisci; *Viam*, inquit, *per quam pergarur illuc non cognosco*, cui pater: *Perge, & inquire tibi aliquem fidem virum, qui eat tecum.* Idem tibi dico, mea Philothea. Serione vis ad devotionem tendere? *Quære tibi virum aliquem honestum, & fidem, qui te dirigat, & conducat.* Hoc omnium monitorum & consiliorum primum, ac præcipuum est: & quantumcunque (ajebat prius ille Doctor M. Avila) *Dei voluntatem exquisieris, nunquam tamen eam tam certo, indubitateque reperies, ac per humilis hujus obedientiæ viam, quam omnes, quotquot olim fuere devoti, & servari ab aliis præcepere, & ipsimet etiam servarunt, & usurparunt.* Beata Mater Theresia, viso Catharinam Cordubensem magnas, & intensas quasdam austeritates subire, in his eam, dissidente licet Confessario, qui id fieri vetabat, imitari maximopere cupiebat, utque illi hac in parte morem minime gereret, tentabatur. Sed Dominus illi postea in visione ait: *Bona, & tuta via incedis filia.* Viden pœnitentiam, quam illa subit? Ego ve-

ro pluris tuam facio obedientiam. Unde etiam ita erga virtutem hanc ipsa afficiebatur, ut, præter obedientiam, quam suis debebat Superioribus, aliam in particulari voreret, viro cuidam perito, & prudenti præstandam, illius directionem, consilia, & monita in omnibus securam se promittens. Unde etiam magnam in se exinde consolacionem sensit. Sic quoque post, & ante illam plurimi virtutum sectatores, quo melius Deo se subjicerent, suam servorum ejus voluntati subjecere, quam S. Catharina Senensis præx in suis in Dialogis mirifice dilaudat, & commendat. Sic pia illa Regina Elisabetha, insigni cum obedientiæ exemplo, se in omnibus subjecit directioni, & arbitrio Doctoris M. Conradi. En tibi quoque unum emonitis, quæ magnus Rex Ludovicus ante mortem filio suo præscripsit: *Sæpius peccata tua confitere; confessarium tibi felige idoneum, qui probus sit, & prudens, & qui, quæ facienda, & cavenda sunt, libere certeque tibi possit proponere.*

Amicus fidelis, inquit Sapiens, protetio fortis, qui autem invenit illum, inventit thesaurum. Amicus fidelis medicamentum vitæ, & immortalitatis; & qui metunt Dominum, inveniunt illum. Divina hæc verba immortalitatem præcipue respiciunt, ut vides, ad quam comparandam, amicus hic fide-

fidelis, qui suis instructionibus, & consiliis
actiones nostras dirigat, itaque a cacodæmo-
nis insidiis, & versutiis nos protegat, ante
omnia maximeque nobis habendus est. Erit
autem hic nobis velut thesaurus quidam sa-
pientiae, in nostris afflictionibus, pressuris,
& lapsibus: medicamenti item loco, ad ani-
mos nostros in ægritudinibus, & morbis spi-
ritualibus sublevandos, & consolandos: tue-
bitur ille quoque nos a malo, bonum vero
nostrum reddet melius, & si qua nobis in-
firmitas, & ægritudo adveniet, efficiet, ne
illa nobis ad mortem sit; nam remedium ei-
dem adhibendo, ipsam a nobis auferet. At,
quis amicum hunc inveniet? Resp. Sapiens.
Qui metuunt Dominum, id est: humiles,
qui sui in spiritu profectus quam maxime cu-
pidi sunt. Cum ergo tanti tua, Philothea,
referat aliquem in sancta hac devotionis via
ductorem, & directorem habere, & sequi,
Deum quam ferventissime roga, aliquem ti-
bi suppeditet, qui secundum cor tuum sit:
& certa esto, aliquem tibi ab eo submitten-
dum; nam esto, etiam Angelum de cœlo
submittere deberet, sicuti Tobiae juniori sub-
misit, bonum aliquem certe tibi & fidelem
ducem submittet.

Porro hic tibi semper instar Angeli sic
oportet; id est, postquam eum inveneris,
noli eum simpliciter, & unde ut hominem

considerare, nec tam ipsi, ejusque scientiæ humanæ confide, quam Deo, qui tibi haud dubie aderit, & per hunc hominem ut organum, & instrumentum suum tibi loquetur, ea illius menti, & ori indens, quæ ad salutem, bonum, & incolumentum tuam erunt necessaria; adeo ut ei, ceu Angelo de cœlo delapso, ut tè eodem ducat, auscultare debeas. Age ergo cum eo aperte, candide, & in omni sinceritate, & fidelitate, ei clare, & sine ulla duplicitate, & dissimulatione, quocunque bonum, & malum tuum patefaciendo. Hac quippe ratione bonum tuum explorabitur, & magis assurbitur; malum vero tuum emendabitur, & corrigetur, in afflictionibus quoque tuis alleviaberis, & corroboraberis, in consolacionibus autem moderata eris, & ordinata: summam in eo colloca fiduciam, quam tamen sacra quedam comitetur reverentia, adeo ut nec nimia reverentia imminuat fiduciam, nec fiducia impedit reverentiam. Tali cum circumspectione, & reverentia illi fide, cum quali filia fudit patri, & ea cum fiducia illum reverere, qua filius matrem. Denique amicitia hæc debet esse fortis, & suayis, tota sancta, tota sacra, tota quoque divina, & spiritualis.

Quamobrem inter mille tibi felige unum, ut ait M. Avila, ego vero dico, inter decem.

cem millia : pauciores enim , qui ad hoc munus idonei sint , reperire est , quam dici queat. Plenus porro is sit oportet charitate , scientia , & prudentia : harum partium una si ei defuerit , res periculo non vacat: sed iterum tibi dico , & repeto , postula illum a Deo , & ubi jam eum obtinuisti , & invenisti , divinæ ejus Majestati gratias age , constans esto , nec alios tibi quære , sed simpliciter , & fiducialiter procede , sic enim iter tuum prosperabitur.

C A P U T V.

Ab animæ purgatione incipiendum est.

*F*lores , inquit sponsus , apparuerunt in terra nostra . tempus putationis advenit. Quinam sunt animarum nostrarum flores , Philothea , nisi bona desideria ? Quæ statim ac apparent , falcula in manus accipienda est , qua omnia opera mortua , & superflua a conscientia nostra rescindantur. Puella alienigena Israelitæ nuptura olim , captivitatis suæ vestem exuere debebat , ungues rescindere , & cæsariem radere : sic & anima , filii DEI sponsa esse desiderans , veterem hominem exuat , & novum peccato relicto induat , exinde omnigena impedimenta , ab amore DEI ipsam avocantia rescindat , & abradat , neceesse est. Sani-

tatis nostræ principium est, a malignis, & peccaminosis humoribus expurgari. Apostolus Paulus unico momento perfecta quadam purgatione expurgatus est, uti & S. Catharina Senensis, Maria Magdalena, S. Pelagia, & aliquot alii; at hocce purgationis genus omnino miraculosum est, & extraordinarium in ipsa gratia, sicuti mortuorum resurrectio in natura, adeo ut ad hujusmodi nos aspirare nefas sit. Purgatio vero, & sanatio ordinaria tam corporum, quam animarum nonnisi paulatim, & gradatim, ex uno profectu scilicet in alium descendendo, idque cum labore aliquo, & per otium peragitur.

Angeli in scala Jacobi visi, alas quidem habent; attamen non volant, sed ordinatim, & gradatim ex uno gradu in alium ascendunt, & descendunt. Anima, quæ e statu peccati ad devotionem ascendit, amore stimulatur; haec autem dum exoritur, unico momento noctis tenebras non dispellit, sed paulatim. Sanatio (ut aphorismus medicorum docet) quæ paulatim, lenteque fit, semper multo est certior. Morbi enim animi, uti & corporis veniunt (ut ita dicam) equites, & cursitando, sed non nisi pedites, & lento gradu recedunt. Hac ergo in re animositate, constantia, & patientia nostra opus est, mea Philothea. Ah!
qua

quam deploranda res est, quod animæ vi-
dentes se, postquam jam aliquantis per se-
mperfectionibus obnoxias, & subjectas esse, in-
quietari, turbari, omnino dejici incipiunt,
parum ut absit, quin cœpta omnia simul de-
serant, & retro respiciant. Et vice versa,
an non extremo in periculo illæ versantur
animæ, quæ in oppositam partem tendentes,
jam tum primo, quo purgari incipiunt, die
ab omnibus imperfectionibus suis purgatas se
arbitrantur; pene ante plane perfectas se esse
ratæ, quam perficiantur, & volare gestientes,
antequam habeant alas; quam hæ in præsen-
ti, Philothea, recidivæ, ac relapsus pericu-
lo versantur, quod se nimis cito medici
manibus subduxerint: *Ne surgatis*, suadet
Propheta, *ante lucem*, sed *surgite*, *post-*
quam sederitis. Quare & ipse hanc doctri-
nam practicavit, & jam lotus, & emunda-
tus, *amplius & rursus lavari* expetiit.

Purgationis animæ exercitium nonnisi
una cum vita nostra finiri potest, ac debet.
Non est ergo, quod ob imperfectiones no-
stras turbemur; perfectio quippe nostra con-
sistit in eo, ut ipsas oppugnemus: oppugna-
re autem eas non possemus, nisi videremus;
nec exsuperare, nisi ante oculos haberemus;
victoria nostra in eo sita non est, ut ipsas

non sentiamus, at in eo, ut iis non consentiamus.

Porro iis consentire non est, ab iis subinde impeti, & vulnerari: nam ad humilitatem exercendam convenit nos interdum in spirituali hoc confictu vulnerari, ac succumbere; at non ante sumus vici, quam aut vitam, aut animum amiserimus. Cæterum imperfectiones, & peccata venialia spiritualem nobis vitam eripere non possunt; etenim hæc non nisi mortali peccato deperditur. Hoc ergo solum curandum, ac videndum, ne animum illa nos despondere faciant.

Libera me Domine, ajebat Psaltes, a pullanimitate, & meticulositate, felices sane in hoc vitiorum confictu sumus, dum semper victoriam referimus, dummodo certare, & configere tantum velimus.

C A P U T V I.

*De prima purgationis genere, quæ est
a peccatis mortalibus.*

PRIMA, quæ facienda est purgatio, est a peccatis, ea autem fit per sanctum Sacramentum pœnitentiæ. Proinde Confessarium tibi delige, quam potes dignissimum; deinde accipe unum e libellis, qui ad conscientias, quo rite confessio instituatur, adjuvandas compositi sunt, uti sunt Ludov. Granten.

tensis, Vinc. Brunus, Franc. Arias, & Edm. Augerius, hos sedulo pervolve, & per peccata, & singula puncta discurre examinando, in quibus deliqueris, & offendieris, scilicet jam inde ab eo tempore, quo primum ratione uti cœpisti, usque in præsens omne vitæ tuæ curriculum percurrendo. Et si memoriæ tuæ diffidas, quasi omnia retinere nequeas, scripto committe, in quibus te offendisse Deum deprehendes. Ubi ergo peccaminosos, & malignos conscientiæ tuæ humores jam hoc modo præparasti, & in unum collegisti, eosdem serio detestare, & per quam ferre cor tuum potest maximam contritionem, & displicantiam a te elicere conare, quatuor illa peccati mala considerando, quod videlicet per ipsum Dei gratiam amiseris, quantum est a parte tua, cœlum deserueris, æternos inferni cruciatus in te accersieris, æterno Dei amori renunciari. Vides credo, Philothea, me de generali vita totius confessione loqui, quæ (ut verum fatear) non semper absolute hic necessaria est, tametsi interim norim, illam hocce in principio summe tibi utilem fore, unde eam tibi quam maxime consul. Sæpe namque contingit, ordinarias eoram, qui vitam communem, & vulgarem agunt, confessiones magnorum plenas esse defectum. Etenim sæpe fit, ut homo se ad eam

26 INTRODUCT. AD VITAM SPIRIT.

minime disponat , aut certe admodum pa-
rum , vel requisitam , debitamque contritio-
nem non habeat : imo vero , non raro ad
confessionem accedit cum tacita denuo ad
peccatum redeundi (eo quod peccati occa-
sionem evitare , ac vitæ emendandæ neces-
saria media usurpare detrectat) voluntate .
Porro , in omnibus his casibus generalis con-
fessio necessaria est , ac requiritur , quo ani-
ma tranquilletur , & in tuto collocetur .
Ad hæc ipsa generalis confessio nos ipsos
nobis patefacit , & quales sumus ostendit ,
ad salutarem de vita præterita confusionem ,
& erubescientiam provocat , misericordiam
Dei admirari nos facit , utpote qui tam pa-
tienter nos exspectavit ; insuper corda no-
stra tranquillat , spiritum serenat , bona in
nobis proposita excitat , Patri quoque no-
stro spirituali occasionem dat ad convenien-
tia conditioni nostræ monita , & consilia
nobis suggerenda , animum denique nobis ad-
dit , ut in post securis confessionibus fidu-
cialiter ei nos ipsos declaremus , & patefa-
ciamus .

Ergo de generali quadam cordis nostri
renovatione , pro universalis animæ nostræ ad
Deum omnipotentem conversione , idque
per aggressionem , & susceptionem vitæ de-
votæ , loquendo merito tibi , o Philothea ,
hanc

hanc confessionem generalem consulere posse
videor.

C A P U T VII.

De secunda purgatione, ab affectibus scilicet, & inclinationibus erga peccatum.

OMnes quidem Israëlitæ re ipsa & de facto Ægypto egressi sunt, sed non oinnes affectu, & voluntate: hinc cum in deserto agerent, plurimi ipsorum murmurabant, & dolebant, quod allia, & ollas carnium Ægypti non haberent. Sic & plurimi sunt pœnitentes, qui defacto quidem peccatis egrediuntur, affectum tamen erga eadem non exuunt: id est, proponunt quidem, post hac non amplius peccare, attamen quandam intra se amaritudinem, & dolorem sentiunt; quod detestabilius illis, quas peccatum involvit, delectationibus, & voluptatibus carere, & abstinere debeant, animus quidem eorum peccato renuntiat, ab eoque se subducit, interim tamen versus eam partem velut redeundo, saepe prospectat, & affectu vergit, quemadmodum Lothi uxor Sodomam versus despectabat. Sic quippe abstinent peccato, sicuti ægroti melonibus, qui his ideo abstinent, quod medicus ipsis mortem, si comedant, comminetur; ipsis interim, quod abstinere debeant, inquieti sunt,

de

de eo loquuntur, inquirunt, num aliquo iis modo vesci liceat, ipsos saltem olfacere volunt, & beatos reputant eos, quibus eos comedere licet. Ad eundem modum hi debiles, languidi pœnitentes ad tempus quidem peccato abstinent, sed inviti, & reluctanter; hinc vellent, sibi liceret peccare, modo possent damnationem evadere; quin & aliquo cum gustu, & sensu de peccato loquuntur, eosque læte agere existimant, & beatos reputant, qui ipsum admittunt. Qui vindictam de inimico suo capere statuit, confessionem instituens voluntatem quidem suam mutabit, paulo post tamen inter amicos suis agenti volupe ei erit de sua contentione apud eos loqui, dicetque, ni DEUM timuerit, hæc & illa sese facturum fuisse, ac legem Divinam quoad hoc offensas, & injurias condonandi punctum, difficilem, & arduam esse, & optare se, fas ut cuivis esset de injuriam inferentibus ultionem capere. Quis non videt, miserum hanc, etiamsi extra peccatum sit, erga ipsum tamen plane propensum esse, & affectu ferri, & licet re ipsa extra Ægyptum sit, appetitu tamen, affectu, & voluntate adhuc in ipsa hærere, ad allia, & cepas, quæ ibidem comedere solebat identidem suspirando? Perinde ac mulier illa facit, quæ licet illicitos jam amores sit pertæsa, gaudet nihilominus ab amasiis ama-

amari, ambiri, & circumcingi. Hem! quam, qui hujusmodi sunt, in gravissimo periculo versantur!

Quod vero, Philothea, ad vitam devotam aspires, eamque consecrari gestias, non solum tibi ipsum peccatum deferendum, sed & animus ab omnibus a peccato dependentibus affectibus prorsus expurgandus est. Nam praeterquam, quod periculum esset, ne in illud aliquando relabereris, infelices hi affectus jugiter spiritum tuum elanguidum redderent, itaque gravarent, & opprimerent, ut bona opera prompte, diligenter, & frequenter exequi non posset, in quo tamen vera devotionis essentia, & substantia constitit. Porro animæ quæ quidem ex statu peccati egressæ, hos tamen affectus, & languidas erga ipsum propensiones habent, persimiles sunt, meo quidem judicio, puellis pallidum vultum habentibus, quæ quidem in se ægrotæ non sunt, at omnes earum actiones sunt morbidæ: etenim comedunt sine sapore, dormiunt sine requie, rident sine animi hilaritate, & prosperunt potius, quam incedunt: sic hæ animæ hominum quod faciunt, eo cum spiritus languore, & animi laſitudine peragunt, ut a bonis suis exercitiis (quæ & numero pauca, & effectu exigua sunt) omnem gratiam auferant.

C A P U T V I I I .

*Qua ratione secunda hæc purgatio insti-
rui queat.*

PRIMA, & præcipua ad secundam purga-
tionem pervenienti ratio, est viva, &
vehemens apprehensio mali illius, quod pec-
catum nobis adfert; per hanc enim appre-
hensionem ad profundam, & insignem quan-
dam contritionem pertingimus. Nam sicuti
contritio (dummmodo vera sit) quantumlibet
parva, accedente præsertim Sacramentorum
virtute sufficienter nos ab omni peccato ex-
purgat; ita dum eadem intensa, & vehe-
mens est, ab omnibus, qui peccatum se-
quuntur, affectibus nos emundat. Exiguum
alicujus odium, & rancor facit, ut animo
quidem aversiore simus ab eo, quem odi-
mus, nosque illius commercium subterfuge-
re compellit: at si odium mortale, & vio-
lentum sit, non modo eum, quem odio pro-
sequimur, fugimus, & detestamur, sed &
omnium consanguineorum & amicorum ejus
conversationem aversamur, & abhorremus,
imo nequidem imaginem ejus aut aliquid ad
ipsum spectans ferimus; ita, dum pœnitens
peccatum suum non nisi levi, tametsi vera,
contritione odit, proponit quidem non am-
plius peccare; at, cum potenti, & animo-
sa contritione ipsum execratur, non tantum
ipsum,

ipsum, sed & omnes ejusdem affectus, dependentias, conductus, & tendentias ad peccandum detestatur. Quocirca quantum possibile erit, nostra nobis est, Philothea, augenda contritio, & pœnitudo, ut etiam ad minimas usque peccati affinitates, & consanguinitates sese extendat. Sic S. Maria Magdalena sua in conversione ita omnem erga peccata, & delectationes, quas ex eis aliquando senserat, sensum, gustumque deposituit, ut nunquam exinde amplius de eo cogitarit. Et David ajebat, se non solum peccatum, sed omnes ad *iniquitatem vias*, & semitas *odio habuisse*. Atque in hoc vera animæ rejuvenescens, quam idem Propheta renovationi aquilæ comparat, consistit.

Ut autem ad hanc, quam dixi, apprehensionem & contritionem pertingas, in sequentibus te meditationibus serio exerceas, oportet: quæ si rite, debiteque exerceantur, non solum peccatum, sed & primarias quasque erga ipsum affectiones concurrente Dei gratia, ex animo tuo eradicabunt. Nam ad hunc eas usum, & finem præcipue, & expresse concinnavi. Tu vero eas consequenter, unam post aliam, uti eas assignavi, usurpabis, sed unam duntaxat qualibet die capiendo: quam mane, si fieri potest, insti-
tues (hoc enim tempus est ad quaslibet spi-
ritus actiones, & exercitia peragenda maxi-
me

me opportunum) eamque deinde per reliquum diei tecum ruminabis. Si vero nondum nosti, qua ratione te meditari oporteat, legito ea, quæ in secunda Operis hujus parte scribentur.

C A P U T I X.

MEDITATIO PRIMA.

De Creatione.

I. Colloca te in DEI præsentia.

II. Illum ora, ut tibi inspiret cogitanda.

CONSIDERATIONES, ET PUNCTA.

PRIMO considera: nonnisi tot annos effluxisse, ex quo in mundo esse cœpisti, & ante quos in eo non eras; & esse tuum, merum fuisse nihil. Ubinam eramus, anima mea, ante illud tempus? Tanto jam tempore mundus duraverat, & steterat, nullaque prorsus adhuc nostri erat mentio.

Secundo: Deus ex hoc nihilo prodire te fecit, & eduxit, ut tibi daret id, quod es; non quod te opus haberet, sed duntaxat e sola sua misericordia, & bonitate.

Tertio: considera Esse, quod Deus tibi dedit; est enim id primum Esse mundi visibilis, & vitæ sempiternæ, perfectæque cum divina Majestate unionis capax.

Af-

Affectus, & Proposita.

Primo, humilia te profunde coram Deo,
 & dic cum Vate Regio: *Ego velut nihil
 um ante te Domine;* & quomodo recorda-
 tus es mei, ut me crearis. Eras, o anima
 mea! in antiquum illud nihil absorpta, &
 etiamnum absorpta esses, nisi Deus inde te
 eduxisset, & quid, quæso, in illo nihilo
 ageres?

Secundo: age Deo gratias, dicens: o
 quantum tibi, o magne, & benefice Crea-
 tor! debedo, quod me in nihilo meo quære-
 re dignatus sis, ut me per misericordiam
 tuam faceres eam, quæ modo sum. Quid,
 quæso, unquam faciam, ut digne, & pro-
 ut oportet, nominis tuo magno benedicam,
 & immensæ bonitati tuæ æquivalentes gra-
 tias agam?

Tertio: confunde te; sed eheu! Crea-
 tor mihi adeo me tibi per amorem, & obse-
 quiū non univi, ut per inordinatos, & ef-
 frænes appetitus, & affectus malos plane me
 tibi rebellem ostenderim, a te recedens, &
 me subducens, quo peccato adhærerem, non
 magis bonitatem tuam honorans, & reve-
 rens, quam si Creator meus non existisses.

Quarto: dejice te coram Deo. Noris,
 o anima mea! Dominum tuum, esse Deum,

ipse fecit te, non tu teipsum, opus manuum
tuarum sum Domine.

Quamobrem nolo posthac amplius in
memetipsa mihi complacere, ut potest quae a
parte mea nihil sum. Quid superbis pulvis,
& cinis? Imo vero merum nihil, quid te
exaltas? Utque me humiliem, hoc, & hoc
facere volo, tales, & tales contumelias, vi-
lipendia, vituperia tolerare, vitam mutare,
Creatorem meum posthac sequi, & adhære-
re, meque ob id Esse, quod mihi dedit, fe-
licem & honoratam reputare, ipsum ad vo-
luntati ejus totaliter obsequendum impendens,
idque per media, quae mihi suggerentur, &
quae a Patre meo spirituali sciscitabor.

C O N C L U S I O.

Primo: gratias age Deo. Benedic anima
mea Dominum, & omnia quae intra me sunt,
nomini sancto ejus: ejus namque bonitas e
nihilo me eduxit, & misericordia ejus crea-
vit me.

Secundo: offer. Offero tibi, Deus me-
us, ex toto corde meo id Esse, quod ante
mihi dedisti, ipsumque tibi dedico, & con-
secro.

Tertio: ora. Corrobora, & conforta
me, Deus, meus, in hisce affectibus, &
propositis meis, tu eos, o Sanctissima Vir-
go!

ge! filii tui misericordiæ commenda, uti & omnes illos, pro quibus orare teneor, &c.

Pater noster, Ave Maria.

Oratione absoluta, paululum obambulando, parvulum devotionis fasciculum econsiderationibus, quas perpendisti, tibi colligito, quem deinde toto diei tempore olfacias, & naribus velut admoveas.

C A P U T X.

MEDITATIO SECUNDA:

De fine, ob quem conditi sumus.

I. In DEI conspectu te constitue.

II. Eum precare, ut tibi cogitanda inspireret.

CONSIDERATIONES, ET PUNCTA.

PRIMO: non ideo te Deus hoc in mundo constituit, quod in aliquo te opus haberet, quæ ei prorsus inutilis es; sed tantum ut suam in te bonitatem exerceret, suam tibi gratiam, & gloriam tribuendo. Idcirco tibi dedit intellectum, ad eum cognoscendum; memoriam, ut per hanc illius recordareris; voluntatem, ad eum amandum; imaginationem, ut hujus ope, & adminicu-

Io , illius tibi beneficia repræsentares ; oculos, ad operum illius mirabilia . contemplanda ; linguam, ad eum laudandum, ac sic de reliquis facultatibus.

Secundo : cum hac de causa creata , & in hoc mundo collocata sis , omnes , quæ huic directe contrariantur, actiones rejiciendæ tibi sunt , & evitandæ , quæque ad finem hunc assequendum nihil omnino conducunt , ceu vanæ & superfluæ contemnendæ.

Tertio : considera mundi hujus , & mundanorum miseriam , ac cæcitatem , utpote qui de hoc ne cogitant quidem , verum ita vivunt , perinde ac si crederent , non ad aliud se conditos esse , quam ad domos construendas , arbores plantandas , & nugas agendas.

Affectus , & Proposita.

Primo : confunde te , suam animæ tuæ miseriam , & cæcitatem reprobrando ; ut potestate quæ tanta antehac fuit , ut de his omnibus raro , aut fortasse nunquam cogitarit. Ah ! (inquies) quid cogitabam , Deus meus , cum de te non cogitabam ? Cujus rei recordabar , cum tui obliscebar ? Quid , quæso , amabam , cum te non amabam ? Ipsa veritate , eheu ! refici , & pasci debebam , & mera me implebam vanitate , munda-

doque serviebam, qui tamen ad mihi servendum factus est.

Secundo: vitam transactam detestare. Renuntio vobis, o vanæ, & inutiles cogitationes; abrenuntio vobis detestabiles, & frivolæ recordationes; repudio vos, amictiæ infidæ, & perfidæ, obsequia amissa, & infelicia, gratificationes ingratæ, & complacentiæ displicentes, & molestæ.

Tertio: convertere ad DEUM. Tu vero, o Deus & Servator meus! posthac unicum cogitationum mearum objectum eris; & nunquam ullis cogitationibus, quæ tibi displicant, animum meum sinam intendere; & memoria mea, quoad vivam, nihil nisi bonitatis tuæ tam benigne erga me exercitæ magnitudinem pervolvet. Tu eris unice cordis mei deliciæ, & affectuum meorum dulcedo.

Itaque tales, ac tales nugæ, & inaniæ, quibus me applicabam; talia, & talia vana exercitia, quibus me integros dies impendebam; tales, & tales affectus, qui animum, & cor meum prorsus ad se rapiebant, posthac mihi horrori erunt: atque hunc ad finem his, & illis remediis utar.

C O N C L U S I O.

Primo: Deo gratias age, qui ad tam excellentem finem te creavit. Fecisti me Do-

mine propter te, ut gloriæ tuæ immensitate æternum fruar: quando vero eadem digna ero, & quando te, prout oportet, & officium meum exigit, benedicam?

Secundo: offer. Offero tibi amantissime Creator meus omnes hosce affectus, & proposita, idque ex tota anima mea, & toto corde meo.

Tertio: roga. Rogo te, Domine, ut suspiria, & vota mea tibi placeant, sanctamque benedictionem tuam animæ meæ impertias, ut hæc eadem adimplere possit, idque per sanguinis filii tui in cruce effusi meritum, &c.

Pater noster, Ave Maria.

Concinna fasciculum devotionis, ut supra.

C A P U T X I .

M E D I T A T I O T E R T I A .

De Divinis Beneficiis.

P R Ä L U D I A .

I. DEO te præsentem siste.

II. Eum roga, ut tibi cogitanda inspireret.

CONSIDERATIONES, ET PUNCTA.

Primo: considera dona, & beneficia corporalia, quæ Deus tibi dedit, quale mi-

m̄irum corpus, qualia ad ipsum sustentandum media, & commoditates, qualem sanitatem, quales consolationes ei licitas, quales amicos, qualia subsidia. Sed dum hæc consideras, considera simul tam multos alios, qui plures & digniores, quam tu sunt, & tamen hisce beneficiis destituuntur; horum namque alii corpus habent mancum, alii valetudinem infirmam, alii membra luxata, & fracta; alii opprobriis, contemptui hominum, & ignominiae expositi sunt; alii paupertate premuntur, te autem Deus adeo misserum, & abjectum esse noluit.

Secundo: perpende dona animi tui, & quam multi in mundo sint stupidi, furiosi, & insani: cur autem tu de horum numero non es? quia Deus tibi benefacere voluit. Quam multi item sunt, qui inter agrestes, & tumma in rerum infelicitate sunt educati; Divina autem benignitas, & providentia disposita, ut tu civiliter, & honeste educareris.

Tertio: perpende tecum Philothea beneficia spiritualia. Es namque de numero filiarum Ecclesiæ, jam inde a pueritia sui notitiam Deus tibi tradidit, quoties te Sacramentorum suorum fecit participem? Quoties tibi inspirationes bonas, & illustrationes internas dedit? Quoties, quo vitam emendas, te coarguit, ac reprehendit? Quoties tua peccata tibi condonavit? Quoties e præ-

sentissimo pereundi, in quod te conjeceras, periculo te eduxit? Et omnibus illis annis transactis, an non vel aliquod otium, & commoditatem habuisti, ad in animæ tuæ bonis proficiendum? Vide ergo singillatim, & enucleate, quam tibi Deus benignus, & beneficus fuerit.

Affectus, & Proposita.

Primo: DEI bonitatem admirare, quam Deus erga me bonus est, quam cor tuum, Domine, dives est in misericordia, & in benignitate liberale. Narremus in æternum, anima mea, quanta is nobis beneficia contulerit, & fecerit.

Secundo: tuam admirare ingratitudinem. At quid ego sum, Domine, ut tu mei memoriæ habeas? Ah! quanta mea indignitas! beneficia tua pedibus quodammodo proculcavi, gratias tuas inhonoravi, iis ad supremæ tuæ bonitatis abusum, & contemptum usum; & ingratitudinis meæ abyssum, abyssum gratiæ, & favoris tui ex adverso objeci.

Tertio: excita te ad gratitudinem. Eja ergo, cor meum, magno huic benefactori tuo noli esse infidele, ingratum, & perfidum; Quid? Nonne ex hoc momento Deo subiecta erit anima mea, qui in me tot mirabilia, & beneficia est operatus?

Quarto: corpus itaque tuum, Philothea, ab his, & illis voluptatibus sequestra, & Dei econtra obsequio illud mancipa, ut potè qui tanta illius causa præsttit: animam vero tuam ad illum cognoscendum, & agnoscendum applica, idque per talia, & talia exercitia, quæ ad hoc requiruntur. Et quæ sunt in Ecclesia ad tui salvationem, & Deum amandum media instituta, studiose, & diligenter usurpa, hinc orationem frequento, & sancta Sacra menta, sanctum Dei verbum audiam, inspirationes, & consilia divina usurpabo.

C O N C L U S I O.

Primo: gratias age Deo, quod tibi jam eorum, quæ illi præstare teneris, nec non omnium beneficiorum ante receptorum, notitiam dederit.

Secundo: offer illi cor cum omnibus propositis tuis.

Tertio: precare, ut robur tibi det, ad eadem fideliter practicanda, idque per meritum mortis filii ejus; præterea B. Virginis, & omnium Sanctorum patrocinium implora.

Pater noster, Ave Maria.

Collige fasciculum spiritualem, ut supra.

CAPUT XII.

MEDITATIO QUARTA.

De Peccatis.

P R A E L U D I A.

*I. Constitue te coram DEO.**II. Illum roga, ut tibi cogitanda inspiret.*

CONSIDERATIONES, ET PUNCTA.

PRIMO: considera, a quanto jam tempore peccare incœperis, & quantum jam inde a primo illo principio peccata in corde tuo multiplicata sint, & quomodo singulis diebus illa contra DEUM, temetipsum, & proximum, operé, verbo, desiderio, & cogitationibus adauxeris.

SECUNDO: revolve pravas tuas inclinations, & quomodo eas sis secuta. Et ex hisce duobus punctis notabis, peccata tua, & culpas super capillos capitum tui, quin & super arenam, quæ est in littore maris, esse multiplicata.

TERTIO: peccatum ingratitudinis erga DEUM separatim considera; quod nimurum est peccatum generale, se per omnia alia peccata diffundens, eaque infinites enormiora, & graviora reddens. Vide ergo, quotnam tibi

tibi Deus beneficia præstiterit, te vero omnibus contra donatorem, & collatorem tuum abusum esse, atque in primis, quot sanctas inspirationes neglexeris, quot sanctos DEI instinctus inutiles, & frustraneos reddideris. Et (quod majus est) quoties Sacra menta tanta suscepisti, & ubinam sunt eorum fructus? Ubinam pretiosa illa monilia, quibus dilectissimus sponsus tuus te condecoraret? Omnia hæc sub iniquitatibus tuis tecta delituerunt. Qua etiam præparatione animi eadem recepisti? Perpende tecum hanc ingratitudinem, quod cum Deus tam impense te consecratus sit, ad te salvandum, tu semper ab illo aufugeris, in interitum tuum properans.

Affectus, & Proposita.

Primo: ob miseriam, & indignitatem tuam erubesce, & confundere. Quomodo, o Deus meus! in conspectu tuo comparere audebo? Eheu! non sum nisi mundi apostema, & ingratitudinis, & iniquitatis sentina, fierine potest, adeo me perfidum fuisse, ut ne unus quidem sensus meus, una quoque animæ meæ potentiarum fuerit, quam non inquinarim, violarim, corruperim; ac ne unus quidem vitæ meæ dies effluxerit, quo non pravos affectus produxerim? Itane me Creatoris mei beneficia remunerari, & effusa

so Redemptoris mei sanguini respondere, & par pari referre oportebat?

Secundo: veniam roga, & ad Domini pedes te, perinde ac filius quidam prodigus, Maria quædam Magdalena, & tanquam mulier illa plurimis adulteriis infamis, abjiciens dic: Miserere Domine indignissimæ hujus peccatricis, ah! vive compassionis fons, misereat te misellæ hujus prævaricatricis.

Tertio: vitæ emendationem propone. Non amplius, Domine! non amplius posthac me peccato tradam, & explicabo. Eheu! nimis quam multum ipsum haetenus amavi; jam vero ipsum detestor, teque amplector, tibi, o Pater misericordiæ, volo vivere, & in te mori.

Quarto: quo præterita peccata deleam, ultronee, & animose me accusabo; & ne unum quidem relinquam, quod non expellam, & effugem.

Quinto: faciam, quidquid possum, ad fibras ejus e corde meo penitus evellendas, ac præsertim talium, ac talium, quæ mihi plus molestiarum inferunt, & maxime infestant.

Sexto: quo autem melius id faciam, amplectar constanter omnia, quæ mihi suggestur consilia, & monita, & nunquam sat me fecisse putabo, ad tam ingentes, & graves defectus reparandos.

CON.

C O N C L U S I O.

Primo: gratias age DEO, qui te usque in hanc horam tam patienter expectavit, & bonos hos affectus suggessit.

Secundo: cor tuum illi offer, ad eos opere exequendos.

Tertio: eum precare, ut tibi ad eosdem fideliter practicandos vires det, idque per meritum filii ejus: invoca quoque B. V. & Sanctorum patrocinium.

Pater noster, Ave Maria.

Collige fasciculum spiritualem, ut supra.

C A P U T X I . I .

MEDITATIO QUINTA.

De Morte.

P R Ä L U D I A.

I. Constitue te in præsentia DEI.

II. Illius gratiam exposce.

III. Imaginare te præ morbi gravitate ad extrema redactam in lecto mortali decumbe-re, adeo ut nulla tibi spes evadendi afful-geat.

CONSIDERATIONES, ET PUNCTA.

Primo: considera incertitudinem diei mor-tis tuæ. Semel te, o anima mea! ex hoc cor.

corpo emigrare oportebit. At quando hoc continget? In hyeme, an in æstate? In urbe, an rure? noctu? An interdiu? Improvisone? An exspectato, & advertenter? An hoc e morbo? An morte casuali? Otimne, ac tempus peccatorum confessionis instituendæ tibi erit, an non? Confessarium, aut Patrem tuum spiritualem apud te habebis an non? Horum omnium, eheu! nihil certo scimus. Hoc duntaxat certum est, nos morituros, & semper opinato celerius, & citius.

Secundo: considera, mundum hunc, quod ad te spectat, tum finendum, & illius tibi quidem nihil tunc amplius reliquum fore, illum ante oculos tuos invertendum, & tamen in se permansurum. Et vere: etenim voluptates, vanitates, mundana gaudia, & vani affectus, tunc tibi ceu inania phantasmatæ, & evanidæ nubeculæ videbuntur. Ah miseria! quasnam ob nugas, & chimeras Deum meum offendì! nam videbis tunc nos Deum propter nihil dereliquisse. Devotio, & bona opera e contra, tunc tibi valde desiderabilia, & dulcia videbuntur. Cur autem amœnam, & jucundam hanc vitam non sum secuta? Tunc quoque peccata, quæ exigua ante videbantur, montium instar vasta, & gravia videbuntur, & devotio vero tua nimis quam exigua.

Ter.

Tertio: perpende tecum magnum illud, & triste supremum vale, quod anima tua mundo huic inferiori dabit: Valedicet siquidem divitiis, vanitatibus, & inanibus fodali-tiis, voluptatibus, lusibus, recreationibus, amicis item, & vicinis, consanguineis, filiis, marito, uxori, denique omnibus omnino creaturis; summa, etiam corpori suo: quod pallidum, horridum, luridum, deformē, & putridum relinquet.

Quarto: quam omnes satagent, & serio se accingent, ad exsangue illud corpus inde amovendum, & in terræ visceribus abscondendum; & illo jam sepulto, vix ullum amplius de te cogitaturum, nec amplius ullam tui memoriam fore, perinde atque tu vix unquam de aliis mortuis, dum viveres, cogitasti. Dicent quidem de te: *Requiescat in pace*; dein nihil amplius. Quam, o mors! digna es, quæ perpendaris? quam vero ipsa immitis, & implacabilis es!

Quinto: cogita animam corpore jam egredientem, viam suam ingredi, sive ad dexteram, sive ad sinistram. Ah! quoniam abibit tua? Quamnam inibit viam? Non aliam certe, quam illam, quam in hoc mundo inire cœpit.

Affectus, & Proposita.

Primo: ora DEUM, teque intra brachia ejus conjice. Tu me, quæso, Domine! pro die illa tremenda, in tuam protectionem, & tutelam recipe, fac obsecro, mihi horam illam felicem, & favorabilem; reliquæ vero omnes vitæ horæ potius mihi tristes sint, & amarae.

Secundo: mundum despice. Cum horam nesciam, qua tu mihi, o mundo! relinquendis sis, nolo posthac amplius tibi adhærere. Sinite me, quæso, charissimi amici, affines, & contubernales mei, vos posthac non alio affectu, & amicitia prosequi, quam sancto, qui in æternum durare queat, ad quid enim tali amicitia vobis uniar, & conjungar, ut vinculum, & unionem ejus postea cogamur abrumpere?

Ad hanc horam ergo me præparare volo, & eam solitudinem, & diligentiam adhibere, quæ ad transitum illum feliciter facendum requiritur. Conscientiæ meæ statum, quantum mihi possibile erit, in tuto collocare, & tales defectus emendare mihi propositum est.

C O N C L U S I O.

Deo Optimo Maximo ob hæc proposita, quæ tibi suggestæ, gratias agito; Maje-
sta.

statique ejus eadem offerto: eum quoque roga, ut mortem tuam felicem reddat.

Beatæ Virginis, & Sanctorum opem ad hoc implora.

Pater noster, Ave Maria.

Fasciculum myrræ hic tibi colligo.

C A P U T X I V.

M E D I T A T I O S E X T A.

• De Judicio.

P R A E L U D I A.

I. Imaginare te coram D E O consistere.

II. Eum roga, ut cogitanda tibi inspirare dignetur.

CONSIDERATIONES, ET PUNCTA.

Primo: tandem post tempus, quod Deus mundi hujus durationi præfivit, evolutum, postque plurima signa, & horrenda præsagia, & prænuntia, quibus viis homines arescent præ horrore, & pavore; ignis instar diluvii super adveniens universam terræ superficiem ita comburet, atque in cineres rediget, ut nihil eorum, quæ jam in illa videmus, ab eo futurum sit immune, & excipiendum.

51 INTRODUCT. AD VITAM SPIRIT.

Secundo : post hoc flammorum , & fulminum diluvium , homines omnes (præter eos , qui jam resurrexere : e terra redivivi resurgent , & ad vocem Archangeli in valle Josaphat comparebunt ; sed quo eheu cum discrimine ? Nam hi quidem in gloriosis , & fulgidis ibi apparebunt corporibus , alii in fœdis , & horrendis .

Tertio : perpende Majestatem , in qua summus ipse Judex adyeniet , omnibus enim Angelis , & Sanctis erit circumdatus , & ante se habebit crucem suam sole ipso rutilantem , quæ gratiæ signum erit bonis , indignationis , & rigoris improbis .

Quarto : supremus hic Judex terribili jussu suo , qui quam primum etiam executioni mandabitur , bonos sequestrabit a malis , illos quidem ad dextram suam , hos ad sinistram collocaturus . Æterna hæc separatio erit , & post illam nunquam amplius utraque hæc pars invicem videbunt , aut unum in locum convenient .

Quinto : sequestratione hac peracta , & libris conscientiarum apertis , liquido patebit hinc improborum inalitia , & quo Deum contempsero , neglectus ; illinc vero proborum pœnitentia , gratiæ a Deo acceptæ effetus : adeo ut nihil illic absconditum futurum sit . Quantam illi quidem , Deus bone !

ibi

ibi sentient confusio[n]em, hi vero consola-tionem!

Sexto: perpende tecum supremam Judi-cis adversus reprobos sententiam: *Ite male-dicti in ignem æternum, qui paratus est dia-bolo, & Angelis ejus.* Quæ verba adeo gravia mature, & exakte tecum velim examines. *Ite*, inquit, est id verbum per-petuæ rejectionis, qua Deus hujusmodi sceleratos a se rejicit, æternum eos a facie sua alegans, & effugans. Dein, vocat eos maledictos: quam gravis, o anima mea! hæc est maledictio? maledictio est generalis, quæ omnia, quotquot sunt, in se[m]e mala complectitur: maledictio irrevocabilis, quæ omnia tempora, quin & ipsam æternitatem involuit. Addit: *in ignem æternum: con-sidera, & intuere, o anima mea!* longam hanc æternitatem. *Quam, o æterna pœnarum æternitas, terribilis tu es, & horrenda?*

Septimo: contrariam, quæ in bonos feretur, sententiam considera. *Venite, inquit Judex* (est hoc suave verbum salutis, quo Deus nos ad se trahit, atque intra bonitatis suæ sinum recipit) *Benedicti Patris mei.* O chara, & optabilis benedictio! quæ omnem benedictionem complectitur. *Possidete para-tum vobis regnum a constitutione mun-di.* Hem! quantum hoc, Deus bone! bene-

53 INTRODUCT. AD VITAM SPIRIT.

ficium est; nam regnum hoc nunquam habebit finem.

Affectus, & Proposita.

Primo: contremiscas, & paveas o anima mea! dum hæc recordaris. *Quis, o Deus meus!* pro die illa securam me reddat, in qua columnæ cœli præ pavore contremiscant?

Secundo: peccata tua detestare, quæ sola te in horrenda illa die perdere, & damnare possunt. Jam me hic dijudicare volo, ut ibi non judicer: jam conscientiam meam examinare, meque condemnare, accusare, & emendare, ne me Judex in terribili illo die condemnet, quocirca jam confitebor, & salutaria, necessariaque consilia amplectar, &c.

C O N C L U S I O.

Deo gratias age, qui tibi modum, & occasionem suggessit salutis tuæ in diem illum assecurandæ, nec non tempus pœnitentiae faciendæ concessit.

Cor tuum, ad illam faciendam illi offer.

Illum ora, gratiam tibi debite officio tuo fungendi concedat.

Pater noster, Ave Maria.

Collige fasciculum.

C A P U T X V.

MEDITATIO SEPTIMA.

De Inferno.

P R A E L U D I A.

I. Finge te coram divina Majestate constitutam esse.

II. Humilia te, ejusque opem implora.

III. In imaginatione tibi depinge urbem quandam tenebrofam, sulphure, & pice graveolenti undique ardentem, & civibus egredi ex illa non valentibus plenissimam.

CONSIDERATIONES, ET PUNCTA.

Primo: damnati in infernali abyssō perinde sunt constituti, atque in urbe illa infortunata, quam nobis depinximus, in qua ineffabilia in omnibus sensibus, & membris suis tormenta patiuntur, nam sicuti omnes sensus suos, & membra peccato impenderunt, ita & in omnibus membris, & sensibus poenas peccato debitas sustinebunt: oculi quidem, propter lascivos, & vetitos aspectus, horribili cacodæmonum intuitu, & inferni visione torquebuntur: aures vero, quod e rerum vetitarum, & improbarum auditione voluptatem ceperint, aliud quam comploratus, lamenta desperantium, indignationes non audient, & sic de cæteris.

Secundo : præter omnia illa tormenta sensuum esse aliud longe gravius ; ipsa inquam gloriæ cœlestis carentia , & amissio , a qua in æternum exclusi sunt , quamque nunquam videre dabitur ; si enim Absalon amabilis , & gratiosi vultus patris sui David carentiam exilio suo graviorem , & amariorum duxit ; quam , Deus bone , amarum , & triste erit suavi , & amabili vultu , ac conspectu tuo æternum privari .

Tertio : perpende in primis , & quam maxime tormentorum tuorum æternitatem , quæ sola infernum reddit intolerabilem ; si enim vel pulex , qui in aurem irrepsit , si modicæ febriculæ æstus brevem noctem , longam adeo , & molestam tibi videri facit , quam sane erit terribilis illa æternitatis nox , tot tormentis comitata ? Ex hac autem æternitate nascitur æterna desperatio , blasphemia , & infinita rabies .

Affectus , & Proposita.

Animam tuam perterrefac verbis illis :
Poterisne , o anima mea ! habitare in æternum cum ardoribus illis sempiternis , & cum igne illo devorante ? Quid ? Deumne tuum in æternum deserere , & amittere cupis ?

Confitere , id te aliquando promeritam esse , & quidem toties , porro posthac aliam

viam inire volo , cur enim in abyssum illam descendam ?

Ergo , hoc , & illo modo peccatum , quod solum mihi mortem hanc æternam adferre potest , evitare conabor.

Gratias age , teipsum offer , & precare , ut supra.

C A P U T X V I.

MEDITATIO OCTAVA.

De Cœlo.

P R Ä L U D I A.

I. Constitue te in DEI præsentia.

II. Opem divinam implora.

CONSIDERATIONES , ET PUNCTA:

Primo: considera noctem quandam serenam , & stellis toto cœlo collucentibus claram ; & cogita , quam jucundum sit vide re cœlum tanta siderum multitudine , & varietate distinctum. Conjunge jam hujus noctis pulchritudinem cum pulchritudine sudi , & sereni cujusdam diei , adeo ut ipsa solis claritas apertum stellarum , & lunæ visum non impedit ; ac deinde apud temetipsam audacter dicio , omnem hanc pulchritudinem simul conjunctam nihil esse , si cum pul-

christudine, & execellentia cœli comparetur. Ah! quam locus ille desiderabilis, & optabilis est! quam civitas ille pretiosa!

Secundo: considera civium, & beatæ illius civitatis incolarum nobilitatem, pulchritudinem, ac multitudinem, millions illos millionum Angelorum, Cherubinorum, & Seraphinorum; copiam illam Apostolorum, Martyrum, Confessorum, Virginum, ac sanctarum mulierum, quorum omnium numerus est innumerabilis. O quam societas illa beata, & felix est! quorum minimum videre delectabilius est, quam universum simul mundum, quid ergo erit, videre omnes simul? Sed, o Deus bone! quam illi felices sunt! semper quippe canunt suave amoris æterni canticum, semper in constanti lætitiae, & non interrupta gaudio agunt, inexplicabilem sibi mutuo adferunt lætitiam, & beatæ, & indissolubilis cujusdam societatis consolacione fruuntur.

Tertio: cogita denique, quantum eorum omnium sit bonum, quod Deo fruantur, qui jucundissimo suo conspectu eos æternum beat, & recreat, atque inde quandam in animos eorum deliciarum, & gaudiorum abyssum instillat. Ecquod enim est bonum, suo semper Principi adesse? Sunt ibi quoque, sicut beatissimæ quædam aves in aere, cœloque divinitatis (a quo undequaque in-

credilibus deliciis perfunduntur, & circum-
dinguntur) perpetuo volitantes, & cantil-
lantes. Ibi quisque certatim, & sine ulla
æmulatione, quam potest optime Creatoris
sui laudes decantat, dicens: Esto in æter-
num benedictus, dulcissime, & supreme
Creator, & Salvator noster, qui adeo no-
bis bonus es, tuamque gloriam nobis tam
liberaliter communicas. Ipse quoque Deus
vicissim reciproceque Sanctos suos omnes per-
petua quadam benedictione benedit. Bene-
dictæ vos in æternum, charissimæ creaturæ
meæ, quæ mihi in vita servivistis, meque in
perpetuum tam magno cum amore, & ani-
mo laudabitis.

Affectus, & Proposita.

Primo: admirare, & lauda patriam hanc
cœlestem, dicendo: quam pulchra es, cha-
rissima mea civitas Jerufalem, & quam bea-
ti omnes, qui habitant in te!

Secundo: animo tuo pusillanimitatem,
& inertiam exprobra, quam hactenus præ-
tulit, a gloriose hujus habitationis via usque
adeo deflectendo. Ah! cur a summa felici-
tate, & beatitudine mea tam procul decli-
navi? Ah miseram me! propter voluptates
ita insipidas, & leves, millies, & millies
æternas, & infinitas illas delicias dereliqui.
Quis mihi tunc animus fuit, ut bona illa-


59 INTRODUCT. AD VITAM SPIRIT.

adeo desiderabilia contemnerem, quo adeo vanos, & contemptibiles appetitus, ac desideria exequerer?

Tertio: anhela nihilominus, magna cum animi intensione, ad requiem illam usque adeo deliciosam. At quoniam tibi, clementissime, & supreme Domine! gressus meos in viis tuis restituere jam & collocare placuit, nunquam amplius retrocedam, aut post tergum respiciam. Introeamus ergo, anima mea, introeamus in requiem illam infinitam; tendamus ad terram illam benedictam, quæ nobis promissa est, quid enim in Ægypto hac facimus? Ab illis ergo me rebus sequestrabo, quæ me ab hac via vel servocant, aut ab ea ineunda retardant.

Faciam item hæc, & hæc, quæ me ad eandem conducant.

Gratias age, offer, & precare.



C A P U T X V I I .

M E D I T A T I O N O N A .

Per modum electionis, & optionis
cœlestis gloriæ.

P R Ä L U D I A .

- I. *Imaginare te DEO præsentem esse.*
- II. *Humilia te coram illo, rogaque, ut tibi cogitanda inspiret.*

C O N S I D E R A T I O N E S , E T P U N C T A .

C Onsidera, & imaginare, te in aperto campo solam cum Angelo tuo custode, uti olim junior Tobias in Rages Medorum proficiscens, agere, & versari, eumque tibi ex terra sursum cœlum apertum cum omnibus voluptatibus, & deliciis, in meditacione de cœlo, quam jam instituisti, delineatis ostendere. Inferne vero, eum tibi infernum patentem cum omnibus iis tormentis, quæ in meditatione de inferno descripta sunt, demonstrare. Ubi ergo sic te coram Angelo tuo custode constitutam, & flectentem imaginata fueris:

Primo: cogita vere te medium inter cœlum, & infernum constitutam esse, & tam illud, quam hunc, ad te admittendam patere pro electione, quam ipsa facies.

Se.

61 INTRODUCT. AD VITAM SPIRIT.

Secundo: considera, electionem alterius, quam quis hoc in mundo fecerit, æternum in altero duraturam.

Tertio: tametsi utrumque ad te admittendam pateat, prout quidein tu optionem factura es; Deum tamen, qui paratus est aut hunc tibi dare ex justitia, aut illud e misericordia sua, desiderare, ut cœlum eligas, quin & Angelum tuum custodem omnimode huc te propellere, mille tibi a Dei parte gratias, mille subsidia, quorum ope in cœlum ascendere possis, offerendo.

Quarto: Dominus noster JESUS Christus e summo cœlorum ea qua est benignitate te aspicit, & quam blandissime invitat dicens: Intra dilecta anima mea in requiem æternam, conjice te intra bonitatis meæ brachia, quæ immortales illas delicias ex amoris sui abundantia tibi præparavit. Contemplare quoque internis oculis tuis Beatissimam Virginem Deiparam, maternè te invitantem, ac dicentem: Eja! dilecta mea, noli filii mei delicias aspernari, & tot suspiria mea, quæ tui causa æternam salutem tuam una cum ipso cupidissime desiderans emitto, parum morari. Vide etiam Sanctos te studiose exhortantes, tot Sanctorum animarum millions, te blande, amiceque invitantes, adeo nihil videre desiderantes, quam ut cor tuum cum suo aliquando coniunctum sit, quo

jun-

junctis animis Deum in omne ævum dilaudetis, tibique certo asseverantes, viam cœli non tam esse arduam, ac difficilem, quam eam mundus deiineat, ac comminiscitur. Eja age, inquiunt, dilectissima: quisquis via devotionis (qua nos huc ascendimus) intime perspexerit, certe per delicias mundanis deliciis incomparabiliter suaviores, ad hasce nos delicias pervenisse comperiet.

Quinto: ex hoc jam, & in æternum te detestor inferne, tua detestor tormenta, & suppicia, infortunatam, & infelicem tuam detestor æternitatem, atque in primis æternas illas blasphemias, & execrandas maledictiones, quas perpetim in Deum meum evomis: & cor atque animam meam versus te, o pulchrum cœlum, æterna gloria, felicitas duratura, convertens, æternum, & irrevocabiliter domicilium, & habitaculum meum in pulchris, ac sacris domibus tuis, atque in sanctis, & desiderabilibus tabernaculis tuis feligo. Laudo, & benedico, Deus meus! misericordiam tuam; & oblationem, quam mihi facere dignaris, admitto. Admitto, o JESU! Salvator meus, æternum amorem tuum, & acquisitionem loci, & domicilii aliquius, quam mihi in cœlesti illa Jerusalem comparasti, ratam habeo, & certe non propter aliud quid, quam ut te æternum amem, & jugiter benedicam.

Sexto: admitte favores, obsequia, & benevolentiam, quam Deipara Virgo, & Sancti tibi offerunt: promitte illis, contento cursu, & recta ad eos te properaturam. Manum quoque tuam ad Angelum custodem, ut te eodem conducat, extende, & animam tuam ad electionem hanc faciendam excita.

C A P U T X V I I I.

MEDITATIO DECIMA.

Per modum electionis, & optionis, qua anima vitam devotam sibi deligit.

P R A E L U D I A.

I. Constitue te in DEI conspectu.

II. Humilia te coram ipso, ejusque opem postula.

CONSIDERATIONES, ET PUNCTA.

PRIMO: finge te rursus cum Angelo tuo custode solam aperto in campo agere, & ad latus sinistrum videre te dæmonem in magno quodam throno elevato sedentem, plurimis spiritibus infernalibus stipatum, in circuitu autem ejus permagnam mundanorum hominum multitudinem, qui omnes capite denudato ipsum ut Dominum agnoscant, eique velut vasalli homagium præstent, hi qui-

quidem hoc, illi illo peccato. Vide omnium horum infelicium abominabilis hujus Regis clientum, & aulicorum agendi modum. Vide, ut alii quidem odio, invidia, iracundia rabient, & efferascent; alii se invicem occidunt; alii, quo opes coacervent, sordidi, luridi, cogitabundi sint, & effictim satagentes; alii in vanitatem toti intendant, & semper recreationem, & voluptatem consequentur, sed quæ inutilis, ac vana sic; alii denique in brutalibus suis affectibus, & appetitibus sordescant, perdantur, & velut computrescant. Vide, ut omnes hi requiem nullam habeant, nullo ferantur ordine, sed gestu, modoque incondito. Vide, ut se mutuo contemnant, & nonnisi ficto, simulatoque se invicem amore diligent. Videbis ergo hic calamitosam, & infelicem quandam rempublicam, cui maledictus hic Rex tyranice præsit, ut non possis ejus commiseratione non tangi.

Secundo: ad dextrum vero latus conspice JESUM Christum crucifixum, Patrem suum intimo, & cordiali cum amore pro missellis illis cacadæmonis clientibus deprecantem, ut tyrannico hoc egredi possint imperio, & eos e contra ad se vocantem, & invitantem. Conspicere præterea ingentem piorum, & devotorum hominum multitudinem una cum suis Angelis custodibus ipsum circum-

cumstantium Considera quoque regni hujus devotionis pulchritudinem ; quam enim jucundum , & volupe est , videre turbam illam virginum , virorum æque , ac fœminarum liliis candidiorem , ac societatem illam viduarum , sacra quadam mortificatione , & humilitate plenarum ! Vide item illam multorum conjugatorum , tam amice , & jucunde , & tamen mutuo cum honore , inter se se viventium (quod certe sine magna quadam dilectione fieri non potest) classem . Vide , ut devotæ illæ animæ domus suæ exterioris curam cum interioris conjungant , & amore mariti cum amore sponsi cœlestis copulent . Oculos tuos per omnia circumfer , & in omnibus sanctum , suavem , & amabilem quemdam agendi modum , & schema notabis , & eos omnes Domini verbis quam attentissime auscultantes , universos porro ita affectos , ut eum in cordis sui meditullio infixum habere vellent .

Gaudent illi quidem , sed gaudio gratiose , charitativo , & optime ordinato . Multo se diligunt , sed amore sacro ; & purissimo . Quotquot autem in devota hac turba angustiantur , & affliguntur , non multum propterea contristantur , aut a debito mentis statu , aut modestia dimoventur . Vide denique oculos Domini , ut ipse eos con-

soletur, utque vicissim illi omnes simul ad ipsum aspirent.

Tertio: jam inde ex hoc quidem die satanam, & execrabilem, & detestandam ejus catervam per bonos affectus, & proposita, quos jam concepisti, deseruisti nondum tamen ad Regem JESUM pervenisti, nec beatæ, & sanctæ ejus devotorum societati te adjunxisti, sed semper inter utrumque ducem, & in medio te continuisti.

Quarto: Deipara Mater una cum S. Josepho, S. Ludovicus Rex, S. Monica, & aliis plurimi eorum, qui in mundo vixere, te invitant, & animum addunt.

Quinto: Rex ipse crucifixus proprio te nomine compellans: *Veni, inquit, dilecta mea, veni, ut coronem te.*

E L E C T I O.

Primo: nunquam exinde amplius me o munde, & caterva abominabilis, sub tuis signis videbis. In perpetuum simul & semel vanitates, & insanias tuas falsas deserui. Ab renuntio tibi, o Rex superbiæ, Rex infelicitatis, spiritus internalis cum omnibus pompis tuis vanis, & cum omnibus operibus te detestor.

Secundo: ad te autem, o dulcissime JESU! æternæ felicitatis, & gloriae Rex convertens me ex totis animæ meæ viribus te

amplector, ex toto corde te adoro, amodo,
 & in perpetuum te in Regem meum eligo,
 & inviolabili fide mea irrevocabile tibi ho-
 magium, & obsequium præsto, meque san-
 ctarum legum, & præceptorum tuorum ob-
 servantiæ, obedientiæque subjicio.

Tertio: te quoque o sanctissima Virgo!
 dilecta Domina mea, hodie in ducem eligo,
 sub signa tua concedo, tibique me specialem
 quandam venerationem, cultum, & hono-
 rem delaturam spondeo.

Tu autem, o sanctissime Angele custos!
 sacræ huic societati, & catervæ me præsen-
 ta, neque me deseras, usque dum ad bea-
 tum illud contubernium perveniam, cum quo
 in electionis meæ signum dico, & semper
 dicam: *Vivat JESUS, vivat JES-*
SUS.

C A P U T X I X

Quomodo Confessio generalis instituenda sit?

HÆ sunt igitur, charissima Philothea, me-
 ditationes, proposito, & intentioni no-
 stræ necessariæ: quas ubi absolveris, & me-
 ditata fueris; intrepide in spiritu humilitatis,
 generalem tuam confessionem instituere inci-
 pe, hoc unum porro hic te rogo, ne ullo
 inani timore turberis, aut anxieris. Scor-
 pio,

pio, qui nos feriet, dum ferit, venenatus est; at in oleum liquatus praestans est adversus proprium morsum, & aculeum antidotum, ac remedium. Peccatum non aliter probosum, & infame est, nisi dum admittitur, at in confessionem, & pœnitentiam jam conversum, honorabile, & salutare est. Contritio quippe, & Confessio tam sunt salutares, tamque bene redolentes, ut peccati turpitudinem eradant, & illius fœtorem collant. Simon Leprosus Mariam Magdalenam dicebat esse peccatricem, at non sic Salvator, nec jam de commissis peccatis, sed tantum de unguento, quod effudit, deque magnitudine charitatis ejus loquitur. Si vere humiles simus, Philothea, infinite nobis peccatum nostrum displicebit, quod Deus per ipsum offendatur; at ejusdem accusatio suavis nobis erit, & jucunda, quod per ipsum Deus honoretur. Alleviamentum quoddam in morbo est malum, quo premeris, medico minutim detegere, & aperire. Cum ergo ante Patrem tuum spiritualem veneris, in monte te Calvariaz agere, & sub JESU Christi crucifixi pedibus consiltere fngito, eujus pretiosus sanguis undequaque effluit, & exuberat, ut te ab iniquitatibus tuis emundet, ac lavet. Nam tametsi ipsissimus Salvatoris JESU sanguis non sit, est tamen sanguinis ejus effusi meritum, qui pœ-

nitentes circum confessionalia abundantissime irrigat, lavat, & respergit. Bene igitur, ac sincere cor tuum adaperi, ut sic peccata per confessionem eodem egredi facias: nam quantum illa egredientur, tantum pretiosum passionis divinæ meritum illuc subingredietur, quo benedictione id repleat.

Verum simpliciter, candide, & sincere animi tui statum declara, & detege; & ubi semel rite confessa fueris, conscientiam tuam quieta, & tranquilla. Hoc facto, attende sedulo ad monita, & præscripta servi, & vicarii DEI, & dic in corde tuo: *Loquere Domine, audiat ancilla tua.* Et sane, o Philothea! Deum in eo loquentem audis, & auscultas, cum ipse vicarius suis dicat: *Qui vos audit, me audit.* Accipe deinde in manus sequentem protestationem, qua contritionem tuam terminabis, & concludes; quam prius perpenderis, & consideraris, oportet, attente porro, & quam poteris affectuolissime, & cordialissime eam legito.

C A P U T X X.

*Authentica protestatio, ad propositum D E O
serviendi in anima sculpendum, & pænitentia
actus concludendos.*

Ego subscripta, & coram D E O æterno,
atque universa curia cœlesti constituta,
post-

postquam immensam divinæ bonitatis misericordiam, quam in me indignissimam, & miserrimam creaturam exhibuit, dum me e nihilo creavit, hactenus conservavit, sustinuit, a tot periculis liberavit, totque beneficiis cumulavit, consideravi, atque imprimis postquam incomprehensibilem illam benignitatem, & clementiam perpendi, quia suavissimus ille Deus tam benigne me hactenus in meis iniquitatibus sustinuit, toties tamque amice bona mihi inspiravit, me invitans, ut vitam meam emendarem, ac tam patienter me ad pœnitentiam, & resipiscitiam exspectavit, idque usque ad hunc N. ætatis meæ annum, etsi ego me ex opposito tam ingratam, perfidam, & infidam ei exhibuerim, ut & conversionem meam differendo, & ejus gratias negligendo, eum tam imprudenter, stolidè, inconsulteque offendiderim: postquam denique consideravi, me tametsi in die, quo sacrum baptisma recepi, tam feliciter, ac sancte Deo meo oblata, ac dedicata fuerim, quo ejus filia fierem, toties, & toties contra professionem tunc nomine meo factam, tam perfide, & indigne spiritum meum profanasse, & violasse, eum contra divinam Majestatei usurpando, & impendendo; jam tandem intra me ipsam reversa, & corde, ac spiritu coram justitiæ divinæ throno prostrata, me legitime, rite-

que criminis læsæ Majestatis divinæ accusatam, & convictam, & mortis, ac passio-
nis JESU Christi ream, fateor, agnosco,
& assero, idque ob peccata, quæ commisi,
propter quæ illum mori, & crucis tormentum
subire oportuit, adeo ut propterea
digna sim, quæ in æternum peream, &
damner.

Sed ad infinitæ Dei hujus æterni misericordiæ thronum me denuo convertens, post-
quam scilicet jam ex toto corde, & omni-
bus viribus meis præteritæ vitæ scelera sum
detestata, supplex eorum veniam, remissio-
nem, & indulgentiam, cum integra, & to-
tali criminis mei abolitione, rogo, & depo-
sco; idque in virtute mortis, & passionis
eiusdem Domini, & Redemptoris animæ
meæ: qua, tanquam unico spei meæ fun-
damento nixa, sacram fidelitatis professio-
nem, & sacramentum, Deo meo olim in
baptismo nomine meo factam, rursus redin-
tegro, ac renovo, diabolo, mundo, &
carni renuntians, & pravas illorum sugge-
stiones, vanitates, & concupiscentias, pro-
toto hujus vitæ, & totius æternitatis tem-
pore detestans; meque ad benignum, & cle-
mentem Deum meum convertens, deside-
ro, propono, decerno, & irrevocabiliter
statuo, & modo, & in æternum ei servire,
& diligere; & hunc ad finem ei spiritum
me-

meum cum omnibus suis facultatibus, animam cum omnibus potentiis, cor cum omnibus affectibus, corpus denique meum cum omnibus sensibus suis do, offero, & dedico; promitto quoque, & spondeo, nulla me posthaec amplius Esse mei portione, adversus divinam ejus voluntatem, & supremam Majestatem (cui me in spiritu sacrifico, & immolo) abusuram; ut sic illi in perpetuum, fida, obediens, & fidelis creatura sim, nunquam ut hoc meum propositum revocare, ac dictorum pœnitere velim. Sed, eheu! si forte, vel inimici suggestione, vel ex aliquâ infirmitate humana, aliquapjam in re huic meo proposito, & oblationi me contingere, contrarium facere, & contravenire; jam inde ab hoc tempore protestor, & propono, mediante Spiritus Sancti gratia, quamprimum ac percepero lapsum, resurgere, de novo me ad divinam misericordiam sine ulla mora, ac dilatione convertendo. Hæc mea est voluntas, mea intentio, & inviolabile, & irrevocabile propositum meum, quod sine ulla restrictione, aut exceptione, coram Deo meo, & in conspectu Ecclesiæ triumphantis, atque in facie Ecclesiæ militantis matris meæ, quæ hanc meam declarationem, & professionem audit, & excepit, in persona ejus, qui, velut illius minister, in hac actione me audit, & auscultat, profiteor,

73 INTRODUCT. AD VITAM SPIRIT.

& confirmo. Tu autem, o æterne, omnipotens, & optime Deus meus! Pater, Fili, & Spiritus Sancte, hoc in me propositum confirmare, & cordiale hoc, & interius officium, atque obsequium meum in odorem suavitatis admittere dignare. Et sicuti ejus faciendi animam, ac voluntatem mihi dignatus es inspirare, ita quoque, ut mihi robur, & gratiam ad ipsum perficiendum, & adimplendum concedere digneris, supplex te rego. Tu, o Deus! es Deus meus, Deus cordis mei Deus animæ meæ, Deus spiritus mei: & ut talem te agnosco, & adoro, jam & in omnem æternitatem. *Vivat Iesus.*

C A P U T X X I.

Conclusio prima bujus purgationis.

HAc protestatione jam facta, attende, & cordis tui aures aperi, ut absolutionis tuæ, quam ipse met animæ tuæ Salvator, in misericordiæ suæ throno considens in cœlo, eoram omnibus Angelis, & Sanctis, eo ipso tempore, quo illius nomine Sacerdos hic in terra te absolvit, pronunciabit, sententiam, ac verbum in spiritu excipias, & audias. Adeo ut omnis hæc Beatorum turba de tua felicitate congaudens, & exultans spirituale incomparabilis cujusdam lætitiae canticum

can-

cantatura sit, atque universi pacis, & societatis osculum cordi tuo, jam gratiæ restituто, & sanctificato daturi sint.

En! charissima Philothea, mirabile quodam pactum, quo nimirum felicem cum divina ejus Majestate conventionem, & contractum inis: nam teipsum ei dando, illam tibi acquisiris, uti & teipsum, in vitam æternam. Aliud ergo jam non restat, quam ut calamum in manus accipiens, protestationis tuæ actum libenter, gratanterque obsignes, ac deinde altare adeas, ubi Deus vicissim tuam absolutionem, & promissionem, quæ tibi cœlum suum promittet, obsignabit, & sigillabit, semetipsum per Sacramentum suum, ut signaculum sacrum super cor tuum jam renovatum ponendo. Hoc pacto anima tua, Philothea (ut mihi quidem videtur) & a peccato, & ab omnibus peccati affectibus expurgabitur. At quoniam hi affectus tum propter infirmitatem, tum propter concupiscentiam nostram, quæ mortificari quidem potest, at non mori, quam diu hic in terra vivimus, in anima facile repullulant, & renascuntur; consilia quædam, & documenta tibi dabo, quæ ubi rite observaris, & a peccato mortali, & ab omnibus ejusdem affectibus in posterum te præservabunt, ne quem id deinde unquam in corde tuo locum habeat. Et quoniam hæc ipsa documenta

etiam in perfectiore quadam purificatione locum habent; hinc prius quam illa tibi proponam, aliquid tibi de perfectione, ad quam te cupio conducere, volo proponere.

Caput XXXI.

*Affectus erga peccata venialia expurgandi,
& eliminandi sunt.*

Quanto dies fit clarior, & altius ascendet, tanto in speculo vultus nostri maculas, & nævos clarius conspicimus: sic, quo internum Spiritus sancti lumen conscientias nostras magis illustrat, & illuminat, eo distinctius, & clarius peccata, inclinationes, & imperfectiones, quæ impedire nos possunt, quo minus ad veram devotionem pertingamus, inibi perspicimus. Et idem lumen, quod nos maculas has, & nævos videre facit, simul in nobis desiderium quoddam eosdem tollendi, nosque ab iis expurgandi excitat.

Ergo ejus adminiculo, charissima Philothea, habere te videbis in anima præter peccata mortalia, & affectus erga eadem (a quibus jam per exercitia superius assignata expurgata es) multas etiam inclinationes, & affectus erga peccata venialia. Non dico, te peccata venialia detecturam, & perspecturam, sed, affectus, & propensiones erga eadem.

dem. Porro magna est inter utrumque differentia: nam nunquam ex toto a venialibus puri, & mundi esse possumus, saltem ut diu in hac puritate vivamus, & maneamus; at possumus nullam erga venialia peccata propensionem habere. Etenim aliud est, semel aut iterum e quadam animi hilaritate, ac levitate in parvi momenti re mentiri; aliud, in mendacio sibi complacere, & erga hoc peccati genus affectum esse

Dico ergo jam animam expurgandam esse ab omnibus, quos erga peccata venialia habet, affectibus, id est: voluntatem in aliquo peccati venialis genere sponte permanendi, & perseverandi, voluntarie fovendam non esse. Et certe nimis quam magna negligentia foret, & socordia sponte nostra rem adeo Deo displicentem (uti est continua ei displicere volendi voluntas) in conscientia nostra conservare velle. Quoniam omne peccatum veniale, quantumvis parvum displicet Deo, tametsi usque adeo ei non displiceat, ut ob ipsum nos damnare, aut perdere velit, si vero veniale peccatum ei displiceat, voluntas certe, & affectus erga ipsum aliud non est, quam quoddam divinæ ejus Majestati displicere volendi propositum, fierine porro potest, ut anima timorata, & bona velit non modo Deo suo displicere, verum etiam displicere ei gaudeat?

Af.

Affectus hi, Philothea, devotioni direc-
tæ contrarij sunt, uti affectus erga lethale
charitati: etenim spiritus vires evigorant, &
elanguidas reddunt, consolationes divinas im-
pediunt, temptationibus ostium patefaciunt,
& quamquam animam non occidant, eam
tamen valde debilitant, & ægrotam reddunt.
Muscæ morientes, ait Sapiens, *corrumpunt*,
Et perdunt suavitatem unguenti. Dicere
vult, muscas, dum unguento vix insident,
sed ipsum nonnisi obiter, & volitanter deli-
bant, aliud non corrumpere, quam quod
inde sumunt, adeo ut quod reliquum est,
integrum maneat: at, cum in unguento
consident, & manent, ipsum destruere, de-
pravare, & insipidum reddere. Ad eundem
modum peccata venialia cum in animam de-
 votam incidunt; siquidem diu in ea non re-
maneant, non multum ei dñmni inferunt;
at, si in illa per affectum, quem erga ea-
dem concipit, diu remanent, unguenti, id
est: sanctæ devotionis, suavitatem haud du-
bie ipsum amittere faciunt.

Araneæ apes non enecant, ipsarum ta-
men mel corrumpunt, & destruunt, ipsa-
rumque favos telis suis prætextis irretiunt, ut
suum illæ opus prosequi, & perficere neque-
ant, tum vero id obtinent maxime, cum in
alveariis, & circa favos illæ commorantur,
sic peccatum veniale animam quidem nostram
non

non occidit; devotionem tamen corruptit,
pravisque habitibus, & propensionibus usque
adeo animæ potentias intricat, ut charita-
tem illam promptam, in qua tamen ipsa si-
ta devotio est, amplius exercere non possit.
Intelligendum vero hoc est, quando venia-
le peccatum stabilem in conscientia nostra
per affectum, quo erga ipsum afficimur, se-
dem figit. Nihil est, Philothea, parvum
aliquid mendacium dicere; nihil est in ver-
bis, actibus, aspectibus, vestibus, ornamen-
tis, lutiis, tripudiis aliquantulum decori,
ac debiti metas excedere; dummodo statim,
atque araneæ illæ spirituales in conscientiam
nostram irrepserit, eas expellamus, & elimi-
nemus, uti apes araneas corporales; at, si
eas in cordibus nostris sedem figere permit-
tamus, quin etiam eas libenter retinere, &
ut multiplicentur, gaudeamus, statim &
mel nostrum deperditum, & conscientiæ no-
stræ alveare virulentia infectum videbimus;
& destructum. Sed iterum dico, & repeto,
impar, & dissentaneum rationi est, animam
generosam gaudere Deo suo displicere, &
pro voluptate ducere illius inimicam, & ad-
versariam constitui, desiderare denique velle
id, quod iuli novit molestum, & inimicum
esse.

CAPUT XXXIII.

*Affectus erga res inutiles, & periculofas
effugandus, & pellendus est.*

Lusus, tripudia, convivia, comediae, ex se & in sua substantia minime mala, sed indifferentia sunt ; cum & bene, & male exerceri queant : tamen semper sunt in se periculosa, atque erga eadem affici etiam periculosius. Dico ergo, Philothea, esto, licitum sit ludere, tripudiare, ornare se, honestis interesse coœdiis, convivari ; tamen nimiopere erga eadem propendere, & affici, devotioni contrarium est, summopere noxium, ac periculo evidenti expositum. Non est malum, & illicitum, eadem usurpare ; sed malum, erga ipsa affici. Damnosum siquidem est, in cordis nostri agrotam vanos, stolidos affectus ferere ; cum illi bonarum affectionum locum occupent, atque impediant, quo minus animæ nostræ succus in bonas inclinationes impendatur.

Sic olim Nazaræi abstinebant non solum omni eo, quod inebriare poterat, sed uvis passis, & omphacio : Non quod uvæ, & omphacium inebrient, sed quod periculum esset, ne comedendo omphacium, uvarum comedendarum appetitus excitaretur, & uvas comedendo, musti, ac deinde vini bibendi cupidio sese insinuaret. Non dico autem,

tem, rebus his periculis nos uti non posse, sed nunquam erga easdem sine magno devotionis dispendio posse affici. Cervi, cum nimium pinguefiunt, secedunt, & intra spelæa sua sese abdunt, probe gnari suam sibi pinguedinem obesse, & oneri esse, adeo ut, si forte impeterentur, & comprehendenterentur, cursui inepti sint. Cor hominis inutilibus, superfluis, & periculis hisce affectibus sese onerans, haud dubie prompte, facile, & expedite ad Deum currere non potest, qui verus devotionis scopus est. Pueri impense afficiuntur, & insaniunt in papilioes; & vix ullus id in ipsis improbat, eo quod pueri sunt, at ridiculum non est, sed deplorandum, viros jam formatos, & plenos ætate enixim, & perdite in nugas adeo indignas ferri vide-re, uti sunt ea, quæ jam nominavi; quæ præterquam quod inutilia sunt, periculum creant, ne ipsorum confectione extra præscriptos limites feramur. Hos ergo affectus purges oportet, charissima Philothea: & licet illorum actus non semper devotioni adversentur, affectus tamen semper ei perniciosi, & noxii sunt.




C A P U T X X I V.

*A malis inclinationibus animus est,
expurgandus.*

Habemus præterea, Philothea, naturales quasdam inclinationes, quæ quia suam a peccatis nostris particularibus originem non habuere, hinc proprie peccata non sunt, nec mortale, nec veniale, sed imperfectiones appellantur, & ipsarum actus dicuntur defectus. Verbi gratia, Sancta Paula Romana, teste Sancto Hieronymo, magnam erga tristiam, & dolores inclinationem habebat, adeo ut in prolium, & conjugis sui morte animo ita dejiceretur, ut, ne præ dolore exspiraret, periculum foret. Erat hoc quædam imperfæctio, non vero peccatum; cum invita, & nolens ita animo contraheretur. Sunt, qui natura leves sunt; sunt, qui præfracti, & asperi, alii in aliorum sententia, & opinione admittenda perdifficiles, alii in indignationem, alii in choleram, alii in amorem propendent. Summa, quam paucissimos reperire est, in quibus non istiusmodi imperfectionum aliqua notetur. Etsi vero hæ unicuique velut propriæ, & naturales sint, contrario tamen affectu, & cura corrigi, & moderari possunt, imo vero se plane quis ab iis liberare, & expurgare potest:

&

& dico tibi, Philothea, debet. Inventa ratio est amygdalas amaras in dulces commutandi, si videlicet eæ in pede trunci perforentur, ut succus corticis illinc exstillet; cur ergo facere ipsi non poterimus, ut inclinationes nostræ perversæ egrediantur, quo meliores succedant. Nulla adeo bona indoles, & natura est, quæ non per habitus vitiōsos reddi queat mala: & vice versa, nulla adeo austera, & pervicax est, quæ primo per Dei gratiam, deinde per industriam, & diligentiam propriam domari, & exsuperari non valeat. Unde jam monita, & exercitia quædam tibi proponere incipiam, quorum adminiculo, & usu animam ab affectionibus periculosis, imperfectionibus, & omnibus erga peccata venialia propensionibus expurgare, & conscientiam tuam magis, & magis adversus omne peccatum mortale communire, & securam reddere poteris. Gratiā tibi det Deus ad eadem rite usurpanda.



INTRODUCTIONIS

P A R S S E C U N D A.

Varia continens monita, & consilia,
ut anima ad DEUM per orationem, &
Sacramentorum usum elevetur.

C A P U T I.

De Orationis necessitate.



Nihil est, quod magis intellectum
a suis ignorantii, & voluntatem
ab affectibus depravatis expur-
get, quam oratio, utpote quæ mentem, &
intellectum divina claritate, ac lumine illu-
strat, atque amoris cœlestis calore volunta-
tem incendit. Est namque ipsa velut aqua
benedictionis, quæ irrigatione sua bonorum
desideriorum nostrorum plantas reviviscere,
& florere facit, animas a suis purgat imper-
fectionibns, corda vero a suis liberat passio-
nibus.

Secundo: imprimis vero tibi consulo
orationem mentalem, ac cordialem, & eam
maxime, quæ circa vitam, & passionem
Do.

Domini nostri JESU Christi versatur: si enim s^æpe cum meditatione consideres, tota anima tua illo replebitur, illius modum agendi addisces, & ad exemplar & normam illius omnes actiones tuas conformabis. Ipse est lux mundi, in ipso ergo, per ipsum, & ob ipsum illustrari, & illuminari debemus: est item arbor desiderii, sub cuius umbra requiescere, & refrigerari nos oportet: est vivus fons Jacob, in quo omnes nostræ maculæ, & n^ævi ablui debent. Pueri, loquentes matres suas frequenter audiendo, & una cum ipsis balbutiendo, illarum linguam, & loqueland discunt. Sic nos apud Salvatorem nostrum per meditationem frequenter agentes, ac verba, actiones, & affectus ejus observantes, illius gratia juvante, discemus loqui, facere, & velle uti ipse. Hic pedem figamus oportet, Philothea: nec enim per aliam, quam per hanc ad Deum Patrem ire portam possemus. Nam sicuti speculi æquor vultum, & oculos nostros non referret, nec in se detineret, nisi retrorsum stanno, & plumbo inductum foret: ita nec divinitas in mundo hoc inferiore commode a nobis considerari posset, nisi sacræ Salvatoris nostri humanitati eadem foret conjuncta, & unita; hujus vero vita, & mors tale objectum, & materia sunt, ut nullum magis proportionatum, suavius, deliciosius,

& utilius eo in ordinariam nostram meditationem feligere possimus. Unde non frustra Redemptor noster, panis, qui de cœlo descendit, appellatur: nam sicuti panis cum quolibet cibo comedи debet; sic & Salvator in omnibus orationibus, & actionibus nostris meditari, considerari, & requiri. Vita, & mors ejus fuit in diversa puncta, ut meditationi accommodaretur, a variis authoribus divisa, distributa, & distincta; inter quos tibi in primis suadeo legas, S. Bonaventuram, Bellintantum, Brunum, Capilliam, Grantensem, & Ludov. de Ponte.

Tertio: quotidie horam unam ante prandium ei impende, & si fieri potest, mane, tunc enim spiritus tuus minus erit turbatus, & post nocturnam quietem vigorosior. Neque etiam plusquam horæ spatium ei impedito, nisi Pater tuus spiritualis expressim id tibi præcipiat, aut suadeat.

Quarto: si exercitium hoc in templo facere possis, & satis ibi tranquillitatis invenias, percommode certe id tibi erit, & facile; quod tibi nec pater, nec mater, nec uxor, nec maritus, nec aliis quislibet impedimento esse poterit, quo minus una hora in templo agas; cum, si alicui subjecta sis, horam tam liberam in domo tua tibi forsitan promittere non posses.

Quinto: omnem orationem, tam mentalem, quam vocalem a DEI præsentia inchoa, & hanc regulam semper sine ulla exceptione observa, & brevi videbis, quantum tibi ea imaginatio boni sit allatura.

Sexto: mihi credas, velim, Orationem Dominicam, Salutationem Angelicam, & Apostolorum Symbolum recitabis latine; sed quid eorum verba in lingua vernacula significant, bene ut intelligas, elabora: ut, etsi ea communi Ecclesiæ lingua recites, nihilominus admirabilem, & sapidum sanctorum harum orationum sensum gustare possis, quas ita percurres, ut simul cogitatione sensum illarum profunde rimeris, & affectum tuum circa eundem excites: neque etiam festines, ut multa dicas, sed elabores potius, ut, quidquid dices, ex corde, & affectuose diccas. Nam vel una oratio Dominicalis cum sensu, & attente recitata pluris valet, quam centum festinanter, & celeriter decursæ.

Septimo: rosarium utilissimus, & commodissimus orandi modus, & ratio est, dummodo id, sicut oportet, & convenit, legere noris: quod ut facias, fac habeas e libellis illis aliquem, qui ejus recitandi modum tradunt. Perutile quoque est, Litanias de Redemptore JESU, B. Virgine, & Sanctis legere; nec non eas omnes orationes vocales, quæ Manualibus, & officiis ap-

probatis continentur; ea tamen conditione, ut si orationis mentalis dñum habeas, ei semper primarium locum assignes, adeo ut, si post hanc absolutam, commode orationem vocalem facere nequeas, aut negotiorum multitudine obruta, aut alia qualibet de causa, non multum propterea crucieris, aut contristeris, sed satis tibi sit ante vel post meditationem solam Orationem Dominicam, Salutationem Angelicam, & Symbolum Apostolorum recitare.

Octavo: si orationem vocalem facis, corrutum ad interiorem, ac mentalem trahi, & allici senties, ne reluacteris, neque invita illi te applies, sed spiritum tuum suaviter illam in partem ferri, & delabi sinas; neque ideo anxia sis, quod forte orationes vocales, quas facere proposueras, non persolveris: mentalis enim, quam illarum loco fecisti, & Deo est gratior, & animæ tuæ utilior, excipio vero Officium, & Horas Canonicas, si ad easdem recitandas obligiris. Tunc quippe debiti partes explendæ sunt, & officio satis faciendum.

Nono: si totum tempus antemeridianum ita tibi effluere contingat, ut hoc orationis mentalis exercitium peragere commode non possis, aut ob varia, & multiplicitia negotia, vel ob aliam quamlibet causam (quod, quantum tibi possibile est, videre debes, ne

unquam contingat) defectum hunc post prandium reparare satage , idque ea hora , quæ a ciborum sumptione maxime distet : nam si immediate a sumpto cibo , & antequam ejus digestio longius provecta sit , eas instituas , & multo sopore oppimeris , & valetudo tua non parum detrimenti accipiet .

Si vero tota die nulla ad eam faciendam tibi suppetat opportunitas , jactura illa resarcienda est , aut jaculatorias orationes per diem multiplicando , aut aliquem librum spiritualem legendo , aut quandam adjungendo pœnitentiam , quæ , ne hic defectus sacerdios occurrat , & multiplicetur , impediat , & firmum facito propositum postridie melius officio tuo fungendi .

C A P U T I I.

*Brevis meditandi methodus: 3° primo de
D E I p r æ s e n t i a , quæ e s t p r i m u m p r æ l u d i o -
r u m p u n c t u m .*

A T nescis forsan , Philothea , quo sit mens talis oratio modo instituenda ; est enim res , quam nescio , quo infortunio , pauci nostra hac ætate noverunt , atque hac de causa facilem , & brevem ad hoc methodum tibi hic propono , exspectans fore , ut multorum insignium , qui hac de re compositi sunt , librorum lectione , & super-

omnia usu, uberius, & magis instruaris. Primum tibi hic propono præparationem, aut præludia, quæ in duobus punctis consistunt: quorum primum est, collocare se in Dei conspectu, & præsentia; alterum, ejus auxilium invocare. Ut autem te in Dei præsentia constituas, quatuor principalia tibi media propono, quibus hocce in principio uti poteris.

Primum in viva, & attenta quadam omnipræsentiae Dei apprehensione situm est; ut cogites nimirum, Deum esse in omnibus, & ubique, & nullum in hoc universo locum, aut rem esse, in quo non adsit verissima quadam præsentia præsens: adeo ut, sicuti aves, quocunque volitant, semper aetrem inveniunt; sic quocunque ambulamus, & ubicunque sumus, semper Deum præsentem inveniamus. Unusquisque quidem veritatem hanc novit, at non omnes attenti sunt, ut eam apprehendant. Cæci tametsi non videant Principem, qui ipsis præsens est, tamen non minus se reverenter gerunt, dummodo eum præsentem esse admoniti sint. Sed quoniam eum non vident, hinc facile obliiscuntur illum præsentem esse, & hoc oblii, adhuc facilius respectum illius, & reverentiam amittunt. Non videmus, eheu! Philothea, Deum, qui nobis præsens adest: & esto fides nos doceat, eum semper nobis

præ-

præsentem esse, tamen, quod eum oculis nostris non cernamus, hinc sæpe ejusdem obliviscimur, & ita nos gerimus, ac si procul a nobis abesset: nam tametsi eum omnibus rebus præsentem esse novrimus, cum tamen de eo non cogitamus, perinde est, ac si id non sciremus. Hac de causa semper ante orationem anima ad attentam quandam hujus præsentiæ Dei cogitationem, considerationemque excitanda est. Hanc apprehendebat David, cum exclamaret: *Si ascendero in cælum, Deus meus, tu illic es; si descendero in infernum, ades.* Unde verbis illis Patriarchæ Jacob uti debemus, qui, visa scala, quam terribilis, inquit, *est locus iste!* vere *Dominus est in loco isto,* & ego nesciebam, dicere vult, se ad hoc non respexit: Nam ignorare non poterat, Deum in omnibus, & ubique præsentem esse. Ergo ad orationem accedens, ex toto corde tuo, & cordi tuo dicas: *Vere, o cor meum! Deus est hic.*

Alterum, sese in hac sacra Dei præsencia constituendi, medium est, cogitare Deum non solum in loco, in quo tu agis, sed etiam particularissime in corde tuo, & in spiritus tui fundo intimo adesse, utpote, quod ipse divina sua præsentia vivificat, & animat, ibi perinde, ac cor cordis tui, & spiritus spiritus tui existens: nam uti anima,

per totum corpus diffusa, in omnibus ejus partibus praesens existit, tametsi speciali quædam residentia in corde sedem habeat: eodem modo Deus, licet omnibus rebus praefentissimus sit; speciali tamen modo spirituali, & cordi nostro praesens assistit, hinc eum David vocat *DEUM cordis sui*, & S. Paulus ajebat: *In DEO vivimus, movemur, & sumus*. Itaque, in veritatis hujus consideratione, magnam in corde tuo erga Deum, qui ei adeo intime praesens est, reverentiam excitabis.

Tertium medium est, ipsum Redemptorem nostrum JESUM intueri, & considerare, utpote qui sua in humanitate, jam inde ecclæsis, omnes, qui in mundo sunt, homines contemplatur; sed imprimis Christianos, qui ejus sunt filii, & eos quam maxime, qui orationi insistunt, quorum actiones, gestus, & agendi modum considerat, atque intuetur. Non est autem hoc nuda quædam fictio, & imaginatio, sed ipsissima veritas: nam, quamvis eum non videamus, e summo tamen cœlorum nos considerat Sic S. Stephanus eum vidit, cum pro nomine illius mortem oppeteret: adeo ut cum sponsa dicere non immerito possimus: *En ipse stat post parietem, respiciens per fenebras, prospiciens per cancellos*.

Quatum medium in eo consistit, ut nuda, simplicique imaginatōe utamur; Salvatorem nos nostrum in sacra sua humanitate coram videre imaginantes, tanquam si apud nos versaretur perinde, atque amicos ipsi nostros nobis repræsentamus, & dicimus, fingo mihi me videre talem, qui faciat hoc, aut illud; videor mihi illum videre, aut simile quid. At, si Sanctissimum Altaris Sacramentum in meditationis loco adesset, tunc præsentia illa realis esset, & non pure imaginaria. Etenim species, & accidentia panis essent velut tapetum, retro quod Dominus realiter præsens nos conspicit, & considerat, esto eum in propria forma non videamus. Aliquo ergo ex hisce quatuor mediis uteris, ad animam tuam in Dei præsentia ante orationem constituendam, nec vero omnia hæc media uno tempore simul sunt usurpanda, sed tantum singillatim unum, idque breviter, & simpliciter.

C A P U T I I I.

De Invocatione, altero præparationis punto.

In vocatio porro fit hoc modo: anima tua in Dei præsentia se agere sentiens, summa quadam cum reverentia sese prosternit, indignissimam sese reputans, quæ coram ad eo

eo sublimi, & suprema Majestate versetur: sciens tamen hanc ipsam bonitatem id velle, gratiam ab ipsa postulat ad illi bene servendum, & in hac meditatione illam adorandum. Si velis, brevibus, & ardentibus quibusdam verbis ad hoc uti poteris, uti sunt illa Davidis: *Ne projicias me, DEUS meus a facie tua, Et Spiritum Sanctum tuum ne auferas a me. Illumina faciem tuam super ancillam tuam, Et considerabo mirabilia, tua, da mihi intellectum, Et scrutabor legem tuam, Et custodiam illam ex toto corde meo. Ego ancilla tua, da mihi spiritum, & alia id genus verba.* Utile quoque fuerit præterea, Angeli tui custodis, & personarum, quæ in ministerio, quod medicaris, occurrit, opem invocare; verbi gratia, in mysterio mortis Dominicæ invocare poteris B. Virginem, S. Joannem, Mariam Magdalenam, bonum Latronem, ut sensus, & motus interiores, quos ipsi ibi accepere, tibi communicentur. In meditatione vero de morte propria, Angelum tuum custodem, qui haud dubie in ea præsens aderit, invocare poteris, ut tibi hic convenientes insperet considerationes, & sic de aliis mysteriis.



C A P U T I V.

*De mysterii propositione, tertio præparatio-
nis puncto.*

Post duo hæc propositionis ordinaria puncta, est tertium quoddam, quod omnibus meditationibus commune non est, nec convenit: estque, quam nonnulli fabricationem, & imaginationem loci, alii lectionem interiorem vocant. Nihil porro hoc est aliud, quam ipsum meditandi mysterii corpus imaginationi suæ proponere, perinde ac si realiter, & defacto coram nobis peragetur. Exempli causa, Dominum J E S U M in cruce fixum meditari vis, finges te in monte Calvariæ præsentem adesse, & quidquid in die passionis factum, & dictum est, coram oculis tuis spectare. Aut si velis (idem enim est) imaginaberis, eo ipso in loco, in quo tu es, Domini crucifixionem fieri, eo prorsus modo, quo eam Evangelistæ describunt. Idem faciendum, quando de morte meditaberis, uti in meditatione de eadem indicavi; item in ea, quæ de inferno, & in omnibus id genus mysteriis, in quibus de visibilibus, & sensibilibus rebus fit meditatio; nam in aliis mysteriis, uti de Dei magnitudine, de virtutum præstantia, de fine, ob quem conditi sumus (quæ certe invisibilia sunt) non est, quod hac imagina-

tio-

tione uti velimus. Possumus quidem aliqua similitudine, aut comparatione, per quam consideratio nonnihil juvetur, ad hoc uti: sed hæc non ita facile passim occurrit, & ego nonnisi valde simpliciter tecum agere volo, & ita ut spiritus tuus non multum talibus inveniendis fatigetur.

Porro imaginationis hujus adminiculo spiritum nostrum intra mysterii meditandi limites coarctamus, & restringimus, ne huc, & illuc libere divagetur, perinde atque avis caveæ includitur, vel accipiter perticæ alligatur, ut aucupis pugno insideat. Dicent tibi fortassis nonnulli, satius esse, simplici cogitatione fidei, & nuda apprehensione, plane mentali, & spirituali, in horum mysteriorum repræsentatione uti, aut considerare, rem ipsam in tuo spiritu peragi. Bene quidem, sed est hoc sub principium nimis subtile, & quoadusque Deus altius se sustollat, consulo tibi, Philothea, ut in humili, quam tibi commonstro, valle te detineas.

C A P U T V.

De considerationibus, secunda meditationis parte.

POst imaginationis actionem sequitur actio intellectus, quam meditationem appellata.

lamus, quæ nihil aliud est, quam una, aut plures considerationes eo fine factæ, ut motus nostri in Deum, & res divinas emoveantur. In quo meditatio a studio, & aliis cogitationibus, & considerationibus differt, quod hæ non ad virtutem, & amorem divinum acquirendum; sed alia quadam de causa, & intentione, uti ad scientiam consequendam, ad scribendum, & disputandum, instituantur. Postquam ergo jam spiritum tuum materiæ, quam meditari voles, septis (ut dictum est) inclusisti, vel per imaginationem (siquidem materia sensibilis est) vel per simplicem propositionem (si insensibilis est: considerationes circa illam facere incipies, quarum exempla plane efformata in meditationibus, quas tibi ante proposui, invenies. Quod si spiritus tuus sat gustus, luminis, & fructus in una consideratione inveniat, in ea sistes, neque ulterius progedieris, apes scilicet imitando, quæ florem non deserunt, quamdiu mel, quod ex eo colligunt, inveniant. At si in aliquo puncto quid, quod arrideat, non invenias, postquam aliquantis per in eo hæseris, & velut experimentum feceris, ad aliud transibis, in quo non principaliter, & temere, sed leviter, & simpliciter procedas oportet.

C A P U T V I.

De affectibus, & propositis, tertia meditationis parte.

Meditatio in voluntate, aut affectiva animæ nostræ parte bonos motus ciet, & diffundit, uti sunt amor Dei, & proximi, cœli, & gloriæ æternæ desiderium, zelus salutis animarum, imitatio vitæ Domini nostri JESU Christi, compassio, admiratio, gaudium, Deo displacendi, judicii, & inferni timor, peccati odium, fiducia de Dei bonditate, & misericordia, confusio denique ob vitæ præteritæ flagitia. Hos in affectus spiritus noster, quantum ei possibile erit, se diffundat, & extendat oportet. Si aliquod hic habere adminiculum, & subsidium velis, primum Andreæ Capilliæ meditationum totum in manus sume, ejusque præfationem legito, in qua ostendit, quomodo hos affectus dilatare nos oporteat; & multo uberiorius Pater Arias in tractatu de oratione mentali.

Non adeo tamen, Philothea, affectibus generalibus hisce insistas oportet, ut non eos in specialia, & particularia ad correctionem, & emendationem tuam tendentia proposita convertas. Exempli gratia: Primum, quod Dominus in cruce protulit, verbum, bonum haud dubie in anima tua affectum, imi-

imitationis, nimirum quoddam tuis ignoscendi inimicis, eosque diligendi desiderium excitabit. Dico porro, parum admodum id esse, nisi insuper speciale quoddam propositum concipias hoc modo: Agedum ergo, non offendas posthac amplius verbis illis amarulentis, & contumeliosis, quibus hic, aut illa, vicinus, aut vicina, domesticus, aut domestica mea me nonnunquam proscindunt; neque illo, aut illo vilipendio, quo ille aut illa me contemptit; imo & contra talia, & talia dicam, aut faciam ad eum mihi lucrandum, & emolliendum, & sic de aliis. Hac ratione fiet, Philothea, ut brevi in tempore defectus tuos corrigas, cum per solos affectus id nonnisi lente admodum, & difficilime factura sis.

C A P U T V I I.

De conclusione, & fasciculo spirituali.

Concludenda denique meditatio per tres actiones est, quæ quam potest maxima fieri humilitate debent. Prima est: actio gratiarum, qua Deo gratiæ pro affectibus, & propositis, quos tibi dedit, nec non pro bonitate, & misericordia ejusdem, quam in meditationis mysterio vidimus, agantur Altera est: actio oblationis, qua suam Deo bonitatem, & misericordiam, nec non mor-

tem, sanguinem, & virtutes filii, & una cum ipsis affectus, & proposita nostra offerimus. Tertia denique est supplicationis, per quam Deum rogamus, & enixe obsecramus, ut nobis filii sui gratias, & virtutes communicet, suamque affectibus, & propositis nostris benedictionem impertiat, ut eadem fideliter exequi valeamus. Oramus praeterea pro Ecclesia, pastoribus nostris, parentibus, amicis, & aliis, Beatissimae Virginis Mariæ, Angelorum, Sanctorumque intercessionem ad hoc implorantes. Denique notavi, Orationem Dominicam, & Salutationem Angelicam, quæ generalis, & necessaria fidelium omnium oratio est, in fine subiecti debere.

His omnibus adjunxi, fasciculum quendam devotionis nobis ex omnibus illis colligendum esse. Quemadmodum enim qui per hortum floribus variis distinctum aliquantulum ambularunt, non libenter illo egreditur, nisi quatuor, aut quinque hinc inde ex eo floribus decerptis, quos olfaciant, & toto deinde die manibus versent, & teneant: ita postquam spiritus noster jam meditatione aliquod mysterium percurrit, punctum unum, atque alterum, aut fortasse etiam tria, nobis eligendum est, quod nimis maxime nobis in ea arrisit, quodque profectui nostro potissime conducere comp.

perimus, ut illius per reliquum diei recordemur, & spiritualiter ipsum odoremur. Hoc autem fiat in ipsomet meditationis loco, aliquantisper post eam, illic in solitudine agendo, aut obambulando.

C A P U T V I I I.

Utilissima quædam circa meditationem ipsam documenta.

HOC in primis requiritur, Philothea, ut, cum jam a meditando surrexisti, proposita, & deliberationes, quæ fecisti, memoria teneas, quo eadem toto die studiose executioni mandes. Hic est magnus meditationis fructus, qui si non sequatur, ipsa saepe numero non modo inutilis, verum & noxia est: virtutes enim meditatæ, & non practicatæ, subinde spiritum, & mentem inflant, dum tales nos esse opinamur, quales esse proposuimus, & statuimus, quod tum demum procul dubio verum est, cum proposita viva sunt, & solida: at viva revera non sunt, sed vana, & periculosa, si executioni minime mandentur. Omnimodis ergo procurandum, ut illa opere ipso exequamur, quin & occasiones ad hoc parvæ, vel magnæ queritandæ. Exempli gratia: si mane inter meditandum decrevi, & statui, benignitate eos mihi devincire, & lucrari, qui

me offendunt, per diem, occasiones illis occurrendi captabo, ut sic eos amice, benevoleque salutem; si vero illis occurtere nequeam, bene saltem de illis loquar, Deumque pro ipsis rogabo.

Mentali hac oratione egressa, serio videbis, & cavebis, ne cor tuum uspiam dure impingat, sic enim quod in oratione collegisti, balsamum effunderes, id est, si fieri potest, silentium aliquantisper servabis, & suaviter, sensimque animum ab oratione ad negotiorum tractationem conduces, quam poteris diutissime sensum, & affectus, quos orando collegisti, conservare studens. Qui vasculo porcellano pretiosum aliquem liquorem domum deferendum excepisset, haud dubie lente, modesteque incederet, nec huc, illucque respiceret, sed modo ante se, ne forte in saxum aliquod impingat, aut incaute gressum figat, modo ad vasculum suum, oculos converteret, visurus an non id oblique teneat. Idem omnino te facere oportet a meditatione surgentem; vide, inquam, ne hinc tota simul distraharis, sed modeste, cauteque te geras: verbi gratia, si obvium aliquem habeas, quem necessario te aut convenire, aut audire oporteat, non est, quod ab eo scrupulose te subducas, sed necessitati te accommoda, sed ita, ut etiam super cor tuum vigiles, ejusque rationem habeas,

ne

ne videlicet sanctus orationis liquor effluat,
nisi quam potest minimum.

Addiscas etiam paulatim usum oportet, ab oratione ad quaslibet actiones, quas vocatio, & professio tua justa, legitimeque a te exigit, esto ea ab affectibus, quos in oratione accepimus, nimis quam remotae esse videantur, transire. Norit, inquam, Advocatus ab oratione ad tribunal, & lites suas, mercator ad negotia, mulier conjugata ad matrimonii sui munia, & familiæ suæ impedimenta transire, idque tanta cum animi suavitate, & tranquillitate, ut spiritus ejus propterea minime turbetur: cum enim tam hoc, quam illud juxta divinæ voluntatis præscriptum fiat, ipse ex uno ad aliud transitus in spiritu humilitatis, & devotionis tibi faciendus est.

Continget interdum, mea Philothea, statim post factam præparationem, & præludia affectum tuum prorsus in DEUM moveri, & abripi: quod cum continget, illi habenæ laxandæ sunt, nec tum ea, quam tibi tradidi, methodus sequenda. Nam tametsi, ut plurimum consideratio, affectus, & proposita præcedere debeat; tamen si tibi Spiritus sanctus affectus una cum consideratione donet, non est quod usque adeo de consideratione labores, cum hæc nonni^m ad affectum concitandum soleat adhiberi.

Quandocunque ergo affectus se tibi insinuant, admittendi erunt, locusque iis dan-
dus, tam ante, quam post considerationes advenientibus. Unde licet superias affectus
post omnes considerationes posuerim, non alio id sine feci, quam ut ipsas orationis par-
tes melius ab invicem distinguerem.

Cæterum, generalis quædam regula esto,
nunquam esse affectus comprimentos, aut
compescendos; sed semper, quotiescunque
occurrunt, egredi, & prorumpere sinendos.
Quod meo j. dicio non solum in illis alijs
affectibus, sed etiam in gratiarum actione,
oblatione, & supplicatione (quæ etiam me-
dias inter considerationes institui possunt)
locum habet: nam tam parum hæc, quam
alii affectus, reprimenda, & retinenda sunt,
esto hæc postea, in ipsa videlicet meditatio-
nis conclusione, rursum repetenda, & re-
sumenda sint. Porro posita immediate post
ipsos affectus elicitos, & in fine totius me-
ditationis, ante ejusdem conclusionem sunt
elienda: nam cum particularia, & familia-
ria objecta nobis in iis repræsentare debea-
mus, certe si illa inter affectus ipsos misce-
remus, forsitan aliquod nobis distractionum
periculum adferre possent.

Affectibus, & propositis his aliquod sub-
inde colloquium intermiscere consultum est,
& modo Redemptorem nostrum J E S U M
Chri-

Christum, modo Angelos, modo personas, quarum in mysteriis fit mentio, modo Sanctos, modo nos ipsos, modo cor nostrum, modo peccatores, imo etiam creaturas sensus expertes alloqui, & compellare, sicuti Davidem suis in Psalmis, & alios Sanctos in suis meditationibus, & orationibus facere videmus.

C a p u t I X.

*De ariditatibus, quæ in meditatione
contingunt.*

SI forte, o Philothea! nullum te in meditatione gustum, aut consolationem sentire contingat, ne propterea, obsecro te, turberis, sed verbaliter interdum loquere, sortem tuam apud Dominum deplora, indignitatem tuam confitere, & agnosce, eum roga, ut is te adjuvet, atque imaginem illius (si quidem habes) exosculare, & dic illi cum Jacobo Patriarcha: *Non dimittam te Domine, nisi benedixeris mihi;* aut cum muliere Chananaea: *Etiam Domine, canis sum, sed Gætelli comedunt de micis, quæ cadunt de mensa dominorum suorum.*

Aliquando & librum aliquem pium in manus sume, eumque attente lege, usque dum spiritus tuus stertens velut excitetur, & intra te redeat. Interdum quoque per ali-

105 INTRODUCT. AD VITAM SPIRIT.

quem devotionis exterioris gestum, motumque cor tuum incita, in terram videlicet te prosternendo, manus ante pectus crucis in modum committendo, crucifixi imaginem amplectendo: si nimur in loco separato, privatoque agas; si post hæc omnia nondum redire consolationem sentias, noli, quantumvis magna ariditas tua sit, ulla tenus propterea turbari, sed in devoto quodam gestu coram Deo tuo continere te pergas. Quam multi sunt aulici, qui plus centies, anno durante, Principis sui conclave ingrediuntur, sine ulla tamen illius alloquendi spe, sed tantum, ut ab ipso eminus videantur, suique munieris partes expleant. Eo prorsus modo, charissima Philothea, ad sanctam nos orationem accedere oportet, videlicet non alia intentione, quam ut officio nostro fungamur, nostramque Deo fidelitatem testemur, & exhibeamus. Si ergo divina Majestas nos in ea alloqui, & sanctis suis inspirationibus, & consolationibus interioribus nobiscum age-re dignetur, summo sane nobis id honori, ac voluptati erit; at si hanc nobis gratiam facere noluerit, non magis nos alloquens, quam si nos minime videret, & in ejus con-spectu non ageremus: non idcirco nos ab eo subducere, aut inde recedere, sed coram summa illa bonitate devoto, quietoque genu manere, & exspectare debemus. Et cer-

te

te nostram patientiam tunc dignanter respiciet, nostramque assiduitatem, & perseverantiam benigne intuebitur; adeo ut, cum postea rursum ante conspectum ejus comparabimus, benevole nos respecturus, suisque nos consolationibus, & colloquiis dignaturus sit, sanctæ orationis amoenitatem, & pulchritudinem nos videre faciens. Imo etiamsi id non præstaret, sufficiat nobis, Philothea, quod nimis quam honorificum nobis sit, apud ipsum, & in conspectu illius agere.

C A P U T X.

Exercitium matutinum.

Præter orationem illam mentalem integrę, & formatam, ac præter alias orationes vocales, quas semel in die te facere oportet, sunt & alii quinque orationum modi, qui quidem in se breviores sunt, alterius tamen majoris orationis sunt præparatio quædam, præludium, & origo. Inter has illa prima est, quæ mane fit, quæ omnium diei totius operum velut fundamentum, & præparatio est, hanc porro hoc modo facies.

Primo: profunda quadam cum reverentia gratias Deo ages, eumque adorabis, quod te superiore nocte pro sua bonitate in-

columem conservarit: si quod vero ea du-
rante peccatum commiseris, de eo eum
veniam rogabis.

Secundo: considera præsentem diem ti-
bi datum esse, ut in eo futurum æternita-
tis diem lucreris, firmumque propositum fa-
cito, ad hanc intentionem diem præsentem
impendendi.

Tertio: præexamina, & provide quæ-
nam negotia, commercia, & quales occa-
siones Deo serviendi, quales item ejus of-
fendendi tentationes, tam per choleram, &
vanitatem, quam aliam quamlibet inordina-
tionem tibi ea die possint occurrere, & san-
cta quadam animositate, & resolutione te
præpara, ut quæcunque Deo serviendi, de-
votionisque tuæ promovendæ occurrere po-
sunt media, exequaris, beneque impendas;
et contra vero debite effugias, oppugnes, &
superes quodcunque contra salutem tuam,
ac divinam gloriam tendens occurre potest
impedimentum. Neque vero satis est nude
hoc propositum facere, sed & media ejus-
dem rite executioni mandandi præparanda,
& disponenda sunt. Exempli gratia: si me
cum homine iracundo, & ad choleram pro-
penso aliquod negotium tractare debere præ-
videam, non solum proponam eum verbo
non offendere, verum etiam benigne, &
suavia ad eum præveniendum verba dispo-
nam,

nam, vel aliquem adhibebo, qui me in illo placando adjuvet; si prævideam, occasionem mihi fore ægroti alicujus visitandi, tempus, verba consolatoria, & subsidia, quæ illi adhibere debedo, disponam &c.

Quarto: hoc facto, humilia te coram DEO, agnoscens quod eorum, quæ deliberaſti, & statuisti tum ad malum fugiendum, tum ad bonum exequendum, nihil omnino per teipſam, & ex teipſa facere possis. Et tanquam si cor tuum in manibus habeas, ipsum divinæ Majestati cum oīnnibus tuis bonis propositis offeras, ipsam rogans, ut in suam id protectionem admittere, & corroborare dignetur, quo in ejus obsequio, & famulatu feliciter progrediaris, idque per hæc, aut hujusmodi verba interiora. En Domine, hoc miserum, & inops cor, quod bonitate tua plures quidem bonos affectus, & proposita concepit; sed ah! nimis quam debile, & imbecillum est ad bonum, quod desiderat, exequendum, & opere compleendum, nisi cœlestem tuam ipse benedictionem illi communices, quam hac de causa te, o clementissime Pater! rogo, idque per meritum passionis Filii tui dilectissimi, cuius honori diem hunc, & reliquum vitæ meæ tempus offero, & consecro. Invoca etiam Beatissimæ Virginis, Angeli tui custodis, &

San.

Sanctorum, ut hac in re tibi opitulentur, auxilium.

Sed omnes spirituales actiones breviter, & vivaciter fiant oportet, & quidem antequam cubiculo egrediaris, si fieri potest; ut exercitii hujus adminiculo, quidquid die tota factura es, divina benedictione velut irroretur. Rogo autem te, Philothea, ne ipsum tanquam omittas, aut obliviscaris.

C A P U T X I.

De exercitio vespertino, deque examine conscientie.

Quemadmodum ante prandium tuum temporale, facies prandium spirituale, idque per meditationem; ita te & ante cœnam tuam, cœnulam quandam, aut saltem collationem devotam, & spiritualem facere oportet. Ergo paulo ante cœnam nonnihil tibi temporis, & otii suffurare, & coram Deo prostrata, & spiritu tuo ante JESUM Christum crucifixum (quem nuda quadam consideratione, & interiori oculo tibi præsentem finges) collecto, sopitum meditationis matutinæ ignem per vias, & ardentes aliquot aspirationes, humiliaciones, & amorosas, quas ad divinum hunc animæ tuæ Salvatorem evibrabis, elibrationes in corde tuo rursus exsuscita; vel illa puncta breviter

ter repetendo, & velut ruminando, quæ in matutina meditatione plus tibi gustus attulere, vel alio quodam novo modo te excitando, prout tibi magis placebit.

Quod ad conscientiæ examen, quod semper antequam cubitum concedas, instituendum spectat, nemo non novit, quoniam id modo sit faciendum.

Primo: gratiæ aguntur Deo, quod nos die illa sospites, & incolumes conservarit.

Secundo: examinetur, quomodo per omnes diei horas nos gesserimus: utque hoc commodiæ, & facilitius fiat, considerandum, ubinam, quibuscum, & quibus in negotiis fuerimus.

Tertio: si quid bene actum esse compriatur, gratiæ aguntur Deo; e contra, si quod sit aut in cogitationibus, aut in verbis, aut in operibus delictum, venia a divina Majestate petitur cum proposito, & intentione prima id oportunitate confitendi, & serio vitam emendandi.

Quarto: divinæ providentiæ corpus, animam, Ecclesiam, parentes, & notos commendamus; B. Virginem, Angelum custodem, & Sanctos cœli cives rogamus, ut super nos, & pro nobis excubent; & benedictione Dei præmissa ad quietem, quam nobis necessariam esse voluit, nos componimus.

Hoc

III INTRODUCT. AD VITAM SPIRIT.

Hoc porro exercitium non minus omitendum est, quam matutinum; per matutinum quippe animæ tuæ fenestras aperis, quod sol justitiae per easdem radios suos immittat: per vespertinum porro tenebris infernalibus easdem occludis.

C A P U T X I I .

De recollectione, & quiete spirituali.

Hic te, charissima Philothea, velim in consilio meo sequendo in primis studiosam, & sedulam: hoc namque in articulo unum e certissimis profectus tui spiritualis mediis consistit.

Quam facere potes sæpiissime, spiritum tuum per diem DEO præsentem siste, idque uno e quatuor illis modis, quos tibi superiorius consignavi. Considera, quid facit Deus, & quid tu facias, & videbis, oculos ejus in te conversos, & perpetuo super te incomparabili quodam amore defixos. Dices ergo: Cur, o Deus meus! ita te semper non intueor, sicut tu me intueris? Cur tam sæpe de me Domine cogitas? Et cur ego tam raro de te? Ubinam sumus, anima mea? verus locus noster Deus est, & ubinam nos agimus?

Sicut aves nidos in arboribus habent, in quos sese recipiunt, cum opus est, & cer-

cervi dumos, & cunabula, sub quibus sese abdunt, & oculunt, dum umbram in æstivis caloribus captant: sic, o Philothea! corda nostra aliquem sibi locum quotidie capiant, & feligant oportet vel in monte Calvariæ, vel in vulneribus Salvatoris nostri, vel in alio quopiam loco ei vicino, in quem se in omnigenis occasionibus recipiant, & ubi inter negotia exteriora sese oblectent, & recreent, ubique velut in propugnaculo quodam agant, quo se ab ingruentibus tentationibus tueantur. Beata illa erit anima, quæ Domino in veritate dicere poterit: Tu es mihi domus refugii, tutum meum propugnaculum, tectum in pluvia, & in æstu umbraculum.

Memineris ergo, Philothea, semper aliquot in cordis tui solitudine, & deserto construere receptacula, interea dum corporaliter medias inter conversationes, & negotia mundana versaris. Et mentalem hanc solitudinem nullo modo impedire possunt, tametsi plurimi circum, & apud te versentur; non enim circum cor, sed corpus tuum duntaxat versantur, adeo ut cor solum apud Deum solum maneat. Atque hoc est exercitium, quod David Rex inter tot, quibus opprimebatur, regni negotia usurpabat, uti sexcenties suis ipse in Psalmis de se testatur, ut dum ait: *Ego Domine semper apud*

*apud te, providebam Dominum in conspectu
meo semper: Ad te levavi oculos meos DE-
US, qui habitas in cælis. Oculi mei sem-
per ad Dominum.*

Ad hæc conversationes ordinarie ita se-
riæ non sunt, & prægnantes, ut non possi-
mus subinde mentem recolligere, quo illam
in divinam illam solitudinem recludamus.

Parentes sanctæ Catharinæ Senensis, cum
ei omnem & loci, & temporis opportuni-
tatem ad orandum, & meditandum abstu-
lissent, Dominus ei inspiravit, ut oratorio-
lum quoddam internum suo sibi in corde
construeret, intra quod se mentaliter recipi-
ens medios inter occupationum exteriorum
strepitus sanctæ huic solitudini mentali vaca-
re posset. Unde fiebat, ut, cum postea
eam mundus oppugnabat, & vexabat, nul-
lum inde damnum, aut noxam reciperet, eo
quod, inquietabat illa, intra conclave suum
interius sese abderet, in quo cum sponso suo
cœlesti se oblectabat. Hinc etiam exinde
filiis suis spiritualibus consulebat, ut intra
cor conclave quoddam secretum construe-
rent, & intra illud subinde se reciperent.

Subinde igitur mentem, tuam intra cor
recollige, in quo ab omnibus hominibus se-
questrata, corde animæ tuæ ad cor cum
Deo tuo agere possis, ut cum Davide di-
cas: *Vigilavi, similis factus sum pelicano*

*Solitudinis: factus sum sicut nycticorax in
domicilio, & sicut passer solitarius in tecto.
Quæ verba præter sensum literalem (qui
ostendit , magnum hunc Regem aliquot si-
bi horas feligere solitum , quibus in solitudi-
ne rerum spiritualium contemplationi vaca-
ret) in sensu suo mystico tria egregia re-
collectionis genera , & velut tria eremito-
ria nobis exhibent , in quibus ad imitatio-
nem , & exempli Salvatoris , solitudinem
nostram possimus exercere. Ipse quippe in
monte Calvariæ similis fuit pelicano solitu-
dinis , suo pullos suos mortuos sanguine ad
vitam resuscitanti. In nativitate vero sua ,
in stabulo illo deserto fuit quasi nycticorax
in domicilio delicta , & peccata nostra de-
plorans , & defens. In die denique ascen-
sionis suæ fuit ad instar passeris , in cœlum
(quod est mundi quoddammodo tectum) se
recipientis , & evolantis. Et in tribus his
locis , medias inter negotiorum turbas , &
strepitum nos recolligere , & recipere possu-
mus. Beatus Elzearius Comes Arrianensis
in Provincia , cum diutius a casta , & pia
sua Delphina absfuisset , & ipsa per nunti-
um expressum , quem ad eum misit , de-
ejus valetudine quælivisset , hoc modo ei
respondit : *Recte valeo charifima coniux ,
si videre me cupis , quære me in vulnere
lateris dulcissimi JESU nostri ; ibi num-
S. Salesii Intr. ad vic. spir.**

*que habito, & ibi me invenies, alibi me
frustra quæsieris. O Quietem vere Chri-
stianum!*

CAPUT XIII.

*De aspirationibus, orationibus jaculatoriis,
& bonis cogitationibus.*

INtra DEUM quis se recolligit, dum ad Ieum aspirat, & ad eum aspirat, ut intra eum in se recolligat: adeo ut ipsa aspiratio ad DEUM, & recollectio spiritualis se se mutuo producant, utraque autem a bonis nascantur cogitationibus. Sæpe ergo ad DEUM aspira Philothea, idque per breves quasdam, sed ardentes cordis evibrationes, illius ergo pulchritudinem admirare, opemque implora: In spiritu ad crucis pedem te abjice; bonitatem ejus adora: Sæpe eum de salute tua interroga, millies par diem animam tuam illi offer, interiores oculos tuos in benignitatem illius desige: manum tuam versus illum, uti parvulus ad patrem, extende, ut ipse te conducat, pone quoque eum super pectus, & cor tuum veluti suavissimum florum fasciculum, ac velut vexillum, & signum quoddam, in anima tua eum desige: Et alia sexcenta diversorum cordis cui motuum genera facito, quo amorem Dei in te excites, & ad divinum hunc

hunc sponsum diligendum affectuose , & re-
nere diligendum temetipsam existimules.

Hoc modo fiunt orationes jaculatoriae ,
quas magnus Augustinus tam serio , & im-
pense piæ mulieri Probæ commendat : sic
fiet, ut spiritus noster, Philothea continuo
Dei sui commercio, colloquio , & familiari-
tati intimæ sese applicans , omnes ejus per-
fectiones paulatim imbibat , & hauriat. Hoc
porro exercitium in se difficile non est: et
enim omnibus negotiis nostris , operibus , &
occupationibus sine ullo eorum dispendio ,
commode intermiseri , & intertexi potest:
quod tam in recollectione spirituali , quam
in hisce ejaculationibus interioribus nonnisi
breves , & parvæ quædam diversiones si-
ant, a quibus ea, quæ agimus , nullo mo-
do impediuntur , quin imo mirifice etiam
promoventur. Viator , pauxillum vini ad cor-
suum recreandum , & os refocillandum su-
mens , tametsi paululum subsistat , viam su-
am tamen propterea non interrumpit , imo
vero novas ad celerius , & facilius eandem
perficiendam , vires colligit , non aliter sub-
sistens , quam ut expeditius ambulet.

Multi scriptores multas aspirationes vo-
cales collegere , quæ certe cum primis bonæ ,
& utiles sunt , sed me consulente ad nulla
certa verba te adstringes ; verum aut corde,
aut ore illa proferes , quæ tibi amor ex tem-

117 INTRODUCT. AD VITAM SPIRIT.

pore suggesteret. Tametsi non ignorem, quædam esse verba, quæ peculiarem quandam ad cordi hac in re satisfaciendum vim habent, uti sunt ejaculationes illæ in Psalmis Davidicis adeo frequentes, & crebræ, diversæ quoque nominis JESU invocationes, & amoris illæ significationes, & indicia, quas Canticum Canticorum passim præfert, & spirat. Huic quoque intento deserviunt cantiones spirituales, dummodo aliqua cum attentione canantur.

Denique, sicut illi, qui amore quodam humano, & naturali, aliquid amant, cogitatione pene semper in rem amatam feruntur, ac toto cordis affectu in eandem rapituntur, & nunquam non in laudes ejusdem prorumpunt, & esto ab eadem corpore absint, nunquam tamen occasionem, amorem, & passionem suam per literas, quas scribunt, testandi omittunt, imo nullam esse patiuntur arborem, cuius cortici nomen rei amatæ non inscribant; ita quicunque DEUM diligunt, nunquam de illo cogitare desinunt, semper illum respirant, & ad illum aspirant, continuo de illo loquuntur, & si fieri posset, omnium hominum, qui in mundo sunt, peccatoribus sacrum, & sanctum JESU nomen vellent insculpere.

Atque ad hoc ipsum etiam omnia creatura eos invitant, cum nulla sit creatura, quæ non

non dilecti sui laudes ipsis annuntiet; & (uti post S. Antonium magnus Augustinus ait) quidquid in mundo est, muta quadam lingua, sed admodum intelligibili de amore ipsorum bene loquatur; denique quidquid in orbe est, bonas in ipsis cogitationes causeatur, e quibus deinde permultæ in Deum evibrationes, & piæ mentis aspirationes enascuntur. En tibi aliquot harum exempla S. Gregorius Nazianzenus, uti de se ipso ad populum suum ait, in littore maris obambulans, considerabat quomodo marini fluctus in littus sese exonerantes, conchylia, conchas, caules herbarum, ostreola, & alias id genus minutias, quas mare ejiciebat, & ut ita dicam, in littus expuebat, post se relinquenter; & quomodo mare ipsum deinde per alios fluctus supervenientes partem illorum resorberet, & rursus ad se attraheret, scopulis interim vicinis firmis, & immobilibus consistentibus, esto violenter, & assidue ab undis tunderentur, & ferirentur. Quo viso, cogitare secum cœpit, debiles adinstar conchyliorum, cochlearum, & caulinum herbarum modo ad afflictionem, modo ad consolationem, prout fortunæ fluctus, & unde impellunt, ferri, rapique: sed generosos, & viriles animos ad omnes fortunæ insultus, & fluctus fixos, & immobiles permanere; & ab hac cogitatione in illa →

Davidis suspiria, & aspirationes prorumpentes: *Salva me Domine: quia intraverunt aquæ usque ad animam meam, libera me Domine de profundis aquarum, Veni in altitudinem maris, T' tempestas demerfit me.* Tunc quippe ipse in afflictione agebat, eo quod Maximus iniqua invasione Episcopatum suum usurpasset.

S. Fulgentius Rusensis Episopus, cum nobilitatis Romanæ, quem Theodoricus Gothorum Rex indixerat, conventui interesset, videretque tot procerum, qui ordine quique suo confederant, splendorem, & decorum, *Quam, inquit, Deus bone, pulchra sit oportet cœlestis Jerusalem, cum Roma terrestris tanta pompa; Et fulgore resplendeat? Et si hoc in mundo tantum splendoris detur amatoribus vanitatis, ecquæ gloria reservetur oportet in altero contemplatoribus veritatis?*

Dicitur autem S. Anselmus Archiepiscopus Cantuariensis (a cuius incunabulis, & natalibus permultum decoris, & gloriæ montibus nostris accessit) in hac bonarum cogitationum praxi eumprimis excelluisse. Contigit aliquando, lepusculum quendam a canibus insequentibus pressum, sub sancti hujus Præfulis (qui tum quendam in locum forte proficiscicebatur) equum sese, velut in asylum, quod imminens mortis periculum ei fugit.

suggerebat, recipere; canes autem circum
secus allatrantes immunitatem loci, ad quem
præda sua confugerat, minime ausos fuisse
violare. Extraordinarium certe, & novum
hoc spectaculum omnibus viæ comitibus ri-
sum movit, quoùsque magnus Anselmus,
lachrymans, & ingemiscens. *Vos, inquit,*
ridetis, sed misella bestia non ridet. Pari
modo animæ exagitatae; & per varios an-
fractus in omni flagitorum genere male ha-
bitæ, inimici eam in mortis angustiis potissi-
me exspectant, quo eam ibi rapiant, & de-
vorent. Unde ipsa plane consternata, & ex-
pallescens, undequaque auxilium, solatum,
& refugium aliquod conquirit: quod si inve-
nire nequeat, inimici ei insultant, & exsi-
bilant, & hoc ille dicto abiit suspirans, &
gemens.

Cum Constantinus magnus honorificas
literas ad sanctum Antonium misisset, Reli-
giosi, qui aderant, hoc cognito maximope-
re mirabantur. Quibus ille: *Miramini, Re-*
gem homini scribere? Miremini potius, quod
DEus immortalis, & æternus suam morta-
libus legem scripsérat, imo vero quod in per-
sona filii sui ore ad os suis sit locutus.

S. Franciscus quodam tempore unicam,
& solam ovem multos inter hircos conspic-
tus: *Vide, inquit socio suo, obsecro, quo-*
modo misella illa ovicula placide, & man-

Suete inter illos bircos agat; sic Redemptor noster JESUS Christus mansuetus, & humilis inter Phariseos agebat. Alias agnello quendam a porco devoratum cernens, Ah miselle agne! ajebat plorans, quam tu ad vivum Salvatoris mei mortem repræsentas.

Illustris ille ætatis nostræ vir, Franciscus de Borgia, cum adhuc Gandiae Dux esset, ad venandum exiens sexcentos pios, devo-tosque conceptus inter venandum efformabat. Mirabar, ait ipse postea, quomodo, & quam prompte falcones ad venatoris manum redeant, atque oculos sibi velari, perticæque se realligari patientur, homines vero voci divinæ adeo rebelles sint, & consumaces.

S. Basilius ait, rosam e spinis enascen-tem, hanc hominibus lectionem prælegere: *Quod hoc in mundo, o homines! suavissimum, & jusundissimum est, tristitia quadam mistum, & perfusum est: nam nihil ibi omnis doloris est expers, ipsaque amaritudo, atque tristitia lætitiae semper agnata est: sic matrimonio, viduitas, fæcunditati cura, gloriæ ignominia, honoribus impensa, deliciis fastidium, sanitati morbus. Pulcher quidem, inquit pius hic vir, flos rosa est, at magnam ille mihi tristitiam causat, dum peccati mibi mei memoriam refricat;*

ob quod terra ad spinas, & tribulos proferebantos damnata est.

Pia quædam anima amnem quendam serena in nocte contemplans, cœlumque in eo cum stellis suis effigiatum cernens, ajebat: *Hæ ipsæ stellæ, Domine, sub pedibus meis erunt tum, cum me intra sancta tabernacula tua receperis: & sicuti stellæ cœli in terra expressæ repræsentantur, sic homines terræ in cœlis in vivo divinæ charitatis fonte exprimuntur.*

Alius quis videns fluvium rapi, volvique exclamabat: *Non prius anima mea requiem habebit, quam in divinitatis mare, quæ ejus origo est, absorpta sit.* Et S. Francisca, placidum quendam rivulum, in cuius ripa ad orandum genua flexerat, considerans, in mentis excessum rapta fuit, identidem verba illa submissa voce apud semetipsam repetens: *Sic DEI mei gratia dulciter, placideque rivuli hujus in morem in animam influit.*

Alius, qui arbores floribus coopertas undique cernens, ingemiscens ajebat: *Cur ego solus in DEI Ecclesiæ horto florum expersum?* Alius pullos gallinaceos sub matris aliis collectos conspiciens, sub umbra alarum tuarum, ajebat, *Domine protege me.* Alius Heliotropium florem videns, *Quandonam,* exclamabat, *DEUS meus, anima mea bæ-*

nitatis tuæ duellum, attractionemque sequetur! Et aliis violas flammeas hortenses (vulgo flammulas vocant) cernens, oculis quidem gratas, sed odoris expertes: *Tales, inquit, sunt cogitationes meæ, quæ bona quidem dicunt, sed nullum agunt, aut operantur.*

Vide ergo, Philothea, quomodo ex omni illa rerum varietate, quæ in hac vita mortali nobis occurrit, quæcunque demum ea sit, bonas elicere cogitationes, sanctasque ejaculationes mentis possimus. Miseri profecto illi, qui creaturas a suo Creatore divellunt, quo eas in peccatum convertant: beati autem illi, qui easdem in Creatoris sui gloriam convertunt, earumque vanitatem ad veritatis honorem impendunt. *Soleo*, inquit S. Gregorius Nazianz. *omnia in commodum meum spirituale referre.* Legito pium illud Epitaphium, quod S. Paulæ S. Hieronymus conscripsit; & ipsum plurimis sanctis aspirationibus, & piis conceptibus, quos omni prope in occasione ipsa efformabat, undiquaque conspersum videbis.

Porro in hoc recollectionis spiritualis, & orationum jaculatoriarum exercitio magna devotionis pars consistit, ipsumque omnium aliarum orationum defectum supplere potest, illius vero defectus, & omissione nulla prope alia ratione potest reparari. Sine illo quippe

pe vitæ contemplativæ non bene quis se dare, & activæ nonnisi ægre admodum potest; & sine illo quies omnis nonnisi otiositas est, labor vero tantum impedimentum, & intricatione. Quapropter te adhortor, ut serio, & ex toto corde id complectaris, neque unquam ipsum deseras.

C A P U T X I V.

De sanctissimo Missæ sacrificio, & quomodo ipsum audiendum sit.

Nondum tibi de exercitorum spiritualium sole, & principe locutus sum, de sanctissimo, sacratissimo, & divinissimo inquam Missæ sacrificio, & sacramento: hoc quippe religionis Christianæ centrum est, devotionis cor, pietatis anima, mysterium ineffabile, quodque divinæ charitatis abyssum in se comprehendit, ac per quod se Deus ipse realiter nobis applicans, gratis, & dona sua nobis magnifice communicat.

Secundo: oratio in divini hujus sacrificii unione facta, incredibilem certe vim habet, adeo ut anima illius adminiculo cœlestibus donis, & beneficiis quam abundantissime compleatur, veluti super dilectum suum innixa, qui spiritualibus odoramentis, & suavitatibus usque adeo eam adimplet, ut vulgaræ cuidam sumi, ex aromatibus myrræ,

&

& thuris, & universi pulveris pigmentarii concinnatæ (uti in Canticis dicitur) similes esse videantur.

Tertio: omni ergo studio operam da, ut sacrificio Missæ quotidie intersis, ut una cum sacerdote Redemptoris tui sacrificium Deo Patri pro te, & pro universa Ecclesia offeras. Semper, ut scribit S. Joannes Chrysostomus, infiniti Angeli ei præsentes adstant, ut sanctum hoc mysterium honorent, cumque nos una cum ipsis, & eadem intentione, præsentes ei adsumus, etali sociate, & contubernio non possumus nisi maximum benignorum gratiarum influxum copiam recipere. Ecclesiæ tam triumphantis, quam militantis chori Domino in divina hac actione sese conjungunt, eumque stipant, ut una cum ipso, in ipso & per ipsum cor Dei Patris rapiant, ejusque misericordiam totam ad nos commiscere faciant. Ecquæ animæ est felicitas; quod affectus suos pro adeo pretioso, & desiderabili bono devote contribuat!

Quarto: si forte necessitate aliqua prægnante impedita, celebrationi summi hujus, & divini sacrificii realiter præsens adesse nequeas, animum tamen, & cor tuum huc referas oportet, ut spiritualiter intersis. Aliqua ergo hora matutina, confer te in spiritu (si aliter facere non possis) ad templum,

in.

intentionem tuam cum omnium Christianorum intentionibus coniunge, & eosdem actus interiores elice in loco, in quo versaris, quos eliceres, si realiter sancto Missæ officio aliquo in templo interesses.

Quinto: porro, & prout oportet, sanctum sacrificium Missæ audias vel realiter, vel mentaliter. Primo: jam inde ab initio Introitus, usque dum sacerdos ad altare accesserit, una cum ipso te præpara: facies hoc, si in Dei præsentia te listas, indignitatem tuam agnoscas, & peccatorum tuorum veniam roges.

Secundo: ab eo tempore, quo sacerdos altare accessit, usque ad Evangelium, considera Redemptoris nostri adventum, & vitam in hoc mundo, idque simplici, & generali quadam consideratione.

Tertio: ab Evangelio usque ad offertorium considera Domini prædicationem, & protestare te in fide, & obedientia sancti verbi, & in sanctæ Ecclesiæ Catholicæ unione vivere, & mori velle.

Quarto: ab initio offertorii usque ad recitationem *Pater noster* mysteriis passionis Dominicæ, quæ actualiter, & essentialiter in hoc sacrosancto sacrificio repræsentantur, recogitandis cor tuum applica; quod una cum sacerdote, & reliquo populo Deo Patri, ad ejus

ejus honorem, & gloriam, & ad utilitatem, & salutem tuam offeres.

Quinto: jam inde a *Pater noster* usque ad finem communionis sexcenta cordialiter desideria excitare conare, ardenter amo-
re æterno Salvatori nostro in æternum con-
jungi, & uniri desiderans.

Sexto: jam inde a communione usque ad finem Sacri gratias divinæ ejus Majestati, ob ipsius incarnationem, vitam, mortem, pas-
sionem, nec non amorem, quem nobis in
sancto hoc sacrificio testatur, age, eumque per illud obtestare, ut semper tibi, paren-
tibus, amicis tuis, & universæ Ecclesiæ pro-
pitius sit, teque ex toto corde humilians di-
vinam benedictionem, quam tibi Dominus per ministrum suum impertitur, devote re-
cipe.

At si tempore Sacri meditationem iis de mysteriis, quæ quotidie ordine dierum medi-
taris, instituere vis, opus non erit, ut par-
ticularibus his actibus practicandis te ipsam distrahas, & divertas, sed satis erit, quod intentionem tuam initio ad hoc dirigas, ut sanctum hoc sacrificium per meditationis, &
orationis tuæ exercitium adorare, & offerre cupias: cum in qualibet meditatione prædi-
eti actus aut expresse, aut tacite, & virtu-
caliter contineantur.

C A P U T . X V.

De aliis exercitiis publicis, & communibus.

PRæter hæc, diebus festis, & Dominicis, Horarum Canonicarum, & Vesperarum officio interesse te oportet, Philothea, quantum quidem per otium, & commoditatem tuam licebit; hi namque dies specialiter Deo dedicati, & sacri sunt, & in iis plures ad ejus honorem, & gloriam actus usurpandi sunt, quam in aliis. Hoc pacto quoque sexcentas devotionis dulcedines, & delicias senties, uti olim S Augustinus sensit: etenim hic in Confessionibus suis scribit, se sub initium conversionis, cum divina officia audiret, tanta introrsum animi dulcedine perfundi solitum, ut cor ei quodammodo colliquefceret, & oculi lachrymis devotionis innatarent. Tum vero quod (ut semel id dicam, & non sit opus repetere) semper plus boni, & consolationis homo e publicis Ecclesiæ officiis, quam ex aliis particularibus actibus soleat percipere, cum Deus ipse juss erit, ut semper publica privatis, & peculiaribus communia præferantur.

Libenter Sodalitatibus loci, in quo agis, adscribi velis, iis præsertim, quarum exercitia, & instituta plus fructus, & boni exempli adferunt: hoc namque pacto obedientiæ actum Deo gratissimum exercebis: nam licet

cet Sodalitates speciali ab eo præcepto præscriptæ, & mandatæ non sint, ab Ecclesia tamen commendantur: quæ declarare cupiens, quam sibi gratum sit, plures in easdem nomina dare, sodalibus earum, & membris indulgentias varias, & alia quædam privilegia impertiri solet. Ad hæc semper maximam charitatem redolet, cum multis simul concurrere, & aliis ad bona sua desideria executioni mandanda cooperari, & auxiliari. Et quanquam fieri possit, ut tam bona quis exercitia separatim faciat, atque in Sodalitatibus simul, junctimque peraguntur, imo esto, fortassis longe illi gratus, & suavius sit, eadem privatim, & sibi soli facere, per hanc tamen operum nostrorum bonorum, quam una cum fratribus & proximis nostris facimus, unionem, & collationem Deus Optimus Maximus magis glorificatur.

Idein de omnibus precibus, & devotionibus publicis censeo, in quibus, quantum quidem nobis possibile est, bono nostro exemplo proximum ædificare, & affectum nostrum in unicam Dei gloriam, & communem, ac publicam intentionem debenius dirigere.

C A P U T X V I.

Sanctos honorandos, & invocandos esse.

CUM Deus Optimus Maximus per Angelos suos s^epe suas inspirationes nobis immittat, nostrum est vicissim etiam nostras aspirations ad illum s^epe horum nuntiorum opera remittere: Sanctæ defunctorum animæ, quæ in cœlis cum Angelis versantur, & sicuti Dominus in Evangelio ait, sunt sicut Angeli D^{ei}, idem quoque nobis inspirandi, & per sanctas suas orationes pro nobis aspirandi officium subeunt,

Jungamus, mea Philothea, nostra cum cœlestibus illis spiritibus, & beatis animabus corda: & uti parvæ philomelæ junctæ matribus cantare discunt; ita per sacrum illud, quod cum Sanctis inibimus, commercium melius & orare, & divinas laudes cantare addiscemus. *Cantabo, & psallam, inquit Psalmista, in conspectu Angelorum.*

Speciali quodam amore, & honore sacram, & gloriosam Virginem Mariam honora, reverere, & cole; ipsa quippe supremi Patris nostri Mater est, ac proinde avia nostra. Ad illam ergo confugiamus, & velut parvuli ejus perfecta quadam cum fiducia omni momento, & omnibus in casibus illius nos in gremium recipiamus: benignissimam hanc Matrem invocemus, amorem ejus ma-

ternum imploremus, & virtutes illius imitari satagentes, vere filiali quodam affectu, & corde erga ipsam feramur.

Angelis quoque valde familiaris esto, & eos frequenter vitæ tuæ, & actionibus tametsi invisibiliter præsentes considera: ante omnes vero præcipue dilige, & reverere Angelum Diœcœlos, in qua habitas, præsidem, uti & Angelos eorum, inter quos, & quibuscum agis, & præcipue tuum Angelum custodem, & tutelarem: eos ergo sæpe invoca, lauda, & honora, atque in omnibus negotiis tuis tam spiritualibus, quam temporalibus, illorum opem, & auxilium implora, ut tuis illi intentionibus cooperentur.

Magnus ille Pater Petrus Faber, primus in sancta JESU Societate Sacerdos, primus Concionator, primus Theologiæ Doctor, & primus S. Ignatii fundatoris ejusdem socius, quodam tempore e Germania, in qua multa ad divinam gloriam spectantia obsequia præstiterat, veniens, & hanc Diœcesin, in in qua natus fuerat, pertransiens, narrabat, se multis hæreticorum provinciis peragratis, plurimas inde sensisse consolationes, quod singularum paræciarum, quas ingrediebatur, Angelos protectores, & tutores in ingressu illarum salutasset! quos sibi notabiliter faventes, & propitios fuisse est expertus tum in ipso avariis hæreticorum insidijs protegendo,

tum

tum in plurimis animabus illi emoliendis, & facilibus ad doctrinam salutarem recipiendam reddendis. Id autem tanta cum efficacia, & energia aliis commendabat, ut matrona quædam, tum quidem adhuc juvenis, cum id illum dicentem audisset, id ipsum jam quadriennio, id est: post sexaginta, ex quo id audisset annos, insigni cum sensu nobis referret. Incredibili certe cum gaudio, quadam anno superiore eo in loco, in quo beatum hunc virum Dominus nasci fecit, in parvo, inquit, pago Vilareto, in asperrimis agri nostri montibus sito, altare consecravi.

Porro tibi felige aliquos Sanctos particulares, quorum vitam sequi melius, & imitari possis, & quorum intercessione melius, & particularius te adjuvari posse confidis. Ille autem, cuius nomen geris, particulatim tibi jam inde a baptismo ad cultum assignatus est.

C A P U T X V I I.

*Quomodo verbum DEI audire, & legere
oporteat.*

SIngularem habere affectum erga verbum DEI debes; sive ipsum in familiari cum amicis tuis spiritualibus colloquio, sive in concionibus pro suggestu audias, semper ipsum

sum attente, & reverenter audi, & aliquam ex illo utilitatem, & fructum elice, nec ipsum in terram cadere, & effundi sinas, & velut pretiosum quoddam balsamum in cor tuum recipe: exemplo nimirum Deiparæ Virginis, quæ quæcumque ad filii sui laudem, & præconium verba dicebantur, sedulo in corde suo conservabat. Et noris, Dominum ita omnia verba, quæ illi in precibus nostris proferimus, observare, & colligere, prout vicissim ipsi colligimus illa, quæ nobis ipse per os concionatoris eloquitur.

Habe semper penes te librum aliquem spiritualem, uti sunt libelli S. Bonaventuræ, joann. Gersonis, Dionysii Carthusiani, Ludov. Blosii, Granatensis, Did. Stellæ, Ariæ, Pinelli, Ludov. de ponte, Joann. Avilæ, Lucta spiritualis, Confessiones S. Augustini, Epistolæ S. Hieronymi, & similes, & quotidie aliquid in iis magna cum devotione lege, perinde ac si literas legeres, a Sanctis tibi de cœlo missas, quibus tibi viam cœlum versus ostenderent, teque ad eodem pergendum animarent. Lege præterea historias, & vitas Sanctorum, in quibus velut in speculo ipsam vitæ Christianæ imaginem videbis, ex eorumque operibus, & actionibus, pro statu, & vocatione tua, rem tuam facere stude: nam esto multæ Sanctorum actiones imitari nequeant, & inimitabiles sunt ab iis, qui

qui in mundo vivunt; omnes tamen imitari queunt aut de prope, & omnino, aut de longe, & ex parte. Solitudinem quippe Pauli primi Eremitæ imitari aliquatenus potes in recollectionibus tuis spiritualibus, quin & personalibus, de quibus & postea agemus, & supra jam egimus; S. Francisci paupertatem, per eas praxes, & exercitia paupertatis, quas suo loco praescribeimus, & sic de alijs.

Inter ipsas autem historias quædam majus ad vitæ nostræ directionem, gubernationemque lumen suppeditant, quam aliæ: tales sunt vitæ S. Matris Teresæ de JESU, quæ in hoc singularis cumprimis, & admirabilis est, vitæ primorum Patrum Societatis JESU, & S. Caroli Borromæi Archiepiscopi Mediolanensis, S. Ludovici, S. Bernardi, Chronicæ fratrum Minorum, & aliæ id genus: aliæ vero admirandæ magis, quam imitandæ sunt, uti S. Mariæ Ægyptiæ, S. Simeonis Stilitis, SS. Catharinarum Senensis, & Genuensis, S. Angelæ, & aliæ hujusmodi? quæ tamen nihilominus magnum quendam in genere sancti amoris divini gustum legentibus dare solent.



C A P U T X V I I I .

Quomodo inspirationes divinæ admittendæ sint.

INspirationes voco, omnes internas attractiones, motus, coargutiones, & remorsus, lumina quoque, & cognitiones, quas Deus suis in benedictionibus paterna quadam cura, & amore cor nostrum præveniens in nobis incitat, quo nos ad sanctas virtutes, amorem cœlestem, bona proposita, denique ad omnia, quæ nos ad bonum æternum aliquo modo conducunt, excitet, exerceat, alliciat, & impellat. Atque hoc est, quod sponsus in Canticis vocat ad ostium stare, & pulsare, loqui ad cœr sponsæ, eam dormientem excitare, vocare, & absentem conquirere; hoc item intelligit, dum eam ad mel suum, atque ad poma, & fructus in horto suo colligenda, & ad cantandum, ut vox ejus dulcis in auribus suis sonet, invitat.

Ad plenum, & absolutum matrimonii contractum tres ex parte puellæ, quam parentes elocare volunt, actiones interveniant, oportet. Primo namque futurus conjux ei proponitur, deinde ipsa eum sibi placere dicere debet, tertio consensum in eundem dat: sic Deus Optimus Maximus aliquem magnæ virtutis actum in nobis, per nos, & nobiscum

cum facere volens, primo sua nobis inspiratione eum proponit, secundo nos eum ratum habemus, tertio assensum præbemus. Nam sicuti tres sunt gradus, quibus ad peccatum descenditur, tentatio nimirum, delectatio, & consensus: sic & tres sunt, quibus ad virtutem ascenditur, inspiratio scilicet, quæ temptationi opponitur, in inspirata re delectatio, quæ delectationi in malum objecta est, & in inspirationem consensus, qui consensui in temptationem contrarius est.

/ Tametsi inspiratio toto vitæ nostræ dura-
ret tempore, non propterea tamen Deo vel
hilum placeremus, si ea minime delectemur?
imo vero divina ejus Majestas gravissime in-
dignaretur, & offenderetur, qui indignatus
est olim adversus Israelitas, quibus quadra-
ginta ipsis annis inspiratione sua proximus
fuit (ut ipsemet testatur) identidem eos,
ut se converterent, incitans, & urgens; ipsi
vero nunquam ei bene monenti auscultare
voluere: quibus proinde juravit in ira sua,
quod non introirent in requiem suam. Quem-
admodum nobilis aliquis procus, qui longo
tempore per omne obsequiorum, & merito-
rum genus puellæ alicujus favorem, & amo-
rem sibi comparare studuisset, plene, plane-
que officio suo defunctus dici posset, esto
ipsa, post hæc omnia, nullatenus assensum
in matrimonium, quod is spectat, dare velit.

Ipsa, quæ ex divinis inspirationibus capi-
tur, delectatione insignem ad divinam glori-
am progressum facimus, & jam tum per illam
divinæ ejus Majestati placere incipimus; nam
tametsi illa delectatio nondum plenus sit
consensus, aliqua tamen ad eundem via, &
dispositio est. Ad hæc, bonum signum, &
cum primis utile est, verbi DEI auditione de-
lectari; hoc namque velut inspiratio quædam
externa est: ut & bonum, Deoque cum pri-
mis gratum est, interna inspiratione delecta-
ri. De hac namque delectatione loquitur
sponsa sacra, dum ait: *Anima mea lique-
facta est, dum dilectus meus locutus est.* No-
bili quoque illi tum satis, superque puella,
quam procatur, satisfacit, & placet, dum
quæcunque ei præstat officia, & obsequia,
grata illi esse, & placere conspicit.

At consensus actum bonum tandem in
se perficit; si enim & inspirationem sentia-
mus, & ex eadem quoque voluptatem capi-
amus, nihilominus postea consensum præsta-
re Deo nolimus, certe quam ingratissimi su-
mus, & divinam ejus Majestatem quam ma-
xime offendimus; nam maiorem tunc con-
temptum præferre videmur. Sic namque in
Canticis sponsæ contigit: licet enim dilecti
sui vox sancta quadam voluptate cor ejus
affecisset; ostium tamen ei non adaperiebat,
sed satis frivola se excusatione purgabat, un-
de

de sponsus merito indignatus pertransit, eamque deserit: sic nobilis ille procus, si postquam diu puellam ambiasset, & obsequiis quoque suis illi placuisset, tandem adhuc ab ea repudiaretur, & vilipenderetur, longo majorem indignandi, & stomachandi occasionem haberet, quam si petitio, & procatio sua rata habita non fuisset, suaque obsequia minime placuissent.

Quapropter, Philothea, firmiter propinas oportet omnes, quas Deus tibi facere dignabitur, inspirationes dignanter, & bono corde acceptare, easque dum tibi fient, ceu Regis cœlestis, tecum matrimonium injre, & contrahere desiderantis legatos & nuntios admitte, propositiones, & postulata earum benignè ausculta, amorem, ex quo tibi inspiratio fit, perpende, sanctamque inspirationem amanter amplectere.

Consensu itaque, sed pleno, amoroso, & constanti sanctæ inspirationi consentias; hoc enim pacto fiet, ut Deus, cui nunquam satisfacere potes, satis tibi factum ob affetum tuum putet. At priusquam inspirationibus de magni momenti, & extraordinariis rebus consensum, & assensum præstes, ne decipiaris, directorem, & patrem tuum spiritualem semper consule; ut examinet nimicum, utrum inspiratio vera sit, an falsa. Etenim inimicus animam ad inspirationibus

consentiendum facilem, & promptam, videntis,
sæpe ei falsas ad eam decipiendam proponit:
nunquam vero eam decipiet, quamdiu
in spiritu humilitatis directori suo obtempe-
rabit, ejusque ductum sequetur.

Consensu jam præstito, summa cum
promptitudine, & diligentia rem propositam
effectui mandare, & inspirationem opere
ipso exequi necesse est: hoc namque veræ vir-
tutis summa est, & complementum; consen-
sum namque in animo habere, & ad effe-
ctum, & rem ejusdem non venire perinde
foret, atque vineam aliquam plantare, ac
nolle, ut ea uvas proferat.

Porro ad hæc omnia incredibiliter con-
ducit, rite, & prout oportet matutinum
exercitium, nec non recollectionem spiritua-
lem, de quibus jam ante locutus sum, pra-
dicare: hoc namque modo præparamus nos
ad præparationis non generalis solum, sed &
particularis bonum faciendum.

C A P U T X I X.

De sancta Confessione.

Poenitentiae, & Confessionis Sacramen-
tum ad hoc Dominus Ecclesiæ suæ reli-
quit, ut quoties nos iniquitates commacula-
bunt, & deturpabunt, illas in eo eluamus.
Noli ergo, mea Philothea, pati, ut cor
tuum

tuum peccato diu infectum maneat, cum **re-**
medium tam **præsens**, & facile ad manum
habeas. Leæna, cum a leopardo oppressa
 fuit, quam citissime sese in profluente ablu-
 tum it, quo fœtorem, qui sibi ex illa copula
adhæsit, hac ratione tollat, ne veniens leo
ipsumquæ olfaciens, offendatur, & irritetur.
 Sic anima, quæ peccato consensit, sui ipsius
concipere horrorem, & se quam promptissi-
 me debet emundare, idque ob respectum,
 & reverentiam, quam divinæ Majestatis ocu-
 lis debet. Sed cur obsecro, morte spirituali
 mori velimus, cum tam singulare, & **præsens**
remedium habeamus.

Humiliter, ergo, & devote quot hebdo-
 madis confitere, & si fieri potest, quoties ad
 sacram communionem accedis, tametsi nul-
 lum peccati alicujus mortalis in conscientia
 tua remorsum sentias: etenim per confessio-
 nem, quam institues, non solum venialium
 peccatorum, quæ confiteberis, absolutionem,
 sed & incredibile ad eadem in posterum evi-
 tanda robur recipies, uti & ingens ad ea-
 dem bene discernenda lumen, nec non ab-
 undantem gratiam ad omnem jacturam, ac
 dispendium, quam tibi attulerant, reparan-
 dam. Ad hæc humilitatis, obedientiæ, can-
 doris, & charitatis virtutem exercebis, &
 plures in solo hoc confessionis actu virtutes,
 quam in alio quocunque usurpabis.

Sem-

Semper tibi ea, quæ confiteberis, peccata, quantumcunque parva sint, vere displateant, firmumque concipe propositum eadem in posterum serio corrigendi. Multi e consuetudine quadam, & velut pro forma, nullo modo de emendatione vitæ suæ cogitantes, peccata sua venialia confitentur: & hi, quoad vivunt, iisdem infecti, & inquinati manent: itaque fit, ut bonorum, & fructuum spiritualium multorum jacturam faciant. Si ergo mentitam te esse confitearis, tametsi nullum proximo mendacio tuo secutum sit damnum; aut aliquod verbum inordinatum locutam, aut nimium lusisse; pœniteat te, firmumque te emendandi propositum concipe. Etenim abusus, & error est, peccatum aliquod, sive mortale, sive veniale confiteri, & nolle se ab eo expedire, cum non ob ~~aliquum~~, quam hunc finem confessio sit instituta.

Nec satis est, accusationes illas superfluas, & generales facere, quas multi ordinatim, & seriatim faciunt dicentes, non dilexi Deum tantum, quantum debebam, non oravi ea devotione, qua orare oportuit, non dilexi, aut complexus sum proximum, prout debebam; non recepi Sacra menta ea reverentia, qua debebam; & alias hujusmodi. Ratio est, quod hæc dicendo, nihil dictura sis particula re, quo Confessarius conscientiæ tuæ statum per

perspectum, & exploratum habeat: idem quippe dicere possent omnes, qui in cœlo sunt Sancti, & qui in terra homines, si confessionem instituerent. Vide ergo, quæ te privatim causa moveat, ut has accusationes tui facias; quam ubi detexeris, & videris, te defectus commissi accusa, idque plane, simpliciter, & nude. Exempli causa, accusas te, quod proximum non eo, quo oportuit, amore sis prosecuta; id ideo forsitan factum est, quod alicujus pauperis in summa necessitate constituti, quem facili negotio juvare, & consolari poteras, miserta non sis, nec ullam ejus curam habueris. Sed immisericordia hujus particularis te accusa dicens: Videns pauperem aliquem inopia summa oppressum, eum non juvi, prout quidem poteram, vel e negligentia, vel ex inclemencia, vel contemptu, prout defectus hujus causam, & occasionem fuisse deprehendes. Pari modo ne te accuses, quod Deum ea devotione non oraris, qua quidem debes: at dic simpliciter, & aperte, si voluntarias in oratione distractiones habueris, aut commodum locum, tempus, & corporis situm ad attentionem in oratione habendam necessarium captare neglexeris, prout te hic deliquisse comperies, generalem illam accusationem non afferendo, quæ in confessione ad nihil omnino prodest, & frustra est.

Nec

Nec satis tibi sit, peccata venialia quoad factum ipsum confiteri, sed & causam, motivumque, per quæ ad eadem committenda fuisti inducta, expone. Exempli gratia, satis tibi non sit dicere, esse te, etsi sine ullius ~~dile~~ pendio, mentitam; sed adde, an id ē vana gloria, ut te scilicet laudares, & excusares; an vero ē vano gaudio, vel pertinacia feceris. Si in lusu deliqueris, explica, an id feceris præ lucri cupidine, an quod voluptatem e conversatione captaris, &c.

Adjunge præterea, an diu in malo tuo hæseris; etenim temporis diuturnitas adauget plerumpue peccatum nra mediocriter, cum magnum sit inter vanitatem quandam transitoriam, quæ non nisi ad quadrantis horæ spatium in animo nostro manserit, & eam quæ integrum per diem, aut biduum, aut triduum cor nostrum occuparit, discrimin, ergo & factum, & motivum diuturnitas peccatorum nostrorum aperienda est. Nam esto, communiter in peccatorum venialium explicacione usque adeo exactos, & scrupulosos nos non esse oporteat, imo vero absolute non teneamus eadem confiteri; qui tamen animas suas bene expurgare volunt, quo melius ad sanctam devotionem pertingant, seduli, & accurati sint, oportet, ad malum suum, quantumlibet parvum id sit, a quo curari, &

sa-

sanari cupiunt, medico suo spirituali integre,
& sincere patefaciendum.

Ne vereare dicere id, quod necessario dicendum est, quo peccati tui qualitas bene, perfecteque intelligatur, uti est verbi gratia, occasio, & causa, qua ad alicui irascendum mota fuisti, aut cur alicujus peccatum toleraris, aut ipsum reprehendere neglexeris. Exempli causa, aliquis mihi usque adeo non placens, leve aliquod mihi verbum per jocum dicet; ego vero id in malam partem accipiam, & ob id illi indignabor. Si quis alius, qui mihi placuissest, aliud multo asperius dixisset, bonam id in partem accepissem. Itaque inter confitendum non verebor dicere: protuli verba indignationis in aliquem in malam partem accipiens aliquid quod mihi dixerat, non quod revera verba ejus essent talia, sed quod dicens mihi displiceret. Et si etiam, quo bene conscientiae tuæ statum declares, ipsamet necesse sit verba particulatim referre, credo bonum fore ipsa dicere. Nam dum quis sic aperte se accusat, non modo peccata, quæ commisit, sed & malas inclinationes, mores, habitus, atque alias peccati radices patefacit: itaque spiritualis Pater plenam, perfectamque animi, & conscientiae, quam tractat, nec non remediorum, quæ ei propria sunt, & convenient, cognitionem accipit. Semper tamen studiose

cavendum est, ne tertia persona, quæ peccato tuo aliquo modo est cooperata, quantum quidem fieri potest, patescat, & detegatur.

Diligenter quoque animadverte ad multa peccata, quæ sœpe insensibiliter in conscientia vivunt, & dominantur, ut ipsa confitearis, teque ab iisdem expurgare valeas. Legas ad hoc diligenter Caput VI. XXVII. XXVIII. XXIX. XXXV. & XXXVI. Partis tertiae, & Caput VII. Partis quartæ.

Ad hæc non facile Confessarius tibi mutandus est: at postquam aliquem jam tibi delegeris, huic exinde conscientiæ tuæ rationem perge reddere, diebus ad hoc faciendum præstitutis, candide, & aperte omnia quæ admisisti peccata, nec non tempus ab ultima confessione elapsum declarando, verbi gratia, esse jam mensem aut duos ab ea elapsos. Aperi præterea inclinationum tuarum statum, esto per has ipsas minime deliqueris; si nimium in cristiā propendeas, aut natura sis morosior, si in lætitiam, aut opum comparandarum cupiditatem sis inclinatior; & sic de aliis affectibus, & inclinationibus.



C A P U T X X.

De frequenti Communione.

Fertur Mithridates Ponti Rex cum mithridaticum medicamentum invenisset, ita suum per hoc ipsum corpus corroborasse, & armasse, ut cum postea quo Romana vincula, & captivitatem evitaret, veneno sibi vitam vellet abrumpere, nequaquam potuerit. Redemptor noster Christus augustissimum Eucharistiae Sacramentum, quod carnem ejus & sanguinem realiter continet, instituit, ut, qui ipsum comedit, in æternum vivat. Unde qui ipsum crebro cum devotione suscipit, ita animæ suæ vitam, & sanitatem confirmat, ut ipsum pròpemodum impossibile sit, ab aliquo sinistro affectu, viaque inclinatione intoxiciari: nemo carnem hanc vitæ potest comedere, eaque nutriri, & mortis affectibus exinde vivere. Adeo ut, quemadmodum homines in Paradiso terrestri agentes, secundum corpus mori non poterant, idque vi, & efficacia ligni illius vitæ, quod in ejus medio Dominus plantarat: sic spiritualiter, & secundum spiritum iidem mori non possint virtute Sacramenti hujus vitæ. Si enim fructus moliores, & corruptioni præ aliis obnoxii (puta cerasa, poma annenia, & fraga) facili negotio per totum annum integri conservantur, si quando saccharo,

aut melle condiuntur; mirum sane non est, corda nostra, tametsi fragilia, & imbecilla, a peccati corruptione integra conservari, quando ab incorruptibili carne, & sanguine filii DEI saccharata, & mellita sunt. Qui-
cunque Christiani, Philothea, damnationi ad-
dicentur, nihil habebunt certe, quod in su-
am defensionem, & excusationem adferant
tum, cum Judex justissimus illis ostendet,
quam immerito spiritualiter mori voluerint,
cum tam facile & vitam, & sanitatem cor-
poris sui, quod hac de causa illis relictum,
& datum erat, manducatione conservare po-
tuerint. Ah miseri, dicet, cur quæso, mor-
tui estis, cum fructum, & cibum vitæ in
manibus vestris habueritis, & potestate?

Quotidie porro sacram Eucharistiæ com-
munionem percipere nec laudo, nec vitupe-
ro; at singulis Dominicis diebus communi-
care & suadeo, & quisque ut communicet,
exhortor, dummodo spiritus ab omni erga
omne peccatum affectu liber sit, & immu-
nis. Sunt hæc ipsa S. Augustini verba, qui
cum nec probo, nec improbo absolute quo-
tidianam communionem, sed Patris spiritua-
lis hominis illius, qui huc propendet, & sic
communicare volet, discretioni eam relin-
quo. Nam cum dispositio, quæ ad tam fre-
quentem communionem requiritur, valde ex-
acta, & eximia esse debeat, hinc eam ge-

neraliter cuilibet consulere consultum non est. Verum quoniam hæc ipsa dispositio, tametsi singularis, in multis sanctis animabus haberri potest, & inveniri, hinc etiam non consultum est, generaliter unumque in a tali communione divertere, & abstrahere, at juxta cujusque conscientiæ statum in particulari ea aut suadenda, aut dissuadenda. Etenim imprudentiæ specimen foret, tam frequentem Eucharistiæ usum omnibus sine ulla distinctione consulere; uti & imprudentia foret, aliquem propter eum reprehendere, maxime si boni, prudentisque aliquius directoris consilium in hoc sequeretur. Scite sane S. Catharina Senensis, suam ad eo frequentem communionem reprehendentibus, eo quod S. Augustinus eam nec laudabat, nec vituperabat, respondit. Cum, inquit, S. Augustinus eam non vituperet, rogo, ne & vos eam vituperetis, & hoc mihi sufficiet.

At vides, Philothea, Augustinum consulere quam maxime, & neminem non exhortari, ut singulis diebus Dominicis communionem sacram adeat; hoc ergo consilium sequere, & exequi pro viribus stude. Etenim cum nullum erga peccatum mortale affectum, & propensionem (uti præsuppono) habeas, nec etiam erga aliquod veniale inclinata sis; veram illam dispositionem ha-

bes, quam S. Augustinus requirit, quin & adhuc multo excellentiorem; nam non modo non habes affectum peccandi, sed ne quidem erga peccatum, adeo ut, si Pater tuus spiritualis consuleret, & expedire censeret, etiam saepius, quam unaquaque Dominica cum animæ tuæ fructu communicare posses.

Nihilominus multa legitima occurrere possunt impedimenta, non quidem a parte tua, sed ab iis, quibuscum agis, quæ prudenti conductori occasionem forsan darent tam frequentem tibi communionem inhibendi. Si verbi gratia, alicujus in subjectione agas, & si ii, quibus aut obedientiam, aut reverentiam debes, ita male edocti, & stupidi essent, ut toties te sacram communionem adire videntes scandalizentur aut se turbent. Quare, rebus omnibus consideratis, consultum forsan erit illorum infirmitati aliquo modo in hoc acquiescere, & nonnisi decimoquinto quoque die sacram communionem adire, at hoc intelligitur ita, si difficultatem nimirum aliter exsuperare nequeas. Sed nihil certi hac in re generaliter definiri, & consuli potest: at faciendum, quod tibi Pater spiritualis faciendum consulet. Quanquam hoc certo, & audacter dicere queam, eos, qui devote servire Deo volunt, non posse minus, quam singulis mensibus commu-

nicare , nec diutius differre communionem posse.

Si satis prudens sis , tibi nec mater , nec uxor , nec maritus , nec pater impedimento erunt , quo minus saepe sacram communionem adeas ; cum enim ipsa communionis die officii tui partes pro statu tuo convenienter expleas , & erga illos tum benignior , & affabilior sis , nullumque genus obsequii eis deneges , verisimile certe non est , illos hoc in exercitio ulla tenus impedire te velle , cum nullum ex hoc ipsis secuturum sit incommodum , nisi forsitan admodum impertinentes , morosi , & rationi dissentanei forent . Hoc in casu (uti dixi) si director tuus ita faciendum suaserit , illorum voluntati forsitan condescendendum erit .

Pro conjugatis aliquid hic addam , oportet . In veteri lege vetuerat Deus , ne creditores diebus festis debitum a debitoribus suis exposcerent , at non damnabat , si debitores eis diebus ea , quæ debebant , exigentibus solverent . Indecens est , quamquam non magnum peccatum , matrimoniale debitum ea die exigere , qua sacram quis adiit communionem ; at indecens non est , imo vero meritorium ipsum reddere : non ergo ob debiti illius redditionem communione quis privandus est , si alioquin devotio ad ipsam aedificandam seratur . Certe in primiti-

va Ecclesia Christiani quotidie communica-
bant, esto essent conjugati, & prolibus ope-
ram darent. Atque ideo dixi, frequentem
communionem nullum omnino incommodum
aut parentibus, aut uxoribus, aut maritis
dare consueuisse, dummodo is, qui eam adit,
prudens sit, & discretus. Morbi vero cor-
porales nullum penitus sanctæ huic partici-
pationi impedimentum adferunt, nisi talis
forsan is esset, qui frequentes vomitus pro-
vocaret.

Ad singulis octonis diebus communican-
dum requiritur, ut quis sit ab omni peccato
mortali, & erga peccatum veniale affectu,
desiderioque liber, ardensque communican-
di desiderium habeat; verum, ut quotidie
quis sacras epulas accedat, potissimum præ-
terea malarum suarum inclinationum par-
tem superarit, necesse est, & nonnisi Patris
sui spiritualis cum consensu, consilioque id
aggredi debet.

C A P U T XXI.

Quomodo communicandum sit.

J Am inde a præcedente vespera ad sanctam
communionem te præparare incipe, id-
que per multas aspirationes, & amatorias
animi elibrationes, paulo citius dormitum con-
cedens, ut etiam citius, & tempestivius pos-
sis

sis surgere , si forte ea nocte expurgisceris , statim spiritum , & os tuum verbis quibusdam devotis , ac odoriferis adimple , quibus anima tua ceu odoramentis quibusdam perfundatur ad sponsum suum admittendum , qui te dormiente vigilans sexcentas tibi gratias , & charismata dare paratus est , dummodo tu a parte tua ad easdem recipiendas disposita sis . Mane summa cum animi hilaritate , & gaudio surgito , quod maximum bonum , & beneficium hodie sis acceptura ; & sacra confessione præmissa , magna quadam fiducia , simul & magna cum animi humilitate ad cœlestem hunc cibum , qui ad immortalitatem te nutrit , sumendum accede . Et postquam jam sacra illa verba *Domine non sum dignus* , dixeris , caput , aut labia vel ad orandum , vel ad suspiria ducenda amplius non movebis , sed ore modeste , ac modice diducto , & capite tantum , quantum necesse est , elevato , ut Sacerdos commode videat , quid agat , plena fide , spe , & charitate recipe illum , quem , in quem , per quem , & propter quem credis , speras , & diligis . Considera , Philothea , sicut apis , postquam rorem cœlestem , & præstantissimum terræ sucum jam e floribus collegit , & in mel redigit , ipsum in alveare suum invehit ; ita Sacerdotem , postquam mundi Salvatorem , verum Dei filium , qui instar

oris cœlo descendit, & verum Virginis filium, qui floris in morem ex humanitatis nostræ terra prodiit, ex altari accepit, illum velut cibum savissimum in os, & intra corpus tuum inducere. Postquam illum jam recepisti, cor tuum ad Regi huic salutari subsequum deferendum excita, & cum illo de rebus ad animam tuam spectantibus tracta, cumque intra teipsum considera, quo, ut tibi benefaceret, sese recepit. Denique quam poteris intime, & amicissime eum excipe, & tracta itaque te gere, ut ex omnibus actionibus tuis evidenter appareat, & cognoscatur, Deum cœli in te commorari.

Verum cum realiter in Missa non poteris communicare, saltem spiritualiter, & affectu communica, ardenti quodam desiderio vivificæ huic Salvatoris carni te uniens, & conjungens.


Non alia autem tua in communicando intentione esse debet, quam ut te in amore Dei promoteas, corrobores, & consoleris, ex amore, & ut amorem quippe recipias, oportet, quod solus amor fecit, ut haberes: neque enim considerari Salvator in amorosior, & teneriore actu potest, quam est hic, in quo se (ut ita dicam) annihilat, & in cibum convertit, quo in animas nostras penitus se insinuet, & penetret, & cor-

dibus, corporibusque fidelium suorum intime uniat.

Si quis mundanorum te roget, cur toties sacram communionem adeas, responde, te idcirco facere, ut D^eum amare discas, te ab imperfectionibus tuis expurges, a miseriis liberes, in afflictionibus consolationem invenias, in debilitatibus, & fragilitatibus fulcimentum. Dicito, duo hominum genera saepius sacras has epulas adire debere. Primo perfectos, cum enim hi bene dispositi sint, certe male agerent, si ad perfectionis fontem, & originem minime accederent: deinde imperfectos, ut sic cum ratione ad perfectionem aspirent, & pertingant. Fortes quidem, ne debiles reddantur; debiles vero, ut fortes evadant; ægros, ut sanentur; sanos, ne in ægritudinem aliquam incidant: te vero, ut imperfectam, debilem, & ægram saepius cum perfectione, robore, & medico tuo communicare oportere. Responde quoque, illos, qui pauca a mundanis negotiis impedimenta habent, saepius certe communionem sacram debere frequentare, quod magna ad hoc illis suppetat commoditas; eos vero, qui pluribus negotiis implicantur, quod ea maxime opus habeant, & quod illum, qui multum laborat, & variis doloribus opprimitur, cibos solidos, & quidem frequenter comedere oporteat. Dic,

ideo te sacrosanctum Sacramentum recipere,
ut bene recipere discas, & assuefas, neque
enim bene, & prout oportet, opus aliquod
fieri potest, nisi quis illud saepius exerceat.

Sæpe ergo, mea Philothea, communi-
ca, & quam potes sapissime, idque suasu,
& consilio Confessarii tui, & mihi crede, si-
cuti lepores in montibus nostris hyberno
tempore albescunt, quod præter nivem ni-
hil videant, aut comedant; ita te, pulchri-
tudinem, bonitatem, & puritatem ipsam in
divino hoc Sacramento saepius adorando,
& comedendo, totam pulchram, bo-
nam, & puram evasuram.




INTRODUCTIONIS PARS TERTIA.

Plurima continens documenta circa
virtutum exercitum.

C A P U T I.

*De electione in virtutum exercitio
necessaria.*



A Pum Rex nunquam foras pro-
volat, nisi omni populo, &
subditis suis stipatus: sic nun-
quam charitas animam alicujus
ingreditur, quin simul reliquarum virtutum
satellitium, & chorum secum trahat, eas
exercens, & occupatas habens, perinde ac
dux milites suos: quanquam eas non simul,
nec æqualiter, nec omni tempore, & loco
exerceat, & operi applicet. Justus quippe
instar arboris est, secus decursus aquarum
plantatae, quæ fructum suum dat in tempo-
re suo; quod charitas, animam quandam ir-
rigans, varia virtutum opera suo singula
tempore in ea producat. Musica, ut dicitur
in

in proverbiis, quæ per se adeo recreat, & grata est, in luctu tamen importuna est. Insignis certe nonnullorum error est, qui dum virtutem aliquam particularem exercere student, ubique, & quibusvis in occasionibus actus producere pervicaciter volunt, & uti prisci illi duo Philosophi, aut semper flere, aut semper ridere cupiunt: & quod pejus est, fugillant, & carpunt eos, qui, sicut ipsi, easdem has non semper virtutes excent. Gaudendum est cum gaudentibus, & flendum cum flentibus, ut suadet Apostolus: charitas item patiens est, benigna, liberalis, discreta, & omnibus se accommodat.

Aliquæ tamen sunt virtutes, quarum usus, & exercitium prope universalis est, & quæ actus suos non solum separatim, & privatim exercere, sed & per aliarum omnium virtutum actus qualitates suas diffundere debent. Neque enim fortitudinis, magnanimitatis, & magnificentiæ excendæ sæpe occasio offertur: at benignitas, temperantia, honestas, & humilitas virtutes hujusmodi sunt, ut ab iis omnes, & quælibet vitæ nostræ actiones tingi, & decorari debeant. Sunt quidem, fateor, virtutes quædam his multo excellentiores, usus tamen illarum priorum magis necessarius est. Saccharum sale quidem excellentius, & præstantius est, usum tamen

tamen sal frequentiorem, & generaliorem habet. Quamobrem semper a virtutibus his generalibus optime quis instructus sit oportet, quod nullo prope non loco, & tempore earum usus necessarius sit.

Porro illarum virtutum exercitium præferendum est, quæ officio nostro, & debito sunt conformiores, non vero quæ sensualitati, & affectui privato magis arrident. S. Paula cum primis sapiebat, corporalium mortificationem asperitati sese dare, quo dulcedine, & consolationibus spiritualibus perfundetur; sed superioribus eam suis obedire necesse magis erat. Unde fatetur S. Hieronymus, eam in hoc reprehensibilem fuisse, quod contra voluntatem, & consilium Episcopi sui immoderatis sese abstinentiis atterraret. Apostoli vice versa ad Evangelium prædicandum, & cœlestem animabus panem impertendum constituti, merito, & consulto minime impedire judicarunt, sanctum hoc exercitium se relinquere, quo virtutem, quæ circa pauperes curandos versatur (esto excellentissimam) exercearent. Unaquæque vocatio, & munus specialis alicujus virtutis exercitio opus habet: aliæ quippe virtutes sunt Prælati, aliæ Principis, aliæ militis, aliæ mulieris conjugatæ, aliæ viduæ, ut licet omnes, universas habere virtutes debent, non tamen omnes æqualiter eas pra-

Eti.

Eticare, sed quemque particulariter iis se virtutibus dare necesse sit, quæ ad vitæ genus, ad quod vocatus est, cum primis sunt necessariæ.

Inter virtutes autem, quæ ad officium, & munus nostrum particulariter non spectant, eæ sunt præferendæ, quæ aliis sunt majores, & excellentiores, non autem, quæ præ aliis velut digniores eminent. Cometæ ut plurimum aliis stellis majores apparent, & plus loci oculis nostris continere videntur, cum aliis tamen stellis nec quoad qualitatem, & naturam sunt comparandi; & non alia de causa videntur magni, quam quod præ aliis stellis nobis sunt viciniores, & in materia, & subjecto crassiori constituti. Sic etiam quædam virtutes sunt, quæ quia nobis vicinæ, sensibiles, & (si dicere fas sit) materiales sunt, hinc semper a populo magni fiunt, & aliis digniores censemur. Hinc est, quod vulgus communiter eleemosynam temporalem spirituali præfert; cilicum, jejunium, nuditatem, flagellationem, & mortificationem corporis benignitati, mansuetudini, modestiæ, & aliis animi mortificatiibus, quæ tamen longe sunt excellentiores, & præstantiores. Meliores itaque virtutes tibi felige, Philothea, non vero eas, quæ pluris ab aliis fiunt; excellentiores aliis, atque

que non eminentiores, meliores, & non celebriores.

Expediens est, ut quisque particularem aliquam virtutem sibi exercendam proponat, non quidem, ut propterea reliquarum exercitium omittat, sed ut spiritum suum melius directum, & occupatum habeat. Formosa quædam juvencula, sole fulgentior, reginæ in morem adornata, & oleagino seruo redimita, Joanni Archiepiscopo Alexandrino spectandam sese obtulit, & ait, Ego sum filia primogeniti Regis; si me tibi amicam eligere, & habere velis, illius in conspectum te introducam: intellexit ipse, hanc esse piam in pauperes misericordiam, quam Deus illi commendatam, & amicam habere volebat, cuius is proinde exercitio ita se post applicuit, ut propter eam passim S. Johannes Eleemosynarius cognominetur. Eulogius Alexandrinus speciale aliquod Deo obsequium præstare cupiens, nec satis virium habens, vel ad vitam solitariam secundam, vel ad ulterius se imperio, nutuique subjiciendum, pauperem quendam lepra turpissima, & fœdissima coopertum in domum suam recepit, erga quem charitatem, & mortificationem exerceret; quod ut dignius, & melius etiam præstaret, votum concepit, ita se eum honoraturum, habiturum, & ministraturum, ut famulus Domino famulatur,

&

& colit. Cum vero & leprosus ad Eulogium, & Eulogius vicissim ad leprosum deserendum tentaretur, ambo magnum Antonium notæ sanctitatis Anachoretam adiere: qui ad utrumque: Cavete, inquit, charissimi, ne alter ab altero recedatis; cum enim ambo non procul a fine, & exitu vestro dissipati sitis, si vos Angelus Domini simul, & conjunctos non inveniat, in præsentissimo ambo coronarum vestrarum amittendarum discrimine versamini.

S. Ludovicus Rex tam studiose valetudinaria obibat, suisque ipse manibus ægrotis inserviebat, ac si mercede ad hoc esset condutus. S. Franciscus paupertatem præ aliis virtutibus unice complectebatur, eamque Dominam suam appellabat: uti Dominicus verbi divini prædicationem, atque ab hoc officio Ordo ipsius nomen accepit. S. Gregorius Papa peregrinis excipiendis, ad instar magni Patriarchæ Abrahæ, mire capiebatur, & ad exemplum etiam illius, ipsum Regem gloriæ peregrini in schemate, & habitu excepit. Tobias mortuis sepeliendis totus insistebat. S. Elisabetha, quantumvis illustris foret Princeps, sui ipsius abjectionem in omnibus, & ubique consecratabatur. S. Catharina Genuensis jam vidua xenodochii famulatui totam sese adjecit. Sancta quædam mulier aliquam patientiæ vir-

tutis exercendæ occasionem habere cupiens, teste Cassiano, ad S. Athanasium venit; qui votis ejus satisfactus, ipsam pauperculæ cujusdam viduæ, sed morosæ, querulæ, molestæ, iracundæ, & intolerabilis curam habere jussit: quæ cum piam illam Virginem assiduo objurgaret, insignem illi benignitatis, & mansuetudinis digne exercendæ materiam præbuit. Sic inter servos Dei, aliqui quidem ægris servire, alii egenis succurrere, alii pupillis, & viduis opitulari, alii doctrinæ Christianæ inter parvulos incremendum procurare, alii animabus perditis, pessumeuntibus, & errantibus in viam rectam deducendis toti incumbere; alii templa, & altaria ornare; alii pacem, & concordiam inter dissidentes conciliare satagunt. In quo acupictores, & phrygiones imitantur; nam sicut hi vario subiecto, fundoque insigni cum varietate, byssum, aurum, & argentum superinstruunt, quo omnia florum genera exprimant, & æmulentur: sic piæ animæ particulare aliquod devotionis exercitium usurpantes, ipsum in acupictura sua speciali velut fundum, & subiectum habent, super quod deinde omnium aliarum virtutum variegationem inducunt, & practicant. Unde fit, ut actiones suas melius ordinatas, & compositas habeant, dum eas ad exercitium suum principale referunt, itaque spi-

ritum suum patefaciunt, & quandam virtutum variegaturam phrygionicam, byssō, aurōque velut intertexto, repräsentant.

Si quando a vitio aliquo tentamur, contrariam illi virtutem, quantum quidem possibile nobis erit, exerceamus oportet, reliquas omnes ad unam referendo: haec quippe ratione inimicum nostrum superabimus, & in nulla non virtute profectum insignem faciemus; si superbia, & ira me oppugnet, in omnibus in humilitatis, & benignitatis partes propendeam, & inclinem, & ad hanc reliqua omnia orationis, Sacramentorum, prudentiæ, constantiæ, sobrietatis exercitia referam oportet. Nam quemadmodum apri, quo dentes suos prostantes acutos reddant, aliis dentibus eos confricant, & poliunt, qui vicissim inde quoque exacuuntur, & secationi apti redundunt: pari modo vir pius, cum se in ea virtute, qua ad sui defensionem maxime opus habet, perficere constituit, ipsam aliarum virtutum exercitio limare quodammodo, & exacuere debet, quæ, dum hæc expolitur, omnes pariter excellentiores, & politiores evadunt: sic factum est Sancto Job, qui cum se in patientia adversus tot tentationes quibus exagitatus fuit, ante omnia maximeque exerceret, plane sanctus, & perfectum omnium virtutum exemplar factus est. Imo vero, teste S. Gregorio Nazianzeno,

no, contingit aliquando, ut uno solo virtutis alicujus bene, & perfecte exercitæ actu quis ad virtutum omnium culmen pervenerit: quod probat exemplo Rahab, quæ cum officium hospitalitatis debite, & exacte impletset, ad summam quandam gloriam erecta est, at hoc intelligendum est, & cum demum locum occupat, quando actus hic excellenter, & in gratiarum fervore, & charitate perficitur.

C A P U T II.

Eadem materia tractatur, de ipso inquam virtutum delectu.

PRAECLARE sane quodam in loco D. Augustinus scripsit, eos videlicet, qui devotioni sese dare incipiunt, quosdam in principio errores committere: qui quidem, si ad rigorem legum de perfectione exigantur, reprehendi certe merentur; laudandi tamen sunt ob insigne, quod edunt, eximiæ cujusdam pietatis futuræ præfigium, ad quam hi ipsi velut viam sternunt; & hominem disponunt, sic servilis, & crassus ille timor, qui superfluos, quosdam in animabus eorum, qui recenter e peccati statu egrediuntur, generat scrupulos, hocce in principio egregia quidem, & laudabilis quædam est virtus, & certum futuræ puritatis conscientiæ præfigium;

at hic ipse reprehensibilis, & culpandus foret in jam longius provectis, quorum in cordibus dominari, & habitare debet amor filialis, qui servilem hunc timorem paulatim expellit.

S. Bernardus in suis principiis rigide, & aspere tractabat eos, qui illius in disciplinam sese tradebant, quos jam tum in principio docebat, cor ipsum relinquendum esse, & exuendum, & solo spiritu ad ipsum accedendum. Illorum confessiones excipiens, extraordinaria quadam severitate omnia in iis defectuum, quantumlibet exiguorum, genera fugillahat, & miseros hostiones jam enixe, & impense ad perfectionem exstimulabat, ut dum illos æquo vehementius huc incitat, ab eadem illos deterreret, & abstraheret: etenim & animo, & viribus concidebant, dum tam instanter se in tam acclivem, præcipitem, & altum ascensum viderent propelli. Ardentissimus scilicet perfectæ puritatis zelus, Philothea, illustrem hunc Sanctum movebat, ut hanc ad perfectionem pertingendi viam inire vellet, & hic in eo zelus, præstans quædam erat virtus, quæ nihilominus reprehendi merebatur. Unde & Dominus ipse ei apparens, hanc in eo vehementiam correxit, & ejus loco spiritum lenem, suavem, dulcem, & tenerum in animum ejus infudit, cuius administricule totus alias factus, ipse

ipse deinde se prioris illius nimiae severitatis, & rigoris maxime accusabat, & ita placidus, ac cujusque sese accommodans naturæ, & genio evasit, ut omnibus omnia factus sit, quo omnes lucrifaceret. S. Hieronymus postquam narrasset, charissimam discipulam suam Paulam in corporalium mortificationum exercitio non solum modum excessisse, & nimirum fuisse, verum & obstinatam fuisse, adeo ut ne quidem S. Epiphani Episcopi sui, rigores hosce plane dissuadentis, consilio vellet acquiescere; & præterea, ita se ob suorum mortem dolore solitam conficere, & contristari, ut prope semper in moriendi periculo versaretur: tandem hisce verbis narrationem suam concludit: *Dicent me, non tam laudes Sanctæ hujus, & encomium, quam imperfectiones, & vituperia scribere, testor autem JESUM, cui & ipsa servivit, & ipse servire desidero, me nec in his, nec in illis mentiri; sed simpliciter, & candide, quidquid de ipsa occurrit dicendum, adferre, ut Christianum de Christiana, id est, bistoriam tenere me non panegyricum, illiusque vicia in aliis esse posse virtutes.* Dicere vult, quod, quæ in Paula imperfectiones, & defectus fuere, in anima minus perfecta virtutum nomen habere potuissent. Sicuti defacto quædam sunt opera, quæ in perfectis habentur ut imperfectiones, quæ in

imperfectis tamen pro insignibus haberentur imperfectionibus. Bonum recuperatæ valedudinis signum est, quando jam sub morbi finem ægro tibiæ intumescunt, hic quippe tumor indicat, naturam jam nonnihil corroboratam humores superfluos foras emittere; at in non ægrotante malum id signum esset; indicaret enim naturam ad humores dissipandos, & resolvendos satis potentem non esse. Bonam, Philothea mea! opinionem habeamus oportet de iis, a quibus virtutes practicari, & exerceri cernimus, tametsi ex imperfectionibus quibusdam permixtæ sint, cum & Sancti ipsi tali cum inquisitione eas non raro practicarint. At nostrum est in illarum exercitio non fideliter solum, sed & prudenter nos gerere, & illud Sapientis consilium sequi, propriæ, inquam, prudentiæ non nimium initii, sed eorum, quos Deus nobis directores & duces dedit.

Quædam sunt, quæ vulgus imperium virtutes esse existimat, nullatenus tamen virtutes sunt, de quibus aliquid hic me loqui oportet: talia sunt ecstases aut raptus, insensibilitates, impassibilitates, uniones Deificæ, corporis sursum elevationes, transformationes, & alia id genus perfectiones, de quibus libri nonnulli docent, quomodo anima ad contemplationem pure intellectualem, ad essentialem spiritus applicationem, vitam super-

pereminentem ascendere possit, ex professore tractant.

Vides, Philothea, perfectiones has virtutes non esse, cum potius proœmia, & compensationes quædam sint, quæ pro virtutum exercitio Deus hoc in mundo rependit; vel potius quædam felicitatis vitæ futuræ indicia, & specimina, quæ sæpe non alia causa homini dantur, quam ut ad totum, quod in cœlo datur, & reservatum est, aspiret, & affectu rapiatur. Hinc hujusmodi gratiæ nulli omnino desiderandæ sunt, aut optandæ, cum ad bene Deo serviendum, & eum diligendum (quod unum spectare, & querere debemus) nullatenus necessariæ sint: imo sæpe tales gratiæ non sunt, ut ullo hominum labore, & industria valeant comparari, cum passiones potius sint, quam actiones, quas ipsi quidem in nobis recipere possumus, & admittere, at non causari, & producere. Addo, alium nobis scopum hic non esse, quam ut in homines bonos, & devotos, viros pios, & fœminas pias evadamus; quocirca totos in hoc unum intendere, & collineare nos oportet. Si præterea nos ad perfectiones illas Angelicas Deus sustollere, & elevare dignetur, boni etiam Angeli erimus; sed interim dum hanc gratiam exspectamus, in parvis nos virtutibus (quarum acquisitionem a cura, & labore nostro Dominus dependere

voluit) uti sunt, patientia, mansuetudo, corporis mortificatio, humilitas, obedientia paupertas, castitas, commiseratio erga proximum, imperfectionum ejus tolerantia, diligentia, & sanctus quidam fervor, simpliciter, humiliter, & devote exerceamus. Supereminentias illas animabus supereminentibus libenter cedamus: tam sublimem enim ipsi in DEI servitio gradum non promeremur, imo, nimis quam felices etiam erimus, si vel in culina, ac pistrino illi operam praestare, & illius pedissequi, bajuli, famuli cubiculares esse mereamur: illius est, si ita ei placuerit, nos postea intra conclave suum, & concilium privatum recipere. Etiam Philothea: etenim Rex ille gloriæ famulis suis non secundum dignitatem officiorum, quibus funguntur, sed pro amore, & humilitate, ex qua illis funguntur, mercedem persolvit, & compensat. Saul asinas patris sui quærens, regnum invenit Israel. Rebecca potans camelos Abrahami, filii illius uxor facta est: Ruth post messores Booz spicas legens, & ad pedes ejus dormiens, ad latus ejus protracta est, ejusque uxor facta. Certe quiunque ad extraordinaria hæc, & tam sublimia aspirant, diabolicis illusionibus, fraudibus, & imposturis, quam maxime subjecti sunt; & saepe fit, ut qui Angelos se esse putant, ne quidem boni homines sint, ac plus

plus magnitudinis, & splendoris in verbis, & modo suo loquendi, quam in sensu, & opere suo præferant. Nihil tamen temere carpendum, aut sugillandum est, sed Deum pro aliorum prærogativa, & supereminentia laudando, ipsi nos in via nostra humiliore, sed tutiore, minus excellente quidem, sed insufficientiæ, & parvitati nostræ convenientiore, humiliter contineamus: in qua si humiliter, & fideliter conversemur, ad eminentes quasdam magnitudines Deus dein nos sustollet.

C A P U T I I I.

De Patientia.

Patientia vobis necessaria est, ut facientes voluntatem DEI, reportetis reprobationem, ait Apostolus. Et vere: nam quemadmodum Redemptor JESUS dixerat: *In patientia vestra possidebitis animas vestras.* Ingens certe Philothea, hominis felicitas est, suam possidere animam, & quo patientia nostra perfectior erit, eo animas nostras possidebimus perfectius. Sæpius ad mentem revoca, Dominum patiendo, & tolerando nos salvasse, nos quoque laborum tolerantia, afflictionibus, nec non injurias, contradictiones & adversa quam possumus

patientissime, & æquanimissime ferendo, salutem nostram procurare & afferere debere.

Noli patientiam tuam ad hoc illudve injuriarum, atque afflictionum genus feren-dum restringere, sed eam universaliter ad omnes, quas tibi Deus imittet, aut ut eveniant, permittet, extende. Sunt enim, qui non alias ferre tribulationes volunt, quam quæ sunt cum honore conjunctæ; qualis verbi gratia est, in bello capi; religionis causa male haberí, per litem, in qua tamen superiores evaferint, ad paupertatem redactum esse, & hi non tam tribulationem, quam honorem ex illa pullulantem amant. Verus patiens, & DEI servus eadem tribulationes, tam cum ignominia, quam cum honore conjunctas, æquanimitate perfert, & vultu eodem. Ab improbis, & scelestis hominibus contemni, reprehendi, accusari, & indignis modis haberí, magnanimo, & generoso quidem jueundum, & volupe est; at a bonis amicis, & consanguineis reprehendi, accusari, & male haberí, & patienter nihilo minus ferre, viri boni est. Pluris illam facio mansuetudinem, & lenitatem, qua B. Carolus Borromæus longo tempore publicas, quas celebris quidam ex Ordine summe reformato concionator pro concione, & in suggestu in eum depromebat, fugillationes æquanimiter tulit, quam omnes, quas ab aliis unquam

ex-

excepit contradictiones. Nam quemadmodum apum puncturæ plus doloris inferunt, quam muscarum ; sic malum, quod a viris bonis infertur, & contradictiones, quibus hī nos exagitant, longe sunt intolerabiliores, quam aliæ. Sæpe enim contingit, ut duo boni viri, bona uterque intentione in diversa sua opinione, & sententia nitentes, alter alterum maxime persequantur, & invicem contradicant. Patiens esto non solum quoad principalem, & primariam earum, quæ tibi evenient, adversitatum partem, verum etiam quoad accessoria earundem, & aliunde incidentia. Multi quidem pati, & mala subire vellent, dummodo nullum commoda sua paterentur dispendium. Unde est, qui dicat : Non est mihi grave ad paupertatem redactum esse, sed hoc me male habet, quod hæc impedimento sit, quo minus amicis gratificer, liberos meos promoteam, & honorifie, magnificeque, prout vellem, vivam. Alius dicet : Minime curarem, sed putabor ipse in culpa fuisse, cur ad paupertatem devenerim. Alius gaudebit, quod alii de se mala loquantur, ipsosque maledicos æquanimititer feret, dummodo nemo hæc maledicta credat. Alii sunt, qui aliquam quidem a malo incommoditatem ferre volunt, sed non omnem : quod ægrotent, impatienter, inquiunt, non ferunt, sed quod pecuniam non habeant ad me.

medicos advocandos, & medicamenta comparanda, aut quod ii, qui ipsos circumstant, importuni sint. Dico porro, Philothea, pati-
enter nos ferre debere, non solum quod ægrotamus, verum etiam quod eo ægrote-
mus morbo, quo Deus nos visitare cupit; .
nec non eo in loco, quo ipse vult; & apud
eos, quos ipse vult, & iis denique cum in-
communitatibus, quibus ipse nos inveniri
vult: & sic de aliis omnibus tribulationibus.
Si quod tibi malum accidet, quæcunque po-
tes, & secundum Deum sunt, ei pellendo
remedia adhibe. Aliter enim qui vellet facere,
divinam Majestatem tentaret. Et hæc ubi
adhibueris, plena cum animi resignatione
effectum, quem Deus facere voluerit, si illi
placeat, ut remedia malo prævaleant, ma-
gna cum humilitate illi gratias ages; si, ut
malum remediis, cum patientia ei benedi-
cito.

Quare S. Gregorium secutus tibi svadeo,
ut cum merito ob delictum aliquod revera ad-
missum accusaris, & reprehenderis, maximo-
per te humilie, & insimulationem illam te
promereri ingenue confitearis, si vero falso, &
immerito accuseris, placide te excuses, mini-
me id te commisisse asserens: hanc quippe re-
verentiam veritati, & proximi ædificationi de-
bes. At, si post veram, & legitimam tuam excu-
sationem nihilominus alii te accusare pergent,
nul-

nullatenus turberis, nec multum, ut excusationem tuam admittant, instes: postquam enim veritati dedisti, quod suum est, suum & humilitati dare debes. Sic namque nec curæ, quam famæ, & nomini tuo debes, nec affectui, quo erga tranquillitatem, benignitatem, & humilitatem ferri debes, damnum inferes.

Quam potes minime, de injuriis tibi irrogatis conquerere: certum namque est, ut plurimum peccare eum, qui de illis conqueritur; quod amor proprius semper nobis injurias depingat maiores, quam revera sint, & ut tales eas sentire nos faciat. Ante omnia autem cave, ne apud eos de illis conquerare, qui ad indignandum, & mala cogitandum proni, & faciles sunt. Si vero apud aliquem conqueri de injuria expediatur, tum ut is malo medeatur, & remedium aliquod suggerat, tum ut spiritum tuum serenet, & componat, id nonnisi apud homines quietos, pacificos, Deique cumprimis amantes fiat: aliter enim, adeo non animum tuum alleviabit, ut etiam magis eum sint turbaturi, & majorem ei inquietudinem allaturi, & adeo non spinam, quæ te pungit, auferent, ut etiam profundius pedi eam tuo sint infixuri.

Multi dum vel ægrotant, vel affliguntur, vel injuriam quampliam passi sunt, ca-

vent

vent quidem, ne de ea conquerantur, & animi sui mollitiem testentur; hoc quippe evidens (ut revera est) pusillanimitatis, & defectus generositatis signum esse putant: summopere tamen gaudent, & nullo non artificio alios omnes inducere allaborant, ut eorum sortem misereantur, & deplorent, ipsosque non modo afflictos, sed & patientes, & generosos existiment. Est quidem hæc vere patientia, sed patientia falsa, quæ a parte rei aliud non est, quam subtilissima quædam ambitio, & vanitas. *Gloriam habent*, inquit Apostolus, *sed non secundum DEUM*. Verus autem patiens de malo suo non conqueritur, nec ut aliquis ipsum deploret, desiderat; simpliciter, vere, & candide de eo loquitur, non conquerendo, nec expostulando, neque ipsum exaggerando, si quis sortem, ac vices ejus doleat, audit patienter, & tatite; nisi dum malum aliquod habere, & pati dicitur, quod revera non habet: tunc quippe modeste significat, id se malum non habere, itaque inter veritatem, & patientiam medius quiescit, & malum suum confitendo, & tamen de eo conquerendo.

In contradictionibus autem, quas in devotionis exercitio patieris (hæc enim minime deerunt) memineris verborum Domini dicentis. *Mulier, dum parit, tristitiam habet, quia*

quia venit hora ejus, cum autem pepererit puerum, jam non meminit pressuræ propter gaudium, quia natus est homo in mundum. Concepisti enim in animo, omnium quos mundus habet, puerum dignissimum, JESUM Christum inquam; qui antequam producatur, & penitus pariatur, fieri non potest, quin angustias, & dolorem summum sentias. Sed age, bono esto animo; nam post dolores illos æternum te manebit gaudium, eo quod talem in mundo hominem peperisti. Tum vero eum totum, & penitus tibi pepereris, cum eum totum & in corde, & in operibus tuis, per vitæ imitationem efformaris, & expresseris.

Cum ægrotabis, omnes dolores, poenas, & languores tuos ad DEI amorem, & obsequium offer, eumque roga, ut eos tormentis, quæ tui causa ipse subiit, unire, & conjungere dignetur. Obedi quoque medico, ipsaque medicamenta, cibos, & alia remedia ex amore DEI sumito, memor fellis, quod nostri causa ipse babit, sanitatem non aliter recuperare velis, quam quo illi obsequium praestes; ne recuses etiam ægrotare, & pati, quo ei obedias, teque, si ita ei videatur, ad mortem dispone, quo in cœlis eum laudes, eoque fruaris. Memento, apes quo tempore mellificant, comedere cibum quendam amarum; sic non posse nos unquam ma-

majoris savitatis, & patientiae actus facere, aut melius excellentium virtutum mel componere, quam quamdiu panem amaritudinis comedimus, inter augustias, & passiones vivimus. Et sicuti mel, quod e thymi herbæ parvæ quidem, & amarulentæ floribus confectum est, omnium est præstantissimum; ita virtus, quæ in vilissimarum, abjectissimarum, & contemptibilissimarum tribulationum amaritudine exercetur, omnium est excellentissima.

Oculis tuis interioribus sæpe contemplare JESUM Christum crucifixum, nudatum, blasphemis saturatum, calumniis oneratum, ab omnibus derelictum, denique omni molestiarum, dolorum, tristiarum, laborum genere oppressum, & considera, omnia tua tormenta nec in qualitate, nec in quantitate ipsius tormentis posse comparari, nec unquam aliquid pro ipso te toleraturum, quin longe is plura pro te passus sit.

Considera quoque tormenta, quæ Martyres olim pertulere, nec non ea, quæ tam multi homines hodie patiuntur, multo sine ulla proportione graviora, quam illæ, quæ tute fateris, & dicio: Labores mei meræ consolationes sunt, & pœnæ meæ, flores, si illas conferam cum pœnis eorum, qui sine ullo prorsus solamine, subsidio, alleviamen-

to,

to, in continua quadam morte vivunt, & afflictionibus infinite majoribus oppressi.

C A P U T I V.

De humilitate, quoad exteriora.

VADE, inquit Elisæus ad pauperculam quan-
dam viduam. *Pete mutuo ab omnibus
vicinis tuis vasa vacua non pauca, & mitte
ex oleo in omnia vasa hæc. Ad gratiam
Dei in animis nostris recipiendam, a vano
illos gloria vacuos habeamus oportet. Tin-
nunculus avis, dum rapaces aves conspicit,
vocem edit, itaque occulta quadam vi, &
proprietate naturali eas perterrefacit: hinc
eum columbae præ omnibus aliis avibus dili-
gunt, tutasque se arbitrantur, dum apud
eum agunt: sic humilitas satanam repellit,
gratiasque, & dona Spiritus sancti in nobis
conservat: hac de causa omnes Sancti, atque
in primis ipse Sanctorum Rex, & caput Chri-
stus, quin & Mater ipsius illustrem hanc
virtutem inter omnes alias virtutes morales
quam maxime semper honorarunt, & colue-
runt.*

Vanam gloriam voco eam, quam ipsi
nobis tum ob id, quod in nobis non est,
tum vero & ob id, quod quidem nobis inest,
tamen nostrum non est; tum etiam ob id,
quod & in nobis, & nostrum est, at dignum
S. Salesii. Intr. ad vit. spir. M non

non est, ut se quis propterea extollat, aut magnificet, attribuimus: Profapiæ namque & generis nobilitas, magnatum favor, honor popularis, in nobis non sunt, sed aut in prædecessoribus, aut in aliena æstimatione. Sunt, qui superbiant, sequè magnificiant, quod generoso equo insideant, quod cristam in pileo gestent, quod splendide vestiantur: at quis non vider, quanta hæc sit fatuitas? Si quæ enim in hac re sit gloria, ea aut equo, aut avi pennatæ, aut sartori attribuenda. Et, quam vile, & abjectum est, famam, ac gloriam suam equo, cristæ, aut vesti eleganti acceptam referre debere? Alii gloriantur, & se circumspiciunt ob prostantes alas, & mistaces barbæ, ob barbam accurate depexam, capillos crisspos, manus mollicellas, quod scire tripudient, laudent, cantent, sed an non hi inepti, & abjecti, quod celebrari, & aliquod reputationis suæ, ac famæ incrementum a rebus adeo inanibus, & stolidis emendicare conentur? Alii ob unicam unam scientiam honorari, & coli ab omnibus volunt, tanquam si omnes eos ceu oraculum consulere, semper ab iis discere, & ipsos ceu Magistros habere deberent: hinc non immerito Pedani vocantur. Alii se jactant, ac venditant, dum suam considerant pulchritudinem, putantque, se ab omnibus propter eam coli, & amari. Omnia hæc valde sunt

funt vana, stolida, impertinentia; & quæ a rebus adeo inanibus mutuatur gloria, vana, stulta, & frivola appellatur.

Verum bonum eodem agnoscitur modo, quo verum balsamum; balsami namque sinceritas cognoscitur, & probatur, cum id aquæ instillatur; si enim fundum petat, & ad imum tendat, ipsum & pretiosissimum reputatur; sic ut sciatur, num vere quis sapiens, doctus, generosus, nobilis sit, disciendum num ejus opera humilitatem, modestiam, & submissionem spirent, tunc namque vera futura sunt bona; at si supernatent, & eminere velint, bona sunt eo minus vera, quo magis apparere volunt Margaritæ, quæ ad ventum, & tonitrui strepitum conceptæ, & nutritæ sunt, nudum tantum margaritarum corticem habent, nullam vero intus substantiam: sic virtutes. & præstantes hominum qualitates, naturæque dona, quæ in superbia, ventositate, & vanitate concepta, & enutrita sunt, nonnisi nudam boni apparentiam habent, introrsum succo, medulla, & soliditate sunt destitutæ.

Honores, tituli, nomina, gradus, & dignitates ad instar croci sunt, tunc melius crescentis, & lætius provenientis, cum pedibus conculcatur. Pulchrum esse, honorificum, & gloriosum non est tunc, cum se quis ob formam circumspicit, & ostentat: pulchritudo

do enim; ut gratiosa sit, & gratiam inveniat, negligi, nec curari debet: sic quoque scientia tunc nos dedecorat, & deturpat, cum nos inflat, & in pedanis̄mum sciolorum degenerat. Cum de gradu, sessione, titulo, & nomine nobis debito anxie laboramus, & tricamur, præterquam quod qualitates, & merita nostra aliorum examini, & contradictioni exponamus, viles, & abjectos nos reddimus; honor quippe, dum ultro offeratur, & donatur, pulchrescit; sordescit vero, & turpis est; dum studio exigitur, ambitur, & quæritur. Pavo dum occulatum pennarum suarum orbem explicat, ut se circumspiciat, illas quidem spectandas exhibet, cæterum reliqua corporis parte exhorrescit, & quicquid turpe, & deforme visu in eo habet, aliis spectandum ostendit. Flores pulchri sunt, dum in terra manent; at dum manibus contractantur, marcescunt. Qui mandragoram eminus in transitu olfaciunt, permultum ex ea fragrantiae percipere dicuntur; qui cominus, & diu, præ stupore consopiuntur, & morbum contrahunt: ita & honores suaves, & consolationi sunt eos eminus, & leviter olfacentibus, nec effictim, & impense illos consequantibus, at iis sese maximopere oblectantibus in maximam infamiam, & dedecus cedunt. Virtutis studium, & amor nos reddere incipit bonos: at honorum consecratio,

tio, & ambitus, contemptibiles, & probos. Hinc animi generosi, & bene nati, illas debitorum graduum, honoris, ac salutationum ineptias, & nugas parvifaciunt, & negligunt; hoc quippe nugacium, & abjectorum proprium est. Margaritas habere qui potest, non se onerat conchyliis; sic qui solam virtutem spectant, de honoribus nequam laborant, aut solicii sunt. Quisque certe debito sibi in gradu, ac loco procedere, sedere, manere potest, nec tamen propterea humilitatem violare, dummodo non studio, & affectate, sed negligenter, & sine ulla contentione fiat. Nam sicut qui e terra Peruana in Europam redeunt, praeter aurum, & argentum quod inde exportant, etiam simios, & psittacos (quod parvo hi comparentur, nec magno navi sint oneri) secum ferunt: sic qui ad virtutem aspirant, non propterea vetantur, aut desinunt gradus, & honores sibi debitos capere, dummodo hi ipsis magna cura, impensa, & contentione non constent, & sine aliqua turbatione, inquietudine, concertatione, & contentione res commode fieri possit, ut ipsis inde non graventur. Non tamen de illis loquor, quorum dignitas ad publicum refertur, & spectat; uti nec de particularibus quibusdam occasionibus, e quibus alia majoris momenti mala, aut bona con-

sequerentur. In his enim quisque quod suum est, & sibi debetur, tueatur oportet, cum prudentia tamen, & discretione, quæ simul cum charitate, & urbanitate sit conjuncta.

C A P U T V.

De humilitate quondam interiora.

DEsideras, seio, Philothea, ut ulterius te in humilitatis via deducam: etenim ea, quæ dixi facere, sapientia appellanda potius, quam humilitas est; quare jam ulterius progredior. Multi acceptas privatim a Deo gratias recogitare, & considerare nec volunt, nec audent, metuentes ne vanam ex iis sentiant gloriam, aut vane sibi ob eas complacceant. In quo certe graviter errant. Nam quoniam, ut docet magnus ille Doctor D. Thomas, vera ad amorem divinum pertinendi ratio, est penitior beneficiorum divinorum consideratio; hinc quo eadem magis cognoscemus, & considerabimus, eo illum magis amabimus: & quia particularia beneficia longe potentius movent, quam publica, & communia, hinc illa etiam attentius consideranda, & perpendenda sunt. Nihil certe sic nos eoram divina misericordia humiliare potest, atque beneficiorum ab ea acceptorum multitudo: nihil quoque vice ver-

sa magis ante illius justitiam nos confundere, quam flagitorum, & malefactorum nostrorum multitudo. Consideremus ergo: quidnam ipse nostri causa fecerit, & quid nos in ipsum deliquerimus; & dum nostra singillatim consideramus peccata, consideremus pariter & singulas ab ipso acceptas gratias. Metuendum porro non est, ne eorum, quæ nobis contulit cognitio ullatenus nos inflet, & superbire faciat, dummodo hanc semper veritatem præ oculis habeamus, nimur, quidquid in nobis est boni, id nos a nobis ipsis non habere. An ideo muli stupide, & fœtidæ desinunt esse bestiæ, quod pretiosam, & odoratam Principis supellecillum tergo gestent? *Quid autem boni babe-*
nus, inquit Apostolus, *quod non acceperi-*
mus? Si autem accepimus, *quid gloriari-*
mus? quasi non acceperimus? E contra viva, & sincera gratiarum acceptarum consideratio nos reddit humiles: cognitio namque procreat recognitionem. Si vero, dum acceptas a Deo gratias consideramus, aliqua nos forte vanitas titillet, præsentissimum adversus hanc inanitatem, & gloriolam remedium erit, ingratitudines, imperfectiones, & miseras nostras ante oculos ponere: si nimirum consideremus, quidnam Deo a nobis absente fecerimus, facile agnoscemus, ea, quæ illo nobis præsente facimus, a nobis non

provenire, nec nostra esse. Vere quidem illis fruemur, & ga debimus, quod ea habeamus: Deum tamen solum, quia ipse illorum est author, glorificabimus, laudabimus. Sic B. Virgo Deipara ingenue quidem confitetur, Dum illi magna fecisse, sed id nonnisi ad se se humiliandam, Deumque magnificandum. *Magnificat, inquit, anima mea Dominum, quia fecit mibi magna, qui potens est.*

Sæpe quidem dicimus, nos esse nihil, & ipsam miseriam; ac mundi putredinem, & vomicam; doleremus vero, si quis in verbo nos caperet, & tales nos esse passim diceret, quales nos esse jactamus. Imo, velut fugam simulamus, & ficte nos abscondimus, ut alii deinde nos insequantur, & quæritent: ita nos gerimus, quasi ultimi esse, & in novissimo mensæ loco considere velimus; sed non alio scopo, quam ut majore cum laude, & compendio ad honoratissimum locum transire cogamur. Vera humilitas non fingit se humilem esse, aut ostendit; quin & pauca humilitatem spirantia verba proloquitur, etenim non alias solum virtutes tegere, & abscondere gestit, sed etiam & præcipue seipsam. Imo si mentiri, fingere, vel proximo scandalum aliquod dare sibi licet, quosdam arrogantiæ, & præsumptionis actus ederet, ut sub iis se celaret,

ret, & sic plane cognita, & occulta esset. Hoc ergo tibi hac in re consulo, Philothea, aut nulla humilitatis verba proferamus, aut vero, internoque cum sensu, qui cum verbis eatenus prolatis conveniat & respondeat, illa proferantur; neque oculos in terram dejiciamus, nisi simul corda nostra humiliemus, non denique simulemus, ostendamusque, ultimos nos esse velle, quin ex animo ultimi esse velimus. Hanc porro regulam adeo generalem dico, ut nullam eam pati exceptionem existimem: hoc duntaxat addo, ipsam urbanitatem exigere, ut potiores partes subinde deferamus eis, qui aperte eas accepturi non sunt, neque est id idcirco aut duplicitas, aut falsa humilitas: nam tunc vel sola potioris loci oblatio aliquod est honoris initium, cumque totum honorem iis cedere non possimus, non male certe facit is, qui illius principium dabit. Idem de verbis quibusdam honorificis, ac reverentialibus alteri dictis sentio, quæ etsi in vigore, & a parte rei non videantur esse vera satis tamen vera sunt, si ea proferentis animus veram eum, in cuius gratiam illa dicit, honorandi, & colendi intentionem habeat. Licet enim ipsa verba quodam cum excessu, & exaggeratione, id, quod dicimus significant; male tamen non facimus, dum ea usurpamus, cum communis usus a nobis exigit: tametsi, ut

verum fatear, vellem, verba cum affectibus nostris, & sensu, quam fieri potest proxime coinciderent, quo ubique, & in omnibus cordialem quandam simplicitatem, & candorem præferremus. Qui vere humilis est, mallet, alius quis illum miserabilem, nihil, ac nullius pretii hominem esse diceret, quam ut ipse talia de se dicat: saltem si ab aliis talia de se dici norit, minime iis contradicit, aut negat, sed libenter iis acquiescit; cum enim firmiter de se ea ipse credat, suæ opinionis & alios esse, & idem de se sentire gaudet. Multi dicunt, mentalem orationem se perfectis relinquere, se enim minime dignos esse, qui illam faciant. Alii idcirco se sæpius communicare non audere, quod se ad hoc satis puros non esse comprehendant; alii vero ideo se a frequenti communione abstinere, quod vereantur, ne quam devotioni infamiam, & probrum ob magnam suam miseriam, & fragilitatem creent. Alii, ideo talentum suum DEI, & proximi servitio impendere recusant, quod non (ut dicunt) frugalitatem perspectam habeant, & quod metuant, ne, si boni alicujus causa sint, & instrumentum, superbia ideo inflentur, & alios illuminando ipsimet interim peccent, & consumantur. Omnia hæc facta sunt, & simulata, & humilitas non affectata tantum, sed & maligna, qua quis

ta-

tacite, & subtiliter sugillare præsumit, quæ DEI sunt, aut saltem proprium suæ opinio-
nis, humoris, & acediæ suæ amorem spe-
cioso quodam humilitatis velamine tegere
conatur.

*Pete tibi signum a Domino D E O tuo
in profundum inferni, sive in excelsum su-
pra,* ait Propheta scelesto Regi Achab, cui
hic respondet: *Non petam, & non tentabo
Dominum.* Scelestus, & impius, ecce, præ-
fert quidem eatenus magna se erga D E U M
reverentia ferri, & specioso quodam humilita-
tis prætextu excusat se, quo minus ad gratiam,
ad quam divina ejus bonitas illum invitat, aspi-
ret. At non videt, quod, dum D E U S no-
bis gratificari vult, superbiæ sit, ejus dona,
& oblata recusare, & vice versa signum hu-
militatis, obedire, ac voluntatem, ac desi-
derium ejus quam possimus proxime sequi.
Porro D E I voluntas, ac desiderium est, ut
simus perfecti; ei quam possimus proxime
nos uniendo, & imitando. Superbus, qui
in seipso tantum spem, ac fiduciam collo-
cat, magnam sane nihil aggrediendi occasio-
nem habet; at humilis eo est generosior,
quo se impotentiore agnoscit, & qui se
miseriorem existimat, eo fit audacior, &
fortior, quod omnem suam fiduciam in D E O
habeat, qui suam in nostra infirmitate omni-
potentiam magnificare, & suam super no-
stram

stram miseriā misericordiam extollere gaudet. Humiliter, ergo, & sancte aggredendum est, quidquid ad profectum nostrum spectare, & expedire animarum nostrarum directores judicabunt.

Cogitare te scire id, quod nescis, aperita fatuitas est; fingere quoque te scire, quod aperte nosti te nescire, intolerabilis quædam vanitas est: equidem vellem, nec quidem simulare me scire id, quod revera scio, uti nec contra me ignorare, quod defacto ignoro. Cum ergo charitas exigit, primo candidate, & amice communicandum est non id solum, quod ad ejus instructionem absolute necessarium est, sed & quidquid ad ejus consolationem utile est, & expediens. Humilitas namque, quæ virtutes abscondit, & occultat, quo easdem conservet, simul etiam eas exerit, & ostendit (cum id charitas requirit) quo easdem adaugeat, amplificet, perficiat. Qua in re arbori illi, quæ in insulis Tyli enascitur, per noctem rubicundos flores suos occidenti, & occulenti, & non nisi sole exoriente eos recludenti (quos propterea insulani noctu dormitare dicunt) similis esse videtur; sic namque humilitas omnes nostras virtutes, & perfectiones humanas tegit, & operit, & non nisi charitate exigente eas exerit, & prodit; quæ cum cœlestis sit virtus, non humana, non ma-

ralis, sed divina, verus virtutum Sol est, in quas ipsa semper debet dominari, adeo ut humilitates, quæ charitati præjudicant, haud dubie falsæ sint.

Vellem me nec stolidum, nec sapientem ostentare: si enim humilitas me impedit, quo minus sapientem fingam, simplicitas certe, & candor me impudent stoliditatem fingere, & cum vanitas humilitati contraria sit; artificium certe affectatio, & simulatio candori, & simplicitati adversantur. Nam tametsi illustres quidam Sancti stultitudinem aliquando simularint, quo in mundi oculis abjectiores, & viliores apparerent, hictamen admirandi potius sunt, quam imitandi. Quasdam namque ipsi rationes ad hunc excessum faciendum habuere, quæ ipsis adeo peculiares, & extraordinariæ fuere, ut nullus ex illis pro se argumentari queat. Sic David Rex liberius, & effusius paulo coram arca foederis saltabat, & tripudiabat, quam ordinarium, & commune decorum, permitteret: non quod hic agere morionem vellet; sed simpliciter, native, & sine ulla affectatione pro extraordinaria, & excessiva, quam in corde suo sentiebat alacritate motus hos exteriores edebat. Unde cum uxor ejus Michol videri, sed in nativa, sincera, & vera gaudii sui expressione pergens, & perseverans, non parum se gaudere ostendit,

dit, quod pro nomine Dei sui aliquo modo vilipenderetur, & exhibilaretur. Quamobrem, si propter aliquos veræ, & sinceræ devotionis actus ab aliis viliis, abjecta, aut fatua æstimeris, humilitas certe te ob beatum hoc opprobrium, cuius causa non tu, sed ipsimet exprobrantes, & irridentes sunt, gaudere, & exultare faciet.

C A P U T VI.

Humilitas nostri ipsorum abjectionem, & vilipendentiam amare nos facit.

Ulterius progredior, Philothea, & dico tibi, propriam te tui ipsius adjectionem in omnibus, & per omnia debere diligere. At quid sibi vult, inquies, tui ipsius diligere abjectionem? Abjectio idem apud latinos sonat, quod humilitas, & humilitas idem, quod abjectio: adeo ut, cum B. Virgo in sacro suo Cantico dicit; ideo se ab omnibus generationibus beatam dicendam, quod *ancillæ suæ humilitatem Dominus respexit*, dicere, & significare velit, Dominum ideo abjectionem, vilitatem, & parvitatem suam benigne, & gratanter considerasse, quo eam gratiis, & favoribus cumularet.

Aliqua tamen est inter virtutem humilitatis, & abjectionem differentia: abjectio namque est ipsamet parvitas; & vilitas, quæ etiam

etiam non cogitantibus nobis in nobis est, at virtus humilitatis vera abjectionis nostræ cognitio, & voluntaria agnitio est. Porro humilitatis hujus apex, & pars dignissima in eo sita est, ut non solum ultro, libenter, & voluntarie abjectionem nostram agnoscamus, sed eam quoque diligamus, in eaque nobis complaceamus, idque non ex aliquo animi excelsi, aut generositatis defectu, aut inertia, sed ut divinam Majestatem eo magis exalteamus, & proximum nostri ipsorum respectu pluris faciamus. Atque hoc est, ad quod te exhortor, quod ut melius intelligas, moris oportet, inter ea, quæ patimur mala, alia esse abjecta, alia aliquo cum honore conjuncta, multi quidem malis honorabilibus se accommodant, sed vix ullus abjectis. Occurrat pius aliquis anachoreta, pannosa, & detrita in veste, & præ frigore rigescens: omnes vestem ejus detritam honorant, & tolerantiæ ejus compatiuntur, at si pauper aliquis operarius, vir nobilis pauper, aut domicella pauper tali in schemate appareant, vilipenduntur, irridentur; itaque paupertas eorum abjecta est. Religiosus aliquis a suo superiore, aut filius quispiam a patre, durioribus verbis corripetur; omnes hoc mortificationem, obedientiam, & sapientiam esse dicent, vir nobilis, & domicella quædam idem contumeliaz, & amiorum verborum

ge-

genus ab alio datum patientur ; & quamvis ex amore Dei id æquanimiter tolerent , omnes tamen id inertiam , & ignaviam esse dicent . Ecce & aliud abjectum malum . Laborabit fœdo quispiam cancro in brachio , alias vero in vultu , ille nonnisi malum , & morbum suum habet , hic vero præter malum contemptum aversionem , & abjectionem aliorum patientur . Dico ergo jam , non solum malum ipsum esse diligendum (quod per virtutem fit patientiæ) sed & abjectionem amandam , quod per humilitatis virtutem fiet .

Ad hæc virtutum aliæ abjectæ , aliæ honorificæ . & cum aliquo honore conjunctæ sunt ; sic patientiam , mansuetudinem , simplicitatem , & hanc ipsam humilitatem mundani ut viles , & abjectas reputant , e contra prudentiam , generositatem , fortitudinem , & liberalitatem permagni faciunt . Præterea unius , & ejusdem virtutis actiones aliæ sunt contemplibiles , aliæ honorabiles ; sic elemosynam dare , & injurias remittere , duo sunt charitatis actus . Primus ab omnibus honoratur , & magnificatur , alias in oculis hominum contemptibilis apparet : adolescens quoque , aut puella ingenua , qui in sodalito aliquo dissoluto , reliquorum dissolutionem , & effrenem in loquendo , tripudiando , portando , vestiendo effusionem non sequentur , ab aliis exsilibuntur , & notabuntur , eorum-

sumque modestia aut hypocritica pietas, aut affectatio vocabitur: hoc porro diligere, & sequi, suam est diligere abjectionem. En tibi & aliud exemplum, si, dum plures ad ægros & morbos invisendos mittimur, ego putissimum, & pessime affectum vitiare jubar, abjectio quædam id mihi secundum seculi judicium erit; quamobrem illam amabo; si vero ad majoris nominis, & digniores agros mittar, quædam id est secundum spiritum abjectio, quoniam tantum virtutis, ac meriti in eo non latet: quare aliam illam abjectionem quæram. Si in plateis quis prolatatur, præter dolorem etiam aliquam subit infamiam; quare illam abjectionem diligere oportet.

Imo vero etiam imperfectiones quædam sunt, in quibus præter ipsam abjectionem nullum omnino continetur malum. Ceterum non exigit humilitas, ut expresse, & dato studio committantur, requirit tamen, ne quis dum eas forte commisit, propriea multum turbetur, aut sese inquietet, hujusmodi sunt leviculæ quædam inceptiæ incivilitates, & inadvertiæ, quæ sicuti vitandæ, & cavendæ sunt, antequam committantur, quo civilitati, & prudentiæ mos geratur, ita dum jam admissæ sunt terenda abjectio est, quæ inde nobis provenit, eaque ultero quo sanctam humilitatem sequamur, acceptanda, Addo ulterius, si forte ex iracundia, aut

dissolutione quadam, in indecentia verba proruperim, quibus & Deus, & proximus offendatur, illorum summopere me mox pœnitabit, & offensam illam extreme dolebo, daboque operam, ut quam possum optime eam resarciam; abjectionem nihilominus, & contemptum, qui inde me consequitur, æquo animo subibo, & sustinebo. & siquidem unum ab altero disjungi posset, peccatum ferventer a me abdicarem, & abjectionem humilite retinerem.

Verum esto, abjectionem, quæ nobis ex malo ipso sequitur, diligamus, nihilominus malo, quod eam causavit, per omnia, quæ ad hoc propria, convenientia, & legitima sunt media medendum est. Si abjectum aliquod in vultu ulcus, aut malum habeam, operam quidem dabo, ut ipsum a medico curetur, ita tamen, abjectionem, quam inde recepi, oblivioni non tradam. Si quid factò admisi, quod neminem lætit, aut offendit, meipsum propterea non excusabo: nam esto defectus quidam, & imperfectio sit, non est tamen permanens, poteram ergo me excusare, nisi esset propter abjectionem inde mihi provenientem: verum humilitas id non permittit: At si inadvertenter, aut ex levitate quadam aliquem offendi, aut scandalizavi, vera aliqua excusatione offensam reparabo, eo quod malum permanens sit,

&

& charitas ad illud delendum, & eluendum me obliget. Cæterum requirit interdum charitas, ut ad proximi, cui reputatio, & bonum nostrum nomen necessarium est, bonum ipsam etiam abjectionem impedire: & t' ille-re procuremus: sed hoc in casu abjectio no-stra ab oculis proximi est submovenda, & tollenda ad ejus scandalum impediendum; ac proprio cordi includenda, & intra illud ab-scondenda, ut sic ipse ædificetur.

At nosse forsan cupis, Philothea, quæ-nam optimæ sint abjectiones: dico ergo tibi aperte, eas inter omnes, & animæ utilissimas & Deo gratissimas esse, quæ nobis fortuito, & casu, aut a vitæ nostræ statu, & condi-tione accidunt; quod ipsi eas non elegeri-mus, aut quæsierimus, sed eas tales adini-serimus, quales eas Deus nobis immisit, cu-jus electio melior est, quam nostra; si enim facienda sit electio, maiores haud dubie meliores sunt, ex autem maiores reputan-tur, quæ inclinationibus, & propensionibus nostris magis adversantur, ac repugnant, dummodo statui, ac professioni nostræ con-formes sint. Nam, ut semel in genere loquar, nostra electio, & optio omnes prope virtu-tes destruit, & imminuit. Quis porro nobis det, ut cum magno illo Rege dicere possi-mus: *Elegi abjectus esse in domo D E I mei magis, quam habitare in tabernaculis*

peccatorum? Nullus aliis id nobis dare potest, charissima Philothea, quam qui, quonos exaltaret, ita vixit, & mortuus est, ut fuerit *opprobrium hominum, & abjectio plebis*. Multa tibi dixi, quæ dum animo tantum pervolves, & considerabis, dura tibi, & gravia videbuntur, at ubi ad praxim ea rediges, & opere exequaris, saccharo, & melle, mihi credas velim, dulciora tibi videbuntur.

C A P U T V I I.

Quomodo humilitatem exercendo, famam ramen, & bonum nomen tueri oporteat.

NON ob simplicem aliquam virtutem homines vulgo laudantur, extolluntur, honorantur, ac gloria afficiuntur, sed ob excellentem, & egregiam. Etenim per laudem aliis persuadere, & inducere volumus, ut aliquorum excellentiam magni faciant, per honorem ostendimus, & significamus, nos etiam illam magno in pretio habere. Gloria porro aliud meo quidem judicio non est, quam quidam reputationis fulgor, & splendorē pluribus laudibus, & honoribus conjunctis resultans. Adeo, ut honores, & laudes velut gemmæ sint, e quarum copia, & abundantia gloria, velut vermiculatio quædam procedit. Porro sicut humilitas ferre nequit,

ut

ut aliquo modo nobis ipsi persuadeamus, nos aliis hominibus excellere, aut præferri debere; ita quoque permettere nequit, ut aliquam laudem, honorem: & gloriam, quæ soli excellentiæ debentur, ambiamus: esto consilium Sapientis suadentis, ut famæ nostræ curam, & rationem habeamus, non improbet, sed sequatur. Bona namque fama, & nomen, æstimatio quædam est, non alicujus excellentiæ, sed tantum simplicis, & communis cujusdam probitatis, & integræ virtutæ, quam ut in nobis ipsis agnoscamus humilitas non impedit, uti nec consequenter quo minus reputationem nostram quæramus. Humilitas quidem, fateor, famam non curaret, sed contemneret, si charitas ea opus non haberet: sed quia hæc e societatis humanæ fundamentis unum est, & sine ea publico non inutiles solum, sed & noxii sumus, propter scandalum videlicet, quod inde communitati consequitur, hinc charitas requirit, & humilitas non improbat, ut eam & quæramus, & quam diligentissime conservemus.

Præterea quemadmodum frondes arborum, quæ ex seipsis satis viles, & parvi pretii sunt, ad multa tamen utiles sunt, non solum videlicet ad eas condecorandas, sed etiam ad earum fructus, quamdiu teneriores sunt, adversus exteriores injurias conservandos: sic bonum nomen, & fama, esto

per se non magni pretii, & valoris sit, nihilominus maximam adferre utilitatem solet, quia non solum ad vitæ nostræ ornatum, præsertim dum eæ adhuc teneræ, & fragiles sunt, conservationem, defensionemque mirare faciat. Nominis, & famæ nostræ conservandæ, ut nimirum tales simus, quales vulgo esse credimus, obligatio animum generosum potenti simul, & suavi violentia cogit. Conservemus, charissima Phlothea, virtutes nostras, quod DEO, qui summum, & supremum omnium operum nostrorum objecitum est, sint acceptæ: Sed quemadmodum fructus æstivales in hyemem conservare studentibus satis non est, eos saccharo condire, sed præterea thecis, & vasculis quibusdam, iisdem conservandis accommodis, eos includent: pari modo, esto primarius virtutum nostrarum conservator, & custos sit amor divinus; nihilominus bonum nomen, & famam, tanquam ad hoc cumprimis utile, & conveniens, huc etiam impendere, & adhibere possumus,

Videndum tamen, ne in hujus conservatione nimis ferventes, exacti, & scrupulosi simus, qui enim in fama, & nomine suo conservando adeo studiosi, & attenti sunt, similes haud dubie sunt iis, qui etiam in minima indispositione, & incommodo corporis medicamenta sumunt; hi namque dum valeant-

tudinem suam conservare, & tueri se putant, eam potius defacto destruunt; sic illi dum famam suam tam accurate, & delicate tueri gestiunt, eam prorsus amittunt; et enim per nimiam hanc famæ curationem litigiosi, tetrici, & aliis intolerabiles fiunt, & detrahentium malignitatem provocant.

Ipsa injuriæ, calumniæque dissimulatio, & contemptus ut plurimum magis ad eas obtegendas & curandas juvat, quam earundem sensus, pervicax in contrarium contentio, & earum vindicta: contemptus quippe facit, ut mox evanescant, & si quis propter illas indignetur, se illas approbare, & veras esse fateri ostendit.

Crocodili non nocent, nisi metuentibus; sic nec detractio, & maledicentia aliis, quam ob eam indignantibus, ac sese torquentibus.

Immoderatus famæ perdendæ timor magnam de fundamento ejusdem (quod est, bonæ vitæ veritas) diffidentiam ostendit. Civitates, quæ super latissima flumina nonnisi ligneos pontes habent, timent, ne ad eorundem inundationem vorticibus aquarum abripiantur; at quæ lapideos, nonnisi extraordinarias inundationes timent; sic qui animam solide Christianam, & bene fundatam habent, ut plurimum nullos linguarum virulentarum excessus, & inundationes me-

tuunt: at qui se fragiles sentiunt, ad quodlibet verbum tribulantur, & inquietantur. Sane quisquis bonum apud omnes nomen habere, & reputationem satagit, ipsam apud omnes e contra amittit, & ille honorem perdere dignus est, qui ipsum mutuari vult ab iis, quos vitia vere infames, & probrosos reddunt.

Fama, & reputatio nonnisi velut intersignum, e quo agnoscatur, & colligatur, ubinam virtus habitet: unde virtus in omnibus, & per omnia præferenda est. Quapropter si eo quod te devotioni applies, homines te ut hypocritam reputent: si, quod offendam offendenti remiseris, ignavum, & pusillanimem, omnia hæc flocci pende. Nam ut taceam, hæc judicia ab hominibus stolidis, & stultis fieri, etiam si famæ jactura facienda esset, non tamen idcirco deserenda esset virtus, nec ab illius semita declinandum, quod fructum frondibus, id est, interius, & spirituale bonum bonis omnibus exterioribus præferri par sit, famæ nostræ oportet zelatores esse, non idololatras, & sicut oculum bonorum non debemus offendere, ita nec volle placere improborum. Barba decus, & honestamentum formæ virilis est, capillitium, & coma faciei mulierum. Si quis ergo a mento pilos, & comam a capite eis revellat, ægerriime repullulabunt;

si duntaxat detondeantur, facillime postea, & spissiores quidem, & fortiores recrescent; pari modo, esto fama præscindebatur, imo etiam defacto radatur a lingua maledici (quæ, ut Propheta loquitur, adinstar acutæ novaculæ est) non est, quod inde ullo modo turbemur: etenim ipsa non multo post repullulabit non solum tam illustris, quam erat prius, verum etiam solidior, & potentior; at, si a vitiis, inertia, & improba vita nostra, fama, & bonum nomen nobis avellatur, & auferatur, vix unquam renasci, & reparari poterit, radice nimirum ejus evulsa. Famæ autem radix est bonitas, & probitas, quæ quamdiu in nobis vivet, semper honorem, qui ei debetur, reproducere potest.

Vana illa conversatio, inutile illud contubernium, nugacula illa amicitia, stulta illa familiaritas relinquenda sunt, quod famæ detrimentum adferant. Pluris quippe valet fama, quam quælibet inanis recreatio, & voluptas. At si ob pietatis studium, progressum in devotione, & boni æterni curam, & consecrationem nobis homines detrahant, murmurent, & calumnientur, sinamus molossos illos ringentes adversus lunam latrare. Etenim licet sinistram aliquam contra reputationem, & nomen nostrum opinionem excitent, itaque famæ nostræ barbam, & ca-

pillos velut proscindant, imo & nudent, non est tamen, quod turbemur: brevi quippe eadem renascetur, & maledicentiæ, detractionisque novacula honori nostro præstabit id, quod falcula vineæ, quam feraciorem, & botris onustiorem reddit.

In ESUM Christum crucifixum oculos nostros identidem conjiciamus: cum fiducia, & simplicitate, sapienter, & discrete tamen in ejus obsequio ambulemus: ipse famæ nostræ protector, & custos erit, & si quidem eam nobis eripi permittat, non id aliter permittet, quam ut nobis eam meliorem reddat, vel in sancta nos humilitate, cuius vel una uncia pluris valet, quam mille honorum libræ proficere, & progredi faciat. Si injuste, & immerito sugillamur, calumniæ veritatem placide velut clypeum objiciamus, si nihilominus illa perseveret, nec dissipetur, nos quoque in nobis humiliandis perseveremus, famam nostram simul, & animam in DEI manus resignantes: neque enim tutiori eam asylo, & templo concredere possemus. Serviamus DEO per infamiam, & bonam famam, ad initiationem Apostoli, ut cum Psalmista dicere possimus: *Propter te Deus meus, sustinui opprobrium, operuit confusio faciem meam.*

Quædam tamen hic excipio flagitia, & crimina, adeo certe atrocia, & infamia, ut dum

dum quis ea juste a se amoliri potest, calumniam eorum sustinere, ac ferre æquanimiter non debeat: nec non certas quasdam personas, a quarum bona fama, & nomine plurimum pendet ædificatio. Hoc quippe in casu fama est pacifice, ac tranquille ab injuria, juxta Theologorum sententiam, vindicanda.

C A P U T VIII.

De mansuetudine, & benignitate erga proximum, & optimo adversus iracundiam remedio.

SAnctum Chrisma, cuius ex Apostolica traditione, in Ecclesia DEI quoad confirmationes, & benedictiones usus est, ex oleo olivarum balsamo intermixto compostum est: quod inter alia multa duas illas dilectissimas, & charissimas, quæ in sacra JESU Christi humanitate resplendebant, quasque ipse peculiari quodam modo nobis commendavit, perinde ac si per easdem specialiter cor nostrum servitio ejus consecrari, & imitationi ejus addici deberet, virtutes representat: humilitatem, inquam, & mansuetudinem, unde, *Discite*, inquit ipse, *a me, quia mitis sum, & humili corde.* Humilitas quippe nos perficit quoad DEUM, mititas, & mansuetudo quoad proximum, balsamum, quod (sicuti jam supra ostendi) in-

inter omnes liquores semper imum petit, typus est humilitatis, & oleum olivarum, quod semper supernat, benignitatis, & mansuetudinis, utpote quæ omnia superat, & inter virtutes omnes principatum tenet, cum charitatis (quæ juxta D. Bernardi sententiam, tum demum perfecta, & absoluta est, quando non solummodo patiens, est, sed & benigna, & mansueta) nos, & nucleus sit.

Sed vide, mea Philothea, ut mysticum hoc chrisma, ex mansuetudine simul, & humilitate compositum, in corde tuo habitet. Etenim in hoc versutus cacodæmon quam maxime intendit, ut multi duas has virtutes non nisi ore, & verbis tenus, & exteriori quadam specie, & superficie consequentur: qui cum affectus suos interiores non bene examinent, sese & humiles, & mansuetos esse credunt, cum revera, & defacto nec sint humiles, nec mansueti. Quod & ad oculum cernere est: nam non obstante exteriori, & umbratica, ac fucata illa mansuetudine, si vel minimum verbum displicens audiant, & vel minimam injuriam recipient, illlico eos arrogantia, & fastu incredibili effervescere, & intumescere videbis. Ferunt, eos, qui antidoton illud, quod vulgo *unguentum S. Pauli* vocatur, sumpsero, a vipera morsos, & pungos, non intumescere, & inflari,

dum-

dummodo unguentum illud bonum, sicutum sit: pari modo, humilitas, & mansuetudo sincera sunt, nec fucata a tumore, & ardore, quem injuriæ in animis nostris provocare plerumque soient, nos tuentur; at, si a maledicis læsi, ac morti excandescimus, turgescimus, & indignamur, signum est, humilitates, & mansuetudines, nostras non veras & sinceras, sed fucatas duntaxat, & hypocriticas esse

Sanctus, & illustris ille Patriarcha Joseph fratres ex Ægypto ad patrios lares remittens, hoc solum præceptum iis dedit: *Ne irascamini in viis.* Idem tibi dico, & moneo, Philothea: ærumnosa hæc, & misera yita nonnisi via est ad beatam, & sempiternam, in via ergo alter alteri non irascamur, & in turba fratrum, & sociorum nostrorum mansuete pacifice, & amice semper incedamus. Imo plane, & sine ulla exceptione tibi dico, ne irascaris omnino, si fieri potest; nec sub quocunque demum prætextu cordis tui januam iræ aperias. Diserte namque S. Jacobus, & sine ulla restrictione ait: *Iram vi iustitiam DEI non operari.* non nego tamen, quin constanter, & fortiter malo resistendum sit, vicia quoque eorum, qui nostræ curæ concreti sunt, acriter coarguenda, saviter, & blande tamen id fiat oportet. Nihil elephantum iratum ita evincit,

cit, quam agni conspectus, & nihil ita facile tormentorum bellicorum vim, & impetum elidit, atque lana constipatos. Correctio, quæ e passione provenit, esto cum ratione coincidat, & consonet, non adeo solet probari atque illa, quæ nonnisi a ratione nascitur. Anima namque rationalis cum naturaliter rationi subiecta sit, passioni nonnisi per tyrannidem subiecta est: hinc cum rationem comitatur passio exosa est, quod justum ejus imperium ipsa passionis tyrahnis minoris auctoritatis reddat. Tunc Principes subditos suos maximopere honorant, & consolantur, dum cum pacifico comitatu eos visitant, & adeunt; at cum exercitus armatos secum ducent, esto ad bonum publicum ii referantur, illorum adventus displicet, nam, tametsi disciplinam militarem exacte inter milites servari jubeant; tamen non ita cavere suorum indemnitati queunt, quin semper aliqua committatur insolentia, quæ in innocentis alicujus damnum tendat. Pari modo quamdiu leniter regnat ratio, castigationes, & reprehensiones suas benigne depromit, esto eæ rigidæ sint, nemo non eam amat, & approbat; at cum iram, cholera, & bilem, quæ (ut ait S. Augustinus) ejus sunt milites secum trahit, terribilem se reddit potius, ac metuendam, quam amabilem, quin imo etiam proprium cor ejus semper inde oppri-
mi.

mitur, & male habetur. Satius est, ait idem Augustinus epistola ad Professorum, omnem iræ etiam justæ, & rationi consentaneæ aditum occludere, quam eam quantumvis parvam intromittere. Semel enim admissa quam difficilime potest expelli, ingreditur surculus, sed in momento in trabem excrescit, & magnescit, si vel una apud nos stabulari nocte queat, & *sol super iracundiam nostram occidat* (quod ne fiat, Apostolus monet, & vetat) ita ut in odium convertatur, nulla prope ejus expellendæ suppetit ratio, alitur quippe mox sexcentis falsis persuasionibus, & opinionibus, nunquam enim ullus iratus iram suam putavit injustam esse.

Satius ergo est, conari prorsus sine ira vivere, quam sapienter, & moderate eandem regere nosse velle; cumque aliqua ex imperfectione, aut fragilitate nos ab eadem occupatos videbimus, melius est eam quantocuyus a nobis rejicere, quam cum illa negotiari, & pacisci velle: nam quantumvis parum otii ei concedamus, & moræ, plenum loci mox illa dominium occupat, & serpentem colubrum imitatur, illuc facile totum corpus insinuantem, quo caput potuit immittere. At petes, quomodo eam expellam? Quamprimum eam senties, & percipes, Philothea, vires tuas omnes prompte recolligas oportet, non quidem violenter,

&

& impetuose, sed suaviter, serio tamen. Nam sicuti in multorum Senatum, ac Parliamentorum audiētiis fieri videmus, ut apparitores, & accensi clamantes: *Silentium*, plus clamoris, & vocis cieant, quam quos tacere jubent: sic & sāpe contingit, ut, dum impetuose, & violenter iram nostram cohibere volumus, majorem in animo turbationem, & motum excitemus, quam is forsā in ira habuisset: unde ipse ita turbatus, & concitus, exinde sui dominium recuperare nequit.

Post suavem hanc violentiam adhibitam, practica consilium illud, quod S. Augustinus jam senex Auxilio Episcopo sed juniori, olim suggestit: *Fac, inquit, omne, quod homini faciendum est. Si deinde forte tibi accidat, quod vir secundum cor DEI de se ipso in Psalmis fatetur. Turbatus est a furore oculus meus; ad DEUM confuge, & dic: Miserere mei DEUS; quo suam ille ad iram tuam reprimendam dexteram extendat.* Dicere volo, opem Dei nobis implorandam esse tum, cum ab ira nos occupatos videmus, ut Apostoli tempestate, & ventis in mari medio jactati, auxilium Domini invocarunt: ipse namque passionibus nostris imperabit, ut se remittant, moxque in animo nostro fiet tranquillitas magna. Sed hoc nihilominus te moneo, orationem, quæ ad-

adversus iram præsentem, & jam nos opprimentem adhibetur, suaviter, & tranquille, non autem violente adhibendam esse, quod & in omnibus aliis, quæ adversus hoc malum usurpantur, remediis observandum est.

Ad hæc, statim ac aliquem actum adverteris te commississe, aliquo mansuetudinis, ac mititatis erga illum contra quem indignaris, quam promptissime exercito actu, errorem illum reparare stude. Nam sicuti præsentissimum contra mendacium remedium est, statim, & adhuc ipso in loco quamprimum atque advertimus nos esse mentitos, dictum revocare; ita etiam optimum contra choleram remedium est, eam contrario mansuetudinis, ac benignitatis actu quantocuyus resarcire: nam, ut dici vulgo solet, facilius curantur vulnera recentia, quam inveterata.

Præterea, cum jam tranquilla es, nullamque irascendi occasionem habes, egregie tibi tunc de mansuetudine, & benignitate prospice; fiet id, si omnia verba tua, quam poteris mansuetissime, & suavissime proferas, & opera tua omnia, parva juxta, ac magna placidissime exequaris.

Memento, sponsam in Canticis non solum habere mel in labiis, & in linguae extremitate, verum etiam sub lingua tua, id est, in pectore: nec mel tantum, sed etiam

lac habere: nam non solum verba, & os erga proximum dulce, sed & universum petus, & animum ineriem mansuetum habere nos oportet; nec melius tantum, quod & aromaticum est, & odoriferum, dulcedinem, id est civilis conversationis cum exterioris suavitatem, sed & lactis: ut videlicet inter domesticos, & proximiores vicinos benignos nos ostendamus. In quo graviter sane peccant illi, qui foris, & in platea Angelis similes videntur, & domi, atque intra privatos parietes cacodæmones sunt.

C A P U T I X.

De mansuetudine erga nos ipsos.

INTER bonas mansuetudinis, quas exercere possimus, praxes, & actus non postrema est illa, cuius materia in nobis ipsis constitit, ne scilicet unquam contra nos ipsos, aut imperfectiones proprias indignemur. Tametsi enim æquum sit, & ratio requirat, ut, dum delictum aliquod committimus, illud nobis displiceat, & illius causa contristemur, videre tamen debemus, ne nimiam, indignabundam amarulentiam, ac stomachabundam displicantiam habeamus. In quo permulti graviter errant; qui cum ab ira occupati fuere, irascuntur sibi, quod irati fuerint, adversum se stomachantur, quod sto-

machati sint, & succensent, quod succensuerint; hac quippe ratione, animus illorum in ira quodammodo coquitur, & velut ab ea imbibitur, & esto secunda ira primam tollere, & extinguere videatur, hæc tamen ianuam, & aditum patefacit, per quam nova, prima data occasione, ira in animam ingrediatur, & penetret. Ut taceam choleras, indignationes, & amarulentias has, quibus nobis ipsi indignamur, superbiam, quamdam spirare, & nonnisi a philautia, & nostri ipsorum amore, turbante, & inquietante se, quod imperfectos nos videat, ortum habere. Talem ergo errorum, & imperfectionum propriarum displicantiam habere nos oportet, quæ pacifica sit, serena, & solida. Nam sicuti judex tunc melius maleficos castigat, cum sententiam ex ratione, & in spiritu tranquillitatis profert, quam dum eam impetuose, & e passione depromit, quia dum e passione sententiam pronuntiat, scelera, & delicta non pro ipsorum quidam qualitate, sed prout ipsemet in animo constitutus est, castigat; ita melius nos ipsi per tranquillas, & constantes, quam per amarulentas, & indignabundas, contritiones, & dolores castigamus, quod impetuofæ illæ non pro peccatorum nostrorum gravitate, sed prout inclinati sumus, plerumque fiant, v. g. qui bene erga castitatem afficitur, incredi-

bili quadam animi amaritudine adversus minimum contra illam admissum delictum, ac defectum indignabitur, & ob gravem quamdam, qua alteri detraxerit, detractionem intrisum dissolvetur. Et vice versa, qui detractionem omnem detestatur, mire se torquebit, & affliget, quod vel parum alterius honori detraxerit, & grave quoddam contra castitatem flagitium admissum pro levi, & nihilo reputabit: atque ita de reliquis, quod non alia de causa fit, quam quod de conscientia sua, non e rationis præscripto, & dictamine, sed e passione sententiam ferant.

Mihi crede, Philothea, sicuti correptiones patris alicujus leniter, & affectuose factæ, longe sunt ad filium corrigendum potentiores, quam amaræ illæ, & iracundæ; ita si postquam cor nostrum aliquod peccatum admisit, id correptionibus suavibus, & tranquillis, ac plus compassionis in illud, quam passionis, & indignationis includentibus reprehendainus, ipsum ad ejus emendationem exstimulando, dolor sane, quem inde concipiet, longe profundius ingredietur, ac melius penetrabit, quam indignabundus, iracundus, & impetuosus.

Ego certe, si (verbi gratia) summopere asticerer, ne in aliquod vanitatis vitium inciderem, & nihilominus turpi quodam la-

psu in ipsum incidissem, hoc certe modo cor
meum reprehendere, & objurgare nolle.
Næ tu miserum, & abominabile es, quod
nimirum post tot proposita facta a vanitate
te abripi siveris: morere præ confusione;
morere: noli posthac oculos in cœlum su-
stollere; ah cœcum, impudens, perfidum,
& alia id genus. Sed vellem id rationabi-
liter velut ei compatiendo corrigerem: Itane,
ah infelix cor meum, in fossam, quam to-
ties evitare proposueramus, jam præcipitavi-
mus. Eja ergo surgamus, ipsamque in æter-
num deseramus, & misericordiam Domini
imploremus, inque illo speremus, fore vi-
delicet, ut ille nos adjuvet, quo inposste-
rum in proposito constantiores simus, & in
humilitatis viam jam redeamus. Agedum
igitur, jam ex hoc die nobis caveamus, &
advigilemus. Deus nobis aderit. Melius er-
go sic faciamus, & super hanc reprehensi-
onem solidum, & firmum quoddam proposi-
tum non amplius in id delictum incidendi,
inadficare vellem, convenientia ad hoc me-
dia, nec non directoris mei consilium ad-
mittere parata.

Quod si forte quis per lenem hanc, &
placidam correptionem non satis emoveri
cor suum videat, addere poterit & expro-
brationem, ac reprehensionem quamdam ac-
rein, & vehementem, quo ipsum ad pro-

fundiorem confusionem excitet, dummodo, postquam id objurgavit, ac fugillavit acerbius, lenius finiat, omnem suum dolorem, & iram suam in sancta quadam in DEUM fiducia terminando in imitationem videlicet illustris illius poenitentis, qui animam suam afflictam & dolore prostratam videns, hoc eam alloquio sublevabat : *Quare tristis es anima mea, & Quare conturbas me? Spera in DEO: quoniam adhuc confitebor illi, salutare vultus mei, & DEUS meus.*

Suaviter ergo, & leniter cor tuum jam lapsum subleva, insigniter te coram DEO, eo quod miseriam tuam ad oculum videoas, humiliando, nec ob lapsum tuum adeo te censernendo: quid enim adeo mirum, & mirandum, infirmitatem infirmam esse, fragilitatem fragilem, & miseriam miseram? Ex toto tamen corde, & viribus tuis offensam, & injuriam, quam Deus Optimus Mæximus a te recipit, detestare, & magna quadam cum generositate, deque misericordia ejusdem fiducia in virtutis, quam derliqueras, viam redi.



C A P U T X.

Negotia diligenter quidem, non tamen anxie, & solicite nimium gerenda sunt.

Cura, & diligentia, quam in rebus, ac negotiis nostris gerendis adhibere debemus, longe certe differunt a sollicitudine, anxietate, & turbatione. Angeli salutis nostræ curam gerunt: eamque diligenter procurant, at non propterea solliciti, anxii, & impediti sunt: cura namque, & diligentia ad ipsorum pertinent charitatem; sollicitudo vero, anxietas, & turbatio illorum beatitudini adversarentur: cum cura, & diligentia queant cum tranquillitate, & quiete spiritus consistere, non autem sollicitudo, & anxietas, & multo minus impedita turbatio.

In omnibus ergo rebus ac negotiis; curæ tuæ concreditis, esto, Philothea mea, diligens, & sedula; cum enim tibi Deus illa crediderit, & filius sit, vult illa te diligenter curare, sed si quidem fieri potest, noli propter illa nimis esse anxia, aut sollicita, id est: cum inquietudine, anxietate, & ardore ea non aggrediaris, nec in iis exequendis multum turberis, aut satagas: omnis namque turbatio rationem, & judicium perturbat, imo vero impedimento nobis est, ne rem, quam agere volumus, bene, & prout oportet exequamur.

Quando Dominus Martham reprehendebat, dicebat: *Martha, Martha, sollicita es, & turbaris circa frequens ministerium.* Viden, si tantum diligens, & sedula fuisset, minime se turbasset, sed quia sollicita erat, & inquieta, hinc turbatur & anxiatur. Et in hoc Dominus reprehendit eam: flumina, quæ leniter per planitiem æquam feruntur, ingentes, & vastas ferunt naves, & preciosas merces: pluviæ quæ leniter, & guttatum in agrum cadunt, herbis, & granis eum abundare faciunt: at torrentes, & flumina, quæ impetuose aquarum vorticibus per terram abripiuntur, vicina loca destruunt, & mercibus vehendis incommoda sunt, uti & nimbi velut ruentes, ac præcipites, agros, & prata devastant. Nunquam aliquod negotium cum impetu, & turbatione quadam perfectum bene factum fuit. Lente (ut vetus ait proverbium) festinandum est *qui*, ut Salomon asserit, *pedibus est festinus*, in periculo est, ne pedem offendat. Semper satis cito facimus, si satis bene: fuci majorem quidem strepitum cident, & turbatores sunt, quam apes, at ceram duntaxat, non autem mel conficiunt; sic qui sollicitudine nimia, & ardenti strepera anxietate negotia sua agere allaborant, vix quidquam agunt, & quod agunt, non bene.

Muscæ non vi sua, & velenentia, sed confusa multitudine sua nobis admodum sunt molestæ: sic magna negotia non adeo nos perturbant atque parva, cum nimirum ea frequentia, & multa sunt. Quæ ergo curanda, & expedienda tibi advenient negotia, quiete, ac tranquille suscipe, & ordinatim ea unum post aliud exequere, Si enim simul omnia fine ullo ordine perficere, & aggredi velis, connisus quosdam facies, qui te oppriment, & spiritum tuum evigorabunt, tuque ut plurimum sub onere fatiges confecta, & vix quidquam effeceris.

In omnibus porro negotiis tuis divinæ providentiæ, aqua sola omnia tua molimina, & opera ortum habere debent, totaliter nitere: ex parte tamen tua graviter labora, & possibilia age, quo ei coopereris, ac deinde certa esto, siquidem in Dœo bene confisa fueris, successum, qui inde tibi sequatur, semper tibi & utilissimum, & optimum fore, esto is tibi pro particulari tuo judicio bonus, aut malus videatur.

Imitare pueros, qui manu una parentis manum tenent, & altera fraga, & baccas e sepibus, & dumetis colligunt. Pari modo tu manu una bona mundi hujus colligo, & træcta, altera semper patris cœlestis manum tene, ad eum subinde revertens, & recurrens, ut videoas, num tua agendi ratio, &

occupationes tuæ ei placeant. Inprimis vero cave, ne manum, & protectionem ejus unquam deseras, te sola plura colligere, & efficere posse credens: si enim ipse te deferrat, ne unum quidem gressum figes, quin corruas, & turpiter impingas. Quando ergo, Philothea, in communibus tuis negotiis, & occupationibus, quæ tam vêtementem, ac internam attentionem non requirent, versaberis, semper magis ad Dœum, quam negotia respicies. Cum vero negotia tanti sint momenti, ac difficultatis, ut rite peragantur, omnem tuam attentionem, & annisum requirant, subinde ad Dœum animum attolles ad exemplum eorum, qui mare navigant, qui quo ad terram, ad quam anhelant, appellant, sèpius sublime, cœlum versus, respiciunt, quam æquor, quod navigant; sic fiet, ut Deus tecum, in te, & pro te labraturus sit, & labor tuus aliqua consolatione dulcorandus.

C A P U T X I.

De Obedientia.

SOla charitas nos in perfectione ponit; sed obedientia, castitas, & paupertas tua ejus acquirendæ media sunt; obedientia quippe cor, castitas corpus, & paupertas facultates nostras amori, & obsequio DEI de-

dedicat; sunt hæc, tres rami, qui tamen omnes quarto, id est, humilitati, innituntur. Nihil autem de tribus illis præstantissimis virtutibus dicam, in quantum solenni voto promittuntur; hoc quippe ad solos Religiosos spectat; nec etiam, in quantum simplici voto voventur, quia licet votum semper multum gratiæ. & meriti virtutibus omnibus addat; ut tamen ad veram perfectionem pertingamus, ad eas necesse non est, hominem voto se astringere, dummodo eas exacte servet. Et enim, esto ipsæ voto promisæ, & præsertim solenni, hominem in perfectionis statu collocent: tamen, ut eum in perfectione constituant, satis est, eas bene observari, cum magna inter perfectionis statum, & ipsam perfectionem differentia, ac discrimen sit, cum quilibet Episcopi, & Religiosi in statu quidem sint perfectionis, non tamen omnes in perfectione: quemadmodum indies plus nimio videmus. Demus ergo operam, Philothea, ut tres hasce virtutes, quisque juxta suam vocationem, & statum, rite exerceamus. Siquidem esto nos ad perfectionis statum non perducant, ipsam tamen perfectionem nobis dabunt. Ad hæc, omnes quotquot sumus, ad harum trium virtutum exercitium tenemur, esto omnes ad eas uno, eodemque modo exercendas minime obligemur.

Duo sunt obedientiæ genera, unum necessarium, & alterum voluntarium. Per necessariam obedientiam humiliter obedire debes superioribus tuis Ecclesiasticis, puta, Pontifici, Episcopo, Curioni, & ipsorum Vicariis, & substitutis; item superioribus Politicis, id est: Principi tuo, ac Magistris, quos is super Providentiam tuam constituit: superioribus denique domesticis, id est: patri, matri, hero, & heræ. Hæc porro obedientia dicitur necessaria, quod nullus ab his superioribus obediendi officio se eximere potest; cum Deus iis auctoritatem regendi, & gubernandi dederit, unicuique promunere, quod in nos acceperant. Illorum ergo præceptis, & jussis morem gere, & hoc necessitatis est: sed, ut perfecta sis, illorum insuper consiliis, desideriis, & propensionibus acquiesce, in quantum id charitas, & prudentia permetter. Si ergo obedi, cum aliquid sensualitati gratum tibi injungent; uti ert, comedere, recreationem capere &c. nam tametsi non magnæ videatur esse virtutis hoc in casu obedire; magnum tamen vitium foret, hic non obedire. Obedi quoque in rebus indifferentibus; uti sunt, tale vestis genus gestare, hac via, aut alia incedere, cantare, aut tacere; & erit obedientia valde commendabilis. Obedi item in rebus difficilibus, asperis, & duris; & erit obedientia

entia perfecta. Obedi denique suaviter sine murmuratione, prompte sine dilatione, hilariter sine morositate; & ante omnia obedi, di amoroſe, ex amore ſcilicet ejus, qui amore nostri factus est obediens usque ad mortem crucis, & qui, ut ait S. Bernardus, vitam amittere maluit, quam obedientiam.

Ut autem superioribus tuis facile obedire discas, æqualium tuorum voluntati, & non invita acquiescas; illorum opinioni, in eo quod aperte malum non est, libenter cedendo; ut nec contentiosum cum iis finem trahas, nec pertinaciter illis oblucteris. Libenter quoque inferiorum tuorum delideriis te, quantum ratio permittit, accommoda, nullam in eos auctoritatem violentam, aut imperativam, quamdiu boni sunt, exercendo.

Errant, qui credunt ſe, ſi Religiosi, aut Religioſæ forent, facile obedituros; cum interim illis, quos Deus iis superiores constituit, ac dedit: obedire detrent, & arduum ducant

Vcluntariam obedientiam dico illam, ad quam propria electione, & sponte nos adſtrigimus: & quam nos nobis, non quis alius, imponimus. Plerumque Principem, Episcopum, patrem, matrem. & ſæpe etiam maritum nobis non eligimus; at ſelegimus Confessarium, & directorem. Porro, ſive

sive in eo diligendo , expresse votum ei obediendi concipiamus) sicut S: Mater Theresia (præter obedientiam superioris Ordinis sui, solenni vero promissam, simplici , quodam voto Deo se ad Patri Hier. Graciano obediendum , & parendum obstrinxisse futur , sive sine ullo voto nos alterius cujuspiam imperio , obedientiæque devoveamus ; obedientia hæc semper voluntaria dicitur , idque ratione fundamenti ejus, quod a nostra voluntate , & electione dependet.

Omnibus in genere superioribus obediendū est , unicuique tamen in ea re, in qua nobis præsidet , & præpositus est. Nam in rebus æd politicum , & publicum regimen spectantibus , obediendum est principibus in iis , quæ ad Ecclesiasticam gubernationem attinent ; Prælatis ; in domesticis vero , patri , hero , marito ; in particulari denique animæ directione , peculiari directori ejusdem , aut Confessario.

Cura , ut tibi quidam pietatis actus , & exercitia a patre tuo spirituali præscribantur , & ordinentur , ut eos deinde executioni mandes : sic namque illi & meliores erunt , & duplicem gratiam , ac bonitatem habebunt ; unam quidem ex seipsis , eo quod pii sunt , alteram vero ab obedientia , quæ ipsos fieri præcepit , & in cuius virtute fient. Beati obe-

di-

dientes, non permittet enim Deus, ut errent, & impingant.

C A P U T XII.

De necessitate Castitatis.

Castitas virtutum omnium est lumen, hæc homines Angelis prope similes, & æquales reddit; nihil pulchrum, nisi per puritatem, hominum porro puritas castitas est, castitas honestas appellatur; & ejusdem professio, honor: nominatur item inregritas, & illius contrarium, corruptio. Denique hanc singularem, & particularem gloriam habet, quod pulchra, & candida animæ simul, & corporis virtus sit.

Nullam quis unquam e corpore suo impudicam haurire voluptatem potest, quo cunque demum modo fiat, nisi in legitimo matrimonio; utpote cuius sanctitas iuxta quadam compensatione eum, qui in delectatione committitur, defectum potest reparare. Quin & in ipso matrimonio intentionis honestas curanda est, ut si quæ forte in voluptatis, qui exercetur, actu sit indecentia, nihil nisi honestum in eum exercente voluntate reperiatur.

Cor mundum & castum adiustar conchæ margaritiferæ est, nullam, nisi quæ de cœlo venit, aquæ guttam recipientis: nullam quippe

pe illud admittere voluptatem potest, quam quæ e matrimonio, quod a cœlo est institutum, provenit; & præter, hanc ne cogitare quidem de ea impudica, voluntaria, & deliberata quadam cogitatione ei licitum est.

Quod ad primum hujus virtutis gradum attinet, cave, Philothea, ne ullam illicitam, aut prohibitam voluptatem admittas, uti sunt omnes, quæ extra matrimonium capiuntur, vel etiam in eo, quando eæ contra ejusdem præscriptum, & ordinem exercentur.

Quod ad secundum, quantum possibile tibi erit, omnes inutiles, & superfluas, esto licitas, & permissas delectationes a te rescinde.

Quod ad tertium, delectationibus, & voluptatibus, quæ & præceptæ sunt, & ordinatæ, affectum non applies. Licet enim necessariæ delectationes, & voluptates usurpari debeant, eæ, inquam, quæ ad sancti matrimonii finem, & institutionem referuntur; nunquam tamen animum, aut spiritum iis oportet affigere.

Cæterum nemo non virtute hac opus habet. Qui in viduitate sunt, animosam, & utilem castitatem habeant oportet, quæ non solum tum præsentia, tum futura objeccta repudiet, & a se excludat, verum etiam imaginationibus, quas voluptates licite in matri-

matrimonio alias habitæ in mentibus eorum producere queunt (quæ idcirco impudicis illiciis sentiendis magis obnoxiae sunt) viriliter resistat. Atque hinc est, quod S. Augustinus charissimi sui Alexii puritatem usque adeo obstupescat, & deprædicet; cuod nimirum voluptatum carnalium, quas tamen in juventute sua aliquando expertus erat, jam versus penitus oblitus esset, & sensum earum amifisset. Et sane, sicuti fructus, quamdiu integri sunt, facile possunt conservari, alii in straminibus, alii in arena, alii in suis met frondibus; at semel morsi, & delibati si sint, vix ulla eos conservandi suppetit ratio, nisi saccharo, & melle condiantur, Sic castitas nondum læsa, aut violata diversimode servi potest, at semel prælibata, & violari coepita, nulla re alia, nisi per excellentem quandam devotionem (quæ sicuti saepe dixi, verum mentium mel, & saccharum est) potest conservari.

Virgines vero castitate simplicissima opus habent, ut videlicet omnes cogitationes curiosas a corde suo excludant, & absolute quodam contemptu, & repudio quaslibet immundas delectationes contemnant; quod haec ab hominibus desiderari, & optari omnino non mereantur, cum asinis, & porcis illæ convenienter magis, & propriæ magis sint, quam ipsis. Caveant ergo haec puræ animæ,

ne unquam dubitent, quin castitas incomparabiliter melior sit, quam quidquid illi directe oppositum est, & cum ea incompatibile. Nam, ut magnus Hieronymus scribit, diabolus virgines violenter tentat, & incitat, ut voluptates semel experiri velint, eas infinito suaviores, & deliciosiores, quam in se revera sint, ipsis depingendo, & repræsentando: quod eas sæpe valde perturbat, dum, ut ait Sanctus ille vir, suavius reputant id, quod nesciunt. Nam veluti papilio flammam videns, eam identidem, & curiose circumvolitat, experturus, num tam illa suavis sit, quam pulchra & ab hac imaginatione impulsus, non ante ad eam volare cessat, quam ad primum experimentum ipse sibi ruinam, & mortem accersat: sic adolescentiores sæpe se ita a falsa, & stulta persuasione, & repræsentatione, qua voluptatum carnalium flamas dulces, ac deliciosas esse sibi fingunt, abripi patiuntur, ut post multas curiosas cogitationes, in iisdem tandem pereant, sibique interitum accersant, in quo certe fatuis papilionibus stultiores sunt, quod illi aliquam quidem occasionem, & causam habeant cogitandi, ignem, cum adeo pulcher sit, & splendidus, etiam suavem, & deliosum esse; hi vero esto sciant id, quod ambiunt, & consequantur, cum primis in honestum esse; nihilominus fatuam, & brutalem illam delectationem

plus

pluris faciunt, quam honestatem. Quod autem ad conjugatos attinet, certum est (quod tamen vix quisquam credat) castitatem iis cum primis necessariam esse: illorum namque castitas non tam consistit in hoc, ut absolute ab omnibus carnalibus voluptatibus abstineant, quam ut remediis in voluptatibus se se contineant. Porro sicuti præceptum ilud: *Irascimini, & nolite peccare*, longo meo iudicio difficilius est illo, prorsus non irascimi ni; quia facilius longe est iram penitus vitare, & fugere, quam moderari: sic multo facilis reputo, a carnalibus voluptatibus prorsus abstinere, quam aliquod in illis modera men, & regulam servare. Sancta matrimoni licentia, & voluptas peculiarem, fateor, vim habet ad ignem concupiscentiæ extin guendum; at ea fruentium infirmitas facile a licito ad illicitum, & ab usu ad abusum dilabi tur. Et sicuti multos divites furari videmus, non quidem præ egestate, sed ex avatitia; sic multos conjugatos utroque in sexu per solam intemperantiam, libidinem, & lubri citatem delinquere, tametsi legiti mum domi objectum habeant, in quo & deberent, & possent consistere, cum con cupiscentia illorum adinstar ignis volatili sit, hic & illic obvia quæque ustulantis, & nullo certo in loco hærentis. Semper magno cum periculo conjunctum est, violenta me-

dicamenta sumere: si enim ex illis plus nimio sumatur; aut illa minime, prout oportet, præparata sint, plurimum sumentibus damni adferuut. Matrimonium benedictum, & institutum ex parte fuit in concupiscentiæ carinalis remedium: & certe optimum remedium est, violentum tamen, perinde periculosisimum, nisi cum discretione quis eo utatur.

Addo, ob varios rerum, & negotiorum humanorum casus (ut taceam quoque longos, & diuturnos morbos) sæpe maritos ab uxoribus suis abesse debere, unde conjugati dupli castitate opus habent; una videlicet, ut absolute a carnali commercio abstineant, quando nimur ab invicem ob illas, quas jam dixi, causas disjuncti sunt: altera, ut voluptatem suam moderentur, quando jam simul agunt, & cohabitent.

Hinc S. Catharina Senensis plurimos damnatorum idecirco gravissime cruciari consperxit, quod matrimonii sui sanctitatem violarent; quod non tam ob peccati ipsius gravitatem fieri aiebat (quia homicidia, & blasphemiae longe enormiora scelera sunt) quam quod, qui illud admitunt, nullum inde remorsum, aut scrupulum sibi moveant, ac proinde diu in illo hæreant, & velut compotescant.

Vides ergo, castitatem omni hominum generi necessariam esse. *Pacem sequimini*, inquit Apostolus, *cum omnibus*, *& sanctimoniam*, *sine qua nemo videbit DEUM*. Per sanctimoniam autem intelligit castitatem, ut quidem S. Hieronymus, & Chrysostomus illum locum exponunt. Nemo ergo, mea Philothea, sine castitate videbit Deum; nemo in sancto ejus habitaculo habitabit, qui non sit mundo corde. Et sicut Redemptor ipse aperte pronuntiat, *canes*, *& impudici* ex eo ejicientur foras; & *Beati mundo corde*, *quoniam ipsis DEUM videbunt*.

C A P U T XIII.

Castitatis conservandæ præcepta, & monita præscribuntur.

REmis, velisque fuge, quidquid ad lubricitatem, & immundiciem quoquo modo dicit, aut eam adescat, & nutrit. Hoc quippe malum agit insensibiliter, & a parvis initiis in immensum sensim excrescit, & ulterius progreditur; semper quippe facilius id fugitur, quam sanatur.

Corpora humana vitreis vasis similia sunt: hæc enim simul lata, ita ut se invicem tangant, & collidantur, in summo periculo sunt, ne frangantur. Item fructibus, qui licet integri, & bene constituti sint, vitium tamen,

rubiginem contrahunt, si ad invicem confrentur. Ipsa aqua quantumvis recens in vase sit, si ab aliquo terreno animali delibetur, & tangatur, suam integritatem, & frigiditatem diu conservare nequit. Nunquam te patiare, Philothea, ab aliquo inciviliter, aut per jocum, sive e benevolentia contingi. Esto enim castitas inter hasce actiones, leves potius, quam malas, queat integra conservari, viror tamen, & flos illius aliquod semper inde capit detrimentum, & jacturam, totalis autem castitatis ruina, & interitus est, si quis se inhoneste a quopiam tangi sinat.

Castitas quidem a corde, velut ab origine sua, sua, ortum sumit, corpus tamen velut materiam suam circa quam respicit: hinc etiam per omnes exteriores corporis sensus, per cogitationes, & desideria cordis amittitur. Impudicitia est, intueri, audire, loqui, olfacere, tangere inhonestata, cum animus iisdem afficitur, & voluptatem inde haurit; quare Apostolus absolute ait, & suadet: *Fornicatio nec nominetur quidem in vobis.* Apes non solum cadavera tangere recusant, sed & omnem, quæ ex iisdem provenit, putrescenti m, & foetorem penitus fugiunt, ac detestantur. Sponsa in Canticis manus habet stillantes myrrham, qui liquor est corpora quælibet ab omni corruptione defendens,

la.

labia vero ejus vitta coccinea constricta sunt, quæ honestatis, & pudoris verborum index est. Oculi ejus sunt oculi columbarum, ob munditatem, & integratatem. Aures illius in aures habent aureas, quod puritat̄ indicium, & nota est. Nasus denique ejus confertur cedaris Libani, quod ligni genus æternum, & incorruptibile est. Talis anima devota sit oportet, casta, inquam, nitida, honesta, tam manibus, labiis, auribus, oculis, quam reliquo toto corpore.

Huic proposito mire mihi quadrare videtur sententia illa, quam vetus ille Johannes Cassianus, tanquam S. Basilii ore olim prolatam adducit, qui de seipso loquens quadam die: *Fæminam nescio, attamen virgo non sum.* Tot certe amitti modis castitas potest, quot sunt impudicitiarum, & lasciviarum genera: quæ, prout magnæ, aut parvæ sunt, eam vel luxant, & debilitant, vel laedunt, vel plane extinguunt. Etenim sunt quædam commercia, & familiaritates, & indiscretæ, petulantes, vanæ, & sensuales quædam passiones, quæ, si proprie loquendum sit, castitatem quidem non violant, eam tamen debilem, & languidam reddunt, ejusque fulgidum nitorem nonnihil obscurant. Aliæ sunt familiaritates, & passiones non indiscretæ solum, sed & viciosæ; non solum vanæ, ac ineptæ, sed & inho-

nestæ; non sensuales solum, sed carnales; & per has ad minimum castitas valde lœditur, & incommodatur. Dico ad minimum: quia tunc illa moritur, & plane perit, quando lasciviæ, & lubricitates illæ ultimum carnis voluptatis effectum in carne causant; imo vero tunc multo perit indignius, ac scelestius, quam dum per fornicationem, & incestum perit: nam postremæ illæ libidinis species nonnisi peccata sunt; at prior illa lubricitas, & impudicitia, ut Tertullianus libro de Pudicitia palam, & aperte afferit, iniqutatis, & peccati abominanda, & horrenda monstra sunt. Porro, nec Joannes Cassianus, nec ego credimus, Sanctum Basiliūm, dum se virginem esse negat, ad tale impudicitiæ, & lasciviæ genus respexisse: puto namque, eum non aliud hic intellexisse, quam voluptuarias, & carnales cogitationes, quæ tametsi proprie corpus ejus non inquinassent, cor tamen, ac animum aliquo modo commacularant; de cuius etiam castitate, & integritate animæ generosæ quam maxime solicite sunt, eamque sartam tectam conservare gestiunt.

Impudicorum commercium, quam potes maxime, detestare; præsertim si præterea impudentes sint, ut prope semper sunt. Ut enim hirci lingua amygdalas dulces tangentes, eas quam primum amarescere faciunt:

sic

sic homines fœtidi, & cor infectum habentes raro aliquem aut sui, aut diversi sexus alloquuntur, quin illius castitatem, & pudicitiam aliquo modo inquinent, ac debilitent; habent quippe venenum in oculis, & in halitu, quemadmodum basilisci.

E contra cum hominibus pudicis, & virtutum sectatoribus commercium habe; sæpe quoque de rebus piis aut cogita, aut libros de iisdem tractantes lege: verbum enim Domini castum est, & illos, qui eodem deletantur, & capiuntur, castos reddit: unde David ipsum topazio, & lapidi pretioso comparat, cuius illa est proprietas, & natura, ut ardorem concupiscentiæ restringuat, & consopiat.

Semper te apud JESUM Christum crucifixum tene cum spiritualiter per sanctam meditationem, tum realiter per sanctam Communionem: nam sicuti ille, qui super herbam cui nomen Agnus castus, & immaculatus est, requiescit, ipsum uti, & animam tuam, non multo post ab omni spurcitiae, & lubricitatis genere liberum, & purificatum percipes.



C A P U T X I V.

*De paupertate spiritus inter divitias
observanda.*

BEATI PAUPERES SPIRITU, QUONIAM IPSORUM EST REGNUM CÆLORUM. Infelices ergo divites spiritu, quoniam ipsorum est miseria inferorum. Is dives est spiritu, qui divitias suas in spiritu habet, vel spiritum, ac mentem in divitiis. Is vero pauper spiritu est, qui nullas in spiritu divitias, nec spiritum in divitiis habet. Alcyones nidos suos construunt ad instar palmæ, eosque ita exstruunt, ut in iis nonnisi parvum aditum superne patentem relinquant, ad hæc in maris littore eos collificant, & quidem adeo solidos, & impenetrabiles, ut undæ licet ingruant, & premant, nunquam ab aqua tamen penetrari possint; sed semper eis superinnatantes in medio mari, supra mare, & mari prævalentes, superiores maneant. Hos cor tuum nidos imitari debet, charissima Philothea; ut nimirum soli cœlo id pateat; divitiis autem, & rebus caducis omnino penetrari nequeat; si vero ex tibi obtigerint, vide, ne illis cor tuum affectu adhærescat, sed semper supernatet, & medias inter divitias sine divitiis sit, & divitiarum dominus. Noli, quæso, spiritum hunc cœlestem bonis terrenis affigere; vide, ut is sem.

semper iis superior sit supra eas , non autem
in illis.

Multum interest inter habere venenum ,
& venenum sumplisse . Pharmacopœæ ut plu-
rimum venena in officinis habent , ut illa
in tempore , & variis in eventibus adhibeant ;
at non propterea intoxicati sunt , quod ve-
nenum non in corpore , sed in officinis suis
habeant ; pari modo habere divitias potes ,
non tamen ab iisdem intoxicatus esse : id
fiet , si eas domi , & in crumena tua habeas ,
non autem in corde . Divitem esse re , &
effectu , at pauperem effectu , ingens Chri-
stiani hominis felicitas est , hac namque
ratione hoc in mundo divitarum com-
modapercipit , & in altero meritum pauper-
tatis .

Nullus unquam , Philothea , avarum se
esse fatebitur ; quilibet hoc probrum , & sor-
didi animi signum a se amolitur ; si quis forsan
opes coacervet , ideo se eas colligere afferet ,
quod multa prole gravetur , sapientiam quo-
que exigere , ut facultatibus , & opibus mul-
tis colligendis rem familiarem quis stabilit ,
nemo unquam habet satis : & semper aliquæ
necessitates ad amplius habendum prætexun-
tur , & inveniuntur ; imo & avarissimi qui-
que non solum se avaros non esse asserunt ,
sed ne quidem in conscientia tales sese esse
cogitant : avaritia siquidem prodigiosa quæ-
dam

febris est, quæ eo fit insensibilior, quo violentior est, & ardentior. Moyses vidit ignem divinum, qui quidem rubum adurebat, ipsum tamen non exurebat, aut consumebat: e contra profanus avaritiæ ignis avarum quidem consumit, ac devorat, non tamen adurit; saltem in maximis suis ardoribus, & æstibus frigidissimum se esse jactat, atque infatiablem cupiditatem, & orexin suam, non nisi naturalem, suavem quandam sitim esse ait. Si ergo diutius magno animi cum ardo, re, & inquietudine bona, ac facultates, quæ nondum habes concupicas falso te illa nolle habere jactitas: neque enim ideo desinis vere avarus esse, nam quisquis ardenter, diu, & cum animi inquiete bibere desiderat, esto nonnisi aquam bibere velit, satis ostendit se se febricitare.

Nescio sane, Philothea, justumne sit desiderium, desiderare habere juste, quæ alius quis juste possidet: Hoc quippe desiderio alienum per incommodum nobis commodare velle videmur. Qui enim rem aliquam juste, & æque possidet, an non maiorem ad ipsam juste servandam rationem habet, quam nos ad ipsam iuste desiderandam? Cūr ergo desiderium nostrum in illius commodum, quo illum eo privemus, extendimus? Saltem, esto desiderium hoc justum esse concedamus, non tamen est

est cum charitate coniunctum: neque enim ullo modo vellemus, alius quis desideraret (esto juste) quod ipsi juste servare cūpimus.

Huc fuit peccatum Achab, qui Nabu-thæ vineam juste habere voluit, cum is eam adhuc justius servare sibi, & retinere vellet: & quia desiderabat eam ardenter, diu, & quadam cum animi turbatione, hinc D E U M offendit.

Vide Philothea, ut tunc proximi bona desideres, cum is illa a se abdicare velle incipiet: tunc quippe desiderium ipsius, tuum, non justum modo, sed & cum charitate coniunctum faciet. Etenim per me licet, ut facultates, & possessiones tuas adaugeas, dummodo id non solum juste, sed & charitable fiat.

Si erga facultates, quas possides, affetu nimio feraris, & propter easdem anxia sis, & solicita, omnium & cogitationes tuas penitus iis affigens, quin etiam nimio quodam, & anxi timore eisdem metuas excidere, aliqua mihi credas velim, adhuc febri laboras: febricitantes namque aquam aliqua cum aviditate, cupiditate, intentione, ac recreatione bibunt, quam habere non solent illi, qui recta valetudine sunt. Vix fieri potest, ut quis in re aliqua multum sibi placeat, & non multum affectu erga eam fe-

feratūr. Si quam rerum tuarum ja^cturam te facere contingat, & in animo propterea te contristari, & affligi sentias, crede mihi, Philothea, magno erga eādem affectu raporis: nihil enim adeo affectum erga rem perditam prodit, patefacit, atque ob ejusdem ja^cturam dolor, & animi tristitia.

Noli ergo desiderio quodam integro, & formato rem, quam non habeas, desiderare; iis autem facultatibus, quas jam habes, noli cor firmiter apponere; noli quoque ob ja^cturam, & damna rerum, quae tibi evenient, magnopere contristari: & tunc aliquo tibi modo persuadere poteris ac credere, te tametsi dives re ipsa, & effectu sis, affectu tamen divitem non esse, sed pauperem spiritu, & proinde beatam; tuum est enim regnum cœlorum.

C A P U T X V.

Quomodo re ipsa paupertatem exercere quis possit, esto defacto, & realiter maneat dives.

PARRÆSIUS pictor ingeniosissimo quodam commento populum Athenensem expressit, cum diversæ eum indolis, & varium una, & eadem in tabula repræsentavit, iracundum videlicet, injustum, inconstans, humanum, clementem, misericordem, arrogantem, glriosum, humilem, ja^ctata.

ja&t;abundum, fugitivum. Ego vero, charif-sima Philothea, opulentiam simul, & pau-pertatem, insignem rerum temporalium cu-ram simul, & contemptum pariter tibi vel-lem imponere, & cordi tuo infigere.

Majore ergo contentione, ac studio ali-quem ex opibus tuis fructum, & utilita-tem elicere satage, quam soleant mundani e suis. An non hortulani Principum in hor-tis curæ suæ concreditis colendis, & conde-corandis diligentiores, & accuratiores sunt; quam si hi ad ipsos pertinerent, & ipsorum proprii forent? Cur autem hanc illis diligen-tiam impendunt? quod illos ut hortos Re-gum, ac Principum considerent, quibus per iūpensum hortis obsequium placere, & gra-tificari student. Possessiones, & facultates, quas habemus, Philothea, nostræ non sunt, quia Deus nobis eas colendas dedit, vult-que nos eas fructuosas, & utiles reddere; ideoque gratissimum illi obsequium præstamus, dum eas curamus.

Unde majore has, & solidiore nos cura curare oportet, quam mundani suas: hi namque nonnisi ex amore proprio, & quod seipso diligent, sua curant; nos vero ex amore DEI laborare oportet. Porro, sicut amor proprius violentus, turbulentus, & an-xius est, ita ut cura, quam illius causa quis habet, turbatione, anxietate, & inquietu-dij-

dine plena est: & vice versa, sicut amor DEI suavis, placidus, & tranquillus est, ita & cura, quæ ex eo promanat, esto circa res, ac bona mundi hujus occupetur, dulcis, placida, & tranquilla est. Hanc ergo suavem rerum nostrarum temporalium conservandarum, quin & adaugendarum curam habeamus, si quando justa ad hoc nobis offeretur occasio, & in quantum conditio nostra, & status requirit: sic namque Dominus nos propter amorem suum vult facere.

At vide, ne ab amore proprio decipiaris: hic namque subinde amoris DEI formam, & personam, adeo scite induit, ut ipsum esse quis diceret. Porro ad præcavendum ne iste decipiat, & ne hæc rerum temporalium cura in avaritiam, & cupiditatem transeat, præter ea, quæ superiori capite dicta sunt, realis, & effectualis paupertas, subinde nobis erit inter facultates, & divitias, quas Deus nobis est elargitus, exercenda.

Semper ergo aliquam facultatum tuarum portionem tibi defalca, & præcide, eam ex animo pauperibus elargiendo; quantum autem ex eo, quod habes, das, tantum te depauperas; & quo plura dabis, eo fies pauperior. At Deus id tibi centuplum redet, & non in altero seculo tantum, sed & in præsenti: nihil quippe hominem ita tem.

temporalibus abundare facit, atque eleemosyna; at quamdiu exspectas, ut Deus id tibi reddat, & compenset, tamdiu interea inde manebis pauperior. Sed, o beata, & opulenta illa depauperatio, quæ ex eleemosyna sequitur!

Ad hæc pauperes, & paupertatem ama; per hunc quippe amorem vere pauper fies, cum, teste Scriptura, similes fiamus rebus, quas diligimus. Amor quippe amantes invicem pares, & similes reddit. *Quis infirmatur, ait S. Paulus, & ego non infirmor?* Dicere poterat, quis pauper est, cum quo ipse non sim pauper? Quia amor faciebat eum talem, quales erant ii, quos amabat; si ergo pauperes ames, illorum paupertatis, & inopiaz vere particeps eris, & adinstar illorum pauper.

Porro, si pauperes ames, sæpe inter, & cum iis versare, ac volupe tibi sit illos apud te videre, illosque etiam domi suæ invisere, libenter quoque cum illis converfare, & gaude, cum illi in templis, plateis, & alibi te eleemosynæ causa compeliant. Esto apud illos, & cum illis pauper lingua; ita nimirum eos alloquens, tanquam si eorum esses socius, sed esto dives manu, de facultatibus tuis in illos erogando, quasi illis abundantior, & opulentior.

Ulterius etiam progredi vis, Philothea, satis tibi non sit, pauperem esse, sicut illi paperes sunt, sed esto illis etiam pauperior; hoc autem quomodo fiet? Famulus minor est Domino suo: pauperum ergo te famulam constitue, & illis, dum lecto ægri decumbunt, domi famulatum obi, idque propriis manibus tuis: cibum illis coque, & præpara, idque ære tuo, & dispendio, panos denique illorum ablue, & soli expone exsiccandos. Hoc, Pbilothea, famulitium regno omni gloriosius, & illustrius est. Satis autem hic mirari nequeo fervorem, quo S. Ludovicus, in maximis, quos unquam mundus habuit, Regibus non postremus; consilium istud exercuerit: magnus inquam Rex, ut qui omni magnitudinis genere magnus fuit. Etenim sæpe pauperibus, quos de opibus suis alebat, in mensa ipse famulabatur, & pæne quotidie tres pauperes in mensa sua habebat convivas; quin & non raro amore, & ardore quodam singulari, quod illi juscum in scutella reliquerant, ipse comedere non detrectabat. Cum nosocomia visitabat (faciebat id autem sæpiissime) illis plerumque serviebat, qui deterrimis, & fœdissimis morbis putiscebant, puta, lepra, cancro, aliisque id genus morbis laborantibus: & omne hoc obsequium nudo peragebat capite, & genu flexo, Salvatorem J E S U M in illis

con-

considerans, eosque non minus amanter fovens & complectens, quam amantissima mater dilectissimum complecteteretur filiolum. S. Elisabetha Hungariæ Regis filia plerumque inter pauperes, & mendicos versabatur, &, quo se nonunquam oblectaret, subinde apud domicellas adinstar pauperculæ induebatur, dicens: si essem pauper, hoc me modo induerem. Quam, o charissima Philothea, Rex ille, & hæc Regina suis in divitiis, & opibus erant pauperes, & quam in sua paupertate opulenti!

Beati illi, qui hac ratione pauperes sunt, illorum siquidem est regnum cœlorum. *Esurivi, & dedistis mibi manducare; nudus fui, & vos me cooperauistis: possidete paratum vobis regnum a constitutione mundi,* dicet pauperum, & Regum omnium Rex immagno, & supremo suo judicio.

Nullus omnino est, cui non aliquando aliquid in commodis habendis desit, & deficiat. Quandoque enim fiet, convivam aliquem inexspectato prorsus nobis supervenire, quem lautius excipere & vellemus, & deberemus; sed illo in casu, ac temporis circumstantia, nulla prorsus rei alicujus habendæ suppetit ratio. Vesteras suas splendidiores quopiam in loco quis habet, & alio in loco, in quo eum elegantius vestitum comparere pareret, opus iis habet. Continget subinde omnia cel-

læ vina repente saporem immutare, & alterari, & nonnisi vappas, & crudiora vina naturam suam retinuisse. In tugurio rustico aliquando te hospitari oportebit, ubi omnia hospitii commoda, lectus, cubiculum, mensa, obsequium tibi deerunt. Itaque facile fit, hominem, quantumvis dives sit, aliqua saepe re opus habere; atque hoc est re ipsa, & defacto pauperem esse, quoad ea nimirum, quæ nobis desunt. Gaude, mea Philothea, si quando tale quid continget, ipsum gratanter, atque æquanimiter excipe, & hilari vultu tolera.

Si quando tibi casus superveniet, qui te ad paupertatem sive magnam, sive parvam redigat; uti sunt tempestates, inundationes, sterilitas, furta, lites, tunc tibi optima paupertatis exercendæ suppetit opportunitas; tunc scilicet hanc facultatum diminutionem æqui, bonique consule, huicque depauperationi patienter, & constanter acquiesce. Esau cum manibus suis pilosis, & hirsutis patri se stitit, & Jacob, sed hoc cum discrimine: quia enim pili, qui erant in manibus Jacob, non manibus illius, sed chirothecis duntaxat adhærebant, hinc pili sine ulla manuum læsione, & excoriatione de manibus ejus tolli poterant. Econtra, quia pili pelli Esau adhærebant, quam is natura hirtam, & hirsutam habebat: hinc si quis illos avel-

lere

Iere esset conatus, magnum ei haud dubie cruciatum intulisset, ipse quoque clamasset, moxque in sui defensionem prosiliisset: Quando divitiis cor apponimus, si tempestate, furto, lite, aliquam earum nobis partem eripi contingat, quas querelas, quas turbas ciemus, quam impatienter nos gerimus! At cum facultates nostræ nonnisi a cura, qua Deus nos illas curare vult, non autem a corde, & affectu nostro dependent, etiam si illæ nobis eripiantur, & quodammodo avel lantur, non propterea mente, aut tranquillitate excidemus. Hoc interest inter bestiarum, & hominum indumenta, quod illarum vestes carni inhærescant, horum vero ei tantummodo superinduantur, & applicentur, ut hi eas & induere, & exuere, quoties allubebit, possint.

C A P U T X V I.

Quomodo spiritualem opulentiam media in paupertate reali exercere possimus.

AT realiter, & defacto pauper sis, charissima Philothea, esto, obsecro, & spiritu; fac de necessitate virtutem, & pretiosum hunc paupertatis lapidem juxta premium suum æstima. Illius fulgor, & rutilantia mundo quidem incognitus est; tamen

in se, & summe splendidus est, & ingentis valoris.

Patientiam habe; bonos socios habes, Redemptor noster, & Beata Virgo, Apostoli, tot utriusque sexus sancti homines pauperes fuere, cumque divites esse possent, esse noluere. Quam multi in mundo illustres, & opulentii, magna cum suorum contradictione, & obloquio, incredibili quodam cum ardore, & studio sanctam paupertatem in monasteriis, & xenodochiis ambivere? Magno certe, quo eam invenirent, labore, & sudore contenderunt. Testes S. Alexius, Paula, Paulinus, Angelus, & innumeri alii. Porro, multo illa erga te, Philothea, benignior, & amicior est, ultero sese tibi offert: invenisti eam non quæsitam, & quidem circa uilum laborem, aut sudorem tuum; ipsam ergo, velut dilectissimam JESU Christi amicam, completere, ut qui in paupertate natus, vixit, & mortuus est: ipsa namque tota vita, illius fuit comes, ac mater.

Tua, o Philothea! paupertas, duas insignes habet prærogativas, quarum adminiculo multorum tibi illa esse meritorum potest occasio. Prima est, quod illa tibi obvenit, non ambienti, sed eligenti, sed ex sola Dei voluntate, qui pauperem te fecit, tamen ut voluntate tua nullatenus huc ipsa concurreris, nec eam quæsieris. Quod ergo

go pure a voluntate DEI nobis immittitur , & tale a nobis recipitur , illi semper longe gratissimum est , dummodo nos ipsum ex animo libenter , & ad sanctæ ejus voluntati satisfaciendum admittamus . Ubi minus nostrum admistum est , ibi plus est DEI , simplex , & pura voluntatis DEI acceptio , & sui resignatio tolerantiam maxime puram efficit .

Altera paupertatis hujus prærogativa est , quod sit paupertas vere pauper , & inops . Paupertas laudata , amata , æstimata , adjuata , & subsidiata , habet opulentiam , unde plane , & totaliter pauper non est , sed paupertas contempta , neglecta , vituperata , & deserta , vere pauper est . Talis est ut plurimum paupertas secularium , quia enim hi non electione , sed necessitate , & sorte pauperes sunt , hinc vilipenduntur ; & quia vix ullo in pretio habentur , hinc paupertas eorum pauperior est , quam Religiosorum ; esto haec aliunde magnam quamdam habeat excellentiam , longeque illustrior , videlicet ratione voti , & intentionis , propter quam assumpta est .

Noli ergo ob paupertatem tuam conqueri , charissima Philothea mea : non enim querimur , nisi de eo , quod nobis displicet ; unde si paupertas tua tibi displicet , non jam

amplius spiritu pauper es, sed affectu, & de-siderio dives.

Ne contristeris, si minora æquo, & de-bitio tibi subsidia præbeantur; in hoc namque paupertatis excellentia, & dignitas con-sistit. Velle esse pauperem, & nullum vel-le incommodum habere, nimis quam ma-gna ambitio est; idem namque est, ac vel-le simul honorem paupertatis, & commodi-tatem divitarum, ac opum habere.

Ne sit tibi pudori, quod pauper sis, & eleemosynam ex charitate ab aliis petas; eam vero, quæ tibi dabitur, cum humilitate ad-mitte, & quando negabitur, benigne re-sponde; sæpius tibi in mentem veniat pro-fectionis Beatæ Deiparæ Virginis in Ægy-ptum, quo filium suum castissimum illuc asportaret, quot eam ibi vilipendia, quan-tum paupertatis, & ærumnarum subire opor-tuerit; si ita vitam institueris, itaque te ges-feris, in paupertate tua eris ditissima.

C A P U T X V I I .

*De amicitia, ac primo de mala, &
falsa.*

Inter animæ passiones amor primum locum
occupat, ipseque omnium animæ motu-
um princeps est, & omnes illos in se com-
mutat, & reddit nos tales, quale est id,
quod

quod amat. Vide ergo, Philothea mea, ne malum amorem habeas; nam statim mala, & perversa fies. Inter omnes autem amores amicitia periculosisima est, quod alii amores sine ulla haberi possint communicatione; sed cum amicitia plane sine communicatione esse nequeat, hinc ea cum ullo haberi vix potest, quin morum, & qualitatum ejus quamprimum fiamus participes.

Amor omnis amicitia non est; amare quippe possumus, & tamen non amari, & tunc amor est, at non amicitia, quod amicitia mutuus quidam, & reciprocus sit amor, & si is reciprocus non sit, amicitia non est.

Secundo: satis non est eum esse reciprocum, sed necesse est præterea, partes, & amicos se invicem amantes reciprocum, & inutuum suum affectum nosse. Si enim hunc ignorent, amorem quidem habebunt, non vero amicitiam.

Tertio: requiritur præterea, ut inter eos aliqua sit communicatio, quæ amicitiae basis sit, & fundamentum.

Pro communicationum diversitate diversa etiam est amicitia: communicationes porro in tantum inter se differunt, in quantum bona, quæ invicem communicantur, inter se distinguuntur; si enim bona falsa, & vana sint, falsa, & vana est amicitia; si vera

bona, vera etiam amicitia: & quo bona illa erunt excellentiora, eo etiam excellenter amicitia futura: nam sicuti mel tuūc præstantius est, cum ex odoratiorum florū corculo colligitur; ita amor solet esse præstantior, & excellentior, dum super meliore communicatione fundatus est. Et quemadmodum Heracleæ Ponti civitate mel reperitur, quod virulentum est, & comedentes in rabiem convertit, quod ipsum ex aconito (cujus regio illa mire ferax est) colligatur; sic amicitia super falsorum, & pravorum bonorum communicatione fundata, falsa, vana, & prorsus perniciosa est.

Communicatio voluptatum carnalium mutua quidem est propensio, & brutale lenocinium; sed non magis hæc inter homines nomen amicitiae meretur, quam asinorum, & equorum, quoad similes effectus, communicatio, & si nulla alia præter hanc in matrimonio communicatio foret, nulla etiam in eo foret amicitia: sed quoniam præter communicationem carnalem est in eo & communicatio vitae, industriæ, bonorum affectuum, & indissolubilis cujusdam fidelitatis, hinc matrimonii amicitia vera, & sancta quædam est amicitia.

Amicitia super sensualium voluptatum communicationem fundata prorsus crassa est, & amicitiae nomine indigna; uti & illa, quæ
va-

vanis, & frivolis quibusdam virtutibus innititur, quod virtutes a sensibus etiam pendent. Sensuales autem voluptates voco illas, quæ, immediate, & præcipue circa sensus exteriores versantur: uti est voluptas illa; quæ e conspectu pulchritudinis alicujus corporalis, suavis vocis auditu, tactu mollioritur, & aliæ id genus. Virtutes frivolas appello, vanos quosdam naturæ habitus, & qualitates, quos imperiti, & futilis virtutum, & perfectionem nomine vocant. Unde potissima mulierum; puellarum, adolescentium pars sic palam loquitur, & dicere non verentur? Nobilis ille magna est virtute præditus, multis donatus est perfectionibus; nam scite tripudiat, in omni lusus genere versatissimus est, scite se vestit, scite canit, scite jocatur, & confabulatur, elegantes habet gestus. Sic ludiones histrionesque illum inter actores omnes primas ferre putant, qui optime morionem agit. Porro quoniam hæc omnia ad sensus referuntur, hinc etiam amicitiæ, quæ hinc ortum habent, sensuales, vanæ, frivolæ dicuntur, quæ tamen ineptiarum, & nugacitatis potius, quam amicitiæ nomen promerentur. Tales ut plurimum sunt adolescentium amicitiæ, quæ non nisi in mysticibus, & alis barbarum, cirrhis crinum, oculorum nutibus, vestibus, gesticulationibus, inani verborum strepitu, & garritu continetur;

tur; dignæ certe amantium, & amasiorum ætate, nullam adhuc virtutem nisi in flore, & progeminatione, nullum judicium nisi in gemmascentia habentium: unde etiam tales amicitiæ transitoriæ sunt, & ad instar nivis ad solis radios funduntur, & diffluunt.

CAPUT XVIII.

De amorculis amasiorum.

QUANDO autem ineptæ hæ amicitiæ inter diversi sexus homines, & sive ulla matrimonii intentione exercentur, vocari solent amorculi; cum enim hi non nisi abortus quidam amicitiæ, aut phantasmata larvata sint, nec amicitiæ, nec amoris nomen ferre merentur ob nimiam eorum vanitatem, & imperfectionem. Per illos autem, virorum juxta, ac mulierum mentes vanis, & inanibus quibusdam affectibus, qui in frivolis illis familiaritatibus, & communicationibus, & damnosis complacentiis, de quibus ante paulo egi, duntaxat fundantur, invicem capiuntur, illaqueantur, & constringuntur. Et licet stulti hi amores plerumque in fœdas carnalitates & probrosas impudicitias desinant; is tamen eos colentium primarius non est scopus, & intentio, alioquin non jam amplius amorculi, sed apertæ forent impudicitiæ. Subinde etiam plures elabentur anni,

ut

ut tamen quos hæc stultitia, & fatuitas dementavit, nihil committant, quod castitati corporali directe, & expresse contrarium sit; utpote cum iis solum propositum sit, animos variis utrimque votis, optationibus, suspiriis, procationibus, amatoriis dictis, & aliis id genus ineptiis, atque inaniis, idque varios ob fines pascere, & oblectare.

Alii hic alium scopum non habent, quam ut animum suum amorem partim dando, partim recipiendo pascant, & reficiant, amorosam suam inclinationem in hoc sequentes: & hi in amorum suorum electione præter proprium judicium, & instinctum aliud non spectant, adeo ut, si in gratum quoddam, & placens subiectum incident; statim etiam interiora, & mores illius minime explorando mutuam hanc amorculorum communicacionem cum eo practicare incipient, & in infelia retia sese induant, e quibus se postea nonnisi quam ægerrime expediant.

Alii e vanitate quadam huc se ferri sinnunt, rati, id valde gloriosum esse, si & animos cujusdam amore illigent, ac constringant: & hi electionem suam propter solam gloriam facientes, pedicas, & laqueos suos in locis speciosis, sublimibus, rarissimis, & illustribus collocare gestiunt. Alii autem tum ex amorosa sua inclinatione, tum simul e vanitate aliqua huc feruntur: etsi enim cor

eo-

eorum in amorem feratur, non tamen huc, nisi aliqua gloria hinc secutura speretur, se rapi sinent.

Omnis hæ amicitiæ malæ sunt, fatuæ, & vanæ, malæ quidem, quod tandem in peccatum carnale desinant, quodque amorem, & proinde cor DEO, uxori, & marito, quibus tamen ea debentur, surripiant: fatuæ vero, quod nullo neque fundamento, neque ratione nitantur: vanæ denique, quod nullum ex illis commodum, honor, aut delestatio sequatur. E contra insignem temporis jacturam causantur, honori notam, & maculam affricant, nullam quoque delectationem afferunt, nisi forte eam, quam solicita, & anxia illa prætensio, & spes causatur, ut tamen interea nesciant, quid velint, aut prætendant. Semper quippe miseri hi, & debiles animi imaginantur, in hisce amoris reciproci testimoniosis, & significationibus, quas invicem dant, & accipiunt, aliquid, nescio tamen quid, quod desideretur, subesse: & interim dicere non possent, quidnam illud sit: unde fit, ut desiderium ipsorum nunquam terminari, ac finiri queat, sed perpetuis dissidentiis, zelotypiis, & inquietudinibus cor eorum lancinet, & torqueat.

S. Gregorius Nazianzenus in *vanas mulieres calamum stringens, mira quoad hanc*
ma-

materiam scribit; parvam hic eorum partem adscribam, quæ etsi ille in solas fœminas torqueat, viris tamen usuvenire possunt: *Naturalis*, inquit, *pulchritudo tua sufficit unius viro tuo, ac si ad instar retis ad multas aves cupiendas extensi, pluribus per eam viris placere appetas, quid inde fiet? Is tibi placebit, qui sibi in venustate tua complacabit, respicies, quia respecta ab eo es, & oculum conjicies, quia ab illo prius oculata, mox subsequentur subrisiones, & amorosa quædam verba, initio quidem furtim, & occulte prolatæ, at non multo post quædam contrahetur familiaritas, & ad aperatas nugacitates, & fabulationes transfigit fiet. Cave tibi, o lingua mea loquax! proferre, & prodere ea, quæ ab illis postea fient. Hanc nihilominus veritatēm adhuc dicam: Nihil eorum, quæ adolescentes, & mulieres simul loquuntur, aut in fatuis illis complacentiis pariter agant, a magnis ad peccandum stimulis exemptum esse. Omnes amorum locorum inanice invicem cohærent, ac se mutuo consequuntur, non secus, ac ferrum aliquid a magnete tractum alia multa consequenter post se attrahit.*

Egregia sane sunt hæc magni illius Episcopi verba. Quid hic cogitas, aut vis facere? An amore in alio provocare? Non, sed audi: nemo in alio eum voluntarie pro-

vocat, qui non mox etiam necessario inamoretur, & amore capiatur. Hoc in ludo, qui capit, capit. Aproxis herba ignem mox ut videt, concipit, & admittit; sic & animi nostri statim atque aliquem amore sui æstuantem, & captum vident, quamprimum vicissim amore illius capiuntur. Dicet mihi quispiam, capere quidem volo, sed non nisi parum, & superficialiter. Ah erras, siquidem hic amoris ignis activior, & penetrantior longe est, quam tute existimes; nonni-
si scintillam admissuram te putabis, & poste-
stea miraberis, videns illum momento citius
totum cor tuum occupasse, & omnia pro-
posita tua in cineres, ac famam tuam in
fumum redegissem. En clamat Sapiens: *Quis miserebitur incantatori a serpente percusso?*
Et ego post illum: Fatui, & insensati, vos-
ne amorem incantare posse putatis, ut eum
prout allubuerit tractetis? Cum illo ludere,
& jocari vultis, sed malitiose vos punget,
& mordebit; nostis, quid de vobis alii di-
cturi sint? Omnes vobis illudent, & ride-
bunt, quod amorem incantare stolidè volue-
ritis, & e falsa quadam vestri ipsorum fidu-
cia virulentum intra sinum vestrum colubrum
fovere, & abscondere volueritis, qui quoad
animam simul, & honorem vos perdiderit,
& intoxicarit.

Proh quanta, Deus bone, hæc cœcitas est, ut primariam animæ nostræ partem protam fortuitis, incertis sponsonibus tam evidenti amissionis periculo exponamus, & velut aleam de ea jaciamus? Vere Philothea: neque enim honinem habere Deus cupit, quam propter animam, & animam non nisi propter voluntatem, & voluntatem tantum propter amorem. Eheu! amorem talem, qualem habere debemus, ut habeamus, multum adhuc distat, id est: infinitis partibus absimus, ut satis amoris habeamus ad Deum amandum: & interea, quæ nostra dementia & miseria est, illum adhuc in res stolidas, evanidas, & frivolas prodigimus, & effundimus, tanquam si multum illius nobis adhuc reliquum foret. Ah! magnus ille Deus, qui omnium animarum nostrarum amorem sibi reservarat, idque in recognitionem ejus, quod ipse eas crearit, conservarit, & redemerit. Strictissimam certe faciarum harum ineptiarum, quas agimus, rationem a nobis exposcit. Si enim tam exakte in verba otiosa inquisiturus est, quale eum examen otiosarum, impertinentium, faciarum, & perniciosarum amicitiarum facturum putamus?

Nux arbor vineis, & agris, in quibus consita est, maximopere noxia, ac perniciofa est; quod enim tam vasta sit, omnem terræ succum ad se se attrahit, ut is deinde

S. Salesii Intr. ad vit. spir.

R reli.

reliquis plantis, herbis, & fruticibus alendis minime sufficiat: ad hæc frondes ejus ita densæ, opacæ, imo taliter constipatæ sunt, ut ingentem, & spissam umbram creent: denique viatores ad se ipsa allicit, qui quo nuces ejus saxis decutiant, omnia circum, & secus multo labore confita destruunt, & proterunt. Sic amorculi hi animæ nostræ maxime obsunt, ac perniciosi sunt: etenim ita eam occupant, motus ejus omnes tam potenter ad se attrahunt, ut postea nulli bono operi edendo, operandoque sufficiat: folia quoque, id est, conversationes, nugacia, commercia, & confabulationes amorosæ tam sunt frequentes ut omne prope tempus tollant, & dissipent; denique tot tentationes, distractio-nes, suspiciones, & alia plura hinc consequi solita, secum hæc vehunt, ut universum cor ab iis obruatur, & devastetur. Postremo amorculi hi non modo rerum cœlestium amo-rem, sed & omnem Dei timorem ab anima expellunt, spiritum enormant, & evigorant, ac famam destruunt: verbo ut dicam, lusus, & recreatio curialium est, sed pestis cor-dium.



C A P U T X I X.

De variis amicitiis.

UNquamque in genere quidem, Philothea, magno quodam amore charitativo prosequere; at cum nullis particulariter amicitiam contrahe, quam cum illis, qui tecum de rebus bonis, piisque possunt communicare, & quo virtutes, de quibus in commercio tuo tractabis, excellentiores, & digniores sunt, eo & amicitia tua futura perfectior. Si de scientiis communicetis, valde laudabilis sane amicitia vestra est, laudabilius certe futura, si de virtutibus, puta, prudentia, discretione, fortitudine, & justitia communicatio ipsa sit. At, in mutua, & reciproca vestra communicatione loquamini de charitate, devotione, perfectione Christiana, quam, Deus bone, amicitia vestra erit pretiosa! Excellens certe ea erit, quod a Deo veniat, quod ad Deum tendat, quod vinculum ejus sit Deus, quod æternum in Deo durabit. Quam pulchrum, & bonum est, ita in terra amare, sicut amatur in cœlo; & addiscere jam tum in hoc mundo invicem diligere, & complecti, sicut in altero æternum alter alterum diligemus. Non loquor hic de simplici amore charitatis (nam tali erga omnes omnino homines ferri debemus) sed de amicitia spirituali, qua videlicet duas, tres,

aut plures animæ suam devotionem, affectus spirituales invicem communicant, unumque inter se se cor, & anima fiunt. Quam igitur merito beatæ hæ animæ illud canere Psalmistæ possunt: *Ecce quam bonum, & quam jucundum habitare fratres in unum!* Et vere, nam fragrans devotionis balsamum continua quadam participatione, & communicacione ab uno cordium in aliud defluit, & destillatur adeo ut dicere possimus, Deum super hanc amicitiam benedictionem suam, & vitam in seculum seculi effudisse.

Omnis alia amicitia videntur mihi non nisi umbræ quædam amicitia esse cum hac comparata, eorumque vincula esse tantum velut catenulæ vitreæ, & gypseæ, si cum magno illo sanctæ devotionis vinculo, quod plane aureum est, conferantur.

Nullam itaque amicitiam contrahas, quam calem: loquor de amicitiis, quas ipsa ulti inis: neque enim propterea deserere te, aut contemnere oportet amicitias, quas aut natura, aut præcedentia merita te colere jubent: puta parentum, affinium, benefactorum, vicinorum, & aliorum; at de illis loquor, quas ipsamet tibi deliges, & assumes.

Multi fortasse tibi dicent, non debere te particularem aliquam amicitiam, & affectum fovere, aut habere, quod per hanc
to.

totaliter animus occupetur , spiritus distra-
hatur , & invidiarum hoc sit seminarium. Sed
qui hoc tibi consulent , graviter sane errant.
Quod enim in multorum sanctorum , &
piorum auctorum libris legerunt , particula-
res amicitias , & extraordinarios affectus Re-
ligiosis admodum noxios esse , putant idem
etiam in reliquis hominibus locum habere.
Sed magnum inter utrosque discrimen est.
Nam cum in bene formato , ac morato mo-
nasterio communis omnium Religiosorum
intentio ad veram devotionem feratur , hinc
ibi particulares has communicationes facere
nefas est , nedum , quod commune est , in
particulari quæritur , quispiam a particulari-
tibus illis ad partialitates , & factiones tran-
sum faciat. Cæterum eos , qui inter secula-
res homines agunt , & veræ virtutis studium
complectuntur , sancta , & pia quadam ami-
citia sibi invicem uniri , constringique opus
est ; illius enim adminiculo ad bonum invi-
cem animantur , juvant , feruntur. Et sicuti
eos , qui in loco plano , & æquo ambulant ,
necessæ non est sibi invicem manum auxilia-
brem porrigere , sed eos , qui in via sua sale-
rosa , & lubrica incedunt , se mutuo sustine-
re oportet , quo solidius , tutiusque gressum
figant ; sic qui in Religiosis domibus vivunt ,
particularibus amicitiis opus non habent ,
sed ii , qui in mundo , quo sibi invicem subfi-

dio, & præsidio sint in tot salebris, & præcipitiis, quæ illos oportet perambulare. In mundo namque omnes in eundem collinant scopum, non omnes eundem habent spiritum, ergo segregari hic haud dubie nos oportet, & in particulari intento, & scopo nostro consentaneas amicitias inire, atque licet hæc particularitas partialitatem aliquam faciat, ea tamen sancta est, & non aliam divisionem, aut separationem causans, quam quæ est boni a malo, ovium ab hircis, apum a fucis: quæ certe separatio necessaria est.

Negare certe nemo potest, quin svavore, & specialiore quadam amicitia, & amore Redemptor noster dilexerit S. Joannem, Lazarum, Martham, Mariam Magdalenam, quam alios: cum Evangelistæ testentur. Notum est quoque Apostolo Petro S. Marcum, & S. Petronillam charissimos fuisse, uti S. Paulo Timotheum, & Theclam, S. Gregorius Nazianzenus singularem suam, quam cum Magno Basilio habuit, amicitiam nullo pene non loco deprædicat, eamque hoc modo describit: *In utroque non nisi una videbatur esse anima, duo animans corpora. Et si enim credendum non sit omnia in omnibus esse dicentibus, credendum tamen est, ambos nos in alterutro nostrum, & alterum in altero existisse: Unus, & idem amborum*

scor.

*scopus erat, virtutem exercere, & vitæ nostræ studia, ac proposita futuris bonis applicare, terra bac mortali prius quodammodo egredientes, quam moreremur. S. Augustinus testatur, S. Monicam S. Ambrosio obraras, & singulares, quas in ea notabat, virtutes per charam existitisse, & illam vicissim hunc tanquam Angelum DEI suscep-
xisse.*

Sed quid te in re adeo liquida, & manifesta tam multis verbis incassum moror? Cum sancti Hieronymus, Augustinus, Gregorius, Bernardus, & primævi quique servi DEI particulares quasdam amicitias sine ullo perfectionis suæ dispendio habuerint. S. Paulus de gentilibus loquens, ait eos fuisse homines omnis affectionis, & benevolentiae expertes, id est: nullam cum aliquo amicitiam habuisse. Ad hæc sanctus Thomas, uti & omnes Philosophi, amicitiam docet esse virtutem. Loquitur autem de amicitia quadam particulari, cum perfecta amicitia, ex illius sententia, ad plurimos se nequeat extendere, aut cum multis esse. Perfectio ergo sita est non in eo, ut nullam prorsus quis amicitiam habeat, sed ut non nisi bonam, sanctam, & piam.

C A P U T X X.

*Ecquod sit inter veras, & vanas amicitias
discrimen.*

PRæclarum jam tibi, & præstans documen-
tum tradam, mea Pilothea. Ut Hera-
cleoticum mel, quod adeo virulentum est,
alteri quod salutare, & salubre, & persimile;
& periculum est, ne unum alterius loco su-
matur, aut ambo simul (etenim bonitas
hujus noxam illius non impediret) ita etiam
serio videndum, ne his in amicitiis decipia-
mur, maxime cum inter diversi sexus homi-
nes contrahuntur, quocunque demum præ-
textu, & specie id fiat: sæpe namque satan
eorum, qui amant, affectus immutat. Pio
amore amare alium quis incipit; at nisi serio
circumspiciat, & caveat, paulatim se amor
frivolus, & nugax insinuabit, dein sensua-
lis, mox carnalis, quin & aliquod in ipso
amore spirituali, nisi quis studiose advertat,
& advigilet, periculum est, esto hic dif-
ficilius immutetur, & degeneret, quod ejus
puritas, & mundicies, eas, quas satan ei
permiscere vult, sordes, & inquinamenta
magis prodat, & patefaciat: quocirca cum
tale quid aggredi vult, & molitur, id ipsum
is facit, quam potest subtilissime, & insensi-
biliter pene, & imperceptibiliter, impuritates
suas ei immiscere, & insinuare satagit.

Ami-

Amicitiam porro mundanam a sancta, & virtuosa eo cognosces modo, quo mel Heracleoticum dignoscitur a communi. Et enim istud lingua sapidius, & dulcior est, quam mel ordinarium, idque ob aconitum, quod dulcedinem ejus adauget, & conduplicat. Sic & amicitia mundana ut plurimum magnam sermonum mellitorum farraginem, verbolorum amorosorum, affectuum tentantium apparatus, & a pulchritudine corporali, & gratia, sensualibus dotibus mutuata praæconia depromit: sed amicitia sancta linguam habet sinceram, & candidam, & aliud laudare nequit quam virtutem, & Dei gratiam, quæ unicum est, super quod ipsa subsistit, fundamentum. Mel Heracleoticum jam in stomachum transmissum vertiginem capitis causat, ita falsa amicitia vertiginem provocat spiritus, quæ in causa est, ut in castitate quis, & devotione vacillare incipiat, adeo ut ad aspectus affectatos, illecebros, amatorios, & inordinatos, ad complexus, & favores sensuales, suspiria inordinata, pravas quasdam expostulationes, quasi non ametur, ad parvas, sed affectatas, sed allientes gesticulationes, elegantiaræ consecrationem, oscularum captationem, & alias familiaritates, & favores indecentes (quæ certa, & indubitata proxime secuturæ ruinæ castitatis præfigia sunt) eum prosilire faciet,

at sancta amicitia alios oculos non habet, quam sanctos, pudicos, non alia amoris habet indicia, & significationes, quam pura, & candida, non alia suspiria, quam propter cœlum, non alias familiaritates, quam quoad spiritum, non alias expostulationes, nisi cum Deus non amatur: quæ certa honestatis sunt argumenta.

Mel Heracleoticum visum perstringit, & turbat: sic hæc mundana amicitia judicium, adeo ut qui ab eadem capti sunt, tametsi male faciant, bene se facere existiment, suæque excusationes, prætextus, & verba veras esse rationes. Lumen quoque horrent, & tenebras diligunt. At sancta amicitia oculos habet acutum videntes, nec se subducit, immo ab hominibus probis videri gaudet.

Denique Heracleoticum mel magnam in ore amaritem producit: sic falsæ amicitiae in verba, & petitiones carnales, & impuras tandem transeunt, & desinunt, & si forte repulsam hic patientur, in injurias, calumnias, imposturas, tristitias, confusiones, & zelotypias exeunt, quæ non raro in stuporem brutalem, insaniam desinunt. At casta amicitia semper æqualiter honesta, civilis, & amabilis est, & nonnisi in perfectionem, & puriorem quamdam spiritus unionem transit,

quæ

quæ viva amicitiæ beatæ, qua cœli cives inter se uniti sunt, imago est.

Scribit S. Gregorius Nazianzenus pavonem, dum pœnarum suarum orbem, & agmen explicat, voce sua pavones fœminas, quæ eam audiunt, ad libidinem quam maxime excitare. Sic cum aliquem videmus sese ostentare, adornare, & hoc in schemate ad confabulandum, garriendum, & in mulieris, aut puellæ sine ulla justi matrimonii prætentione, & intentione auribus lenocinandum venire; aliud hoc ille apparatu, mihi crede, non spectat, quam eam ad aliquam libidinem, & lasciviam provocare, & allicere. Mulier autem honesta aures suas obturabit, ne streperum pavonis hujus clamorem, & incantatoris, caute, subdoleque eam incantare conantis vocem audiat, si enim ei auscultet, quam id malum futuræ, & mox secuturæ perditionis animæ suæ augurium est.

Juvenculi, qui eos gestus, gesticulationes, & amoris indicia edunt, aut alia verba proferunt, quæ a parentibus, maritis, uxoribus, confessoribus videri, audirive nollent, satis hoc ipso produnt, alia longe se dicere, & facere, quam quæ ad honestatem, aut conscientiam spectant. Deipara Virgo, cum Angelum virili in forma coram se videret, turbabatur, eo quod sola esset, & inauditas, & summas, esto cœlestes, is in ipsam laudes de-

depromeret. Ipsamet puritas, Deus bone, Angelum virili schemate induitum timet, quidni ergo impuritas virum, esto in Angeli is forina appareat, dum sensuales, & humanae laudes in ipsam depromit, tineat, & exhorrefcat.

Caput XXI.

*Contra pravas amicitias monita, &
remedia,*

AT quænam contra hanc fatuorum amorum, ineptiarum, & impuritatū matrem, ac seminarium suppetunt remedia? Quamprimum, ac primos illorum in te sensus percepis, celeriter te in alteram partem converte, perfecta quadam vanitatis hujus cum detestatione, ad crucem Salvatoris confugito, coronam ejus spineam capiens illa cornuum sepi; & communi, ne illæ vulpeculæ ad illud proprius accedant. Vide, ne ullaenus, aut quoquo modo cum isthoc inimico in tractationem venias, aut paciscaris, neque dicito, auscultabo quidem illi, sed nihil eorum, quæ mihi oggeret, exsequar.

Aurem quidem illi præstabo, sed cor ei eccludem. Esto, per Deum te rogo Phihothæa mea, his in rebus admodum rigida; cor enim, & aures a se invicem dependent; & ut impossibile, torrentem, qui per montis de-

declive cursum suum inchoavit , retinere , aut impedire : ut amor , qui jam in aures sese insinuavit , non statim in cor devolvatur , ac descendat . Capræ , prout quidem scribit Alcmæon , per aures , & non per narres halicum ducunt , ac respirant . Sed , quia d negat Aristoteles , hinc quidnam hac in re icerti statuendum sit , nescio ; hoc scio , animalium , & cor nostrum per aures respirare , & sicut per linguam aspirat , & cogitationes suas exhalat , sic per aures respirat , adeo ut per eas aliorum concepta , & cogitationes admittat . Autres ergo nostras solicite custodiamus , ne quis fatuorum , & inanum verborum aer per easdem intret : id enim si fiat , cor nostrum illico pestilente aliquo halitu , & aura inficietur . Ad nullam penitus , quoque etiam praetextu , & occasione proferatur , propositionem inhonestam aures accomoda : hoc solo in casu malum non est , sed laudabile incivilem , & agrestem esse .

Memento te cor tuum Deo obtulisse , & amorem tuum illi dedicatum esse : sacrilegium ergo foret , vel minima illius portiuncula ipsum privare : imo potius mille per proposita , & protestationes ipsum de novo ei sacrificata , & intra illa te , velut cervus intra spelæi sui munimina , continens Dei opem implora ; is tibi haud dubie auxiliabitur , illius .

illiusque amor suo tuum clypeo teget, ut is soli illi vivat,

Quod si jam in fatuorum horum amorum retia te indueris, nonnisi quam difficilime te ab iis expedes, & extricabis. Quapropter coram divina Majestate te constitue, & in ipsius conspectu miseriæ tuæ magnitudinem, & fragilitatem, & vanitatem tuam agnosce, & quam poteris maxima animi contentione cœptos hosce amores detestare, vanam eorum, quam fecisti, professiōnem ejura, omnibus sponsionibus, & promissis tibi, & in sinum tuum factis renuntia, & generosissima, & absolutissima quadam voluntate, ac resolutione animum tuum ligā, & contine, & firmum propositum concipe, nunquam amplius ad hanc amoris recreationem, & ludum revertendi.

Consulerem quoque quam maxime (si quidem fieri potest) ut ipsum amoris objēctum a tē abdicares : nam sicuti illi, qui a serpentibus morsi sunt, non facile a morsu suo persanari posse dicuntur præsentibus iis, qui alias a serpentibus morsi fuere: sic qui amore sauciatus est, ægre ab hac passione curabitur, quamdiu apud illum versabitur, qui eodam vulnere læsus erit.

Loci mutatio apprime conducit ad ardores, inquietudines tum doloris, tum amoris mitigandos, & temperandos. Jovenis ille vanus,

nus, de quo Sanctus Ambrosius lib. 2. de Pœnitentia, cum longa peregrinatione suscepta diu patria absuisset, a vanis amoribus, quos alias consecutus erat, liber plane domum rediit, & adeo immutatus, ut cum priscam amasiam obviam habuisset, illaque ex eo percontaretur, num se nosset, & diceret: *Ego sum*, imo respondit: *Bene quidem*, *sed ego non sum ego*. Absentia quippe felicem hanc in eo mutationem causaverat. Sic S. Augustinus se scribit, quo dolorem ex animi sui morte conceptum aliquantulum mitigaret, Tagasta, ubi is decesserat, ad tempus excessisse, & Carthaginem commigrasse.

At, qui se loco subducere, aut alio migrare non potest, quid ei faciendum est? Omnem particularem conversationem, omne colloquium clancularium, omne oculorum lenocinium, ac nutum, omnem arrisum, atque adeo universum, omne communicatum, & illecebrarum, quæ putiscentem, & fœtidum hunc ignem fovere natæ sunt, genus penitus, & absolute rescindat oportet, aut si complex, & compar necessario alloquendus est, non alia id intentione, & causa fiat, quam ut ei generosa, succincta, & gravi protestatione æternum illud, quod inire, & facere cum ipso decrevit divortium, significet. Unde omnibus, qui in hos.

ce

ce amorcotorum casses, & pedicas incidunt, palam, & alta voce inclamo: abscondite, rescindite, abrumpite. Neque enim inanes, & fatuæ hæ amicitiæ paulatim, & per otium sunt dissuendæ, sed dilacerandæ; vincula hæc non enodanda, sed abrumpenda, & præsecanda; cum hi funes, & ligamenta nihil valeant, neque amori, qui DEI amori adeo contrarius est, tam provide, & evidenter consulendum est.

At dices, esto infamis hujus servitutis catenas, & compedes jam abruperim, adhuc aliquis mihi ejus restabit, & supererit sensus, & ferramentorum notæ, vestigia, & vibices pedibus meis, id est: affectibus, adhuc impressa manebunt. Non remanebunt certe, Philothea mea, si tantam mali tui detestationem, & horrorem conceperis, quantam ipsum meretur; si enim ea talis sit, nullum amplius motum senties, præterquam summi cujusdam horroris, quo infamem hunc amorem, nec non omnia, quæ illuc quoquo modo referuntur, detestaberis, & ab omni alia erga objectum repudiatum propensione, & affectu libera remanebis, & solum purissimæ cujusdam charitatis, idque propter DEUM, affectum senties. At si forte ob doloris tui imperfectionem pravæ quædam inclinationes adhuc in te remaneant, mentalem quamdam solitudinem, prout jam su-

supra te docui , animæ tuæ præpara , ac
quam poteris frequentissime in eam te reci-
pe , per sexcentas identidem renovatas spiri-
tus elibrationes omnibus inclinationibus tuis
renuntia , atque ex totis viribus tuis illas repu-
dia , & valedicito ; sanctos libros solito fre-
quentius legito , ac sæpius , quam consuesti ,
peccatorum confessionem institue , & sacram.
Synaxin suscipe , & cum directore tuo , si fieri
potest , aut saltem cum fideli , & prudenti ali-
quo homine humiliter , & candide de omnibus ,
quæ tibi quoad hoc evenient , suggestionibus ,
& temptationibus communica. Et , mihi credas
velim , Deus certo ab omnibus passionibus tu-
is te liberabit , dummodo hisce in exercitiis
fideliter perseveres , & pergas. Verum an non
ingratitudo erit , inquies , amicitiam contra-
ctam tam abrupte ; & inciviliter abrumperē ?
O beatam , & peroptandam ingratitudinem ,
quæ Deo nos gratos reddit ! Nequaquam ,
o Philothea ! ingratitudo hoc erit , sed in-
gens beneficium , quod amanti præstabis ; et
enim tua rumpendo vincula , rumpes & illi-
us , cum illa utrique vestrum fuerint com-
munia : & licet modo , & in præsens beatit-
udinem ille suam non percipiat , agnoscat
eam non multo post , & in gratiarum actio-
nem tecum cantabit : *Dirupisti Domine vin-
cula mea , tibi sacrificabo hostiam laudis ,*
& nomen sanctum tuum invocabo.

Caput XXII.

*Alia quædam monita quoad materiam
de amicitiis traduntur.*

AMICITIA MAGNAM quandam inter amantes ipsos communicationem requirit; sine hac enim nec nasci, nec subsistere potest. Hinc saepe fit, ut una cum amicitiæ communicatione plures aliæ communicationes insensibiliter ex uno corde in aliud, idque per mutuam, & reciprocam affectuum inclinationem, & impressionum infusionem, & effusionem commigrent, ac sese insinuent. Hoc vero tunc potissimum fit cum eum, quem diligimus. plurimi facimus, tum quippe ita cor nostrum amicitiæ ejus pandimus, ut una cum ipsa illius inclinationes, & impressiones facili negotio totæ, & penitus, sive bonæ sint, sive malæ, eodem penetrent, ac subingrediantur. Apes, quæ Heracleoticum mel conficiunt, nonnisi mel quidem quærunt, sed una cum ipso imperceptibiliter virulentas aconiti, e quo illud colligunt, vires, & qualitates exsugunt, Quamobrem practicandum, hic, Philothea, illud dictum Salvatoris nostri Christi, quod (uti quidem prisci nos docuere) saepius in ore habuit: *Estatē boni collybistæ, & monetarii, id est: nolite falsam, & adulterinam pecuniam bonæ permixtam, nec deterioris notæ aurum cum me;*

melioris recipere; sed separate pretiosum a vili. Et bene quidem: vix enim quispiam est, qui non aliquam habet imperfectionem. Cur autem labes, & imperfectiones amici una cum amicitia ejus mixtim, & sine ullo discrimine admitimus?

Certe, quantumvis imperfectionem habeat, nihilominus, fateor, amandus est, ut imperfectio illa nec amanda, nec admittenda; amicitia quippe boni alicujus communicationem requirit, non mali. Sicuti ergo qui auriferas Tagi arenas colligunt, aurum, quod in eisdem reperiunt, segregant, secum id asportaturi, at arenam in ripa relinquunt; pari modo, qui bona alicujus amicitiae communicationem habent, ipsas imperfectionum fordes, & arenam ab ea separare debent, neque eas in animam suam admittere. S. Gregorius Nazianzenus scribit, plurimos S. Basili amatores, & admiratores ita ejus modum agendi æmulari conatos, ut exterioresejus imperfectiones imitarentur, mimirum inlenta, quasi mens ejus esset abstracta, & cogitabunda, locutione, in barbae forma, quia & incessu. Sic videmus maritos, uxores, filios, amicos, dum amicos suos, parentes, maritos, uxores magni faciunt, & diligunt, sexcentas imperfectiunculas, & parvas qualitatulas, in amicitiae mutuae commercio, vel e condescientia quadam, vel ex zelo imitatio-

nis contrahere. Hoc porro nullatenus facendum; unusquisque enim sat multas malas inclinationes habet, ut eum necesse non sit alienas assumere, & amicitia adeo hoc non requirit, ut etiam e contra nos obliget, ad mutuam in omnibus imperfectionibus a nobis invicem auferendis operam præstandam. Amicus ergo benigne, & saviter suis in imperfectionibus est supportandus, non vero in iisdem fovendus, multo vero minus eæ in nos transcribendæ.

Porro loquor hic de solis imperfectionibus; nam peccata in amico nec fovenda, nec toleranda sunt. Quamorbem amicitia illius vel debilis, vel iniqua est, qui pereuntem amicum videt, & ei minime succurrit, qui eum ex apostestate morientem videt, & illum correctionis novacula ferire non audet, quo sospes evadat. Vera, & viva amicitia inter peccata manere non potest. Dicitur Salamandra ignem, cui incubat, extinguere: sic peccatum amicitiam, in qua habitat, enecat; si transitorium solum peccatum sit, amicitia ipsum quamprimum per correptionem eliminat, & proscribit; si vero firmam ibi sedem figat, & commoretur, mox amicitia tota desperit: nam nonnisi in vera virtute ipsa potest subsistere, quanto ergo minus propter amicitiam peccandum? Amicus sit inimicus, cum nos ad peccatum pertrahere vult, & ami-

citiam tunc perdere dignus est , cum amicum perdere , ad damnationem pertrahere vult , imo vero e certissimis falsæ amicitiæ signis est , si cum homine vitioso , & peccatis obnoxio ipsa contrahitur , quodcumque demum id peccatum sit , si is quem amamus , vitiosus sit , amicitia nostra haud dubie vitiosa est : cum enim veram illam virtutem respicere nequeat , falsam aliquam ac sensualem qualitatem respiciat , necesse est .

Societas , lucri temporalis causa inter mercatores contracta , veræ amicitiæ tantum imaginem habet , ipsa namque non ratione personarum , sed tantum lucri , & quæstus innititur .

Denique duæ illæ divinæ sententiæ duo solida sunt ad vitam Christianam bene consolidandam fulcra , & bases ; una est Sapientis : cum ait : *Qui timet Dominum , habebit amicitiam bonam* ; Altera S. Jacobi dicentis . *Amicitia hujus mundi inimica est DEO.*

C A P U T XXIII.

De mortificationis exterioris exercitiis.

Qui de rebus rusticis scribunt , dicunt , si amygdalo omni parte perfecto , & integro aliquod verbum inscribatur , & ipsum dein rursus nucleo suo inseratur , ita ut is scite convolvatur , & claudatur , itaque plan-

tetur, omnia, quæ in illo jam arbore facta postea succrescent, amygdala, idem verbum inscriptum habitura, & prælatura. Nunquam, Philothea, illorum approbare potui methodum, qui, quo hominem reformat, ab exterioribus, a gestibus, vestitu, & crinibus, inquam, initium ducunt.

Imo vero e contra ab interioribus mihi videtur incipiendum. Dicit enim Dominus: *Convertimini ad me in toto corde vestro. Et Fili præbe mihi cor tuum.* Cum enim cor actionum omnium sit origo, & fons, quale illud est, tales erunt & hæc. Sponsus sacer animam ad amorem invitans: *Pone me,* inquit, *ut signaculum super cor tuum, ut signaculum super brachium tuum.* Et vere; nam quicunque J E S U M Christum intus in corde suo habet, statim eum etiam in omnibus actionibus suis exterioribus habet. Hæc de causa, o charissima Philothea! ante omnia cordi tuo sacrum, & sanctum illud symbolum, & verbum: Vivat J E S U S, insculpere, & inscribere volui; certus quippe sum, viam tuam, quæ ex corde, sicut amygdalus e suo nucleo, ortu in habet, & nascitur, exinde omnes actiones suas, quæ ejus quodammodo fructus sunt, hoc eodem verbo salutis inscriptas, & insculptas, producturam; & sicut dulcis hic J E S U S in corde tuo vivet, ita & in omnibus gestibus ac moribus tuis

tuis vieturum; & in oculis, ore, manibus, quin & in crinibus tuis appariturum, ut cum sancto Apostolo Paulo dicere possis: *Vivo ego, jam non ego, vivit vero in me JE-SUS Christus.* Denique, qui hominis cor lucratus est, totum jam hominem est lucratus. Sed hoc ipsum cor, a quo incipere volumus, simul etiam edocendum, quomodo gestum & modum agendi exteriorem compонere, & formare debeat; ut in eo non solum sanctam devotionem, sed & insignem sapientiam & discretionem notare possimus. In quam rem breviter aliquid monita, & praecepta tibi praescribam.

Si ferre jejunium possis, consulta facies, si praeter indicatos ab Ecclesia jejunii dies etiam aliquoties jeunes. Nam praeter ordinarium jejunii effectum, qui est, quod per ipsum spiritus elevetur, caro reprimatur, virtus exerceatur, & major in cœlo gloria, ac merces acquiratur; magnum certe bonum est, victoriam de gula relatam firmiter possidere, eamque conservare, & appetitum sensualem ac corpus legi spiritus subiectum tenere. Et licet non multum jejunemus, nihilominus inimicus magis nos timet, dum nos jejunare posse novit. Feria quarta, sexta, & sabbatho veteres Christiani olim plusquam aliis diebus abstinentiam colebant. Ex illis ergo diebus aliquem tibi felige, quo jeunes,

prout tibi & devotio tua & directoris tui discretio id consulent.

Dicerem hic libenter id, quod S. Hieronymus ad Lætam scribens; *Longa, & immoderata jejunia plurimum mihi displicent in iis præsertim, qui juniores, & teneriores sunt.* Didici per experientiam, asellum de via lassum diverticula, & subterfugia quæritare, id est: adolescentiores, contractis ob excessum in jejunando infirmitatibus, facile ad delicias & lauitias in cibis consecandas dilabi. Cervi dupli in casu cursui inepti sunt, primo quando æquo sunt pinguiores, dein, cum plus nimio macilenti. Tentationibus tum maxime obnoxii sumus, cum corpus nostrum, & plus æquo suffartum, & saginatum est, & dum nimis exhaustum, sagina namque ipsum in commodis suis insolens, oporeffio vero in incommodis suis desperabundum efficit. Et sicuti nos ipsum ferre non possumus, cum nimis pingue, & saginatum est, sic ipsum vice versa nos ferre nequit, cum nimis macilentum est, & attritum. Defectus hujus in jejuniiis, ciliciis, disciplinis, & asperitatibus moderationis potiores, & meliores ad operandum annos plurimorum obsequio, & officiis charitatis ineptos reddit, quemadmodum olim S. Bernardo factum est, qui deplorat, & plangit, quod in prima conversatione nimis in corpus suum austerus fuerit, & quia ipsum

ipsum initio male, & dure habuerit. Hinc ei postea blandiri, & mollius tractare compulsi sunt. An non melius fecissent, si congruerter, & proportionate officiis, & labotribus, quos conditionis, & status sui ratione eos subire oportebat, ipsum tractas- sent?

Tam jejunium, quam labor carnem deprimunt, & debilitant. Si ergo labor, quem subibis, ad DEI gloriam necessarius est, aut cum primis utilis; malo laboris, quam jejunii pœnam subeas. Atque hic est communis Ecclesiæ sensus, quæ, ut labores DEI, & proximi obsequio utiles subiri commode possint, illos, qui eos suscipiunt, a jejunii etiam præcepto excusat. Uni laboriosum est, & grave jejunare; alteri, ægris inservire, captivos invisere, confessiones excipere, concionari, affictos consolari, orare, & similia exercitia obire; posterior certe labor utilior est, & majoris valoris, & meriti, quam prior ille jejunandi; nam præterquam quod labor uterque æqualiter debilitet, fructum tamen posterior habet multo desiderabiliorem. Atque idcirco in genere loquendo, satius est corporales vires impensius æquo conservare, quam eas plus æquo destuere, & exhaustire. Semper quippe cum volumus, eas destruere possumus, sed non semper cum volumus, reparare, ac refarcire.

Magna in veneratione, & honore habenda mihi videntur illa Redemptoris nostri J E S U Christi ad discipulos suos verba, dicentis: *Manducate, quæ apponuntur vobis.* Majoris (uti mihi quidem videtur) virtutis est indiscriminatim comedere , quidquid tibi offertur, & eo, quo id tibi apponitur, ordine, sive id tuo sapiat palato, sive despiat, quam semper, quod deterius est, diligere.

Licet enim hæc posterior agendi ratio videatur austerior, alia tamen plus continet resignationis; per hanc quippe homo non solum gustui suo, sed & electioni suæ renuntiat; uti nec parva quædam austерitas est, gustum suum ad omnia adaptare, & cum omnibus obviis subjicere. His accedit, quod hocce mortificationis genus nequaquam emineat, nulli noceat, & vitæ civili maxime conveniens, & proprium sit. Cibum enim unum rejicere, quo aliis sumatur; omnia delibare; & gustare, nihil autem invenire, quod bene coctum, aut satis mundum apparere; ad singulos morsus, & buccellas mysteriosum agere, mollis, delicati, & lancium, ac catinorum perstudiosi, & attenti hominis indicium est. Pluris facio, quod S. Bernardus aquæ, aut vini loco oleum biberit, quam si dato studio, & ultiro aquam absynthiam bibisset: illud quippe signum erat, eum

eum ad id, quod biberet, non respexisse. Et in hac eorum, quæ aut comedenda, aut bibenda sunt, non curantia, & negligentia perfecta verborum illorum: *Manducate, quæcunque apponuntur vobis*, praxis consistit. Semper tamen hic excipio cibos sanitati & valetudini noxios, atque etiam, qui spiritui incommodant, quemadmodum cibos calidos, aromatibus perfusos, fumosos, ventosos permultis nocere certum est; excipio quoque certos quosdam casus, quibus natura nostra recreanda, & adminiculanda est, ut aliquem pro Dei gloria laborem sustinet. Continua, & moderata sobrietas melior est, quam violenta, & intensa quædam diversis vicibus, & interruptim suscepta, & magnis remissionibus intermixta abstinentia.

Disciplina, & flagellum mirabilem quamdam vim habet ad appetitum devotionis excitandum, si cum moderatione accipiatur. Cilicum corpus quidem potenter edomat, ac ejus usus communiter hominibus conjugatis, atque iis, qui delicatae sunt complexionis, non convenit ex iis, qui magnos subire labores debent. Quamquam in notabilioribus pœnitentiæ diebus ipsum accedente discreti Confessarii consilio, usurpari possit.

Nox dormitioni est destinanda, & impendenda unicuique juxta suam complexiōnem, quantum scilicet ad utiliter per diem vigi-

vigilandum requiritur. Et quoniam ~~sacra~~^{scriptura} Scriptura diversis in locis, & modis, exemplum Sanctorum, & rationes naturales matutina crepuscula unice, & mire nobis commendat, velut optimam, & fructuosissimam diei totius partem, & quia Dominus ipse sol oriens, & B. Virgo aurora consurgens in literis Sacris vocatur, hinc probum, & pium esse existimo, curare, ut vesperi tempestive cubitum concedamus, quo summo mane exergiscamur, & strato exsurgamus. Hec certe tempus amabilissimum est, dulcissimum, minus impeditum: in quo & ipsæ aviculæ nos ad exergiscendum, & Deum laudandum excitant, adeo ut mane summo surgere, & sanitati, & sanctitati mire conducat.

Balaam consensa asina ad Balac Regem ibat, sed quia ejus intentio, & propositum recta non erant, hinc eum Angelus Domini gladium manu vibrans in via exspectavit, ut eum occideret, asina, quæ Angelum videbat, tertio velut refractaria substituit. Interim Balaam fuste ejus latera acriter tundit, quo ulterius progrediatur: usque dum tertia vice ipsa sub infessore suo coincidens, raro quodam miraculo eum allocuta est, dicens: *Quid feci tibi? Cur percutis me?* *Ecce jam tertio?* Et mox oculi Balaam~~s~~ adaperti fuere, qui vidit Angelum sibi dicen-

centem: *Cur tertio verberas asinam tuam?*
Nisi asina declinasset de via, dans locum
resistenti, te occidisset. & illa viveret.
Unde mox Balaam Angelo ait: *Peccavi,*
nesciens, quod tu stares contra me. Vi-
den, Philothea, Balaam mali totius causa
est, & interim miseram asinam cædit, &
verberat, ut exhausta concidat. Sæpe idem
nobis in rebus nostris quotidianis usuvenit:
hæc quippe mulier, v. g. videt maritum,
aut filium suum ægrotantem, & mox ad
jejunium, cilicum, disciplinam confugit,
ut David Rex simili in casu. Ah charissi-
ma! miserum asinum tuum tundis, & cor-
pus affligis, & interim ipsi malum tuum im-
putandum non est, nec illius est causa, sed
Deus iratus gladium suum in te vibravit.
Corrige itaque animum tuum, qui mariti
hujus idololatra, & stolidus amator est, qui-
que sexcenta filio vitia indulgebat, ipsum-
que superbiæ, vanitati, & ambitioni desti-
nabat. Videt alius, v. g. se sæpe turpiter
in luxuriæ, & carnalia peccata labi: interi-
or exprobatio, & sugillatio conscientiam
perterrefacit, gladium velut stringens, & vi-
brans, ut eum sancto quadam timore trans-
figat. Et ille mox in se revertens: Ah sce-
lestæ caro! inquit, ah perfidum corpus! tu
in culpa es, tu me prodidisti! quare statim
sævis verberibus, immodicis jejuniis, disci-
pli-

plinis immoderatis, & intolerabilibus ciliciis in miseram carnem s̄ævit. O misella anima! si caro tua loqui adinstar asinæ Balaam posset, diceret haud dubie tibi: Cur me scelestæ cædis? In te, o anima! Deus gladium, & vindictam suam, non in me exerit: tu es rea: cur enim me ad malas; & fœtidas conversationes adducis? Cur oculos, manus, labia mea lasciviis applicas? Cur me pravis imaginationibus turbas? Tu bona cogita, & ego pravis motibus non concitabor. Pudicos, & honestos tu frequenta, & ego a concupiscentia mea non agitabor. Tu, eheu! me in hanc flammam conjicis, & non vis me uri; tu oculis meis summum ingeneris, & inflammari prohibes. Et Deus haud dubie hisce in casibus dicit: Corda vestra potius percutite, frangite, scindite, conterite, in hæc enim ira mea defævit, & animatur. Sane ut quis scabiem, & impetiginem tollat, non tam necesse est, corpus lavet, aut balnea ingrediatur, quam sanguinem expurget, & hepar refocillet: ita ut a vitiis curemur, bonum quidem est carnem mortificare, sed ante omnia affectus bene sunt expurgandi, & cor restaurandum, & redintegrandum. Porro austeriorates corporales non nisi e consilio, & suauis directoris nostri usurpare oportet.

C A P U T X X I V.

De conversationibus, & solitudine.

Conversations, & familiaritates hominum quærere & ab iis se penitus avocare, duo sunt extrema, quæ in devotione civili, de qua potissimum hic tecum ago, reprehenduntur. Omnimoda earum fuga aver-sionem, & contemptum proximi redolet, studiosa vero consecratio otiositatem, & desidiam respirat. Proximum sicut nos ipsos diligere oportet. Ut autem ostendamus, nos illum diligere, illius conversationem ne fugiamus; ut vero nos ipsos amare ostendamus, apud nos cum sumus, ibi maneamus. Tunc porro apud nos sumus, cum soli sumus: *De te ipso, inquit S. Bernardus primum sollicitus es, dein de aliis.* Si ergo nihil urgeat, ut in conversationem aliorum te des, aut aliorum admittas, apud te ipsam maneto, & corde tuo te oblecta. At si conversatio tibi deforis adveniat, aut justa aliqua causa, ut in eam te des, te provocet, in nomine Domini, Philothea, te in illam da, & be-nigno proximum tuum animo, & oculo in-tuere.

Malæ conversations appellantur illæ, quæ mala aliqua intentione fiunt, aut dum, qui in iisdem interveniunt, & pars illarum sunt, vitiosi, indiscreti, & dissoluti sunt;

unde

unde hæ cuivis fugiendæ, & declinandæ sunt uti apes fucos, & vespas fugiunt. Nam sicuti illorum, qui a rapidis canibus morsi sunt, sudor, halitus, & saliva pestilens, & noxia est præsertim pueris, & iis, qui teneroris sunt complexionis; sic vitiosi, & dissoluti, nisi cum evidenti animi periculo, & discrimine ab iis præsertim, quorum devotio adhuc tenera, & delicata est, nequeunt frequen-tari.

Quædam adhæc sunt conversationes, quæ ad nihil omnino sunt utiles, præterquam ad recreationem; uti sunt, quæ e sola a negotiis seriis diversione, & relaxatione instituuntur. Et sicuti his se nemo studio addicere potest, ita otium rereationi destinatum dare iis fas est.

Aliarum vero conversationum finis honestus est; uti sunt, mutuae visitationes, & certæ quædam congregations, quæ nonnisi ad proximum honorandum instituuntur. Et si-cut hæ superstitiose non sunt colendæ, & practicandæ, ita nec in illis contemnendis se oportet incivilem ostendere, sed earum, quod habemus, debito, & partibus cum modestia satisfacere, ut & rusticitatis, & levitatis notam pariter evitemus.

Restat, ut de conversationibus utilibus, & proficuis, quales sunt hominum devotorum, & virtutis studiosorum, aliquid dicamus.

mus. Semper tibi, Philothea, perutile erit, s^æpe numero in tales incidere. Vinea in oliveto, & inter oleas consita uvas unguiculatas, & olivarum saporem referentes profert: sic anima, quae s^æpe inter, & cum hominibus piis conversatur, non potest eorum qualitates non participare. Fuci soli mel confidere nequeunt, apibus tamen in eo confiendo adjumento sunt: sic, ut bene nos in devotione exerceamus, maximopere conducit, & prodest, ut cum devotis animabus conversemur.

In omnibus porro conversationibus candor, simplicitas, dulcedo, modestia semper laudem ferunt, & commendantur; sunt, qui nullum gestum, aut corporis motum formant, nisi ita affectate, & inepte, ut omnibus sint & tedium, & nauseæ. Et sicut qui non aliter ambulare vellet, quam passus suos dinumerando, ac loqui, nisi cantillando, reliquis hominibus, quibuscum versatur, tardiosus, & molestus esset; sic qui affectatum gestum habent, & nihil nisi ad numerum, & cadentiam agunt, conversationem mire importunam reddunt: & in hoc hominum genere semper aliqua præsumptionis species elucet. In conversatione ergo nostra ordinarie moderata quædam hilaritas prædominari debet. SS. Romualdus, & Antonius mire laudantur, quod, rametsi summis in austoritatibus viverent, facies tamen, & ser-

mo eorum hilaritatem, gaudium, & urbanitatem quandam insolitam præferrent. *Gaudete cum gaudentibus.* Et iterum cum Apostolo tibi dico: *Semper gaudete, sed in Domino;* & *modestia vestra nota sit omnibus hominibus.* Ut vero in Domino gaudeas, gaudii tui causa, & occasio sit non licita modo, sed & honesta: quod ideo dico, quia sunt quædam licita, quæ tamen honesta non sunt. Ut vero modestia tua aliis nota sit, cave tibi ab insolentiis quibuslibet, & ineptiis, quæ certe semper sunt reprehensibiles; nam huic offendiculum ponere, ut labatur, alterum denigrare, tertium pungere, stulto injuriam facere, joci, & gaudia sunt, sed stolida, & insolentia.

Semper vero præter solitudinem mentalem (intra quam te etiam inter maxima conversationum impedimenta, de quibus supra actum est, recipere potes) amanda tibi est solitudo localis, & realis, non quidem, ut in eremum, & desertum secedas, uti S. Maria Ægyptiaca, S. Paulus, Antonius, Arsenius, & alii prisci Anachoretæ; sed ut aliquantis per in cubiculo tuo, horto, & alibi sola agas, ubi magis ex voto mentem, & spiritum tuum in corde recoliligere, ac bonis, sanctisque cogitationibus, vel modica in libro aliquo spirituali lectione animam tuam potes recreare, idque exemplo

plo magni illius Gregorii Episcopi Nazianzeni, qui de seipso loquens: *Ambulabam*, inquit, *ipse tecum ad solis occasum in littore maris, tempus ita fallens: hac quippe recreatione uti soleo ad animum meum acuris ordinariis nonnihil relaxandum, & restaurandum.*

Atque paulo post refert bonam illam cogitationem, & conceptum, quam ibidem formavit, quam alio loco retuli. Ad exemplum item S. Ambrosii, de quo scribit S. Augustinus, se saepius in cubiculum ejus ingressum (nemini quippe aditus ad eum negabatur) oculis suis vidisse illum legentem, cumque aliquantis per, ut ei loqueretur, expectasset, se, ne quam forte ipsi molestiam crearet, inde se nullo dicto verbo prorupisse, quod crederet, modicum illud temporis, quod magno huic Pastori ad animum nonnihil recreandum, & restaurandum post tot peracta negotia supereisset, minime ei auferendum videri. Sic etiam, postquam Apostoli die quadam Domino retulissent, se praedicasse, docuisse, & multum operis fecisse, Dominus illis dixit: *Venite seorsum in desertum locum, & requiescite pusillum.*

C A P U T X X V.

De modestia, & decentia vestium.

A Postolus Paulus mulieres pias (idem & de viris dicendum est) vult honeste, & decenter vestiri, ornantes se pudice, & sobrie. Porro ipsa vestium atque aliorum ornamentorum decentia, & honestas in materia, forma, & munditie sita est. Mundities quidem pene semper in vestibus nostris sine exceptione servanda est, in quibus, quantum quidem possibile est, nullam nos habere maculam, nævum, sordesve oportet. Mundities exterior interiore honestatem quodammodo repræsentat. Unde etiam Deus Optimus Maximus corporalem honestam compositionem in iis, qui ad altare suum, & ministerium accedunt quibusque devotione præ aliis curanda incumbit, requirit.

Quod autem ad materiam, & formam vestium attinet, decentia, & compositio illarum pluribus in circumstantiis consideratur, temporis videlicet, ætatis, qualitatum, sociorum, & occasionum. Plerumque enim diebus festis melius, & ornatius solito induuntur homines pro celebritate festi, quod agitur, ac tempore pœnitentiæ ageadæ destinato, uti est quadragesima, de vestium cultu multum remittunt. In nuptiis nuptiales vestes induunt, in exequiis, & conven-

ti.

tibus funeralibus lugubres, & funebres: apud Principes cultior habitus assumendus, quam vulgo gestari soleat, qui inter domesticos est remittendus. Mulier conjugata apud maritum, siquidem is velit, sese ornare & potest, & debet, ac si ab eo absens nihilominus magnifice induatur, petam ex ea, quibus oculis exquisito illo ornatu placere velit. Plus autem elegantiarum, & ornatius permittitur puellis, quod licite possint pluribus placere velle, esto non alia id iis intentione faciendum, quam ut unius animum per sanctum matrimonium subsequens sibi concilient. Similiter non vitupero, ut viduæ renubere volentes, aliquo modo sese ornent, dummodo nullam vanitatem suo in ornatu præferant; quod enim jam tum matresfamilias fuerint, & viduitatis desolationem, & luctum sint expertæ, vulgo matriores, & magis compositæ creduntur. At iis, quæ vere viduæ sunt, & non corpore solum, sed & animo, nullus omnino ornatus convenit, sed sola humilitas, modestia, & devotio. Si enim viris adhuc placere, & eos in sui amorem pellicere velint, vere viduæ non sunt, si nulli placere, nec ullum attrahere cupiant, cur lenocinia, & illicia illa vestium assumunt? Qui nulos admittere vult hospites, intersignum a domo sua tollat, necesse est. Porro senes, cum ornatu affectato juveniles

annos mentiri volunt, semper exploduntur, & omnibus ludibrio sunt; etenim id stoliditas est, quæ nonnisi in juvenibus toleratur.

Esto ergo munda, & nitida, Philothea, nihilque in vestitu tuo lacerum, disfutum, aut male compositum sit. Eorum, quibuscum versaris, contemptus quidam est, in schemate, & veste incomposita inter ipsos comparere: cæve tibi tamen ab effectiōibus, vanitatibus curiositatibus, & ineptiis. Semper (quantum quidem poteris) in vestitu tuo in simplicitatis, & modestiæ partem potius propende, quæ & maximum pulchritudinis est honestamentum, & optima difformitatis excusatio. S. Petrus mulieres juveneculas maxime monet, ne capillaturam plus æquo criscatam, intortam, annulatam, & serpentis more in spiras collectam habeant. Viri, qui adeo effeminati sunt, ut hisce nugis, & lenociniis se se applicent, ab omnibus passim ceu hermaphroditi sugillantur: fœminarum vero adeo comptarum castitas apud omnes male audit, & suspecta est, aut siquidem integra sit, tot inter ornatus, inanias, & ineptias apparere ea nequit. Dicunt, se malam in eo intentionem non habere; sed hoc respondeo, uti & alibi respondi, dæmonem semper hic malam intentionem habere. Vellem equidem, devotus, & devota mea omnium optime, & scitissi-

me

me vestiti essent, sed quam possunt minime affectate, & pompose; & sicuti in Proverbiis dicitur, ornati essent gratia, decentia, & dignitate. Bene verbo uno dixit S. Ludovicus Rex, unumquemque juxta statum suum vestiri, & indui debere, ita ut nec viri sapientes, & cordati de eo dicere queant: *Excedis, nec juvenes, nimis infra statum tuum vestiris.* At si forte juniores decenti, & modesto vestitu contenti esse nolint, sapientum saltem consilio acquiescendum est.

C A P U T X X V I.

De sermone, & primo, quomodo de DEO loquendum sit.

MEdici ex linguae inspectione magnam sanitatis, morbique hominis notitiam, & conjecturam capiunt: sic vera status animalium nostrarum indicia, & notae sunt verba. *Ex verbis tuis,* ait Redemptor, *justificaberis, & ex verbis tuis condenneaberis.* Ut manum statim admovemus loco, ubi dolor est, illaque hunc velut indicamus, ita & lingua amoris, quem habemus, nota, & signum est.

Si ergo DEUM insigniter diligas, Philothea, saepe de DEO in familiari cum domesticis, amicis, & vicinis tuis colloquio loqueris. Et vere: Nān os justi meditabitur

sapientiam, & lingua ejus loquetur judicium. Atque ut apiculæ osculo suo nonnisi mel tractant, & dispensant; sic & lingua tua semper Deo suo mellita, & indulcorata erit, majorem suavitatem non sentiet, quam cum laudes, & benedictiones nominis ejus inter labia tua natare, & fluere videbit. Sic de S. Francisco fertur, quod cum saero-sanctum Salvatoris nostri nomen proferret, labia sua præ dulcedine exsugebat, & lingebat, perinde, ac si maximam inde dulcedinem hauriret.

At semper loquere de Deo, ut de Deo, id est, reverenter, & devote, non quasi teipsam ostentando, aut concionatricem agendo, sed in spiritu dulcedinis, charitatis, & humilitatis, deliciosum, & suave devotionis, rerumque divinarum mel (quemadmodum de Sponsa in canticis dicitur) guttam, modo in hujas, modo in illius aurem instillando, ac Deum in animæ tuæ secretis, ac penetralibus rogando, ut sanctum hunc rorem in eorum, qui te audiunt, animum descendere facere dignetur.

Ante omnia autem Angelicum hoc officium leniter, & suaviter, & non per modum correctionis, sed inspirationis obeas oportet; mirum namque, quam potens, rei alicujus bona cum suavitate, & amicabi-

tate facta propositio sit ad amicos hominum attrahendos illicium.

De Deo , & devotione non est perfunctorie , & velut per modum recreativi colloquii , sed semper cum attentione , & devotione loquendum , quod moneo , ut notabilem quandam in te vanitatem corrigam , qua multi devotionem professi laborant , dum nullo non loco , & tempore sancta , & ferventia verba , sed nonnisi perfunctorie , & leviter , & sine ulla reflexione loquuntur : quæ cum jam protulere , tales se defacto esse putant , quales verba eos produnt , sed nimis quam procul ab eo absunt .

C A P U T X X V I I .

*De verborum honestate , deque reverentia
hominibus debita.*

*S*I quis in verbo , ait S. Jacobus , non offendit , hic perfectus est vir . Diligenter itaque cave , ne quod verbum indecens , aut dishonestum proferas : esto enim tu mala id intentione non proferas , tamen qui ipsum audiunt , sinistre , & malam in partem id possunt accipere . Verbum dishonestum , in infirmum , & fragilem animum incidens , ita se extendit , & dilatat , sicut stilla olei , quæ in pannum incidit , & aliquando taliter cor occupat , ut sexcentis ipsum cogitationi-

T 5 . bus ,

bus, & temptationibus inhonestis, & turpis adimpleat; sicut enim corporis venenum per os ingreditur; sic cordis virus per aurem, & quæ ipsum depromit lingua, homicida est. Licet enim virus, quod ipsa evibravit, nullum fortassis effectum ediderit, quod audentium animos potenti quodam antipharmacō communitos invenerit, per ejus tamen malitiam, & nequitiam non stetit, quo minus eos occiderit, & necarit. Nemo vero mihi oggerat illud minime se intendere: cum Redemptor noster, qui corda hominum pernovit, diserte dixerit: *Ex abundantia cordis os loqui.* Et posito, nos nullum hic malum cogitare, diabolus tamen multum mali cogitat, & semper occulte inhonestis hisce verbis, ad cor alicujus transadigendum ceu telis utitur. Ferunt eos, qui Angelica herba vescuntur, semper halitum dulcem, & benevolentem habere; sic ii, qui honestatem, & castitatem, quæ Angelica quædam virtus est, in corde habent, semper pura, civilia, & pudica verba proferrunt: indecentia namque, & scurilia ne nominari quidem a nostris Apostolus vult, aperite denuntians, a nulla re adeo bonos mores destrui, & corrumpi, quam a colloquiiis pravis.

Si vero verba inhonesta recte, periphrastice, acute, subtiliter proferantur, multo sunt

sunt nocentiora : quo enim telum acutius est , eo in corpora nostra facilius ingreditur ; ita quo verbum dishonestum acutius est , eo in animum nostrum penetrat profundius.

Qui vero tum se egregios , & politos existimant , cum hujusmodi verba in conversatione proferunt , ignorant certe , quam ob causam institutæ sint conversationes : esse namque hæ debent sicut collectorum apum examina , ad suavis , & sanctæ alicujus sermocinationis mel conficiendum , non vero si ut quædam vesparum , & scarabæorum , ad putridum aliquod cadaver eviscerandum , corrodendumque convenientium colluvies , si quis satuus indecentia , & dishonesta quædam verba coram te proferat , illorum te auditu offendit ostende , vel inde quantocyus te subducendo , vel alia quapiam ratione , prout tua te prudentia edocebit .

Nihil esse in spiritu , & ingenio alicujus magis vituperabile potest , quam quod aliorum sit irrisor : & hoc Deus vitium maxime detestatur , & odit , ipsumque olim quam acerrime castigavit . Nihil quoque adeo charitati , & magis etiam devotioni adversatur , quam proximum despicere , & contemnere . Porro ipsa proximi deriso , & illusio nunquam sine ejusdem fit contemptu : hinc ipsa maximum peccatum est , adeo ut Doctores

non

non immerito asserant, irrisione pessimum esse offendæ, & injuriæ, quæ proximo verbi quidem irrogari potest, genus: quod reliquæ offendæ cum aliqua offensiæ æstimatione, hæc vero cum ejusdem despectu, & contemptu fiat.

Sed joci verbales, quos alter in alterum cum modesta quadam recreatione, hilaritate, & delectatione profert, ad eam spectant virtutem, quam Græci, ἐντελέχειαν, nos bonam appellare possumus conversationem; & per hos honesta, & amica quædam e frivolis quibusdam occasionibus, & causis, quas humanæ imperfectiones nobis suggerunt, capitur recreatio. Hoc solum hic cavendum, ne ab honesta hac recreatione, & delectatione ad irrisione aliquam, & scharma delabamur. Irrisio porro risum, & contemptu, & despectu quodam proximi procedentem provocat: sed jocatio risum, qui e candida libertate, fiducia, & familiari rotunditate, quæ cum dicti alicius elegantia, & subtilitate conjuncta sit, oritur. S. Ludovicus Rex, cum Religiosi ei semel post prandium de rebus, & materiis quibusdam sublimibus loqui vellent, ajebat: *Non est jam tempus allegandi, fratres, sed honesto aliquo joco, & quadlibetica propositione mentem oblectandi. Dicat ergo quisque, quod illi luberit,*

rit, honeste tamen. Quod dicebat in- gratiam Principum, & nobilium ipsum circumstantium, quo illos aliquo modo recrearet, & oblectaret. Sed nos ita, mea Philothea, tempus recreationis transigamus, ut sanctam æternitatem non amittamus, sed eam devotione conseruemus.

C A P U T X X V I I .

De temerariis judiciis.

SAlvator animarum nostrarum in Evangelio ait: *Nolite judicare, & non judicabimini: nolite condemnare, & non condemnabimini.* Et Apostolus: *Nolite ante tempus judicare, quoad usque Dominus veniat, qui & illuminabit abscondita tenebrarum, & manifestabit consilia cordium.* Ah! quam temeraria judicia Deo displicent? Judicia filiorum hominum ideo temeraria sunt, quod unus alterius judex non sit, & quod judicantes, munus, & officium Domini usurpent. Temeraria quoque sunt, quod præcipua peccati malitia ab intentione, & consilio cordis, quod nobis absconditum quoddam tenebrarum est, dependeat. Temeraria item sunt, quod unusquisque in semetipso judicando satis, quod agat, habeat, ut proximum dijudicare non sit necesse. Ut autem non judicemur, tam & æque necessarium

um est, alios non judicare, quam nosmet-
ipsos judicare. Ut enim Redemptor noster
prohibet unum, ita Apostolus nobis præci-
pit alterum, dicens: *Si nosmetipos judice-
mus, non judicabimur.* Sed, o Deus me-
us, plane aliter facimus, quod enim nobis
prohibitum est, assidue facimus; omni scili-
cet tempore, & loco proximum dijudican-
tes, & quod præceptum est, nos ipsos scili-
cet judicare, nunquam facimus.

Prout judiciorum temerariorum causæ
sunt, ita illis remedium est adhibendum.
Sunt enim, qui natura acerbi, amari & aspe-
ri sunt, atque hi acerbant, & amaricant,
quidquid vident, vel audiunt, & sicut Pro-
pheta de iis loquitur, vertunt judicium in
absynthium, non aliter de proximo, quam
in omni rigore, & asperitate judicantes. Hos
cumprimis oportet in boni alicujus medici
spiritualis manus incidere, cum enim hæc
cordis amarities ipsis innata, & naturalis sit,
eam perdifficile est exsuperare; & quamvis
hæc in se peccatum non sit, sed imperfæctio
duntaxat, periculosa tamen est, quod teme-
rarium judicium, & maledicentiam in ani-
mam introducat, & vivere faciat. Non
nulli temere judicant, non tam e naturali
aliqua acerbitate, & amaricie, quam e su-
perbia, rati, suum se honorem tantum ex-
tollere, quantum alienum deprimunt. Ho-

mines scilicet arrogantes, & præsumptuosí, qui seipsoſ mire ſuſpiciunt, adeoque ſe ſublime in ſui ipſorum æſtimatione efferunt, ut reliquos omnes velut parvum, & demiffum quid dēſpiciant. *Non ſum*, ajebat ſtolidus ille Pharifæus, *ficut cæteri hominum*. Qui-dam vero apertam hanc ſuperbiā non ha-bent, ſed parvam duntaxat in corde ex alie-ni mali conſideratione complacentiam ſenti-unt, quo oppofitum, quod ſe habere cre-dunt bonum, dulcius deguſtent, & aliis gu-ſtandum exhibeant. Hæc autem compla-centia adeo occulta, & imperceptibilis eft, ut, niſi quis perſpicacifſimo ſit oculo, eam videre nequeat, imo nec qui eadem laborant, eam agnoscant, niſi iplſis ad oculum demon-stretur, & veluti palpanda detur. Alii, ut ſibi blandiantur, & ſe apud ſeipſos excuſent, ac conſcientiarum ſuarum remorſum aliquatenus mitigent, alioſ iis peccatis, quibus ipſi dediti ſunt, aut alteri cuipiam æque enor-mi, obnoxios judicare gaudent, putantque, ob peccantium, & reorum multitudinem, pec-catum ſuum minus reprehensibile eſſe. Multi e ſola, quam ex ipta de moribus, & condi-tionibus hominum, idque per modum exer-citii ingenii, philofophatione, & divinatio-ne, capiunt, voluptate, ad temere judican-dum feruntur. Et ſi forte infelici aliquo caſu ſuis in judiciis veritatem divinent, ita in iplſis ulte.

ulterius in hisce progrediendi audacia crescit & appetitus , vix ut ab iis avelli queant. Alii judicant e sola passione , ut semper bene censemant , & cogitent de eo , quod amant , male vero de eo , quod oderunt: præterquam uno in casu mirabili quidem , vero tamen in quo amoris excessus in causa est , ut male judicemus de eo , quod diligimus. Monstrus sane effectus , at ex impuro , imperfecto , turbato , & ægro amore , zelotypia , inquam , proveniens , quæ(uti unicuique notum est) ob simplicem , & nudum oculorum conjectum , quin etiam ob minimam subrisiōnēm alios perfidiæ , & adulterii accusat. Denique timor , ambitio , & aliæ id genus animi imbecillitates , & morbi ad temerariam suspicionem , & judicium eliciendum permultum sæpe conferunt.

At quodnam malis his adhibendum remedium? Ut qui Ophiusæ herbæ Æthiopicæ succum bibunt , nullo non loco serpentes , & horrenda monstra videre se putant: sic qui superbitam , invidiam , ambitionem , odium deglutiere , nihil omnino vident , quod malum , & reprehensione dignum non esse putent. Illi ut sanitati reddantur , vinum palmeum bibant , necesse est: idem dico de his. Ergo quam plurimum potes , de sacro charitatis vino bibas , & ipsa te a pravis hisce humoribus , qui te sinistra hæc judicia ferre cogunt , immunem præstabit. Charitas

tas metuit, ne quod malum videat, tantum abest, ut ipsum ultro quæsumus eat, & quando forte in ipsum incidit, & videt, faciem suam avertit, ac dissimulat, imo & oculos occludit ante, quam videat, ad primam scilicet ejusdem eminus perceptionem, ac deinde sancta quadam simplicitate credit, non sui esse hoc malum ipsum, sed duntaxat illius umbram, aut phantasma, quod si violentis quibusdam indiciis ipsummet esse fateri cogatur, illico sese ab eo avertit, ejusque imaginem e memoria sua delere satagit. Charitatis insigne est contra mala omnia remedium; at in primis contra hoc, de quo loquimur. Ictericis, & auragine, morboque regio laborantibus omnia videntur esse flava, & aurea: quos si quis ab hoc liberare malo velit, herbam chelidoniam sub planta pedis iis alligat, necesse est, ut eam ferant. Peccatum temere de proximo judicandi spiritualis quædam aurigo est, quod facit, ut quicunque eadem laborant, omnia iis parva appareant, & mala: at quisquis ab eo curari vult, remedia non oculis, non intellectui, sed affectibus, qui animæ pedes sunt, apponere debet. Si enim affectus tui placidi, & benigni sint, etiam judicium tuum placidum erit; si charitati repleti, repletum quoque erit judicium tuum. Tria mirabilia tibi rei hujus exempla hic adferam.

Dixerat Isaac Rebeccam suam esse sororem: Abimelech videns illum cum ea jocari, id est: benevole, & maritaliter eam habere, statim inde collegit ipsam ejus esse uxorem, malignus, & perversus aliquis hoc videns, concubinam, & scortum ejus esse potius censisset, aut si forte soror existisset, incestis eos invicem amoribus detineri; at Abimelech ad saniorem, & benigniorem hoc defacto opinionem, & judicium potius inclinavit. Id ipsum & nos semper facere oportet, Philothea, de proximo scilicet, quantum facere poterimus, bene & benigne judicare, si centum facies, & intuitus opus & actio aliqua habere posset, semper ipsa intuenda in ea, quæ pulcherrima est. Erat Beata Virgo Maria prægnans, & uterum ferebat: Sanctus Joseph ipsum quidem notabat, sed quia eam alias vita sautissimam, purissimam & plane Angelicam videbat, nunquam sibi, persuadere, aut credere potuit, eam contra atque oportebat, aut contra matrimonii fidem concepisse, unde eam deferendo, statuit judicium omne Deo committere, esto enim sinistre de hac Virgine sentiendum, fortissimo, & violento quodammodo argu-
mento niteretur, nunquam tamen ad illam dijudicandam animum potuit inducere. Sed quare? Quia, ut Spiritus Sanctus de eo te-
statur, erat justus; iustus enim, cum nec

factum, nec intentionem ejus, quem aliunde hominem probum, & honestum novit, excusare amplius potest, adhuc tamen non vult ad ipsum judicandum prorumpere, sed hoc ex animo delere, & eradere conatus Deo judicium omne committit. At Redemptor noster Christus, cum se cruci affigentium peccatum plane excusare, utpote evidentissimum non posset, ejus saltem malitiam, imminuit, ipsos, quid facerent, ne scire afferens. Cum ergo proximi peccatum excusare non possumus, ipsum saltem dignum cui alii compatiuntur, reddamus, causæ quam possumus optimæ, & tolerabilissimæ, puta, ignorantiae, aut infirmitati id adscribentes. At dices, nunquam ergo proximum dijudicare licitum est) Nunquam penitus. Deus namque est, Philothea, qui reos in judicio, & justitia judicat. Tametsi fatendum sit illum per Magistratum & judicum vocem loqui, quo nostris auribus se intelligibilem reddat, hi namque ejus sunt legati, & interpretes, nihilque eos proferre oportet, quam quod ante te ab illo dicere, cum illius sint oracula. At si secus faciant, proprium affectum, & passionis in judicando instinctum sequentes, tunc ipsi & non Deus, judicant, unde etiam dijudicabuntur. Homines enim, in quantum homines, proximum judicare nefas est.

Aliquid videre, aut cognoscere non est judicare; judicium enim, saltem juxta modum loquendi sacræ Scripturæ aliquam difficultatem parvam, aut magnam, veram, aut apparentem, quæ diluenda sit, præsupponit. Unde ait, eos, *qui non credunt, jam judicatos esse*, quod nullum de illorum damnatione sit dubium, non est ergo multum de proximo dubitare, quia non est prohibitum dubitare, sed judicare, dubitare tamen, & suspicari non licet, nisi stricte admodum, & quantum rationes, & argumenta ipsa nos dubitare cogunt; alioqui & dubitationes, & suspiciones temerariæ sunt, si malignus quispiam Jacobum apud puteum Racheli osculum dantem, vel Rebeccam armillas, & inaures ab Eliezer homine illis in locis incognito acceptantem vidisset, sinistre haud dubie de duobus illis honestatis, & castitatis exemplis judicaret, sed sine ulla ratione, & fundamento. Nam cum opus aliquod ex se, & per se indifferens est, temeraria certe suspicio est, malam inde consequentiam elicere, nisi cum multæ circumstantiæ magnum argumento robur addunt. Ad hæc temerarium judicium est, aliquo ex opere consequentiam elicere, ut, qui ipsum fecit, dein fugillatur, & carpatur. Sed de hoc ipso poscea apertius loquar, & pluribus.

Illi vero, qui magnam conscientiarum suarum curam, & rationem habent, temerariis judiciis obnoxii non sunt. Nam quemadmodum apes, dum nebulas, aut tempus nubilum vident, & præsagiunt, intra alvearia sua se ad mella sua dispensanda, recipiunt: sic piorum hominum cogitationes, si quid nebulosum in proximi operibus, & nubilum vident, foras non prodeunt, sed, ne quid tale videre cogentur, intra cor suum se recolligunt, ut illic bona emendationis, & correctionis propriæ proposita dispensent.

Negligentis, desidis animæ est vitæ alienæ correctioni intendere, illos excipio, quibus ex officio alios, tum in familia privata, tum in Republica curare incumbit; bona namque conscientiæ ipsorum pars in alienæ curatione, & inspectione consistit. Suo ergo officio cum amore, & lenitate fungantur, & hoc ubi egerint, videant, ne passim in alia na facta inquirant, sed intra se maneant.

C A P U T X X I X.

De Detractione.

E Temerario judicio nascitur inquietudo, proximi contemptus, superbia, sui ipsius complacentia, & alii plurimi perniciosi effectus, inter quos detractione, & maledicentia

plurimum facile locum obtinent, quasi vera conversationum pestis. Utinam e sancti Alta-
ris carbonibus unum habeam, ad hominum labia tangenda, ut illius adminiculo ipsorum ini-
quitatem auferam, & peccatum einundem ad instar Seraphini illius, qui hac ratione la-
bia, & os Isaiæ mundavit. Si quis de-
tractionem e mundo tolleret, magnam pec-
catorum, & iniquitatis illius partem au-
ferret.

Quisquis bonam proximi famam injuste detractione violat, praeter peccatum, quod admittit, ad illam reparandam tenetur, tametsi pro detractionis diversitate diversimode; nullus enim cœlum cum alterius bono ingredi potest: porro inter bona omnia extre-
ma, fama, & bonum nomen primatum te-
net. Detractio certe quædam homicidii est species; triplicem enim habemus vitam: spi-
ritualem, quæ in Dei gratia sola est; cor-
poralem, quæ in anima; & civilem; quæ in bona fama. Primam nobis aufert pecca-
tum, mors secundam, & tertiam detractio.
Porro detractor uno solummodo virulentæ linguæ suæ iectu tria plerumque homicidia committit; etenim suam, & ejus, qui au-
dit, animam homicidio enecat spirituali; ci-
vilem vero vitam aufert ei, cuius nomen,
ac famam lethali maledicæ linguæ suæ mor-
su dilacerat ac proscindit. Nam, ut, S.

Ber-

Bernardus dicere solebat, tam is, qui detrahit, quam qui detrahentem audit, diabolum in se habent; is quidem in auribus. Regius Propheta de maledicis, & detractoribus agens, *Acuerunt*, inquit *linguas suas, sicut serpentes*. Porro serpens linguam bifurcam, & bifidam habet, teste Aristotele; talis autem est detractoris lingua, quæ iectu uno, & auscultantis aurem, & famam ejus, de quo male loquitur, ferit, & intoxicate.

Conjuro itaque te, charissima Philothea, ut nuli unquam cum directe, tum indirecte detrahas; cave, ne quod proximo falsum crimen, uut peccatum imponas, ne ea, quæ occulta sunt, & cor tuum latent, palam, ac in apertum proferas; ne ea, quæ aperta, ac manifesta sunt, verbis exaggeres; ne bonum etiam opus sinistram in partem interpretaris; bonum, quod alteri inesse nosti, neges, aut maligne dissimules, aut verbis immiuas: omnibus enim hisce modis gravissime Deum offenderes; at imprimis falsum proximo crimen imponendo, atque in ejus præjudicium veritatem, quam nosti, negando: etenim duplex id peccatum est, mentiris scilicet, & simul proximo noces.

Qui, quando detrahunt, quoddam honorationis proximi exordium præmittunt, & inter detrahendum jocos intermiscent & ele-

gantias, omnino detractorum vaferimi, & virulentissimi sunt. Amo illum; inquiunt, fateor, & cæteroqui ipse egregius, & scitus homo est; dicendum tamen, quod res est, gravissime haud dubie peccavit talem perfidiam committendo. Pia, probaque est filia; sed impegit, & deprehensa est; & aliæ id genus permollitiones, & præfationes. Artificium non vides? Quemadmodum qui sagit tam ex arcu ejaculari vult, eam prius, quam potest maxime, ad se attrahit, sed non aliter, quam ut violentius, & majore cum impetu deinde eam emittat: sic hī maledicentiam, ac detractionem ad se retrahere videtur; verum nonnisi, ut eam violentius emittant, quo in audientium animos penetret profundius. Detractio per modum, & speciem jocantis dicta, omnium est crudelissima, & atrocissima; ut enim cicuta præsens per se venenum non est, sed satis lentum, & cui facile adhiberi queat remedium, at una cum vino sumpta ita hominem intoxcat, nullum ut ab arte remedium affulget; sic detractio, quæ per se facile unam ingressa aurem per alteram egredetur (uti communiter loqui solemus) firmam tunc in audientium mente sedem figit, cum acuto, & subtili aliquo cum verbulo propinatur, *Venenum aspidum*, ait Psalmographus, *sub tabiis eorum*. Aspis ita mordet, vix ut mor-

mordisse percipiatur, ejusque venenum initio delectabilem quendam pruritum excitat, cuius adminiculō cor, & viscera se dilatantia venenum recipiunt, & cui nulla postmodum arte subveniri queat.

Ne dicas: *Talis est ebriosus, esto eum temulentum videris: Talis est adulter esto eum in adulterio deprehenderis: Talis est incestuosus, tametsi incestum commisisse noris; unus enim actus rem non denominat: sol semel stetit; & Josue suam posset victoriam prosequi, & semel obscuratus est, cum suam de cacodæmone, & mundo victoriam Redemptor retulit; non propterea dicendum; illum aut immobilem esse, aut obscurum. Noe semel inebriatus a vino est, uti & Loth, qui præter hoc etiam infamem incestum admisit, uterque tamen ebriosus non fuit, nec ultimus incestuosus, uti nec sanctus Petrus sanguinarius, quod semel sanguinem effuderit: nec blasphemus, quod semel sub anathemate dixerit, sese hominem (Dominum suum) non nosse. Ut a vitio, aut virtute antiqua quis nomen sortiatur, aliquem in utroque progressum fecerit, habitumve contraxerit, oportet. Mira ergo impostura est: dicere hunc, aut illum cholericum, aut furem esse, quod semel eum iratum, & furatum videris. Imo etiamsi quis etiam longo tempore vitiosus fuerit, & vitiis indulserit, adhuc men-*

tiendi se periculo exponit is, qui eum vocat vitiosum. Simon Leprosus Mariam Magdalenam peccatrixem appellabat, quod paulo ante peccatrix fuisset, nihilominus mentiebatur: neque enim jam peccatrix erat, sed sanctissima Pœnitens; unde etiam Dominus ejus patrocinium suscepit. Iactabundus ille Phariseus Publicanum ut infamem reputabat peccatorem, forte etiam injustum: adulterum, raptorem; sed gravissime errabat: nam hic ipso in loco justificatus est: Si ergo ea Dei sit bonitas, ut vel unicum momentum satis sit ad gratiam ejus impetrandam, & recipiendam, quomodo certi esse possumus, ut quis, qui heri erat peccator, sit & hodie, & non justificatus? Dies hesterna de praesenti ferre judicium non debet, uti nec praesens, & hodierna de precedente, sola dies suprema, & novissima de reliquis omnibus superioribus fert judicium. Nunquam ergo sine mentiendi periculo, aliquem dicere possumus malum, aut improbum. Hoc solum, si quid dicendum est, dicere licet; talem actum malum eum alias fecisse, tali in tempore malo vixisse, hodie male vivere: at ex eo, quod elapsum est, nulla de praesenti, nec de hesterna ex eo, quod hodie videtur, multo vero minus de die cuncta facienda consequentia est.

Quamquam diligentissime, & studiosissime cavere nos oporteat ne proximo detrahamus; videndum tamen, ne in aliam extremitatem, in quam plurimi incident, impingamus, qui, quo detractionem vitent, ipsum vitium dilaudant, & bene, honorifice que de eo loquuntur. Si quem vere male-dicunt, & detractorem noris; noli, quo eum excuses, liberum, & non simulatum dicere: si quem aperte vanum, noli eum generosum, & elegantem vocare: nec commercia. & familiaritates periculosas, candores nomina, & sinceritates: inobedientiae noli nomen zeli indere, nec arrogantiæ libertatis; lascivia in denique noli amicitiam appellare. Non debes, Philothea dum unicum detractionis geccatum fugere coneris, alia peccata laudare, adulari, fovere; sed rotunde, & candide malum ut malum carpere, & vituperabilia vituperare: quod dum facimus, Deum glorificamus, sed his accendentibus conditionibus.

Ut ergo bene, & utiliter vitia aliena car-pantur, necesse est, ut utilitas, aut ejus, de quo loquendum, aut ejus, apud quem loquendum, id exigat. Refert quis, verbi gratia, audiente me apud puellas, & virgi-nes familiaria horum, & harum commercia, quæ evidenti sunt cum castitatis periculo conjuncta; hujus, & illius, utroque in sexu,

in verbis gestibusque notorie lubricis lasciviam, dissolutionem; nisi hoc ego malum aperire, & plane sugillem, sed ipsum excusare velim, teneræ illæ animæ occasionem hinc sumunt ad simili in causa se effundendas, & lubricæ agendum: illarum ergo utilitas exigit, ut illa ipso in loco sugillem, & reprehendam; nisi occasionem commodam velim exspectare ad salutare hoc officium opportunius, & cum minori eorum, de quibus agitur, dispensio, & dispensatione peragendum.

Præterea nonnunquam ex officio proprie, & privatim ad me spectat, de illa materia agere, quando, verbi causa, primum in aliqua congregatione, & conventu locum obtineo, & quando, nisi loquar, vitium illud approbare videbor: si autem e minimis, & posterioribus sim, non est meum, censorem, & reprehensorem agere. Hoc autem imprimis videndum, ut in verbis non exce-
dam, ne superfluum aut nimium aliquod verbum proferam. Si ergo, verbi gratia, nimiam Adolescentis hujus, & puellæ illius familiaritatem, quod æquo indiscretior, & periculosior sit, sugillem, quam, Deus bone, cavendum, & in statera, & æquilibrio verba ponderanda sunt, ne in referendo rem vel verbo exaggerem? Si nonnisi nuda sit mali apparentia, eaque admodum incerta, aliud præter hoc non addam; si nonnisi simplex sit impru-

imprudentia , nihil insuper adjungam; si nec imprudentia sit , nec vera mali apparentia , sed duntaxat , quod fore aliquam malignus aliquis detrahendi , & male loquendi hinc occasionem haurire possit, aut nihil omnino dicam , aut hoc tantum : Lingua mea , quamdiu de proximo loquor , non aliter in ore meo est quam novacula in manu chirurgi , inter nervos , & cartilagines carnem secare volentis. Necesse proinde est : ut quam dare volo incisionem , ita attemperata sit , & in medio versetur , ut ad rem nihil addam : nihil de ea demam , sed simpliciter de ea dicam , quod est. Denique hoc observandum , ut , cum vitium fugillas , personarum , in qua ipsum habitat , quam potes minime attingas.

De peccatoribus infamibus , publicis , & notoriis libere , fateor , loqui licet , dummodo id in spiritu charitatis , & compassionis fiat , non vero ex arrogantia , & præsumptione , aut in alieno malo complacentia ; nam postremum hoc , viliis , & abjecti animi nota est. Inter omnes excipio declaratos , & denuntiatos Dei , & Ecclesiæ ejus inimicos ; in hos namque quam fieri potest maxime , detonandum , & debacchandum est , uti sunt hæreticorum , schismaticorum sectæ , carumque capita , & antesignani. Charitatis est , lupum , dum inter ovæ versatur , exagi-

gitandum. & opprimendum indicare, quo-
cunque demum loco id fiat.

Nemo non eam sibi libertatem arrogat,
ut Principes libere carpat, & censuret, imo
& integrum generaliter nationem, prout
erga eam quisque afficitur, carpere, scru-
pulo sibi multi non ducunt. Tu vide, Phi-
lothea, ne in hoc unquam impingas: nam
præterquam quod id D^EUM offendat, mille
tibi excitare lites, & jurgia posset.

Si alios traduci, & aecusari audis, ac-
cusationem, siquidem juste id facere potes,
dubiam reddere conare; si facere nequeas,
accusati intentionem excusa; si ne hoc qui-
dem potes, compassionem erga eum ali-
quam ostende, aut sermonem illum abrum-
pe, tibi, nec non omnibus audientibus in
memoriam reducens eos, qui in nullos de-
fectus incident, omnem illius laudem D^O
adscibere debere.

Detrahens, blando aliquo sermone, ut
ad se redeat, effice, & si quas ex opposito
de eo, cui detrahitur, virtutes, & bona
noris, in medium profer.

C A P U T X X X.

Alia quædam quoad locutionem documenta.

SIt lingua nostra suavis, candida, sincera,
Simplex, nativa, & fidelis. Cave tibi
a du-

a duplicitatibus, artificiis, & simulationibus, esto, consultum, & laudabile non sit, ubique, & semper quamlibet veritatem proferre, nunquam tamen licitum, aut permisum est veritati refragari. Assuefce, nunquam studio, aut data opera, vel ad te excusandum aut alia quacunque de causa mentiri, memor DEUM esse DEUM veritatis. Si inadvertenter mendacium proferas, & ipso in loco id per aliquam explicationem, aut reparationem corrigere possis, corrige: vera namque excusatio magnam ad mendacium excusandum gratiam, & vim habet.

Tametsi interdum discrete, & prudenter aliquo verborum artificio, & colore veritatem palliare, & tegere liceat; raro tamen id faciendum, nisi in re magni momenti, quando nimirum gloria, & obsequium DEI manifeste id exigit: hæc alioquin artifacia periculosa sunt; nam uti in Sacris literis legimus, Sanctus Spiritus in spiritu, & animo filio, ac duplii minime habitat. Nullum adeo bonum, ac laudabile artificium, & duplicitas est, quam simplicitas prudentiae mundanæ, & artifacia carnalia ad filios hujus seculi spectant, at filii DEI recte, & sine ullis ambulant ambagibus, & cor eorum duplicatum non est: *Qui ambulat simpliciter, ait Sapiens, ambulat confidenter.* Men-

da.

dacium, duplicitas, & simulatio imbecillem, & vilem produnt animum.

Scripserat S. Augustinus Lib. 4. Confessionum, animam suam, & amici ita inter se unitas fuisse, ut nonnisi una essent anima; & illo demortuo, vitam hanc sibi gravem, & horrori fuisse; quod nonnisi medius jam vivere nollet, & quod ipse etiam propterea fortasse mori timuerit, ne amicus ipsius omnino, & totus moreretur. Verum cum verba hæc illi postea nimis artificiosa, & affectata viderentur, in Retractionum suarum Libro ipsa revocat, & meram appellat ineptiam. Vides, Philothea, quam sancta hæc anima circa verborum affectationem, & artificium scrupulosa fuerit, & ne quam inde notam contraheret, caverit. Magnum profecto vitæ Christianæ ornementum est, fidelitas, candor, & linguae sinceritas. Unde Psalmographus: *Dixi, custodiam vias meas, ne offendam in lingua mea. Pone Domine custodiam ori meo, & ostium circumstantiae labiis meis.*

Monitum S. Ludovici Regis est, nunquam alicujus dictis, aut verbis contraire, nisi ex iis assentiendo aliquod peccatum, aut magnum damnum sequeretur: idque suadebat, ut hac ratione omnibus concertationibus, & litigiis aditus occluderetur. Porro cum alicui contradicendum erit, aut alterius

us opinioni nostra opponenda, magna id fieri debet cum benignitate, ac dexteritate, ita ut alterius ingenium, & animum ad nobis assentiendum cogere nolimus, ut taceam, nihil lucrari nos, cum dure, & aspere in hoc procedimus.

Pauca loqui (quod tantopere a priscis est Philosophis commendatum) non ita intelligendum est, quasi nos oporteat verbis brevibus uti; sed, ne multa inutilia, & supervacanea proferamus; etenim loquendo non tam quantitas, quam qualitas verborum spectanda est; & duæ sunt extremitates cavendæ: nam qui scientem, & severum nimis se exhibet, & in familiaribus, quæ in conversationibus instituuntur, symbolam suam verborum contribuere superciliosè detrectat, ostendit meo iudicio se, aut suis auditoribus non confidere, aut eos ex arrogancia contemnere; qui autem e contra perpetuo garrit, & jugiter verba effundit, ut aliis sua proferendi nec otium, nec tempus, nec commoditas, prout vellent, levem se is, & verbosum esse demonstrat.

Improbat S. Ludovicus, ut dum plures adsunt, in secreto quis, & velut consulendo, loqueretur, præfertim in mensa, ne quam aliis occasionem dent, suspicandi mala de se a duabus illis capita conferentibus proferri. *Qui ad mensam, inquit, bonos inter viros*
s. salesii lair. ad vit. spir.

sedet, & aliquid faceti, & recreatius proferre vult, ipsum ita proferat, ut praesentes omnes intelligant: si alicius momenti negotium sit, quod universos scire nolit, prorsus taceat, nec de eo verbum faciat.

Caput XXXI.

De obiectamentis, & recreationibus, & primum de licitis, & laudabilibus.

ANIMUM, quin & corpus, nonnunquam relaxemus, necesse est, idque aliqua recreatione. S. Joannem Evangelistam (ut Cassianus de eo refert) quadam die venator reperit perdicem manu tenentem, & se se cum ea obiectantem. Sciscitur venator, cur, cum tanti vir esset nominis, & sanitatis, tam vili exercitii generi tempus impenderet? Cui S. Joannes: Cur tu arcum non semper tensum habes? Ne, inquit ille, si semper tensus, & curvatus maneatur, de rigore, dum adducere eum oportebit, multum remittat, minorique telum contentione emittat. Noli igitur mirari, replicat Apostolus, si de animi mei rigore, & attentione nonnihil remittam, recreationis aliquantulum captando, ut postea attentius, & intensius me contemplationi applicem. Vitium, & peccatum haud dubie est, si quis adeo austerus, agrestis, & severus sit,

nul-

nullam ut sibi, aut aliis, recreationem quamcunque indulgere velit.

Foras prodire, ambulare, facetis, & jucundis sermonibus tempus fallere, testudinem, aut aliud quocunque musicum instrumentum pulsare, canere, venatum abire, recreaciones adeo honestæ sunt; ut ad illis bene utendum nonnisi, quæ debitum omnibus rebus ordinem, tempus, locum, quantitatem, modumque præscribit, prudenter opus sit.

Lusus, in quibus ipsum lucrum habilitati, & industriae tum temporis, tum animi in præmium, aut compensationem est, uti sunt lusus pilæ tam minoris, quam majoris (quam follem vocant) clavæ torneamentorum ad annuli signum scacchorum, fritilli, ex seipsis bonæ, & laudabiles recreaciones sunt, cavendum tantum, ne quis excessus committatur tum in tempore, quod illis impenditur, tum in pecunia, quæ exponitur lucranda, si enim plus æquo temporis illis impendatur; non amplius recreatio, sed mera occupatio, & studium est; neque iis tam animus, & corpus vere laxatur, quam e contra obstupescit, & obruitur. Si enim quinque, aut sex horis continuis lusu scacchorum luseris, ab eo surgens exhaustus eris, & spiritu defatigatus. Vix pila in sphæristerio ludere, non tam

corpus recreare est, quam id obruere. Ad-hæc, si pretium, quod exponitur, plus nimirum sit, ludentium affectus illuc extra regulam abripiuntur, ut addam, iniquum esse, tam enorme pretium, tam parvi momenti dexteritatibus, & industriis, istisque inutilibus, uti sunt artes, & habilitates lusum, impendere, & applicare. Ante omnia vero cave, mea Philothea, ne affectum tuum his omnibus applies: quantumvis enim honesta sit recreatio, vitio certe non caret animum ei, & affectum applicare. Non dico, non esse inter ludendum e lusu voluntatem capiendam (alioquin enim non ficeret recreatio) sed animum, & affectum illi non esse adjungendum, ut nimirum illum impense desideres, totam te illi applies, & solcite, anxieque erga ludendum feraris.

C A P U T X X X I L

De lusibus vetitis.

L usus alearum, chartarum lusoriarum, & similes, in quibus lucrum a casu, & sorte maxime dependet, non solum periculosæ sunt recreationes, ut tripudia, verum etiam simpliciter, & in se malæ, & vituperabiles: hinc legibus tam civilibus, quam Ecclesiasticis vetantur. Sed quid mali, inquietus, in his subest? Dicam: Lucrum hisce in

in lusibus non pro eo, atque æquum, & rationabile est, sequitur, sed prout fors, & fortuna cadit, quæ sæpe favet ei, qui habilitate sua, & industria id minime promerebatur. Ergo ratio hic violatur. Sed, dices, ita inter nos convenit, & stipulati sumus. Bene quidem, sed non aliter ea stipulatio juvat, quam ad declarandum, quod qui lucratur, nullam in ludendo fraudem, aut dolum sociis committat; inde tamen non sequitur, quod hæc conventio, & stipulatio rationi dissentanea non sit, uti & lusus ipse: lucrum enim, quod solius industriæ esse præmium debet, sortis nullum omnino præmium merentis, eo quod minime a nobis dependeat, præmium factum est.

Ad hæc, lusus hi recreationis nomine vocantur: & ad hominem recreandum ad inventi sunt; non tamen sunt recreatio, sed violentæ quædam animi occupationes: an non enim violenta quædam occupatio est, quod animus continua quadam attentione intendatur, & extendatur, & perpetuis inquietudinibus, apprehensionibus, & angoribus agitetur? Ecquæ enim attentio tristior, morosior, magis tetrica, & melançholica dari potest, quam lusorum, & aleorum? Hinc est, quod inter ludendum loqui, rideare, tussire, nisi turbas, & litigia excitari velis, nefas sic.

Denique nullum omnino lusus gaudium habet, nisi lucreris, & an non gaudium hoc iniquum est, cum id sine socii, & collegæ damno, & displicentia haberri nequeat? Infame autem, & turpe id gaudium est. Ergo tribus hisce de causis lusus hi vetiti, & illiciti sunt. Magnus, & sanctus Francorum Rex Ludovicus, cognito Comitem Andegauensem fratrem suum, & Dom. Gualterum Nemoursium aleis in fritillo ludere, tametsi æger, lecto surrexit, & vix præ infirmitate in pedes consistens, usque in illorum conclave proserpsit, arreptumque fritillum, & aleas, & expositæ pecuniæ partem bouam, indignabundus, & stomachabundus per fenestras in mare abjecit. Casta, & sancta Matrona Sara suam Deo innocentiam confitens: *Tu scis Domine, inquit, quia nunquam cum ludentibus miscui me.*

Caput XXXIII.

De tripudiis, & aliis oblectamentis licitis quidem, sed periculosis.

Choreæ, & tripudia natura sua, & ex se indifferentia sunt: sed hoc exercitium communiter usurpatum, valde in partem mali propendet, & proinde periuli plenum est. Quia vero noctu, & in tenebris, ac caligine plerumque instituuntur, hinc multa ope-

opera tenebrosa, & vitiosa facile se insinuant in rem, quæ ex se ipsa mali admodum susceptibilis est. Illorum causa vigilatur in multam noctem, unde fit, ut matutinum crastini diei tempus postea depereat, & Deo quis, & pietatis exercitiis vacare non possit. Verbo ut dicam, semper stultitia est, diem nocte, lucem cum tenebris, & opera sancta cum ineptiis commutare. Omnes, ad invidiā quodammodo, & certatim, secum vanitatem ad tripudia ferunt: ipsa autem vanitas tam evidens est ad pravos effectus, & periculosos & illaudabiles amores colligendos dispositio, ut hæc omnia facile sit e tripudiis oriri.

Hoc tibi, Philothea, de choreis dico, quod de fungis in medicorum filii; nam ut hi fundos optimos nihil valere ajunt, sic ego dico, optima tripudia non admodum esse bona: si tamen fungis tibi vescendum sit, vide, ut bene præparentur, & condiantur; si aliqua ex causa, a qua te non facile queas excusare, tripudia te adire oporteat, vide, ut tripudia tua bene sint condita, & præparata. At quomodo, petes, illa condiam? Modestia, dignitate, & bona intentione. Comede parum, & raro, ajunt medici loquentes de fungis, nam quantumcunque bene cocti sint, copia eorum venenum, & virulenta est. Parum, & raro tripudia, Philo-

thea; aliter enim si feceris, periculo te expones, ut eisdem affectum applices. Fungi, teste Plinio, cum spongiosi, & porosi sint, omnem, quæ sibi proxima est, infectionem, & virulentiam facile attrahunt, ut, si serpentibus vicini sint, illorum venenum e vicinitate recipiant. Tripudia, choreæ, & id genus tenebrosa, & nocturna conventicula, plerumque vitia, & peccata aliquo in loco dominantia: puta, invidias, irrisiones, & carnales, vanosque amores ad se attrahunt. Et sic uti hæc exercitia, corporis illa exercentium poros aperiunt, ita etiam animi illorum: unde si virulentus, & pestilens aliquis serpens verbum aliquod lascivum, aliquam ineptiam, & sermonem impudicum auribus tunc afflet; vel basiliscus quispiam impudicos intuitus, & amorosos oculorum nutus conjiciat, facili negotio animi occupantur, & intoxicantur.

Impertinentes hærecreaciones, Philothea, ordinarie periculum includunt, devotionis spiritum dissipant, vires spirituales enervant: charitatem frigidam reddunt, & sexcenta pravorum affectuum genera in anima excitant; quare valde circumspecte, & summa cum prudentia ipsæ adhibeantur, oportet.

Ante omnia vero, suadent medici, ut post fungorum commestionem pretiosum, & ge-

generosum vinum sumatur; sic post choreas bonis, & sanctis quibusdam utendum est considerationibus, quae periculosas imaginationes, quas inanis inde recepta voluptas animis nostris forsan imprimere posset, diffident, & impedian. Sed quibus?

Prima: eo ipso tempore, quo tu triduiis intereras, plurimæ animæ propter peccata in tripudiando, & propter choreas commissa, infernalibus ignibus torquebantur.

Secunda: permulti Religiosi, & homines pii, eadem ipsa hora cum Deo loquebantur, illius laudes decantabant, & pulchritudinem contemplabantur, quam eorum tempus melius, & facilius impensum fuit, quam tuum!

Tertia: toto illo tempore, quo tu saltasti, permultæ animæ maximis in angustiis ex hac vita abierunt, multa tam virorum, quam foeminarum millia intensissimos in lectis suis jacentia, in valetudinariis, in plateis, & compitis, cruciatus perpessa sunt, puta podagram, lithiasin, & febrim æstuantem. Nullam hi interea, eheu! requiem habuere: & nulla tu eorum commiseratione tangeris? An non cogitas fore aliquando, ut tu illorum instar affligaris, & angustieris tum, cum alii tripudiabunt, sicut tu jam tripudiasti.

Quarta: Dominus Deus, Beata Virgo, Angeli, & Sancti te tripudiantem, & saltantem viderunt: quantum eheu! illis dolorem causasti, dum animum tuum hisce ineptiis occupatum, & tantæ inanitati intentum conspexerunt.

Quinta: interim dum ibi fuisti, tempus effluxit, mors propior tibi facta est, & vicinior; vide, ut illa tibi insultet, & explodat, teque ad suam choream invitet, in qua proximorum tuorum gemitus sunt loco testudinis, & citharæ & in qua nonnisi unum gyrum, & transitum facis, a vita nimicum ad mortem: chorea hæc rerum mortaliū (alia in significatione) præsentium phase est (si fas sic loqui) id est, temporis transitio, quod uno momento quis a tempore ad æternitatem vel bonorum vel malorum transitum faciet. Has ego tibi consideratiunculas depromo, sed Deus ipse longe alias, siquidem ejus timorem habeas hac in occasione tibi suggeret.

C A P U T X X X I V.

Quomodo ludere, vel tripudiare licitum sit.

UT licite ludas, & choreas ducas, animi relaxandi causa solum, & non ex affectu aliquo hæc exercitia suscipienda sunt id que ad parvum tempus, & non tamdiu, ut de-

defatigata, & velut obruta, & exhausta inde digrediaris, denique admodum raro; qui enim ordinarie ea suscipit, recreationem ipsam in occupationem commutabit. Sed quando, & qua in occasione ludere, vel tripudiare licebit? Tripudii, & lusus indifferen-
tis quidem occasiones, & causæ legitimæ plures sunt, at lusum vetitorum rariores, ad hæc, hi magis culpandi, & periculosiores sunt. Paucis ut comprehendam, tunc de-
mum tripudia, & lude, idque juxta condi-
tiones, quas tibi præscripsi, cum ad hone-
stæ, in qua ages, conversationi acquiescen-
dum, & complacendum, prudentia, & di-
scretio, ut facias, tibi suadebunt: conde-
scensio namque, tanquam quidam charitatis surculus, res indifferentes reddit bonas, & periculosas licitas; imo vero ab iis, quæ aliquo modo malæ sunt, malitiam omnem au-
fert. Neque hinc est, quod lusus sorti ob-
noxii, qui alioqui culpandi forent, tunc cul-
pam non habeant, si justa condescensio ad eos suscipiendos nos interdum invitet. Vo-
lupe sane mihi fuit, in via S. Caroli Borro-
mæi legere, illum aliquibus in rebus, in qui-
bus alioqui satis severus erat, cum Helveti-
is condescendisse; & S. Ignatium de Loyo-
la, cum, ut luderet, invitatus ab alio es-
set, haud invitum petenti condescendisse. S.
vero Elisabetha Hungara, subinde legitur,
cum

cum congregationibus recreationis causa institutis interesset, lusisse, jocosa esse, & triduasse, idque sine ullo devotionis suæ detrimento; nam hæc tam profundas in corde ejus jecerat radices, ut quemadmodum scopuli lacum Reatinum cingentes, a fluctibus identidem percussi semper crescunt, sic devotionio ejus medias inter pompas, & vanitates, quibus ratione status sui eam interesse oportebat, quotidie incrementum sumeret. Magni ignes ventorum flatu accenduntur, & inflammantur, parvi vero extinguuntur, nisi recti per ventum ferantur.

C A P U T X X X V.

In magnis æque, & parvis occasionibus fidelem esse oporteret.

Sacer ille Cantici Canticorum sponsus ait, Suum a sponsa sua cor, & in uno oculorum illius & in uno erine colli ejus, vulneratum fuisse. Porro inter exteriores corporis humani partes, & membra, nulla oculo tam quoad artificium, quam quoad activitatem nobilior est, nulla quoque viceversa crinibus vilior, & abjectior. Unde innuere divinitas sponsus vult, non solum magna, & eminentia hominum devotorum opera sibi placere, sed etiam minima, & abjectissima, & quo illi bene, & prouop.

oportet serviatur, operam dandam, non modo ut per magna, & præclara, sed etiam parva, & vilia bonum ei obsequium præstetur, cum tam per hac, quam per illa cor illius amore attrahere, & vulnerare possimus.

Dispone ergo te, Philothea, ad multas, & ingentes pro Dei honore afflictiones, quin & martyrium, & mortem tolerandam. Parata esto illi dare, quidquid hic charissimum, & pretiosissimum habes, si id ei placet a te tollere, patrem scilicet, matrem, fratrem, maritum, uxorem, filios, quin & oculos tuos, & vitam ipsam; ad hæc omnia namque animum tuum præpares, & resolvias oportet. Sed, quamdiu divina providentia tam sensibiles, & notabiles afflictiones tibi non immittit, nec oculos tuos exigit, crines tuos saltem illi da, Id est: res parvi momenti, parvas injurias, exigua incommoda, pressuras exiles, quales quotidie obveniunt, patienter tolera: nam per parvas has occasiones cum amore, & dilectione toleratas fiet, ut cor ejus omnino sis vivida, & tuas in partes plane pertractura: hæc quotidiana parva charitatis exercitia, hic capitis dolor, hæc odontalgia, hic catarrhus, hæc mariti, aut uxoris morositas, hæc vitri fractio, hæc irrisio, hæc chirothecarum, monilis, strophioli amissio, par-

va hæc incommoditas, quo orationi instetur, & sacra communio frequentetur, surgendi, parva illa, quæ ex operibus quibusdam piis publice faciendis sequitur, infamia; denique quæcunque parvæ molestiæ, & tolerandi materiæ, ex amore suscepæ, & conditæ, divinæ bonitati quam gratissimæ sunt, ut quæ etiam ob haustum unum frigidæ omnis felicitatis oceanum fidelibus suis promisit: & quoniam hujusmodi occasionses singularis pene momentis occurrunt, optima plurimas spirituales divicias congregandi ratio est, eas bene, riteque usurpare.


Quando in vita S. Catharinæ Senensis tot raptus lego, tot elevationes spiritus, tot verba sapientia condita, nec non prædicaciones quasdam ab ipsa institutas, certum mihi est, illam hoc contemplationis oculo sponsi sui cœlestis cor vulnerasse, & attraxisse; simul etiam ex altera parte miræ mihi consolationi fuit, cum legi eam in patris sui culina magna cum humilitate veru vertisse, ignem accendisse, cibos coxisse, panem pinsuisse, & vilissima quæque domus ministeria nsigni cum animositate, quæ magnum Dei iamorem, & dilectionem spirabat, obiisse; nec minoris facio parvam illam, quam vilia, & abjecta inter obsequia instituebat, meditationem, quam extases, & raptus, quos adeo frequenter habuit, quique fortassis

sis & in humilitatis, & abjectionis hujus compensationem dati sunt. Hæc autem illius erat meditatio: cum patri cibos præparabat, fingebat, & imaginabatur, se eos Dominum, ad instar sanctæ Marthæ, præpare, matrem suam, Beatæ Virginis locum obtinere, & fratres vicem Apostolorum: itaque sese excitabat ad in spiritu omni curiæ cœlesti famulandum, & viibus hisce obsequiis, & ministeriis magna cum suavitate animi se applicabat, quod hauc Domini voluntatem esse nosset. Ideo vero hoc exemplum hic reuli, Philothea, ut noris, quanti referat, omnes actiones nostras, quantumlibet viles, ad divinæ illius Majestatis obsequium legitime, debiteque usurpari.

Quamobrem tibi, quam possum maxime, consulo, ut mulierem illam fortem, tanto-pere a magno Salamone depraedicatam, imiteris; quæ etsi manum, ut ipse ait, ad fortia, generosa, & sublimia mitteret, nihilominus fila ducere, & fusum versare se indignum non reputabat. Manum suam, inquit, misit ad fortia, & digitæ ejus apprehenderunt fusum. Ad hujus ergo imitationem manum mitte ad fortia, in oratione, meditatione, sacramentorum frequentatione te exercendo, amorem DEI animabus proximi instillando, & bonas inspirationes in corda aliorum inferendo, denique magna, he-

heroica, & magni momenti opera juxta vocacionem, & statum tuum obeundo, sed noli fusi, & coli tuæ oblivisci: item, parvas illas, & humiles virtutes exerce, quæ floscularum instar ad crucis pedes excrescunt, puta pauperum obsequia, ægrorum visitationes, familie curam, nec non opera ab eadem dependentia, & proficuam diligentia, quæ te non sinent otiosam esse. Ut dum hæc obibis; id genus considerationes, quales S. Catharinam exercitiis suis intermischuisse jam dixi, intermiscere non desinas.

Magnæ Deo serviendi occasiones rarius occurrunt, sed parvæ ordinariæ sunt, Porro qui *super modica*, & *pauca fidelis est*, inquit Salvator, *super multa constituetur*. Omnia ergo in DEI nomine fac, & bene omnia facta erunt; sive ergo comedas, sive bibas, sive dormias, sive animum relaxes, sive veru vertas dummodo rem tuam bene agere noris, multum apud Deum proficies, omnia scilicet ideo faciendo, quod Deus ea a te fieri velit.



C A P U T X X X V I .

Animum æquum, & rationis ductum sequentem habendum esse.

NOn nisi per rationem homines sumus: nihilominus nimis quam rarum est invenire, qui vere sint rationabiles, & rationis ductum sequantur, quod amor proprius ordinarie nos a rationis via, & præscripto avocet, insensibiliter ad sexcenta parvarum, sed noxiarum, injusticiarum & iniquitatum genera conducens; quæ ad instar vulpecularum, de quibus in Canticis sermo est, vineas demoliuntur, quod enim parvæ sint, vix ad eas reflectitur; quod autem numero plurimæ, hinc multum inferunt damni. Quæ ergo tibi hinc referam, an non injustitiæ quædam sunt, & irrationalitates?

Parva de causa proximum accusamus, & nos ipsos in magnis excusamus, care nostra vendere volumus, & vilissimo aliena emere: aliena in domo justitiam exerceri volumus, at in nostra misericordiam, & convenientiam: verba nostra bonam in partem capi volumus, in alterius vero excipiendis morosi, & nimis quam delicati sumus: vellemus, proximus nobis sua cederet pretio recepto, an non multo æquius est ipsum ea servare, & nos nostram servare pecuniam? Illi indignamur, quod nobis commodare nolit;

an non æquius ille indignetur nobis, quod nos illi incommodare velimus? Si erga ali- quod exercitium afficimur, reliqua exercitia contemnimus, & carpimus, ac fugillamus, quidquid nobis displicet. Si quis ex inferio- ribus nobis sit, qui non usque adeo gratio- sus sit, aut erga quem semel odium conce- perimus, quidquid demum is facit, malam in partem accipimus, identidem illum tristitia afficimus, & semper illius acta reprehendi- mus. E contra si quis nobis ob gratiam ali- quam sensualem, & exteriorem gratus sit, nihil omnino facit, quin excusemus. Sunt pueri aliqui & virtute præditi, & probi, quos ramen ob imperfectionem, & defectum aliquem corporalem parentes non æquis ocu- lis aspiciunt; econtra sunt vitiosi, quos ob dotem aliquam corporalem longe charissimos habent. Omnibus in rebus divities præferi- mus pauperibus, esto nec majore præditi virtute; quin imo eos, qui splendidius ve- stiti sunt, semper aliis præponimus. Jura nostra exigimus exactissime, alios vero in exigendis suis cupimus esse remissos, & hu- manos: nostrum ipsi ordinem, locum, & statum ad amissim servamus, & alios in eo humiles, & condescendentes esse cupimus: facile de proximo querimur, & neminem de nobis volumus conqueri: quod in aliorum facimus gratiam, semper nobis videtur esse mul-

multum, & magnum; quod alii in nostri præstant, nullo in numero habemus: denique similes sumus perdicibus Paphlagoniæ duplex cor habentibus; habemus namque cor benignum, lene, humanum erga nos ipsos; & alterum durum, severum, austrum erga proximum. Duplex quoque habemus pondus, uno eorum commoda nostra, quam possumus, maxima ponderositate; altero proximi, quam maxima possumus levitate, ponderamus, ut nimirum hæc nimium quantum deprimamus; illa immensum extollamus. Porro, ut sacra Scriptura loquitur: *Labia dolosa in corde, & corde locuta sunt*, id est, duplex habent cor: & habere *pondus*, & *pondus*, id est, unum grave ad emendum, & accipiendum, & alterum leve, & debile ad tradendum, & vendendum: *Abominatio est coram Domino*.

In actionibus igitur tuis esto æqua, & justa, Philothea: colloca te semper in proximi loco, & illum in tuo, itaque bene de illo lentes: venditricem te fac, dum emis, & emptricem, dum vendis; ita fiet, ut juſte & vendas, & emas. Omnes hæ justitiae parvæ quidem sunt, quod ad nullam nos restitutionem obligent, quod solum exigimus id, quod nobis ex æquitate debitum est, & commodum nostrum, nec illius terminos exceedimus; at non propterea nos obligare

desinunt, ut eas in nobis corrigamus; sunt quippe notabiles rationis, & charitatis defectus; adhæc meræ imposturæ; etenim generose, nobiliter, & humane agendo, nihil omnino quis de suo jure, & auctoritate desperat, uti nec animo regifico, æquo & rationis ductum sequente.

Sæpe ergo cor tuum examina, Philothea, num tale id sit erga proximum, quale illius in te esse velles, si illius essem loco, in hoc enim vera rationabilitas consistit. Trajanus Imperator a suis reprehensus, quod imperiale Majestatem familiaritate nimia, & facili accessu vilem redderet, respondit: An non talis esse debeo erga subditos Imperator, qualem ipse, si subditus essem, habere Imperatorem vellem?

C A P U T X X X V I I.

De Desideriis.

Nemo ignorat, non esse ea, quæ vitiosa, & noxia sunt, desideranda: etenim mali desiderium reddit nos malos. Insuper tibi suadeo, Philothea, ne unquam ea, quæ animæ periculosa sunt, desideres, uti sunt cripudia, lusus, & aliæ id genus recreations, honores, dignitates, munia, visiones, & extasies: Hisce enī in rebus multum periculi, vanitatis, & fraudis later.

Ne

Ne desideres etiam, quæ procul absunt,
 & distant, id est: ea quæ nonnisi post mul-
 tum temporis spatium eventura sunt, sic
 multi talia desiderando, suum nulla cum uti-
 litate cor defatigant, torquent, & dissipant,
 itaque se in magnæ inquietudinis periculum
 conjiciunt, si juvenis aliquis impense, ante-
 quam legitimum, & statum tempus adve-
 nerit, aliquod obtainere munus desiderat, ad
 quid, obsecro, ei hoc desiderium condu-
 cit? Si mulier conjugata Religiosum velit sta-
 tum profiteri, an non frustranee id desiderat?
 Si vicini mei possessionem emere desiderem
 ante, quam ipse eam velit vendere, an non
 tempus meum inutiliter in hoc desiderium
 consumo? An non quoque vana desideria
 sunt, si, dum æger sum, concionari, sa-
 crum celebrare, alios ægrotos invisere, & be-
 ne valentium exercitia obire desiderem, quod
 illo in tempore in potestate mea minime sit,
 illa executioni mandare? Et interea inutilia
 illa desideria, aliorum meliorum, quæ habe-
 re deberem, locum occupant; quibus nimi-
 rum desiderem valde patiens, resignatus,
 morificatus, obediens, & in æruminis, &
 adversitatibus meis admodum placidus esse.
 Atque hoc est, quod me Deus tunc tempo-
 ris facere vult. Sed nos vice versa deſide-
 ria concipimus mulierum prægnantium, in

autumno cerasa recentia, in vere uvas cū-
pientium.

Unde nullatenus consulere, aut probare possum, ut, quisquis officio alicui, aut statui se jam defacto applicavit, aliud vitæ genus consecrari impense desideret, quam quod conditioni, & genio suo conveniat, aut exercitia, quæ cum statu, & munere, quo jam fungitur, incompetibilia sunt, hoc namque cor dissipat, ipsumque in necessariis exercitiis elanguidum, & evigoratum reddit. Si enim v. g. Carthusianorum desiderem solitudinem tempus meum inutiliter perdo, hoc desiderium locum occupat ejus, quod habere debeo officii mei, quo jam fungor, debite, legitimeque exequendi: imo ne quidem vellem, ut quis melius habere ingenium, aut exactius judicium, & crism desideret, hæc namque desideria inania sunt, locumque occupant ejus, quod habere quisque debet, colendi suum ingenium, qualemunque demum id est. Nolle quoque quis ea Deo serviendi media desideraret, quæ non habet, sed ea, quæ habet, fideliter exequeretur. Loquor hic autem de desideriis, quæ assidue eorū lanicinant, & divexant: nam quantum ad simplices velleitates, & transitorias optationes, nullum eæ damnum creant, dummodo non sint frequentes.

Ne desideres etiam cruces , nisi in quantum eas , quas habuisti hactenus , patienter tulisti : etenim abusus quidam est , desiderare Martyrium , & ad injuriam sustinendam sat animi non habere . Sæpenumero inimicus absentia , & quæ nunquam occurent , objecta , & occasiones , ardenter , impenseque desiderare nos facit , ut ab objectis præsentibus , e quibus , quantumlibet parvis , magna nobis provenire posset utilitas , animum nostrum divertat . In imaginatione cum Africæ monstros decertamus , & defacto nos a parvis serpentibus , in via nostra occurrentibus , præ defectu attentionis necari permittimus .

Ne desideres etiam tentationes , nam effet temeritas : sed , ad eas exspectandas usque dum veniant , & expugnandas , cum ingruent , animum præpara .

Ciborum varietas , præsertim si magna in copia sumantur , stomachum semper gravat ; & si is debilis sit , opprimit . Multis ergo desideriis animam tuam adimplere noli : non mundanis , hæc namque te penitus corrumperent : non spiritualibus , hæc quippe te impedirent , & anxiam redderent . Cum anima nostra purgata est , tunc a pravis humeribus jam libera , ingenti res divinas , ac spirituales appetitu desiderat , & velut famelica , sexcenta exercitorum pietatis , mortificationis , pœnitentiae , humilitatis , chari-

tatis, orationis genera subire cupit. Bonum certe signum est, Philothea, tam bonum appetitum habere: at vide, num omnia, quæ comedere cupis, digerere poteris. Itaque Patris tui spiritualis consilio, & suasu, tot inter desideria ea felige, quæ practicari, & executioni mandari possunt: illa continuare perge, & constans in illis esto. Hoc facto, immittet tibi dein Deus illa, quæ etiam suo tempore exequeris: itaque inutilibus desideriis fruendis tempus non perdes. Non dico, aliquod bonum desiderium esse contemnendum, aut negligendum, sed ea ordinatim producenda; & quæ in præsentiarum commode executioni mandari nequeunt, in aliquo cordis angulo recludenda, usque dum executionis eorum tempus advenit; & interim executioni mandanda ea, quæ matura jam, & opportuna sunt, quod non modo in spiritualibus, verum etiam mundanis locum habet, alioqui perpetua in quietudine, & anxietate nobis vivendum esset.

C A P U T X X X V I I I .

Consilia pro hominibus conjugatis.

Matrimonium Sacramentum magnum est, ego dico in Christo, & in Ecclesia: honorabile est omnibus, in omnibus, & per omnia

omnia , id est: in omnibus suis partibus. Omnibus: nam & ipsæ Virgines id cum humilitate honorare debent. In omnibus: æque enim sanctum est in pauperibus, atque divitibus. Per omnia : ejus namque origo , finis, utilitates , forma & materia sancta sunt. Est hoc, Christianismi seminarium , quod terram replet fidelibus, ut in cœlo numerum compleat electorum; adeo ut bonum matrimonii conservari , suminopere rerum publicarum intersit: ipsum namque omnium rivulorum ejus fons , & origo est.

Deus det, ut ad omnes omnino nuptias filius ejus unigenitus invitetur, ut ad nuptias in Cana Galilææ vocatus fuit : nunquam enim in illis consolationum, & benedictionum vinum deesset. Nam quod , ut plurimum , nonnisi in principio earum modicum vinum habeatur ; ideo est , quod Domini nostri J E S U Christi loco invitetur Adonis , & Beatæ Virginis loco Venus. Quisquis pulchros , & maculosos habere vult agnos , sicuti Jacob , ovium , cum ad coeundum conveniunt , aspectui diversicolores virgas offerat necesse est: sic qui felicem matrimonio successum , & eventum habere desiderat, sacramenti hujus sanctitatem , & dignitatem suis in nuptiis præ oculis habere deberet: sed adeo non hodie ea præ oculis habetur , ut in iis mille dissolutiones in recreationibus ,

conviviis , & sermonibus committantur , ut mirum minime sit , si affectus ejus inde inordinati , & dissoluti sint.

Ante omnia autem conjugatos adhortor , ut mutuum amorem , quem Spiritus Sanctus in sacra Scriptura usque adeo ipsis inculcat , & commendat , colant , nihil est , o conjuges ! si quis vobis dicat : Naturali amore invicem diligite ; nam & turtures conjugati id faciunt : uti nec si quis diceret , humano quodam amore vos mutuo amate , cum & Ethnici hunc amorem habuerint : sed præeunte mihi magno Apostolo vobis dico : *Viri diligite uxores vestras , sicut & Christus dilexit Ecclesiam ; & vice versa : Uxores , diligite maritos vestros , sicut Ecclesia suum Salvatorem.* Deus fuit , qui Eam ad primum generis nostri parentem Adamum adduxit , eamque in conjugem dedit , Deus quoque est , charissimi , qui sacrum matrimonii vestri vinculum , ac nodum invisibili manu sua conjunxit , & unum donavit alteri . Cur ergo amore quodam sanctissimo , facerrimo , ac divinissimo invicem non complectimini ?

Primus amoris hujus effectus est indissolubilis animorum vestrorum nexus , si duo ab ipsis frusta glutine conglutinentur , dummodo ipsum purum sit , unio amborum adeo erit tenax , ut aliis in locis prius ea diffindas

das, quam eo in loco, in quo glutine combinata sunt, divellas. Deus, porro virum fœminæ proprio suo sanguine conjungit, quare unio hæc illorum adeo indissolubis est, ut prius anima a corpore alterutrius divellenda sit, ac separanda, quam vir a conjugi. Hæc autem unio non tam de corpore, quam de animo, affectu, & amore intelligenda est.

Alter amoris hujus effectus est inviolabilis utrinque fides, sigilla prisorum annulis, qui in digitis gestabantur (uti etiam a sacra Scriptura eruere possumus) insculpta erant. Hanc autem ceremoniam vulgo in nuptiis adhiberi solitam, satis ostendit. Ecclesia namque per Sacerdotem annulum benedicit, eumque viro primum tradens, cor illius hoc Sacramento se velut obsignare, & sigillare declarat, ut nullus alterius fœminæ nomen, aut amor ipsum exinde ingredi possit, quamdiu nimicum vivet illa, quæ illi jam datur. Exinde sponsus annulum sponsæ digito inserit, ut illa quoque discat, & intelligat, a nullius unquam viri amore, & affectu animum suum occupari debere, quamdiu is superstes erit, quem Dominus hic illi maritum tradit.

Tertius matrimonii fructus est legitima prolis procreatio, & educatio. Magnus haud dubie, conjuges, vobis est honor, quod Deus animas, quæ illi in omnem æternitatem.

nitatem benedicere , & laudare queant , multiplicare volens , tam digni operis vos faciat cooperatores , dum nimirum corpora producitis , in quæ ille dein animas , easdem creando , velut guttas quasdam cœlestes infundit , uti eas revera creat , dum illas corporibus primum infundit.

Itaque , o conjuges ! tenero , constante , & cordiali quodam amore uxores vestras complectamini , hinc , prima fœmina e primi viri costa , quæ cordi proxima est , educta est , ut is cordialiter , & tenere ipsam diligenter . Uxorū ergo vestrarū defectus , & infirmitates , tam corporales , quam spirituales , nullam in vobis aversionem , aut despectum causare debent ; At potius ad benignam , & amorosam quandam compassiōnem vos provocare , quod Deus eas fecerit tales , ut cum a vobis dependere debeant , majorem idcirco erga vos honorem , & venerationem concipient , itaque vos eas habeatis in socias , ut tamen illarum capita sitis , & superiores . Vos quoque fœminæ viros , quos Deus vobis consignavit , tenere , & cordialiter , amore tamen quodam reverentiali , quiue veneratione plenus sit , diligite , hinc profecto eos Deus creavit sexus animosioris , & prædominantioris , ac mulierem vi- ri quandam esse dependentiam , os de ossibus , & carnem de carne ejus , nec non e qua-

quadam illius costa produci, atque sub brachiis ejus educi voluit, ut ostenderet, illam sub mariti manu, directione, & imperio esse debere. Hanc porro subjectionem sacra Scriptura passim quam impensisime vobis commendat, nihilominus suavem, & tolerabilem eam vobis faciens, dum non solum cupit, ut ex amore quodam illis obediatis, & voluntati ipsorum vos accommodetis, sed maritis vestris etiam injungit, ut magna cum dilectione, teneritudine, & benignitate eam exerceant. *Viri, ait S. Petrus, cohabitare secundum scientiam discretionis uxoribus vestris, quasi infirmiori masculo maliebris impertientes honorem.*

Sed dum vos ad reciprocum, quem alter alteri debit is, amorem adaugendum exhortor, cavete, ne is in zelotypiam aliquam transeat, saepe namque fit, ut quemadmodum verinis delicati or, & maturiori pomo innascitur, ita & ardentiori, & vehementiori conjugatorum amori innascatur zelotypia, cuius tamen substantiam destruit, & corrumpit; etenim lites, jurgia, dissensiones, divortia paulatim progenerat. Certe ibi zelotypia locum non habet, ubi amicitia super veram virtutem reciproce, & ab utraque parte fundata est, unde ea certissimum amoris aliquomodo sensualis, crassi, & circa obiectum, in quo virtutem debilem, inconstan-

stantem, & diffidentiae obnoxiam habitare videt, versantis signum est. Etenim amicitiam, & amorem per zelotypiam ostendere, & magnificare velle, stolida amicitiae ostentatio est ; etenim zelotypia magnitudinis, & quantitatis quidem amicitiae signum, & nota est, sed non bonitatis, puritatis, & perfectio-
nis ejusdem : cum amicitiae perfectio quan-
dam de rei amatæ virtute certitudinem ze-
lotypia vero incertitudinem præsupponat.

Vultis ne, viri uxores vobis fideles esse, fidelitatis iis exemplo prælucete. *Quanam*, ait S. Gregorius Nazianzenus, *fronte pudicitiam ab uxoribus vestris exigitis?* Si ipsi-
met *impudicitiae labe inquinati sitis*, quo-
modo ab illis requiritis, quod *ipsis non da-*
tis? *Eas castas vultis, castos vos erga il-*
las exhibete; & ut S. Paulus ait, *ut sci-*
at unusquisque vas suum possidere in san-
ctificatione. *At si vos contra dissolutionis*
exemplo eis præeatis, mirum non est, si
ex illarum lascivia infamiam referatis: *vos*
vero mulieres, quarum honor est cum pudi-
citia, & honestate inseparabiliter conjun-
ctus, honorem vestrum impense custodite, no-
lite permittere, ut famæ vestræ nitori dis-
solutionio quædam nebulas offundat. Omnes,
& quilibet etiam minimi insultus tibi suspe-
cti sint, neque ullam tibi procationem, amo-
rosamque compellationem a quoquam fieri

finito; quisquis pulchritudinem, & dotes corporis tui laudaverit, suspectus tibi esse debet, nam qui mercem aliquam dilaudat, quam emere sibi nequit, ut plurimum ad eam diripiendam maxime tentatur. At si quis, dum te laudat, præterea de marito tuo sinistre loquitur, eumque deprimit, summopere te offendit: certum quippe est, eum non solum te velle perdere, sed jam ut media ex parte perditam reputare? cum media conventionis, & stipulationis pars cum secundo negotiatore jam tum inita sit, dum prioris nausea concipitur. Mulieres nobiles tam priscæ, quam modernæ, auribus suis margaritas aliquot appendere solent, quod ex mutuæ illarum collisionis sensu aliquam, ut scribit Plinius, voluptatem caperent. Ego vero novi magnum Dei amicum Isaac in aures aureas, ut primas amoris sui arrhas, & pignora castæ Rebæccæ misisse: unde mihi verisimile fit, ornamentum hoc mysticum esse, & declarare, primum, quod ab uxore sua habere maritus debet, & uxor ei fideliter indemne conservare, esse aurem, ut nullus sermo, vel garitus streperus eam ingrediatur, sed solum dulcis, & amabilis castorum, & pudicorum verborum, quæ orientales Evangelii in margaritæ sunt, sonitus, & collisio. Semper quippe meminerimus, oper-
tet,

ter, animas per aures, uti corpora per os
intoxicari.

Amor, & fidelitas, cum simul incedunt, semper familiaritatem, & confidentiam prognunt: unde sanctos, & sanctas conjuges reciprocis benevolentiis, & blandimentis suis in conjugiis usos legimus, benevolentiis amorosis quidem, sed castis; teneris, sed sinceris. Sic Isaac, & Rebecca, castissimum priscorum conjugum par, visi sunt per fenestram ita invicem jocari, & colludere, ut esto nihil in honesti subesset, inde tamen Abimelech facile perspexerit, non posse hunc sum nisi conjugum esse. Magnus Rex Ludovicus, tam erga carnem suam rigidus, quam in amore erga conjugem tener, pene reprehensionem quorundam incurrit; quod hisce in blanditiis conjugalibus nimius videtur; esto revera laudari potius mereatur: quod animum suum martialem, & generosum ad minuta hæc obsequia, & officia ad conjugalis amoris conversationem necessaria sciret demittere: esto enim parva hæc puræ, & sinceræ amicitiæ signa animos invicem non colligent, & vinciant, illos tamen proprius accedere faciunt, & suavissime ad mutuam conversationem colendam eosdem disponunt.

S. Monica cum filium suum Augustinum utero gestaret, saepius renovatis oblationibus,

bus, eum religione Christianæ; & gloriæ di-
vinæ obsequio dedicabat; uti id ipsemet re-
statur, dicens: quod jam tum in utero ma-
cris ageus: salem Dei degustarit. Discant hic
mulieres Christianæ, ventris sui fructus, etiam
antequam in lucem edantur, divinæ Majesta-
ti offerre: Deus enim, qui cordis humilis,
& voluntarii oblationes gratanter admittit,
bonos matrum eo in tempore affectus ut
plurimum exaudit, nec rejicit. Testes rei
hujus habeo Samuelem Prophetam, San-
ctum Thomam Aquinatem, Sanctum An-
dreas Pesulensem, & plures alios. S. Ber-
nardi mater, tali filio digna mater filios su-
os recens natos in manus accipiens, Christo
Domino offerebat, indeque, eos aliquo cum
respectu, veluti quid sacrosanctum, sibique
a Deo concreditum, dilgebat: quod adeo
ei bene successit, ut septem, quas habuit
proles, ad unam omnes sanctæ fuerint. Post-
quam vero filii jam in lucem editi sunt, &
uti ratione incipiunt, parentes curare quam
maxime debent, ut Dei timorem animis
ipsorum instillent. Egregie, & ardenter mu-
nus hoc sancta illa Regina Blanca, erga fili-
um suum Ludovicum, sanctum Francorum
Regem exercuit, saepè namque ei dixit: *Mal-
lem te, fili charissime, ante oculos meos ani-
mam agentem, & expirantem videre,*
quam vel unum mortale peccatum commit-

tentem, quod matris votum ita sancti hujus filii animo insculptum manet, ut sicut ipse postea retulit, omnibus viæ suæ diebus ipsum in mente habuerit, & nulla non die sibi repræsentarit, quam maximam poterat, operam dantis, ut divinum hoc documentum executioni mandaret. Stirpes, & generationes vulgo domus vocantur, quin & Hebræ ipsam filiorum procreationem, domorum vocant ædificationem. Hoc quippe in sensu dictum est, obstetricibus Ægypti Dominum domos ædificasse: ut hinc pateat, bonam domum non tam fieri, dum multæ opes temporales, & mundanæ in eam perfas, & nefas interuertur, quam, dum proles in DEI timore, & virtutibus instituuntur.

Qua in re nulli parcendum est molestiæ, nullis laboribus, cum liberi parentum sint corona, & honestamentum. Si tanto fervore, & constantia S. Monica pravas S. Augustini filii sui inclinationes, & passiones oppugnavit, ut cum illum terra, marique consecrata esset, multo illum felicius lachrymarum suarum filium per animæ illius conversionem effecerit, quam is per corporis generationem, sanguinis sui filius extitisset.

Mulieribus Apostolus curam rei domesticæ, & domus velut in sortem distribuit: unde multi, & non sine veritate, putant illarum virtutem familiæ utiliorem, & fructuosam.

Et uosiorum esse, quam maritorum; qui cum tam ordinarie domi, & inter domesticos non agant, hinc non tam facile eos ad virtutem queunt informare. Huc ergo respicerem Salomonem suis in Proverbiis puto, dum universæ familij bonum, & incolumitatem, a mulieris illius fortis, quam depingit, cura, & industria dependere ostendit.

Isaac, videns uxorem suam Rebeccam sterilem esse, Dominum pro illa oravit, ut in Genesi legimus; aut, juxta genuinam Hebraicorum verborum significationem ex opposito illius Dominum deprecatus est, quod haec ex una, ille ex alia oratorii parte orarent, unde etiam oratio mariti hoc modo instituta, a Domino fuit exaudita. Illa ergo maxima, & utilissima mariti, & uxorius unio, & communicatio est, quæ circa sanctam devotionem versatur, cui ad invidiam, & certatim pro se quisque incumbere debet. Quidam sunt fructus, ut mala cotonea, qui ob succi cruditatem, & asperitatem palato desipiunt, nisi saccharo condiantur: alii e contra ob teneritudinem, & mollitatem conservari nequeunt, nisi eodem modo saccharo quoque condiantur, ut cerasa, & mala Armenia. Sic uxores velle debent, ut conjuges sui devotionis saccharo condiantur: etenim vir devotione carens, animal austerrum, asperum, & immite est; sic & mariti ex oppo-

sito optare, ut uxores suæ devotæ sint, mulier enim sine devotione, maxime fragilis, & evidenti a virtutis exercitio plane excidendi, aut saltem in eo elanguendi periculo obnoxia est, ait Apostolus, virum infidelem, per mulierem fidelem, & viceversa uxorem infidelem per virum fidelem sanctificari. Nam in arcto hoc matrimonii vinculo, alter alterum facile ad virutem calendam potest allicere. Ecquæ vero benedictio est, quando vir, & foemina fides, invicem in vero Domini timore sanctificant?

Cæterum ita sese invicem tolerare, imperfectiones mutuas sustinere debent, ut nunquam ambo simul pariter irasci debeant, ut nulla inter eos dissensio, & jurgium appareat. Apes non mellificant in loco, in quo vocum, & clamoris fit repercussio, & reduplicatio, sic nec S. Spiritus habitare in domo, in qua jurgia, concertationes, & clamorum, altercationumque reduplicationes audire est.

S. Gregorius Nazianzenus auctor est, conjugatos suo tempore, anniversario nuptiarum suarum die recurrente, eum festum egisse, vellem certe, idem mos, & nostra ætate introduceretur, dummodo nullo cum mundanarum, & sensualium recreationum apparatu; sed, ut conjuges confessione pec-

ca.

catorum eo die instituta, & sacris Eucharistiae epulis refecti, ferventius, & impensis solito, matrimonii sui successum Deo commendarent, bona, ejus per reciprocum amorem, & fidelitatem indies magis, & magis sanctificandi, proposita renovando, & in Dominino, spiritu novo velut accepto, respiciendo, ad vocationis, & status sui onera supportanda.

C A P U T X X X I X.

De thori conjugalis honestate, & puritate.

THorus conjugalis, ut Apostolus ait, immaculatus sit oportet, id est, ab omni impudicitia, & aliis profanis foribus liber. Unde etiam sanctum matrimonium primo in terrestri paradyso, ubi usque ad id tempus nulla unquam concupiscentiae fuerat dissolutio, nec quid dishonestum, fuit institutum.

Est inter voluptates foedas, & infames, atque eas, quæ e cibo percipiuntur, quædam similitudo: ambo namque respiciunt, & spectant carnem, esto primæ ob brutalem suam vehementiam simpliciter carnales vocentur. Quod ergo de illis dicere nefas est, intelligetur per id, quod dicam de his.

Primo: comedatio, ad corporum, hominum conservationem est instituta. Porro, sicuti ad corpus nutriendum, & conservan-

dam duntaxat comedere, res bona, sancta, & præcepta est: sic, quod in matrimonio ad sobolis procreationem requiritur, laudabile cumprimis, & sanctum est: hic enim primarius nuptiarum finis est.

Secundo: summe justum, & honestum est, comedere non solum ad vitam conservandam, sed & ad mutuae conversationis, amicitiae, & condescendentiae, quam alter alteri debemus, conservationem: ita reciproca, & legitima partium in sancto matrimonio satisfactio a S. Paulo debitum vocatur, sed debitum ita prægnans, & magnum, ut neutri parti licitum velit esse ab eo se excusare, aut id solvere, recusare, sine libero, & voluntario consensu alterius; imo non quidem propter ipsa devotionis exercitia (quo spectat id, quod supra in Capite de sancta communione hujus occasione dixi) quanto ergo minus fas est id recusare ob cervicofas quasdam, & imaginarias virtutum prætensiones, aut ob indignationem aliquam, aut averzionem;

Tertio: sicut qui ob mutuae conversationis, & societatis conservandæ debitum comedunt, libere, & non velut coacti comedere debent, imo vero appetitum suum erga cibum testari, etiam conari: ita quoque debitum conjugale fideliter, libereque semper reddendum est, & perinde, ac si certa sobolis procre-
an-

andæ spes esset, esto certa quadam de causa talis spes non affulgeat.

Quarto: comedere non quidem ob duas illas, quas dixi, rationes, sed duntaxat ad appetitui satisfaciendum, tolerabile quidem est, & permisum, non tamen laudabile; etenim sola appetitus sensualis delectatio sufficiens objectum non est ad opus aliquod faciendum laudabile, sufficit, si sit tolerabile.

Quinto: comedere non e solo appetitu, sed per excessum inordinate, & immoderate, in se eo magis, aut minus vituperabile est, quo excessus major, aut minor est.

Sexto: excessus, qui in comedendo committitur, non solum in nimia ciborum consistit copia, & quantitate, verum etiam in comedendi modo, & methodo. Mirum certe est, charissima Philothaea, mel, quod apibus adeo proprium, & salutare est, iis tamen tam noxium esse posse, ut eas subinde etiam morbidas reddat, quando nimirum in vere plus aequo ex eo comedunt. Siquidem hinc alvi fluxum contrahunt, & aliquando etiam sine ulla evadendi spe moriuntur: quando, verbi gratia, antrorsum capiti, & alis mel adhaerescit. Certe conjugale commercium, quod in se ita sanctum, justum, laudabile, & reipublicæ adeo salutare

est, aliquo tam in casu perniciosum est ipsum
exercentibus: interdum enim animas ipsorum
valde ægras per peccatum aliquod ve-
niale reddit, quod per excessum aliquem
contingit: aliquando vero per mortale plane-
cas emori facit, quod fit, cum, qui ad fo-
bolis productionem constitutus est ordo, vio-
latur, & pervertitur, quo in casta, prout
magis, aut minus ab hoc ordine receditur,
peccata magis, aut minus execrabilia sunt,
at semper mortalia. Nam quoniam libero-
rum procreatio primus, & proprius matri-
monii finis est; hinc nunquam licite quis ab
eo, quem illa requirit, ordine recedere po-
test, esto ob alium quempiam casum, &
accidens, tum quidem illa effectum habere
nequeat; uti fit, dum aut sterilitas, aut
quæ jam facta est prægnatio productionem,
aut generationem impediunt. His enim in
casibus ipsa corporum commixtio nihilomi-
nus potest esse justa, & sancta; dummodo
debitas generationis regulas sequatur; cum
nullum accidens, aut casus legi, quam prin-
cipalis matrimonii finis imposuit, præjudica-
re possit. Sane infame, & execrandum fa-
ctum Onan in suo matrimonio (uti Gene-
os Cap. 38. narratur) in oculis Domini abo-
minabile fuit. Et licet quidem ætatis nostræ
hæretici, Cynicis (de quibus sanctus Hiero-
nymus commentario in Epistolam D. Pauli

ad Ephesios loquitur) longe impudentiores, & magis culpandi, docere tentarint, Onan solum ob perversam, quam eo in actu habebat intentionem Domino displicuisse, longe tamen aliter sacra Scriptura loquitur, differenteque afferit, ipsum quod faciebat opus coram Deo abominabile, & detestabile fuisse.

Septimo: parasitici, vilis, abjecti, & infamis animi indicium est, ante prandii tempus de cibo, & escis cogitare, majus etiam sumpto jam cibo delectatione illa, quæ ex ejus comeditione percepta est, minutim se oblectare, videlicet, de ea aut loquendo, aut cogitando, & spiritum suum in memoria, & recordatione voluptatis ejus, quæ e buccellarum singularum in stomachum trajectione habita est, volutando; quemadmodum faciunt, qui ante prandium animum defigunt in veru, & a prandio jugiter lancibus affigunt: digni certe, qui in famulos culinarios assumantur, & *orum*, ut ait Apostolus, *Deus venter est*. Viri vero cordati, & honesti non ante de mensa cogitant, quam dum ei assident, & post cibum sumptum manus simul, & os ablueunt, ut eorum, quæ comedierunt, nullum exinde amplius gustum, saporem, aut odorem habeant. Elephantus vastum quidem animal est, sed inter omnia vivere in terra dignissimum,

mum, & prudentissimum. Honestatis illius quoddam hic tibi argumentum, & signum commemorare volo, fœminam suam nunquam mutat, ut aliam assumat, & quam delegit, tenerime diligit, cum qua tamen nonnisi singulis trienniis copulatur, idque nonnisi quinque diebus, & tunc tam occul- te, nunquam ut ab ullo eo in actu sit deprehensus. Sed sexto die saepe visus est, quo ante omnia profluentem aquam adit, in eaque toto corpore abluto, non ante adfocios elephantes redire vult, quam sit aqua purificatus, & velut lustratus. An non haegregiae, & honestæ belluae hujus conditio- nes sunt? Quibus conjugatos docet, affe-ctus suos sensualitatibus, & voluptatibus, quas pro ratione status sui exercuerint, non affigere; sed post eas animum, cor, & affectum ab iis abluere, seque quam citissime expurgare, ut deinde cum omni spiritus libertate alia puriora, & sublimiora opera exerceant. Hoc porro in consilio perfecta excellentis illius doctrinæ, quam sanctus Paulus Corinthiis tradit, praxis consistit: *Tempus, inquit, breve est, reliquum est, ut qui habent uxores, tanquam non habentes sint.* Nam is, secundum S. Gregorii mentem, uxorem habet tanquam non habens, qui ita consolationes corporales, & voluptates ex il-la percipit, ut propterea nullum in spiritua-

libus suis exercitiis impedimentum sentiat. Quod autem de viro dicitur, de uxore pariter venit intelligendum. Et qui utuntur hoc mundo, ait idem Apostolus, sunt tanquam mox utantur. Omnes ergo mundo pro vocatione sua quisque utantur, sed ita ut affectum suum ei non affigant, sed tam liberi, & expediti ad Deo serviendum sint, tanquam si eo penitus non uterentur. Errat, inquit S. Augustinus, homo gravissime, dum rebus iis frui vult, quibus solummodo debet uti, & iis vice versa uti, quibus debet frui. Rebus spiritualibus debeamus frui, corporalibus vero tantum uti, quarum cum usum in meram fruitionem convertimus, anima nostra rationabilis in brutalem quoque, & bestialem convertitur. Credo autem omnia, quæ dicere decreveram, me dixisse, & ea, quæ dicere solebam, non dicendo satis exposuisse.

C A P U T X L.

Monita pro viduis.

Apostolus Paulus in Timothei sui persona omnes Episcopos docet, quomodo cum viduis agere debeant, dicens: *Viduas bonas, quæ vere viduæ sunt.* Ut autem vere vidua quæpiam sit, hæ conditiones necessarie sunt.

Pri-

Prima: ut vidua non solum sit corpore, sed & animo, scilicet ut inviolabile proposatum conceperit, in castæ viduitatis statione ad finem usque vitæ perseverandi. Viduae enim, quæ in viduitate sua aliquam renubendi occasionem exspectant, non aliter a viris sunt, quam quod carnali commercio defacto careant, separatae; at, quantum ad voluntatem, & animum, jam cum iis conjunctæ sunt; si vero vere vidua, ut se in viduitatis suæ statu confirmet, voto concepto suum Deo corpus, & castitatem offerre velit, insigne viduitati suæ addet decus, & ornamentum, suumque propositum, & resolutionem quam maxime asscurabit; videns namque, emisso jam voto, illicitum sibi esse castitatem violare, nisi cœlo velit excidere, ita sui propositi exequendi studiosæ erit, & avida, ut ne ipsius quidem matrimoniī ineundi cogitationes ad momentum suo in corde sedem figere permissa sit; adeo ut sacrum hoc votum validum quoddam inter animam ipsius, & omnes proposito ipsius adversantes machinationes, & molimina, objecturum sit propugnaculum. Sane votum hoc viduae Christianæ, cuimprimis consulit S. Augustinus, atque adeo vetus ille Doctor Origenes etiam longius progeries: etenim mulieribus conjugatis consulit, ut si forte mariti ante ipsos demoriantur, ad vi-
dua.

dualem castitatem voto se obligent, & de-
tinent, quo medias inter sensuales delecta-
tiones, quibus in matrimonio suo gaude-
bant, nihilominus castæ viduitatis meritum,
per anticipatam hanc promissionem, & vo-
tum percipere valeant. Votum, actiones
quaslibet intuitu, & causa illius factas Deo
longe reddit acceptiores, animum ad eas
exequendas corroborat, & non solum ope-
ra, quæ bonæ nostræ voluntatis velut fru-
ctus sunt, Deo dat, sed ipsam etiam vo-
luntatem, quæ operum nostrorum quodam-
modo arbor est, eidem offert, & dedicat.
Per simplicem castitatem corpus nostrum
Deo quodammodo commode damus, quod
libertatem ipsi nobis reginamus, ipsum ali-
quando, cum lubuerit, sensualibus delecta-
tionibus subjiciendis: at per castitatis votum
absolute, & irrevocabiliter ei ipsum dedica-
mus, nullam penitus nobis promissionis illius
revocandæ potestatem, & libertatem reti-
nentes; itaque quam felicissime servos nos
facimus illius, cui servire melius est, quam
universa mundi regna possidere. Porro sic
uti duorum horum illustrium virorum con-
silia maximopere probe, ita quoque deside-
tarem, ut animæ, quæ tam erunt beatæ, ut
ea velint sequi, prudenter, sancte, solide id
faciant, postquam scilicet animi sui potenti-
am, & vires bene examinarint, divinam

Opem

opem per preces implorariunt, & cordatum, devotumque aliquem directorem consuuent, ita namque majore cum utilitate, & fructu omnia peragentur.

Secunda: requiritur præterea, ut hæc secundarum nuptiarum repudiatio fiat pure, & sincere, quo omnes affectus suos majore cum puritate in Deum transferat, & cor suum omni ex parte cum divinæ Majestatis corde conjungat, si enim ideo solum in viduitate vidua manere volit, ut liberos opulentos reddat; aut ex alio quopiam mundo intuitu, laudem forsan hinc apud homines habebit, sed non apud Dominum: cum apud eum nihil veram habere laudem possit, quam quod propter Deum suscipitur.

Tertia: præterea necesse est, ut vidua, quo vere vidua sit, a delectationibus profanis sit sequestrata, & voluntarie iis careat. Nam quæ in deliciis est, inquit Apostolus, vivens mortua est. Velle esse viduam, & gaudere ab aliis amari, procari, & compellari per illecebrosas ineptias: choreis, tripudii, epulis interesse; odoramenta, ornamenta, & elegantias affectatas consecutari; est esse viduam, corpore quidem viventem, sed mortuam quoad animam. Quid interest, obsecro, an intersignum domus Adonidis, & amoris profani sit ex amiculis albis in modum pennarum perforatis, an e velo crispato,

to, retis adiutor, circum vulnus extenso compositum? cum saepe niger color, majori cum vanitate albo superaddatur, quo hic magis appareat. Vidua ergo, quod experita alias, quo foeminae viris modo placere possint, eo periculosiores in animos illorum illecebros, & vilicia jacit. Quae ergo in vanis, & stolidis hisce deliciis vivit vidua, vivens mortua est; & aliud si propriè loqui velimus, non est, quam quoddam viduitatis idolum.

Dicitur in Canticis: *Tempus putationis advenit, vox turturis audita est in terra nostra.* Mundanas superfluitates rescindat oportet is, qui pie in Christo vivere desiderat, sed in primis rescessio, & amputatio hæc necessaria est ei, quæ vere vidua est, quæ castæ turturis ritu, mariti sui amissio nem, & mortem adhuc deflet, gemit, & plorat. Cum Noemi e Moab in Bethlehem rediret, foeminae civitatis, quæ eam iniicio, cum primum matrimonio juncta fuerat; cognoverant, ea visa dicebant ad invicem: *Hæccine est illa Noemi?* quibus illa respondit: *Ne vocetis me Noemi (id est pulchram); hoc enim vox Noemi significat;* Sed vocate me Mara (id est amaram) quia amaritudo valde replevit me Omnipotens; quod dicebat ideo, quod conjux, & compar ipsius jam demortuus esset. Sic quoque vidua de-

devota, nunquam aut pulchra, aut gratiola vocari, haberive vult, id esse contenta, quod Deus ipsam esse vult, id est humilis, & abjecta in oculis suis.

Lampades, quarum oleum aromaticum est dum extinguitur earum flamma, longe gratiorem naribus halitum emitunt: sic viduae, quarum amor in conjugio purus fuit, suaviorem virtutis, castimoniae fragrantiam tum exhalant, cum ipsarum lumen, id est conjux, per mortem extinctum est. Maritum, dum in vivis est, amare, satis commune est inter foeminas, sed eum ita amare, ut illo demortuo, nullum alium querant, aut sectentur, amor est, qui non nisi veras viduas concernit. In Deo sperare, quamdiu maritus familiam humero suo sustentat, non adeo rarum est; at hoc adminiculo, & fulcro sublato, tunc in Deo sperare, summis dignum est laudibus. Hinc est quod in statu viduali evidentius, & facilius virtutum, quas quis in matrimonio suo habuit, perfectione cognoscatur.

Vidua, quae liberos habet, qui auxilio, directione, & conductione aliqua opus habent, in iis praesertim, quae ad animam, & illorum sustentationem spectant, nullatenus eos potest, nec debet deserere: diserte namque Apostolus ait, eas ad hanc curam, & officium teneri, ut *mutuam vicem reddant*

parentibus : quod, qui suorum, & maxime domesticorum curam non habet, infidelis sit deterior ; at si liberi jam sint id ætatis, & eo in statu, ut nulla directione, & inspectione opus habeant, tunc vidua omnes suos affectus, & cogitationes in se recolligat, ut sic eos suo in amore Dei progressui applicet, & adjungat.

Si nulla vis, & necessitas veram viduam in conscientia obliget ad sese turbis, & impedimentis exterritoribus, uti sunt lites, implicandam ; plane ei consulo, ut iis abstineat, & quam potest quietissimam rerum suarum dirigendarum, tuendarumque viam admodum, esto alioqui ea compendiosissima, & utilissima non videatur, sequatur. Et enim fructus strepituum, ac turbarum bene magni sint, oportet, ut sanctæ tranquillitatis bono æquiparentur, ut taceam, lites, & id genus contentiones, & perturbationes, animum distrahere, ac non raro hostibus, & adversariis castitatis ostium referare, ut dum iis, quorum ope, & favore opus habet, complacere quis satagit, ea agit, quæ cum devotione usquequaque non quadrant, & Deo displicant.

Continuum porro viduæ exercitium sit oratio : nam cum nullum posthac habere amorem debeat, quam propter Deum : sic vix aliud loqui jam debet, quam propter,

& de DEO : & sicuti ferrum , quod propter adamantis alicujus præsentiam , magnetis attractionem sequi prohibetur , statim atque adamas amovetur , ad ipsum magnetem accedit , rapitur , sic cor viduæ , quod vivente marito , totum in DEUM ferri non poterat , nec divini illius amoris impetum , & raptum sequi , eo jam demortuo , quam ardentissime in odorem unguentorum cælestium currere debet , cum Sponsa sacra quodammodo dicens : Quoniam Domine jam tota mea sum , me ut totam tuam jam suscipe , trahe me post te , & curremus in odorem unguentorum tuorum .

Virtutes autem , quas sancta vidua proprie exercere debet , sunt perfecta modestia , honorum , graduum , conventiculorum , titulorum , ac nominum , aliarumque hujusmodi vanitatum repudium , pauperibus , & ægrotis impensum obsequium , afflictorum consolatio , puellarum ad vitam devotam invitatio , utque junioribus fœminis omnium virtutum exemplo præluceant . Duo vestium ejus ornamenta sunt , necessitas , & simplicitas ; duo actionum , & operum ejus ornamenta sunt , humilitas , & charitas ; duo linguae illius insignia sunt , honestas , & verborum benignitas , oculorum decus , modestia , & pudicitia , & unicus cordis illius amor , J E S U S Christus crucifixus .

Sum-

Samma, vera vidua in Ecclesia est velut viola verna, quæ præ dovolutionis suæ fragrantia incomparabilem suavitatem diffundit, & sub amplis abjectionis suæ foliis prope semper dilitescit, & colore subobscurō, & fulgido mortificationem testatur: in locis humidis, umbrosis, & incultis solet, & gaudet inveniri, nolens a mundanorum conversatione conculcari, & opprimi, quo cor-dis sui viorem, & integritatem, adversus omnes calores, quos opum, honorum, vel etiam amorum desiderium, ac cupiditas afflare ei possent, melius conservet. *Beator,* inquit Apostolus, *erit: si sic permanferit.*

Permulta alia de hac materia mihi dicenda essent, sed omnia mihi dixisse videbor, cum dixerim, viduam, quæ status, & conditionis suæ honorem cordi habet, attente legere debere egregias illas epistolas, quas S. Hieronymus ad Furiam, Salviam, & alias illas Romanas Matronas prescrpsit, quibus ea felicitas obtigit, quod viri tam docti, & sancti filiae spirituales esse meruerint. Nihil quippe addi queat iis, quæ ipsæ illis prescrpsit, præterquam quod vera vidua nunquam capere, aut culpare debeat eas, quæ ad secundas, tertias aut etiam quartas nuptias transeunt: quibusdam enim in casibus ita id Deus Optimus, Maximus ad majorem sui gloriam fieri

fieri permittit. Et hanc veterum doctrinam, & sententiam semper ante oculos habeat, nec viduitatem, nec virginitatem alium in cœlo habere locum, quam quem humilitas ipsis assignavit.

C A P U T X L I.

Paucis virgines compellantur.

SI temporale matrimonium spectatis, o virgines, primum amorem vestrum primo marito integrum magno cum zelo conservate. Insignem certe esse abusum existimo, loco integri, & sinceri cordis, aliud detritum, & amoribus consumptum, & exhaustum illi offerre. At si ea vestra felicitas est, ut ad castas, & spirituales nuptias evocemini, & virginitatem vestram integrum, illibatamque semper conservare velitis, amorem vestrum divino huic sponso, quam potissimum integerrimum, & mundissimum custodite; qui, cum ipsamet puritas sit, nihil usque adeo amat, quam puritatem, & cui rerum omnium, & præsertim amoris primitiæ jure debentur. Epistolæ S. Hieronymi, quæcunque vobis servanda, & cavenda sunt, quam abundantissime vobis suppeditabunt: cumque status, & conditio vestra vos ad obedientiam obliget, directorem, & conductorem aliquem deligite, quo dirigente, animum,


mum, & corpus vestrum sanctius divinæ illius Majestati dedicare, & offerre possitis.

INTRODUCTIONIS P A R S Q U A R T A.

In qua necessaria contra communiores tentationes documenta, & consilia traduntur.

C A P U T I.

Filiorum bujus seculi sermones, & obloquia curanda non sunt.



S Tatim ac mundani homines percipient, te vitæ devotæ velle insistere, mille in te calumniarum, & obloquiorum tela evibrabunt, qui inter eos pessimi erunt, tuam vitæ, morumque mutationem hypocriseos, superstitionis, & simulationis insimulabunt, dicent, male te a mundo exceptum fuisse, ideoque indignabundam te, quasi ab eo repulsam passam, & vilipensam, ad D E U M recurrere, amici vero tui multas tibi admo-

nitiones prudentes, & ex charitate depro-
ptas (prout quidem ipsis apparebit) facere
satagent: Incides (inquiet) in humorem
aliquem melancholicum, tuæ apud homines
auctoritati multum decedet, aliis te exosam,
& intolerabilem reddes, ante tempus con-
senesces, & canesces, negotia tua domesti-
ca aliquod hinc detrimentum accipient, in
mundo vivendum est, sicut in eo vulgo vi-
vitur, suam quis salutem sine tot mysteriis,
& cæremoniis operari potest: & aliae sexcen-
tæ hujusmodi naniæ aniles.

Omnia hæc chara mea Philothea, meræ
sunt inaniæ, & offutiæ: nullam hi aut sani-
tatis, aut rerum tuarum curam (ut præfe-
runt) habent. *Si de mundo fruissetis, in-*
quit Redemptor, mundus, quod suum est,
diligeret: sed quia de mundo non estis, pro-
pterea odit mundus. Vidimus plures utrius-
que sexus nobiles sæpe integrum noctem,
quin & multas continuo noctes lusui scac-
chorum, aut chartarum incumbere: darine
tamen attentio, & occupatio aliqua magis
melancholica, & morosa potest, quam hæc?
Mundani tamen verbum contra hanc non lo-
quebantur, amici se propterea non torque-
bant: quod vero hora una meditationi insi-
stamus, quod paulo nos maturius solito le-
cto surgentes videant, quo ad sacram nos
communionem præparemus, ad medicum
cur-

curritur, ab humore hypochondriaco, & auragine non curari volunt. Triginta quis noctes tripudiando, & choreas ducendo insumperit, & de labore non queritur: quod semel noctem natalis Domini insomnem duxerit, postridie præraucedine, & cruditate tussit, & ventrem sibi dolere queritur. Quis non videat, mundum iniquum esse judicem, suis faventem, & propitium; at erga filios DEI immitem, & rigidum?

Bene nobis cum mundo non conveniet, nisi una cum ipso nos perdamus. Satis illi facere, aut placere per omnia non possumus: nimis enim varius, & inconstans est. *Venit Joannes*, ait Dominus, *neque manducans, neque bibens*, & dicunt: *Dæmonium habet; venit filius hominis manducans, & bibens*, & dicunt: *Ecce homo vorans, & potator vini*. Sane Philothea, si ex condescientia, & accommodatione quadam una cum mundo rideamus, ludamus, choreas ducamus: offendetur, & scandalizabitur; si renuamus, hypocriseos nos insimulabit, vel melancholiæ; si corpus paulo eleganter ornemus, ad aliquem id finem, & intentionem fieri existimabit; si de ornatu non nihil remittamus, evilitate animi id profici sci dicet, hilaritates nostras dissolutionum censembit nomine; mortificationes tristitiarum, & morositatis. Itaque cum tam ma-

ligno, & livido nos oculo semper aspiciat, nunquam ei complacere possumus. Imperfectiones quoque nostras nunquam non exagerat, & eas jaētat peccata esse; peccata nostra venialia ait esse mortalia, & quæ ex infirmitate committimus, e malitia facta. Cumque, teste Apostolo, *charitas benigna sit*, mundus viceversa malignus est, cum illa *non cogitet malum*, hic e contrario semper malum cogitat, &, dum nihil habet, quod in actionibus nostris carpat, nostras carpit intentiones. Sive oves cornua habeant, sive non habeant; sive albæ eæ sint, sive nigræ, non idcirco ab iis vorandis lupus abstinebit.

Quicquid demum facimus; semper nos mundus infestabit, & carpet; si diu confitemur, petet, ecquidnam ei tamdiu dicendum habeamus; si statim confessionem absolverimus, dicet nos eam recte non instituisse, sed peccata nonnulla confiteri neglexisse. Omnes nostros explorabit motus, & vel ob unum verbum ex iracundia acerbius prolatum; dicet nos in conversatione intolerabiles esse, rerum nostrarum cura, & dili, gentia, illi videbitur cupiditas, benignitas nostra, stultitia: filiorum vero seculi hujus iræ ipsis sunt generosi animi indicia; illorum avaritiæ, gravitates; liberæ conversationes cum diverso sexu, honesta colloquia, & fami-

familiaritates. Sic semper araneæ apum opera destruunt.

Sinamus hunc cæcum clamare, Philothea, tantum, quantum volet, occlamet noctuæ ad instar, ad avium de die volitantium quietem interturbanum; nos in nostro proposito solidi, & constantes simus, in resolutionibus nostris invariabiles: perseverantia enim ostendet, num vere, & sincere Deo nos, & vitæ devotæ applicuerimus. Cometæ, & planetæ pene æque luminosi sunt, ut quidem apparet; sed cometæ paulo post evanescunt, cum nonnisi ignes quidam transitorii sint; planetæ vero perpetua claritate collucent. Eodem modo hypocrisis, & vera virtus valde inter se quoad exteriora similes sunt: sed facile est unam ab alia dignoscere, eo quod hypocrisis non durat, & fumi instar sursum evaporantis dissipatur; at vera virtus semper firma, & constans est. Optima ratio ad devotionis nostræ principium bene eonfirmandum, & tutum reddendum est exprobrantium, & calumniantium linguis proscindi: hac ratione namque extra vanitatis, & superbiendi periculum sumus; hæ quippe sunt velut obstetrices Ægypti, quibus tartareus Pharaon præcepit, ut masculas Israelitis proles eo ipso, quo nascerentur, die occiderent: & suffocarent. Nos mundo crucifixi sumus, & nobis mundus

vicissim crucifigi debet: ipse nos ut stultos reputat, nos vicissim eum ut insipientem reputemus.

C A P U T I I.

Non est ob parva quædam adversa animus abjiciendus.

Lumen, quantumvis pulchrum, oculis pergratum, & optabile, eosdem tamen aliquando perstringit, præsertim cum diu tenebroso in loco egimus, Sicuti etiam antequam cum incolis loci alicujus, quantumlibet ii humani, & affabiles sint, assueverimus, & familiaritatem contraxerimus, nescio, quam alterationem in nobis ipsis sentimus. Ad eundem modum fieri, mea Philothea, potest, ut, cumprimum vitam tuam mutare incipies, multi in anima tua turbines, & inquietudines exoriantur; & magna illa, & generalis requidiatio, qua universis mundi inanijs, & ineptiis simul, & semel valedixisti, aliquo te modo contristet, animumque dejicere faciat. Quod si tibi contingat, habe, quæso, patientiam; nihil enim hoc erit, non est nisi modica quædam alteratio, & consternatio, quam ipsa tibi novitas adfert; hæc ubi pertransierit, mille consolationibus perfunderis. Principio forsitan grave tibi erit gloriam illam repudiare, & relin-

relinquere, quam a fatuis, & vanis in tua vanitate adulatoribus percipiebas, sed quid? Æternamne velles perdere, quam tibi Deus dabit in veritate? Vanæ recreations, & oblectamenta, quibus præteritos vitæ tuæ annos impendisti, & dedicasti animo tuo adhuc occurrent; ad ipsum illiciendum, & suas in partes pertrahendum; sed quid, audebisne beatam illam relinquere æternitatem, ut fallacibus hisce levitatibus te oblectes? Crede mihi, si modo perseveres; mox cordiales quasdam dulcedines, & gaudia senties, adeo deliciosas, & jucundas, ut dictura sis, mundum mellis hujus comparatione, & intuitu nonnisi merum fel habere, & unam devotionis diem millenis vitæ mundanæ annis meliorem, & optabiliorem esse.

Sed perfectionis Christianæ montem valde altum esse vides: quomodo, Deus bone, inquis, illum potero concendere? Sume animal, Philothea, cum apum fœtus primum formari incipiunt, vocantur nymphæ; & dum adeo exiguæ sunt, ut nec ad flores, nec montes, nec colles vicinos volare possint, sed paulatim melle, quod matres ipsarum confecere, enutritæ, nymphulæ hæ acquirunt alas, itaque corroborantur, ut postea per loca vicina ad mella colligenda una cum matribus evolent. In devotione, fateor, adhuc ceu parvæ apiculæ sumus, &

prout

prout quidem desiderium nostrum est (quod certe non est minus quam ad ipsum perfectionis Christianæ apicem , & culmen pertingere) ascendere, & evolare non possemus ; at si per bona desideria , & proposita nostra formam quandam capere incipiamus , penna, & alæ nobis excrescere incipiunt . Sperremus itaque spirituales nos aliquando apes fore ; nosque evolaturas , interim vero melle spiritualium consiliorum . & documentorum , quæ prisci devoti , & Ascetæ nobis tradidere , vicitimus , Deumque rogemus , det nobis pennas sicut columbæ , ut non solum in viræ hujus tempore volemus , verum etiam in futura æternitate requiescamus .

C A P U T I I I .

De temptationum natura , & quod sit inter temptationem sentire , & ei consentire discrimin.

C Ogitatione tibi finge , Philothea , juvenculam aliquam Principem sponso suo , & marito Principi percharam ; & simul imaginare , scelestum aliquem , quo eam ad secum adulterandum , thorumque nuptialem violandum invitet , infamem aliquem amoris internuntium , qui foedam illius intentionem novæ nuptæ communicet , mittere . Primo itaque pararius , & nuntius hic Domini sui amorem Principi aperit . Secundo , in illa

illa petitione, propositioneque sibi complacet, aut displicet. Tertio, consensum ei præbet, aut prorsus dissentit. Consimili ratione diabolus, mundus, caro, viso animam quandam filio DEI desponsatam esse, varias ei tentationes, & suggestiones inge runt, quibus primo peccatum ei proponitur. Secundo, illa in eo delectationem sentit, aut displicantiam. Tertio, consentit eidem, aut dissentit: qui sunt tres illi gradus, quibus ad peccandum descenditur, tentatio videlicet, defectio, & consensus. Et licet tres hæ actiones non tam aperte in omnibus peccatis percipientur, & usuveniant, palpabili ter tamen, & manifeste in magnis, atque enormibus peccatis eas videre est.

Tametsi tentatio ad aliquod peccatum, quocunque id sit, committendum, toto vi tæ nostræ duraret tempore, non ipsa propterea nos divinæ Majestati invisos, displicentes que redderet, dummodo ipsa nobis non placeat, nec consensum in eam ullum præstemus. Ratio est, quod in temptatione non tam agamus, quam patiamur, cumque nullam in ea delectationem sentiamus, hinc nullam ex ea contrahere culpam, aut reatum possumus. S. Paulus diuturnas admodum tentationes, & stimulos carnis passus est, sed adeo propter eas Domino non displicuit, ut Deus contra etiam inde fuerit glorificatus. Beata An gela

gela de Fulginio tam atroces, & acres libidinis tentationes experta est, ut, dum eas describit, legentibus commiserationem sui moveat. Ingentes quoque fuere tentationes, quas olim SS. Benedictus, & Franciscus sensere, cum ad eas effugandas, aut superandas, ille se in spinetum, hic in densissimam nivem abjecit, neque propter illas vel minimum divinæ gratiæ punctum amiseret, quin imo multum eam inde adauxerunt.

In temptationibus ergo animus non est despontendus, Philothea, neque arma tibi ut victæ abjicienda, quamdiu illæ tibi displicebunt: sed noris magnam esse differentiam inter tentationes, sentire eas possumus, esto nobis displiceant, sed consentire non possumus, nisi placuerint: cum placentia, & delectatio velut gradus sit ad iis consentendum. Tot ergo salutis nostræ inimici nobis illicia, escas, & illecebras oggerant, quot cupient; semper ad cordis nostri januam, quo aditum in ipsum inveniant, vigilent; quascunque volent, nobis propositiones suggerant; quamdiu ejus animi sumus, ut nullam ex omnibus illis haurire oblectationem velimus, Deum nullatenus offendere possumus: sicuti Princeps Principis illius, quam dixi, maritus, indignari, & succensere ei ob missum ei nuntium nequit, si nullam omnino ex eo ipsa oblectationem, vel

com.

complacentiam sensit. Hoc tamen inter animam, & Principem illam quoad hanc materiam interest, quod Princeps in honesta illa propositione audita, nuncium, si velit, abigere, & non amplius ei auscultare possit: at non semper in animæ potestate situm sit, tentationem non sentire, esto semper sit, non consentire. Quamobrem tametsi tentatio diu duret, & perseveret, nullam ea nobis inferre noxam potest, quamdiu nobis displicet.

Sed quod ad delectationem, quæ post temptationem sequi potest, attinet, quod duas anima nostra partes habeat, inferiorem unam, alteram superiorem, & inferior non semper superioris arbitrium, impulsumque sequatur, sed proprium; saepe contingit, ut pars inferior in temptatione se oblectet superiore invita, & refragante, haec est illa pugna, & digladiatio, quam Apostolus Paulus describit, dum carnem suam ait concupiscere adversus spiritum, & spiritum adversus carnem; & esse legem quandam membrorum, & legem aliam spiritus, & alia hujusmodi.

Vidistine aliquando, Philothea, multas favillas, & carbones cineribus coopertos: si quis post decem, aut duodecim horas veniat ignem inde habiturus, nonnisi paucas aliquas in medio loci, & quidem ægre admodum scintillas reperiet. Sunt tamen, quia in-

inveniuntur; & per eas reliqui carbones jam extinti reaccendi possunt. Eodem modo se res habet in charitate, quæ inter ingentes, & vehementes tentationes ignis noster spiritualis est; tentatio quippe in partem animæ inferiorem delectationem suam immittens, animam quanta quanta est, cineribus obtegere videtur, divinumque amorem satis exiguum reddit, neque enim is usquam, quam in cordis medio, & in intimo mentis penetrali apparat: imo nequidem ibi videatur esse, adeoque vix inveniri potest. Vere tamen ibi est, cum, tametsi omnia in anima, & corpore nostro turbata sint, propositum firmum habeamus non peccato, nec temptationi consentiendi, & delectatio, quæ homini nostro exteriori placet, interiori displiceat, quæ licet circum voluntatem nostram obserret, & versetur, in ea tamen non est. Unde liquet, delectationem hanc involuntariam esse, & cum talis sit, nullum peccatum involvere.

C A P U T I V.

*Duo insignia quoad hoc referuntur
exempla.*

Tanti tua refert, Philothea, hoc prout oportet intelligere, ut in eo explicando uberior esse, meque diffundere grave non sim

sim ducturus. An non adolescens ille, cuius sanctus Hieronymus meminit, dum sericis vinculis, quam mollissime molli in lectulo supinus constrictus, diversis lascivis contactibus, & illiciis a procaci quadam muliercula, eodem secum in lecto duntaxat ad illius constantiam, & castitatem labefactandam cubante, ad libidinem, & nefas provocantur, horrendos quosdam carnis stimulos sentire debeat? Non sensus illis miro quodam modo a delectatione titillari, & imaginatio illius a praesenti hac voluptatum materia, & illecebra impeti, ac occupari? Haud dubie nihilominus tot inter insultus, in tam horrenda tentationum procella, & tot inter voluptates, a quibus undequaque obsidebatur, & premebatur, ostendit cor suum nullatenus subactum esse, nec voluntatem iis consentire; nam carnem rebellantem praelium sibi movere, nulliusque omnino membra corporis sui, praeterquam linguæ, liberum usum sibi videns relictum esse, dentibus suis sibi eam praesecat, & in faciem ejus expuit, a qua anima ipsius longe violentius per voluptatum illecebras oppugnabatur, quam suis carnifices tormentis eam unquam impeters potuissent: unde etiam tyrannus, qui suis illam suppliciis, ac cruciatibus expugnari posse diffidebat, his eum credebat voluptatibus haud dubie cessurum.

Consimili in materia admirabile sane fuit certamen sanctæ Catharinæ Senensis: quod hic tibi paucis describam, spiritus nequam diabolus potestatem a D e o accepit sanctæ hujus Virginis pudicitiam, quam poterat intentissime, acerrimeque oppugnandi, ea tamen conditione, ne ipsam contingeret. Itaque omnes, quas potuit, impudicas suggestiones, & cogitationes cordi illius immisit, quoque eam magis ad lasciviam commovere, multis secum sociis assumptis, qui viorum juxta, ac fœminarum formam induerant, varia operum carnalium, & lubricitatum genera, & gestus illius ante oculos edebat; addebat preterea inhonestissima verba, & compellationes, ac provocationes, quæ omnia licet exteriora essent, tamen mediantibus sensibus profunde se in cor, & animum virginis purissimæ insinuabant, quod, uti ipsamet confitebatur, iis plenissimum erat, nulla ut in ea, unica excepta pura voluntate superiore, esset pars, quæ ab hac turpitudinis, & delectationis carnalis tempestate non exagitaretur. Quod certe satis diu durabat: usque dum quodam die Redemptor J E S U S illi se spectandum dedit. Cui illa, ubi eras, inquit, dulcissime Domine, cum cor meum tot tenebris, & sordibus oblitum erat; Tum Dominus, intra cor tuum etiam, filia. Et illa. Quomodo, inquiebat,

in corde meo habitas, quod tot spurciis,
 & fœditatibus scatebat? Habitasne ergo in lo-
 cis adeo turpibus, locis & impuris? Petiit tum
 ab ea Dominus, die mihi, spurcæ illæ cor-
 dis tui cogitationes placebantne tibi, an dis-
 plicebant? Tædiumne tibi faciebant; an de-
 lectionem? Respondit Catharina, summam
 quandam amaritudinem, & tristitiam. Rogat
 tum Dominus, quis magnam hanc amaritu-
 dinem, & tristitiam cordi tuo indebat, nisi
 ego, qui in animæ tuæ medio absconditus
 latebam? Crede mihi, filia, nisi ego fuisset
 præsens, certe cogitationes illæ, quæ circum
 voluntatem tuam errabant, eam expugnare
 poterant; ipsamque indubie expugnassent,
 se introrsum insinuassent cum delectatione
 quadam, a libero tuo arbitrio admissæ fuis-
 sent, itaque animæ tuæ mortem intulissent,
 sed quia ego intus agebam, hinc illam dis-
 plicantiam, & resistentiam in corde tuo ex-
 citabam, qua fiebat, ut, quam poterat in-
 tensissime, tentationi resisteret: quod vero
 non posset tantum, quantum volebat, hinc
 majorem displicantiam, & odium tam con-
 tra illam, quam contra seipsam concipiebat,
 unde molestiæ illæ, magni tibi meriti, &
 lucri spiritualis fuere materia, & insigne vir-
 tutis, & roboris tui incrementum.

Viden Philothea, quomodo ignis hic sub-
 cineribus latuerit, & tentatio, ac delectatio-

ipsum cor ejus occupassent. & voluntatem etiam obsedissent, quæ sola a Salvatore suo adjuta, per tristitias, & mali sibi suggesti detestationes resistebat, assidue peccato, a quo circumdabatur, consentire detrectans. Ah! quantam Deum diligens anima amitudinem, & tedium sentit, quod vel nesciat, num Deus intra se sit, an non: & num amor divinus, pro quo illa decertat, plane in se extinctus sit, nec ne? Sed norit, purissimum perfectionis amoris cœlestis fontem esse, qnod amantem ex solo amore pati, & pugnare faciat ita, ut nesciat, utrum amorem habeat, pro quo, & per quem pugnat.

C A P U T V.

*Anima in tentationibus constituta
animatur.*

EXtravagantes has impugnationes, & vehementes has tentationes nullis Deus animabus immitti permittit, Philothea, quam iis, quas ad purum, & excellentem amorem suum sustollere vult: at non propterea sequitur, quod postea certæ sint ad illum se perventuras. Sæpenumero enim factum, ut, qui in tam atrocibus impugnationibus constantes, & insuperabiles fuerant, postea divinæ gratiæ, & favori ea, qua oportebat, fide-

fidelitate non respondentes, in admodum parvis temptationibus succubuerint. Quod ideo dico, ut, si forte te contingat a magna, & atroce temptatione impeti, noris, extraordinariam quandam tibi tunc a Deo gratiam, & favorem exhiberi, quo ostendat: se velle in oculis suis illustrem, & eminentem facere: & ipsa nihilominus humilis, & meticulosa semper maneas, non ideo te parvas temptationes superare posse certo tibi persuadens, quod jam ante magnas superaris; sed ideo tantum, quod fidelem te semper erga Majestatem ipsius præbueris.

Quæcunque ergo tibi temptationes adveniunt, & quæcunque inde delectatio oriatur, nolito turbari, dummodo nullum voluntas tua tam in temptationem, quam in delectationem consensum præstet; Deus quippe nullatenus propterea offenditur. Quando quis in animi deliquium incidit, nullumque vitæ deforis signum dat, adstantes manu cordi ejus admovent, cuius si vel minimum signum percipient, statim eum vivere judicant, & alicujus aquæ pretiosæ, aut epithematis adminiculo vigori, & sensibus illum posse restitui: ita nobis nonnunquam contingit, ut nimirum anima nostra temptationum violentia in totale virium suarum delinquum incidisse, ipsaque veluti deposita nullum amplius motum, aut vitam spiritualem

habere videatur: at si nosse volumus, quid a parte rei subsit, cordi manum admoveamus; videamus, inquam, num cor, ac voluntas suum motum spiritualem adhuc habent, id est, num ita, prout oportet, temptationibus consensum praestare, & tentationem simul, ac delectationem sequi renuant; quamdiu enim dissensus hujus motus adhuc in corde viget, certi esse possumus charitatem animæ nostræ vitam in nobis superesse, & Salvatorem nostrum J E S U M Christum, tametsi tecte, & abscondite in anima nostra agere: adeo, ut per continuum orationis, Sacramentorum, & in D E U M fiduciæ exercitium viribus paulatim restituendi simus, & integra, ac delectabili vita victuri.

C A P U T V I.

*Quomodo tentatio, ac delectatio possint
esse peccatum.*

PRINCEPS, cuius supra meminimus, ad in honestam lascivi illius amatoris solicitacionem nihil de suo contulit, quandoquidem, ut presupposuimus, illi invite eadem facta est: at, si illa e contra per illecebras, & lenocinia quedam solicitationis hujus occasionem dedisset, ad amorem pellicere illum, a quo solicitatur, volendo, ipsamet solicitationis hujus & causa, & rea esset; & quantum-

tumvis obliuctaretur, indignarique se ostenderet, non idcirco minus & culpanda, & castiganda foret. Ad eundem quoque modum aliquando contingit, ut sola nobis tentatio peccatum sit, eo quod causa ipsius sumus. Exempli causa, si jam ante novi, me, dum ludo, ad iram concitari, & blasphemare solere, & lusum, ut ad ea tentet, occasionem mihi esse, toties pecco, quoties ad ludendum me applico. Pari modo, si norim, conversationem aliquam mihi semper temptationis, & lapsus occasionem esse, & nihilominus libenter, & sponte me in illam dem, omnium, quæ inde mihi orientur, temptationum causa sum, & occasio.

Quando, quæ etentatione sequitur delectatio, evitari potest, semper cum peccato conjunctum est illam admittere, prout, quæ inde capitur, delectatio, & consensus, qui in illam datur, magna, aut parva est, longa, aut brevis. Princeps illa, de qua locuti sumus, æque reprehendi meretur, si non modo in honestæ, & foedæ propositioni aurem præbeat, verum etiam, postquam eam jam audit, in eadem sese oblectet, cum recreatione quadam animi illam mente volvens, & revolvens; licet enim consentire nolit in realem ejus, quod sibi propositum est, executionem, per delectationem tamen, quam inde percipit, in spiritualem cordis sui

applicationem consensum præstat: porro semper inhonestum, & turpe est, rei turpi aut animum, aut corpus applicare: inhonestas vero ita in animi, & cordis applicatione consistit, ut si ea desit, ipsa corporis applicatio peccatum esse nequeat.

Quando ergo ad aliquod peccatum tentaberis, considera, & vide, num studio, & ultro occasionem, ut ad hoc tentareris, dederis, & tunc ipsamet tentatio peccati te ream facit, ob periculum videlicet, in quod te sponte conjecisti: hoc autem ita intelligendum, si commode occasionem evitare potueris, aut te tentandam prævideris, aut prævidere potueris: at, si nullam temptationi occasionem dederis, nullatenus tibi illa ad peccatum imputari potest.

Quando, quæ temptationem sequitur, delectatio evitari potuit, & tamen evitata non fuit, semper aliquod in eo peccatum admissum est magnum, aut parvum, prout multum, aut parum in ea hæsimus, & prouæ habitæ inde delectationis causa est. Mulier, quæ nullam compellationis amorosæ causam dedit, compellari tamen gaudet, reprehendenda haud dubie est, si delectatio, quam hinc capit, aliam causam non habet, quam ipsam amorosam compellationem. Verbi gratia, si compellator ipsam ad amorem pellere gestiens, scite testudinem etiam pulsaret,

ret, & ipsa non tam solicitatione illa ad amorem, quam testudinis illius harmonia, & dulcedine delectaretur, nullum hic peccatum subesset, non tamen diu in illa delectatione hærendum est, ne forte ab illa ad aliam, quæ ex amorosa solicitatione sequitur, fiat transitus.

Similiter, si quis mihi stratagemata scitis admodum adinventionibus, & artificio plenum, quo me de adversario meo ulciscar, proponat, ego vero non tam e vindicta, quæ mihi proponitur, quam ex soſa subtilitate inventionis, & artificii delectationem sentiam, aut consensum dem; nullum hic peccatum committo: esto consultum non sit, diu me huic delectationi inhærere, ne illa me paulatim ad aliam, quæ e vindicta sequetur, abripiat.

Subinde contingit hominem a quadam delectationis, quæ temptationem immediate sequitur, titillatione occupari prius, quam bene advertat, & reflectat, & hoc ad summum nonnisi leve admodum peccatum veniale esse potest, quod inde majus fit, si, postquam malum, in quo versatur, advertit, e negligētia quadam aliquantis per cum delectatione ipsa, eane admiranda, vel rejicienda sit, velut paciscitur; multo vero majus, si, dum advertit, e mera quadam negligētia per aliquantum temporis in ea hæret,

nullo ejus rejiciendæ proposito concepto: at, cum voluntarie, & animo deliberato in hujusmodi delectationibus nobis complacere voluntus, & statuimus, hæc ipsa deliberata voluntas magnum est peccatum, si objectum, circa quod delectatio versatur, notabiliter malum sit. Insigne in muliere vitium est, in honestos, & illicitos amores identidem fore vere velle, esto ipsa defacto amanti nunquam se dare vellet.

Caput VII.

*In magnis temptationibus remedia
suggeruntur.*

Mox ut aliquam in te temptationem senties, pueros imitare, lupum, aut ursum in agro videntes: statim enim hi intra parentum brachia se recipiunt, aut saltem illorum opem, & auxilium implorant. Ita tu tentata statim ad Deum confuge, illiusque misericordiam, & opem inclama. Hoc porro remedium Dominus in temptationibus, tanquam præsentissimum, nobis præscribit, dum ait: *Orate, ut non intretis in temptationem.*

Si nihilominus temptationem adeo non recedere videoas, ut etiam increscat, in spiritu magno cum ardore sanctam Domini crucem amplectere, tanquam si Redemptorem

nostrum J E S U M Christum crucifixum ante oculos tuos cerneret, & protestare, te tentationi nunquam assensuram, ejusque opem contra eandem invoca, & protestari semper perge, nunquam te temptationi, quam diu durabit, consensum præbere velle.

Verum dum hasce protestationes facies, & consentire renues, non debes tentationem, sed Dominum J E S U M solum intueri; si enim temptationem, præsertim cum vehemens, est, intuearis, tuum illa animum concutere, & vacillantem reddere posset.

Per bonas, & laudabiles quasdam occupationes spiritum tuum aliquo modo dverte; ubi enim hæ animum tuum ingressæ fuerint, tentationes omnes, ac suggestiones malignas a te repellent: & effugabunt.

Præsentissimum contra quaslibet tentationes; magnas æquæ, ac parvas remedium est, animum & cor nostrum aperire, & quas habemus, & patimur suggestiones, sensus, & affectus cum directore nostro communicare. Nam primum, quod cacodæmon cum anima, quam circumvenire, & seducere vult, init pactum, est, ut ipsa fileat, & nihil suggestorum cuiquam aperiat; sicut illi, qui mulieres, aut puellas decipere gestiunt, hoc ante omnia inhibent, ne, quæ ipsis pro-

ponunt, maritis, aut patribus patefaciant. Deus vero econtra suis in inspirationibus hoc ante omnia requirit, ut eas superioribus, & conductoribus nostris declaremus.

Quodsi nihilominus post hæc omnia tentatio perseveret, nosque oppugnare perget, nostrum quoque est a parte nostra in protestatione ei consentire nolendi progredi; nam quiemadmodum virgines maritum non invenient, quamdiu dicunt se nolle; sic anima tametsi oppugnata, & turbata, nullum detrimentum capiet, quamdiu se consentire nolle dicet.

Noli cum adversario, & hoste tuo verbis contendere, imo nullo eum verbo dignare, præterquam illis, quæ Salvator illi olim dixit, quibusque eum confudit, dicens: *Vade Sathan, scriptum est, Dominum DEum tuum adorabis, & illi soli servies.* Et sicuti casta Matrona ne verbum quidem respondere, aut in facie intueri debet illum, a qua pudicitia illius tentatur, aut solicitatur; sed, quamprimum se ab eo proripiendo, statim animum suum marito applicare, & versus illum convertere, quamque ei spopondit, fidelitatem novo juramento renovare, nec multum cum ipso altercari, aut contendere; sic anima deo ea ab aliqua se tentatione impeditam,

&

& oppugnatam cernens, non multum in contendendo, respondendove se detinere debet, sed solummodo versus JESUM Christum sponsum suum se convertens, de novo ei fidelitatem jurare, & quod quanta quanta est, illius solius semper, & in perpetuum esse velit.

C A P U T VIII.

Parvis temptationibus resistendum est.

Esto, gravibus, & magnis temptationibus invicto, & insuperabili quodam animo resistendum sit, & ea, quam de iis referimus, victoria nobis summe sit utilis: forsan tamen longe fructuosius, & utilius est, parvis resistere. Nam quemadmodum majores minoribus in qualitate præstant, sic in numero usque adeo superant, ut, quæ ex iis refertur victoria, illi, quæ ex maximis sequitur, possit æquiparari. Lupi, & ursi haud dubie periculosiores sunt, quam muscæ, non sunt tamen tam importuni, & molesti nobis, neque adeo nostram exercent patientiam. Facile est ab homicidio sibi cavere; at difficile est a parva iracundia, cuius singulis prope momentis occasiones occurrunt. Facile est viro æque, ac mulieri evitare adulterium; at non tam facile est oculorum nutus, & conjectus, reciprocam amoris admis-

siQ.

sionem, gratiarum, & levium benevolentiarum procreationem, amatoriorum, & nugacium verborum locutionem, auditionemve excludere. Facile est marito, aut uxori, corrivalem defacto, & quoad corpus, non superinducere: at non tam facile, eum ab animo, & corde proscribere: facile est letum conjugalem non inquinare; at difficile, in amore reciprocum non delinquere: facile est, bona aliena non diripere; at difficile iis non inhiare, non concupiscere: facile est, falsum in tribunalibus testimonium non proferre; at difficillimum, in mutua conversatione non mentiri; facile est vino non inebriari; at difficile sobrium esse: facile mortem alienam non desiderare; at difficile, damnum, aut incommodum cuiuspiam non optare: facile est proximi famæ, aut nomini non detrahere; sed difficile illum non vituperare. Itaque parvæ hæ tentationes ad cholera, suspiciones, zelotypiam, invidiam, amorculos, nugacitatem, vanitates, duplicitates, affectionem, artificia, simulationes, cogitationes inhonestas, continua sunt etiam maxime devotorum, & generosissimorum exercitia. Quamobrem summa cum cura, & diligentia ad hunc nos conflictum præparemus, oportet, charissima Philothea, tibique persuadeas, velim, quot de parvis illis inimicis viatorias referimus,

mus, tot ad coronam gloriæ, quām nobis Deus in cœlesti suo domicilio præparavit, margaritas, & gemmas addendas. Ergo, quousque occasio bene, & generose cum magnis, ac gravibus temptationibus certandi occurrat, contra parvos, & debiles hos insultus magna contentione, & studio depugnemus, oportet.

C A P U T I X.

Quomodo parvæ temptationes superandæ sint.

Quod autem ad parvas has temptationes, ad vanitatem, suspicionem, morositatem, zelotypiam, invidiam, amorculos, & similes inanias spectat, quæ vclut muscæ, & culices nos identidem circumvolitant, & modo genas, modo nasum compungunt, cum ab ipsarum importunitate, & molestia prorsus liberi esse non possimus, optima iis resistendi, & vincendi ratio est ob ipsas minime turbari. Etenim nocere hæc non queunt, esto molestiam inferre, dummodo firmum, & solidum Deo serviendi propositum habeamus.

Itaque parvas has temptationes, & insultus contemne, imo ne quidem ad id, quod tibi oggerere gestiunt, resistere dignare, sed tantum, quantum volent, illas circum aures tuas ad instar muscarum volitare, bom-
biza-

bizate, teque oberrare sine: cumque te pungere volent, ipsas in corde tuo aliquo modo habitare, & sedem figere velle videbis, a te tantummodo eas abige; non tam contra ipsas contendendo, ipsive respondendo, quam contrarios iis prout quidem ipsæ erunt, & in primis amoris Dei actus exercendo. Etenim si mihi credas, non debes tensioni, quam senties, contrariam & directe oppositam virtutem pertinaciter, & expresse opponere: hoc namque perinde foret, ac si cum ea contendere, & decertare velles; at, postquam unum virtutis illius directe ei contrariæ actum exercuisti, si odium tibi fuerit, ad qualis tentatio tua sit agnoscendum, cor tuum JESUM Christum crucifixum versus simpliciter convertes, & per quendam amoris erga eundem actum, sacros illius pedes exosculaberis. Hæc est optima inimicitiam in parvis, quam magnis temptationibus superandi ratio; etenim Dei amor, cum cæterarum virtutum omnium perfectiones in se contineat, & quidem multo eminentius, excellentius, quam ipsamet virtutes hinc optimum est contra vitia omnia remedium. Et animus tuus, ubi in omnibus temptationibus suis ad generale hoc asylum configere assueverit, non est, quod respiciat, aut examinet, quales temptationes suæ sint; sed simpliciter se turbatum sentiens,

in

in hoc singulari remedio solum acquiescet, & opem inveniet. Præterea spiritui nequam, & maligno ipsum ita exosum, & terribile est, ut, ubi per tentationes suas nos ad divinum hunc amorem provocari videt, eas nobis cesset immittere.

Et hæc quidem quoad parvas, & frequenter obvias tentationes, quas qui singilatim excutete, & curare vellet seipsum consideret, & nihil proficeret.

C A P U T X.

Quomodo animus contra tentations sit corroborandus.

Considera de tempore in tempus, quales passiones potissimum, & maxime in anima tua dominantur: ubi inveneris, quænam illæ sint, eam vivendi rationem tibi delige, quæ ipsis directe in cogitationibus, verbis, & operibus sit contraria. Exempli gratia, si ad vanitatis passionem te propendere, & inclinare sentias, sæpe de vitæ hujus mortalis, & humanæ miseriis cogita, quam hævanitates in die mortis conscientiæ futuræ sint molestæ, & graves, quam animo generoso sint indignæ, non eas esse aliud, quam puerorum crepundia, & ludicra, & alia id genus: sæpe quoque in vanitatem invehere, & esto id non ex animo, sed eo reluctante

facere videaris, eam tamen, quam potes ma-
 xime, fugilla, & contemne: hac namque
 ratione etiam apud eos, qui aliter sentiunt,
 & eam sectantur, magnum tibi nomen com-
 parabis. Cum enim saepe, & identidem in
 rem aliquam verbis invehimur, eam odio-
 prosequi assuescimus, & addiscimus, esto ini-
 tio summopere erga eandem afficeremur.
 Abjectionis, & humilitatis opera, quam po-
 tes plurima, exerce, licet ab iis aliena es-
 se, & abhorrire videaris: hoc namque mo-
 do humilitatis tibi habitum comparas, tuam-
 que vanitatem minorem, & debiliorem red-
 dis, adeo, ut cum ejus tentatio veniet, tan-
 to in eam affectu inclinatura non sis, ad
 eam vero oppugnandum longe potentior fu-
 tura. Si vero in avaritiam feraris, identidem
 peccati hujus fatuitatem, & stultitiam animo
 volvas, utpote quod ejus rei nos servos red-
 dit, quae non nisi ad nobis serviendum, &
 famulandum creata est, & in morte omnia
 deferenda, & relinquenda illi, qui illa forte
 dissipabit, & abliguriet, aut cui ruinæ, &
 sempiternæ damnationis futura sunt occasio,
 & alias ejus generis cogitationes. Avaritiam
 identidem insectare, & fugilla, & contra
 mundi contemptum depraedica. Sæpe tibi
 ad eleemosynas erogandas, & charitatem
 in pauperes exercendam, & ad aliquas lu-
 crandi

erandi, opesque coacervandi, occasiones elab-
orandum, vim inferas.

Si vero ad amorem dandum, recipien-
dumve propendeas, frequenter tecum per-
pende, quam inane hoc studium, & occupa-
tio, tum tibi, tum aliis pericolosum sit :
quam item indignum nobilissimum animæ
nostræ affectum inanibus oblationibus pro-
fanare, & impendere: quam merito hoc
maximæ cuiusdam levitatis animi signum ab
omnibus baberi debeat. Loquere deinde sape
in laudem puritatis, & animi candoris, &
quam potes plurimos ei conformes actus ex-
erce, omnes vanitates, & illecebrosas pro-
cations, compellationesque a te abdi-
cans.

Denique tempore pacis, id est, cum a
tentationibus ad peccatum, cui obnoxia es,
libera eris, permultos contrariæ virtutis actus
exerce; & siquidem ejusdem exercendæ occa-
siones non se offerant, eas capta, & ultiro
velut iis occurre. Hac namque ratione ani-
mum contra futuram temptationem obfirmabis
& communies.

C A P U T X I I

De inquietudine

Inquietudo simplex, & unica tentatio non
est, sed fons, & origo, e qua, & per

C E 2 quam

quam permulta temptationes proveniunt, ali-
quid ergo de eadem dicturus sum. Tristitia
nihil est aliud. quam quidam animi dolor de
malo, quod nobis, invitis nobis, inest, si-
ve ipsum externum sit, uti paupertas, mor-
bus, contemptus, sive internum, uti igno-
rancia, ariditas, repugnantia, tentatio. Cum
ergo aliquod se malum habere percipit,
hoc ipsum ei displaceat, & sic in ea nascitur
tristitia; statimque ab eo liberari cupit, &
illius a se abdicandi modum, mediaque con-
quirit. Et hactenus quidem ex ratione pro-
cedit; naturaliter namque bonum quisque de-
siderat, & quod malum esse cogitat, dete-
statur, & fugit.

Si, ut a malo suo anima liberetur ex
folo Dei intuitu, media conquirit, ea cum
patientia, & tranquillitate; liberationem su-
am magis a Dei bonitate, & providentia,
quam a labore, industria, ac diligentia quo-
prio exspectans. Si vero ex amore proprio
suam liberationem procuret, admodum an-
xie in mediis conquirendis laborabit, & soli-
cita erit, tanquam si bonum id ab ipsa poti-
us, quam a Deo dedenderet: non dico,
ipsam id defacto cogitare, sed ita solicitam
esse, tanquam si cogitaret. Quod si inter-
dum, quod desiderat, non inveniat, in-
maginas incidit inquietudines, & impatienti-
am, quæ præcedens malum adeo non aufe-
runt,

runt, aut leniunt, ut etiam faciant ingravescere, & adaugeant: unde anima in immoderatam quandam anxietatem, pressuram, & mœrorem incidit, & ita penitus animo, & viribus cadit, ut nullo malum suum modo curari posse putet. Vides ergo tristitiam, quæ initio æqua, & justa erat, inquietudinem progignere; ab hac vero pejorem tristitiam inaugeri, quod certe nimis quam periculosum est.

Inquietudine nullum, unico excepto peccato, accidere gravius malum potest. Nam quemadmodum Reipublicæ seditiones, & intestini tumultus prorsus eam destruunt, & evertunt, atque impedimento ei sunt, ut externis hostibus resistere non valeat; sic ubi animus noster in seipso turbatus, & inquietus est, vires ad virtutes, quas jam sibi compararat conservandas, nec non inimici tui omni ope, ad in aqua turbida (uti proverbio dicitur) piscandum connitentis, tentationibus resistendum necessarias amittit.

Nascitur autem inquietudo ex inordinato quodam, ut a malo, quod quis sentit, liberetur, aut ut bonum, quod sperat, consequatur, desiderio: nihil tamen est, quod magis prius malum adaugeat, aut bonum speratum magis recedere faciat, quam inquietudo, & solicita illa anxietas. Aviculæ ideo retibus, & laqueis captæ manent, quod,

cum iisdem se implicatas sentiunt, nimio quodam corporis motū, & agitatione sese explicare, & extricare gestiant; quod cum faciunt, semper magis, magisque iis se induunt. Cum ergo ardenter aliquo liberari malo, aut bonum aliquod habere desiderabis, ante oīnnia operam da, ut animum serenes, & tranquilles: judicium, & voluntatem tuam ad moderationem componas, ac deinde suaviter, & leniter desiderium tuum executioni mandare satagas, convenientia ad hoc media, modosque idque certo quodam ordine adhibendo. Cum autem dico, leniter, non id ita intelligo, quasi negligenter in eō tē gerere debeas, sed, ut id sine anxietate, turbatione, & inquietudine animi fiat: alioquin adeo optatum desiderii cui effectum, & finem non consequeris, ut potius omnia destructiona, teque magis, & magis sis intricatura.

Dixit oīlm Psaltes: *Anima mea in manibus meis semper, Domine, & legem tuam non sum oblitus.* Sæpius per diem, saltem vesperi, & mane examina, num animam in manibus tuis habeas, an non vero aliqua cam passio, & inquietudo tibi abstulerit. Considera, num eorū morigerum tibi, & ubediens habeas: an vero tuis id manibus sese subducendo effugerit, quo se inordinato alicui affectui amoris, odii, invidiæ, cupiditatis, timoris, tædii,

dii , & gaudii applicaret : si ergo a debita via reflexit , ante omnia ipsum quære , & suaviter ad Dei præsentiam reducere conuare omnes affectus , voluntates , & desideria tua sub divinæ ejus voluntatis , & beneplaciti obedientiam , directionemque redigens . Nam sicuti qui rem sibi charam , & pretiosam amittere verentur , suis eam manibus arcte conclusam tenent ; ita nobis ad magni illius Regis imitationem , & exposita est Domine : hinc eam semper in manibus meis gesto , itaque legem sanctam tuam non sum oblita .

Ne permittas unquam , ut desideria tua , quantumvis parva , & parvi momenti sint , te inquietent : nam post parva illa , ea , quæ majora , & majoris momenti sunt , animum tuum perturbationibus , & inordinationibus admittendis magis dispositum inveniunt . Ubi ergo inquietudinem aliquam in corde tuo senties , Deo te commenda , & firmiter tecum statue , nihil penitus exequi eorum , quæ ut facias , desiderium tuum a te requirit , priusquam inquietudo tua prorsus evanuerit , nisi forte res hujusmodi foret , quæ commode differri non posset ; tunc quippe suavè , & tranquilla quadam violencia desiderii cui impetus & cursus tibi inhibendus est , ita ut tantum ipsum temperes , & modereris , quantum tibi erit possibile . Ac

dein rem non pro desiderii tui impulsu, sed ex rationis præscripto ductuque exequaris.

Si inquietudinem tuam animæ directori, aut saltem alicui fido, ac devoto amico detegere possis, certa esto te quamprimum serenandam, ac tranquillandam: etenim dolorum cordis communicatio eosdem in anima effectus operatur, quos sanguinis emissio. & venæ incisio in corpore illius, qui continua febri æstuat. Hoc namque omnium est remediorum præstantissimum. Unde Sanctus Ludovicus Rex inter alia multa documenta etiam hoc filio suo præscripsit: *Si quam in corde pressuram, aut inquietudinem sentias, confessario tuo, aut alteri cuiquam viro bono quamprimum eam detege, ita fiet, ut per illud, quod ille tibi suggeret consilium, malum tuum æquanimius, & levius portes.*

C A P U T X I I.

De Tristitia.

*T*ristitia, quæ secundum DEUM est, inquit Apostolus: pænitentiam in salutem operatur: seculi autem tristitia mortem operatur. Tristitia ergo potest esse & bona, & mala pro varietate affectuum, & motuum, quos in nobis causatur: quanquam fatendum sit, plures eam malos, quam bonos effe-

effectus producere: nam duos tantum bonos producit, misericordiam videlicet, & paenitentiam; sex autem malos, anxietatem, acediam, indignationem, zelotypiam, invidiam, & impatientiam, unde dixit sapiens: *Multos occidit tristitia, & non est utilitas in illa;* nam cum nonnisi duo boni a tristitiae fonte manent rivali, sex eo malos enasci videmus.

Tristitia velut instrumento cacodæmon utitur ad tentandos, & exagitandos bonos; sicut enim omni ope connitur, ut improbos suo in peccato exultare, & gaudere faciat: sic bonos, ut in bonis operibus suis contristentur, animumque dejiciant, inducere allaborat, & sicuti malum non aliter procurare, & causare potest, quam suggestendo ipsum dulce, & suave esse: sic nec a bono aliquem potest divertere, aut retrahere, quam ipsum insipidum, & injucundum esse ostendendo. Cacodæmon tristitia, & melancholia delectatur, quod tristis ipse, aë melancholicus, & modo sit, & æternum futurus sit: unde neminem non sibi similem esse vellet.

Tristitia mala animam turbat, & inquietat, inordinatos ei injicit timores, orationem insipidam reddit, cerebrum confudit, & obruit, animam privat consilio, resolutione, judicio, animo, & vires, ac robur illius

eripit; est denique ceu rigens quædam bruma, omnem terræ pulchritudinem demetens, & animalia omnia torpida reddens: omnem namque animæ sanitatem tollit eamque impotentem facit.

Si ergo te contingat Philothea, a mala hac tristitia occupari, hæc remedia adhibe. *Tristatur aliquis vestrum*, inquit S. Jacobus, oret. Oratio quippe præsentissimum illius curandæ remedium est, spiritum namque sustollit in DEUM, qui unicum nostrum gaudium, & consolatio est. Sed vide, ut inter orandum iis affectibus, & verbis tam mentalibus, quam exterioribus utaris, qui fiduciam quandam, & Dei amorem spirent; uti sunt, o Deus misericordiæ, clementissime Deus cordis mei, gaudium, & spes mea, sponsæ dulcissime, animæ meæ dilectæ, & alia ejus notæ.

Inclinationibus ad tristitiam magna animi contentione te objicito, & quamvis omnia, quæ illo tempore facies, tibi frigide cum tristitia, & negligenter fieri videantur, noli tamen ab iis faciendis deterreri. Etenim inimicus, qui per tristitiam languidos nos, & torpidos bonis in operibus reddere conatur, ubi nos nihilominus illa peragere videbit, & quod illa aliqua cum resistentia, & animi aversione peracta, longe majoris sunt

me.

meriti, ulterius nos vexare, & affigere cef-
sabit.

Ad hæc cantica cane spiritualia: per hæc
quippe factum non raro, ut quod inten-
debat cacodæmon, perficere intermisserit: ut
videre est in spiritu, qui Saulem possidebat,
cujus violentia per psalmodiam fuit repressa.

Consultum præterea, exterioribus ope-
ribus bonis intendere, eaque quam potes di-
versissima obire: ut hac ratione anima a tri-
sti illo objecto divertatur, spiritus potentia-
les purifcentur, & incandescent, cum ipsa
tristitiae passio frigidæ, & aridæ sit comple-
xionis.

Exteriora illa opera ferventer perage,
esto nullum in ihs gustum sentias, crucifixi
Domini imaginem complectendo, & pecto-
ri applicando, pedes, manusque ei exoscu-
lando, oculos, manusque tuas in cœlum
sustollendo, & Dominum verbis amorem,
& fiduciam insignem spirantibus identidem
compellando, qualia sunt: *Dilectus meus
mibi, & ego illi. Fasciculus myrræ,*
Dilectus meus mibi, inter ubera mea com-
morabitur; Oculi mei semper ad te Domi-
ne, dicentes: quando consolaberis me? O
JESU! esto mihi JESUS: veniat JESUS, &
anima mea vivet. Quis me separabit a cha-
ritate DEI? & alia id genus.

416 INTRODUCT. AD VITAM SPIRIT.

Moderata flagellatio bonum in tristitia
remedium est, quod voluntaria illa afflictio
exterior interiorem impetrat consolationem,
& anima dolores sentiens exteriores, inter-
nos quam minimum curet,

Ad hæc, sanctæ Communionis frequen-
tatio huc quam maxime conducit; hic quip-
pe cœlestis panis animam corroborat, & spi-
ritum exhilarat.

Omnis tristitiae suæ sensus, affectus, &
suggestiones humiliter, & fideliter confessio-
rio, aut animæ tuæ directori communica:
hominum spiritualium consortia quare, eos-
que tunc temporis potissimum, & quam po-
tes maxime, frequenta.

Denique resigna te in manus Dei, di-
sponens te ad molestam, & tædiosam hanc
tristitiam magna cum patientia, ceu justam
vanorum tuorum gaudiorum punitionem, to-
lerandam. Et noli dubitare, quin Deus,
postquam aliquantis per te probaverit, ab hoc
sit malo te liberatus.

C A P U T X I I I .

*De spiritualibus, & sensibilibus consolatio-
nibus, & quomodo se in iis gerere homo
debeat.*

Magni hujus mundi esse Deus in perpetua
quadam conservat vicissitudine; ita fit,
ut

ut dies semper in noctem transeat, & hyems in ver perpetua quadam alternatione convertatur, & dies unus alteri per omnia nunquam sit similis: hos enim videre est nebulosos, illos pluvios, alios aridos, alios denique ventosos, quæ certe varietas, & vicissitudo insigne huic universo addit ornancementum. Idem omnino in homine, qui juxta veterum sententiam quoddam mundi compendium est, videre licet: nunquam enim is in eodem statu permanet, & vita ejus super terram velut aqua fluit, in perpetua quadam motuum varietate, & diversitate fluctuans: modo namque spe sustollitur, modo timore dejicitur, modo per consolaciones in dextram, modo per afflictionem in sinistram vergit: & nunquam vel unus vitæ illius, imo nec hora quidem per omnia, & totaliter priori, & alteri similis est.

Egregium hoc documentum est: demus ergo operam, ut continuam, & inviolabilem quandam in tanta accidentium, & casuum inæqualitate æquabilitatem cordis habeamus; & esto omnia diversimode circa nos vertantur, & volvantur, nos nihilominus constanter immobiles maneamus in Deo semper intuendo, spectando, & ad eum tendendo. Navis cum cursum tereat, quem voluerit in Orientem, & Occidentem, Meridiem, aut quocunque libuerit, feratur;

nun-

nunquam tamen nautica ejus acus aliud spe-
ctabit, quam populum suum, & cynosuram.
Esto omnia, non dico circa nos, sed intra
nos, id est, anima nostra contristetur, aut
gaudeat; dulcedine repleta sit, vel amaritu-
dine, in pace agat, aut bello, claritas eam
illustret, vel tenebræ obnubilent, tentatio-
nibus exagitetur, aut quieta sit, consola-
tionibus perfundatur, aut desolationibus de-
jiciatur; in ariditate vivat, vel teneros quo-
dam sentiat affectus, sol eam exurat, vel
ros refrigeret; semper tamen, & incessan-
ter cordis, spiritus, & voluntatis nostræ su-
perioris (quæ nostra velut acus nautica est)
cuspis ad DEI Creatoris, Salvatoris, atque
unici, & supremi boni sui amorem respiciat,
& perpetuo tendat, *sive morimur, sive vi-
vimus*, inquit Apostolus, *semper Domini
sumus, & quis nos separabit a charitate
DEI?* Nihil certe nos unquam ab hac cha-
ritate separabit; non tribulatio, non angu-
stia, non mors, non vita, non dolor præ-
sentium, non futurorum accidentium timor,
non consolationum altitudo, non afflictio-
num profunditas, non teneritudo, non ari-
ditas poterit nos separare a charitate, quæ
est in Christo IESU Domino nostro.

Solida, & infracta hæc nunquam DEUM
deserendi, aut dulcem ejus amorem repu-
diandi resolutio animabus nostris velut con-

trapondium est, ad eas in sancta æquabilitate, & justo pondere in tanta diversorum motuum, quos vitæ hujus conditio in ipsis causatur, inæqualitate conservandas. Sicut enim apes, cum ventus ipsas derepente occupat, lapillos, & calculos quosdam velut libramentum quoddam arripiunt, ut per aera volantes, non tam cito, & facile huc, & illuc a ventorum turbine abripiantur. Sic anima nostra, postquam per resolutionem generosam pretiosum DEI amorem apprehendit, inter consolationum, ac desolationum tam exterioum, quam interiorum, inconstantiam, ac vicissitudinem constans, & firma manet.

Sed præter doctrinam hanc generalem particularibus quibusdam documentis, & præceptis opus habemus.

Dico ergo primo, devotionem non infensibili quadam cordis dulcedine, suavitate, consolatione, & teneritudine, quæ nimirum lacrymas, & gemitus elicit, & nescio, quem gratum, & sapidum in exercitiis quibusdam spiritualibus gustum nobis det, consistere. Neque enim hæc, & devotio, charissima Philothea: unum quid sunt. Siquidem multæ sunt animæ, quæ has quidem teneritudines, & consolationes habent, interim tamen valde vitiosæ sunt, ac proinde verum DEI amorem, multo etiam minus veram ali.

aliquam devotionem non habent. Saul misserum Davidem quo eum neci daret, qui proinde per deserta Engaddi a facie ejus fugiebat, persequens, solus in eam speluncam, in qua David, qui millies eum hic interfice-re potuisset, ejus vitæ pepercit, imo ne timorem quidem ullum ei incussit: sed eum liberum abire passus, postea ei inclamavit, quo suam ei sinceritatem ostenderet, & sua vitam ipsius in potestate fuisse declararet. Quid non deinde fecit Saul, quo animum suum erga Davidem jam mitiorem esse, & molliorem se factum ostenderet? Filium eum vocat, in lacrimas & fletum elatiorem prorum-pit, eum deprædicat, illius clementiam, man-suetudinem celebrat, Deum pro ipso rogat, futuram ipsius magnitudinem præsagit, & augu-ratur, denique quos post relicturus erat fili-os, & nepotes, ei commendat. Majorem-ne Saul dulcedinem, & animi affectum, ac teneritudinem testari poterat? Attamen ani-mum, & mentem suam non mutaverat, tam infense, & atrociter postea Davidem illum persequens quam persecutus erat prius. Con-simili modo quidam sunt, qui cum DEI bo-nitatem, & Passionem Domini considerant, insignem animi teneritudinem sentiunt, quæ ipsos suspirare, lacrymari, orare, in valde sensibiles gratiarum actiones prorumpere facit, adeo, ut magna cor eorum devotione æstua-

re quis diceret. At cum aliquod rei hujus sit periculum, videre est, sicut transitorius æstatis cujusdam æstuantissimæ imber magnis guttis in terram decidens ipsam non penetrat, & nonnisi ad fungos producendos conducit; sic hasce lacrymas, & teneritudines, in animum vitiosum delabentes, nec ipsum penetrantes, prorsus ei inutiles esse, nec ad aliquid conducere; ne qua enim propter eas hi vel obolum restituerent eorum, quæ inique possident, ne vel uni parvo suo affectui renunciarent, ne vel minimum propter Dominum JESUM, cuius causa ante paulo lacymati sunt, subire incommodum vellent, adeo ut boni illi, quos habuere, motus nonnisi velut fungi quidam spirituales sint, qui non solum vera non sunt devotione, sed saepe insignis cacodæmonis impostura: hic enim animas parvis hisce consolatiunculis demulcens, & illiciens facit, ut iis prorsus contentæ maneant, maxime que sibi in iis complaceant, idque ne veræ, & solidæ devotioni, quæ in constante, resoluta, prompta, & activa facienda, quidquid Deo placere novimus, voluntate consistit, querendæ insistant.

Puer tenerrime, & affectuissime plorabit, si matri suo scalpro, & phlebotomo venam a chirurgo incidi videat; at si mater, cuius causa flebat, eo ipso tempore

pomum , aut cucullum sacchareum , quēm ipse manibus tenet , ab illo petat , nullatenus ei cedet . Tales ut plurimum sunt teneræ nostræ devotiunculæ : viso namque a luce JESU Christi crucifixi cor transadigi , & trajici , amarissime flemus . Bene quidem se habet , Philothea , quod ob dolorosam patris , & Redemptoris nostri mortem , ac passionem ploremus ; sed cur non cedimus ei libenter pomum , quod in manu habemus , quodque ipse tam instanter a nobis postulat ; cor inquam nostrum , unicum pomum amoris , quod amantissimus ille Redemptor a nobis requirit ? Quin ei cedimus , & tradimus tot parvas affectiunculas , & complacentias , quas ille nobis e manibus eripere quidem vellet , at non potest , quod nostrum illæ sint saccharum , quarum avidiores , & amantiores sumus , quam gratiæ illius cœlestis: sunt hæ , nonnisi puerorum amicitiæ , teneræ quidem , sed debiles , sed vanæ , sed nullius omnino effectus . Non ergo in hisce teneritudinibus , & sensibilius affectibus (qui sæpe ab ipsa naturali complexione , quæ adeo mollis , & impressionis , quam quis ei imprimere vult , valde susceptibilis est , aliquando etiam ab ipso cacodæmonie causantur , & ortum habent , qui quo nos in his parvis pueriliter detineat , imaginationem nostram convenienter ad hujus-

Jusmodi effectus hæc apprehendere facit &
devotio consistit.

Secundo hæc tamen affectus dulcedines, & teneritudines aliquando & optimæ, & utilissimæ sunt: quod animæ appetitum excitent, animum corroborent, & ad ipsam devotionis promptitudinem sanctam quandam addant hilaritatem, & gaudium, quæ actiones nostras, & decorat, & gratas etiam quoad exteriora reddit. Atque hic est ille rerum divinarum gustus, & sapor, quem David vates sentiens exclamabat: *Quam dulcia faucibus meis eloquia tua super mel, & favum ori meo.* Et sane, vel minima devotionis consolatio, qua perfundimur, per omnia exquisitissimis mundi consolationibus, & recreationibus præponderat, & potior est. *Ubera, & lac,* id est: sponsi cœlestis recreations, *meliora sunt* animæ pretiosissimo voluptatum terrenarum *vino*; illa enim, qui gustavit, reliquas omnes consolationes fellis, & absynthii instar reputat. Et quemadmodum qui herbam Scythicam ore continent, tam singularem ex ea dulcedinem sentiunt, ut nullam aut famem, aut sitim sentiant: sic ii, quibus Deus cœlestè hoc dulcedinum, & consolationum internarum manna impertivit, nullas omnino mundi hujus consolationes desiderare, aut admittere possunt, saltem ad gustum aliquem ex iis per-

cipiendum, aut affectu illis adhærendum. Sunt hæc quippe prægustus, & promulgides quædam dulcedinum, & voluptatum illarum immortalium, quas Deus dat animabus quærentibus se: sunt item saccharum, quod parvulis suis dat ad illos alliciendum, & attrahendum, sunt ad hæc aquæ cardiacæ, quas ad ipsos confortandos Deus propinat, & dat, subinde quoque sunt quædam divinarum retributionum arrhæ. Dicitur Alexander Macedo eminus, & in mari adhuc navigans, primus felicem Arabiam ex oどorum suavium, quos aura ei afflabat, olfactu detexisse, & percepisse; unde & seipsum, & suos omnes ad eam adeundam animavit: pari modo & nos in hoc vitæ mortalis, & ærumnosæ pelago subinde quasdam dulcedines, & suavitates sentimus, quæ patriæ illius cœlestis, ad quam omnes tendimus, aspiramus, & navigamus, delicias, & recreationem haud dubie prælibare, & præsentire nos faciunt. Tertio, sed inquies, cum quædam sensibiles consolationes bonæ sint, & a Deo proveniant: & aliæ vice versa inutiles, periculosæ, imo & perniciosæ sint, aut a natura, aut ab ipso salutis nostræ adversario causatæ, quomodo has ab illis discernere potero, & malas, inutilesve a bonis distinguere? Generalis doctrina est, charissima Philothea, animalium nostrarum affectus, & passiones

e fru-

et fructibus suis nobis esse cognoscendos. Animi nostri velut arbores sunt, affectus, & passiones eorum sunt rami; eorum denique opera, & actiones fructus. Animus ille bonus est, qui bonos habet affectus; affectus illi, & passiones boni sunt, qui bonos in nobis effectus, & sanctas actiones producunt. Si ergo suavitates, teneritudines, & consolationes nos faciant humiliores, & patientiores, benigniores, affabiliores, & rebus proximi compatientiores, in concupiscentiis, & inclinationibus nostris mortificandis ferventes, in exercitiis nostris spiritualibus constantiores, erga eos, quibus obedientiam debemus, parentiores, & flexibiliores, denique in omni vitae nostrae ratione sinceriores, certissimum signum id est, Philothea, eas a Deo provenire.

At si suavitatum illarum dulcedo non nisi circa nos versatur, si nos curiosos, morbos, asperos, impatiens, pervicaces, arrogantes, presumptuosos, erga proximum immites faciat; denique si nos ob easdem velut parvos quosdam sanctos circumspicientes amplius aliorum directioni, & correctioni subesse nolimus; false, & perniciose consolationes indubie sunt. Arbor bona namque non nisi bonos profert fructus.

Primo ergo, quando id genus dulcedenes, & consolationes sentiemus, insigniter

nos coram DEO humiliemus, caveamusque, ne propter illas dicamus: Hem quam sum bonus! Nequaquam, Philothea; bona quippe ea sunt, quæ nos faciunt meliores, sicut enim dixi, in hoc devotio sita est. Sed dicamus: Quam bonus Israel Deus iis, qui sperant in illum, & animæ quærenti illum! qui saccharum in ore habet, dicere nequit os sunm dulce esse, sed saccharum: pari modo, esto hæc spiritualis dulcedo valde bona sit, & Deus eam dans sit optimus; inde tamen non sequitur, eum qui ipsam sentit, bonum esse.

Secundo : agnoscamus nos adhuc velut infantes esse, qui lacte habeamus opus; & ideo nobis saccharum hoc datum, quod spiritum adhuc tenerum habeamus, & delicatum, qui illiciis, & adescationibus quibusdam opus habet, ut ad Deum amandum moveamur.

Tertio : sed (ut generaliter, & prout ordinarie contingit, loquamur) deinde gratias has, & favores magna cum animi humilitate recipiamus, easque plurimi faciamus non tam ob id, quod in se sunt, quam quod a manu DEI nobis suppeditentur: tanquam si mater, quo infantem suum placaret, & leniret, suam manu saccharea tragemata, unum post aliud ori illius ingerezret: si enim infans sensu, & ratione uteretur,

tur, pluris certe dulcedinem blanditiarum, & amorum, quos sibi mater ostendit, faceret, quam ipsam facchari, aut tragematum. Eodem modo, multum quidem est, Philothea, consolationes, & dulcedines habere, ac sentire; verum dulcedo dulcedinum est, considerare Deum ipsum amorosa, & paterna sua manu eas nobis in os, in cor, in animum, in spiritum ingerere.

Quarto: postquam jam eas hac cum animi demissione admiserimus, solicite, & debite juxta intentionem ejus, a quo eas recepimus, illas usurpemus. Ad quid enim putamus has nobis Deum dulcedines immittere? Ut nimirum per eas erga unumquemque nos benignos reddat, & simul in sui amorem rapiat. Ideo mater filio suo saccharum dat, ut ipsi det osculum, illum ergo Salvatorem osculemur, qui tot nobis suavitates, delicias, & tragemata elargitur. Salvatorem vero osculari, est illi obedire, manda ta ejus servare, voluntatem ejus exequi, desideriis illius per omnia acquiescere, denique tenere cum obedientia, & fidelitate eum amplecti. Ubi ergo consolationem aliquam spiritualem recepimus, danda eo die opera est, ut in bonis operibus faciendis, nosque humiliando, solito simus diligentiores.

Quinto: præterea id genus suavitatibus, generitudinibus, & consolationibus subinde

renunciare nos oportet cor nostrum ab illis avocando, & affirmando, quod, quamvis illas cum humilitate recipiamus, & adeo illas charas habeamus, quod a Deo veniant, & ad eum amandum nos provocent; tamen non tam eas, quam Deum, & sanctum amorem ejus quæramus, non tam consolationem, quam consolatorem ambiamus, non tam dulcedinem, quam dulcem Salvatorem, non tam teneritudinem, quam eum, qui cœli simul, & terræ delicium est. Et hoc in affectu statuamus firmi, & constantes in sancto D^o amore perseverare, nec eum unquam dimittere, esto, quamdiu vivimus, nullam unquam sentire consolationem, & dulcedinem deberemus, & æque tam in monte Calvariæ, quam in Thabor dicere; Bonum est me esse tecum Domine, sive in cruce moriaris, sive gloria resulgeas.

Sexto: hoc demum te monitam volo, ut, si notabilis quædam hujusmodi consolacionum, teneritudinum, lacrymarum, & suavitatum abundantia te circumflueret, aut extraordinarium quid in illis tibi accideret, fideliter id directori, & conductori tuo aprias, ut discas, & intelligas, quo in iis modo te gerere, & quam moderate procedere debeas. Scriptum est enim: *Invenisti mel! quantum tibi satis est, ex eo comedere,*

C A P U T X I V.

*De spiritualibus ariditatibus, &
sterilitatibus.*

Cum ergo consolationibus perfunderis, Philothea, id quod jamjam consului, & præscripsi, tibi erit observandum: at amica, & optabilis illa serenitas non diu durabit, quin eçontra ita te continget nonnunquam omni devotionis sensu privari, & destitui, ut animam tuam, ceu desertum inferax, sterile quoddam fenticetum esse putatura sis, in qua nulla vel semita, vel via ad DEUM inveniendum appareat, neque ulla gratiæ aqua, a qua irrigetur, idque ob nimias aridates, quæ eam totaliter silvescentem, & incultam reddituræ videntur. Eheu! quam anima hæc, quæ hoc in statu versatur, digna compassione est, & maxime, cum malum hoc vehemens, & intensum est! tunc quippe ei ad imitationem Davidis lacrymæ sunt panis die, ac nocte; interim dum inimicus sexcentas per suggestions, quo eam ad desperationem adigat, ei insultat, dicens: misella, ubi est Deus tuus? Qua eum via invenies? Quis reddet tibi sanctæ illius gratiæ lætitiam?

Quid ergo illo tempore facies, Philothea mea? Nota, & vide, unde nam malum ortum suum habeat? Sæpe namque ipsi,

met nostrarum sterilitatum, & ariditatum
causa sumus.

Primo: sicut mater tum puello suo fac-
charum dare renuit, dum eum lumbricis,
& vermibus obnoxium novit: sic saepe tunc
nobis Deus consolationes aufert, cum vane
in iis nobis complacemus, & arrogantiæ,
ac vanæ gloriæ vermes ex illis excrescunt.
Bonum, Domine, quia humiliasti me: nam
antequam humiliarer, te offenderam.

Secundo: cum suo in tempore amoris
divini suavitates colligere negligimus, tunc
ipse, in negligentiae nostræ castigationem, a
nobis recedit, ac se subducit. Israelitæ, qui
summo mane colligere manna negligebant,
sole jam exorto ipsum colligere non pote-
rant; tunc quippe liquefactum velut cera dif-
fluxerat.

Tertio: nonnunquam in sensualium de-
liciarum, & periturarum consolationum le-
tio molliter recumbimus, uti sacra illa Can-
ticorum sponsa; & ecce animarum nostra-
rum sponsus ad cordis nostri januam pullat,
nobis inspirans, ut spiritualia exercitia nostra
resumamus: nos vero ei aperire tergiversa-
mur, quod permolestum nobis fit vanas il-
las recreaciones amittere, & falsis illis dele-
ctionibus nuntium remittere, unde ipse,
velut indignabundus, pertransit, nosque in
nostra miseria agere, & repere sinit: hinc

cum

cum dein rursum quærere eum volumus, non nisi post summam difficultatem eum invenire possumus. Et certe non immerito, quod in illius amore ita infidi, & perfidi fuerimus, ut, quo rebus mundanis frueremur, illum exercere noluerimus. Habes itaque farinam Ægyptiam, quamobrem manna cœlicum non habebis. Odores compositos, & artificiales apiculæ fugiunt, & abhorrent: sic Spiritus Sancti suavitates cum adulterinis mundi deliciis simul nequeunt consistere.

Quarto: ipsa duplicitas spiritus, & subdola in confessionibus, & communionibus spiritualibus cum animæ directore factis procedendi ratio aridates, & sterilitates causatur: cum enim Spiritui Sancto mentiaris, mirum certe non est suam illum tibi denegare consolationem, non vis esse simplex, & sincerus ad instar parvuli, parvulorum ergo saccharum tibi non dabitur.

Quinto: mundanis ad os usque recreationibus, & voluptatibus repleta es; minime ergo mirum spirituales tibi delicias desipere. Asinus satur, ut proverbio dicitur, non est carduos; & ventri pleno desipiunt tragemata. *Esurientes, ait B. Virgo, replevit bonis, & divites dimisit inanes,* & qui voluptatibus mundanis pleni, & saturi sunt, spiritualium minime sunt capaces.

Sexto: si receptarum consolationum frumentum sedulo conservaris, novas mereberis recipere. Habenti enim omni dabitur, ab eo autem, qui, quod recepit, non habet, sed sua id culpa amisit, etiam id auferetur, quod non habet; id est, gratiis, quæ ei præparatae erant, privabitur. Pluvia, uti videmus, plantas adhuc virentes vivificat, at non virulentibus, & viorem non habentibus, illam quoque vitam aufert, quam non habent; et enim per illius humorem penitus computrescant.

Ob tales, & alias id genus causas, non paucas internas mentis consolationes amittimus, & in spiritus ariditatem, & sterilitatem incidimus. Examinemus itaque conscientiam, num hujusmodi in nobis defectum aliquem notemus. At noris, charissima Philotea, non esse hoc examen aliqua cum quietudine, & nimia curiositate instituendum, at, postquam omnes nostros nutus, & actus quoad hoc fideliter excusserimus, si mali hujus causam in nobis ipsis consistere deprehenderimus, gratias Deo agamus, tunc quippe malum nostrum media est ex parte curatum, cum ejus causa deprehensa est, & patuit: At si econtra nihil in particulari notas, ac deprehendis, quod hujus ariditatis tibi causa fuisse videatur, ulterius in ea curiosius inquirenda progreди noli: sed omni

cum

cum candore, & sinceritate sine ulteriori particularitatis alicujus indagine facito, quod tibi hic præscribam. Primo: quam potes maxime coram Deo te in nihil, & miseriæ tuæ cogitatione humilia. Ah! quid sum, Domine, cum ea sum? Non aliud certe, quam terra arida, quæ omni ex parte rimas agens satis ostendit, quam pluvia cœlesti opus habeat, eamve sitiat, & interea ventus eam dissipat, & in pulverem redigit,

Secundo: Dei opem invoca, ejusque lætitiam exposce. *Redde mibi lælitiam, Domine, salutaris tui. Pater, si possibile est, transfer a me calicem istum.* Surge aquilo irfructuose, qui animam meam arefacis; & veni suavissime consolationum Zephyre, perfla hortum meum, & boni affectus ejus odorem suavitatis efflabunt.

Tertio: Confessarium tuum adi, & animum tuum plane ei aperi, omnes illius recessus, & sinus illi detegendo; ea, quæ tibi suggeret consilia, gratanter admitte, idque quam inaxima potes sinceritate, & humilitate. Deus quippe, qui obedientiam summopere diligit, & charam cumprimis habet, saepe facit, ut quæ ab aliis suggeruntur consilia, & imprimis ab animarum directoribus, esto elias non magnopere in se utilia videantur, fructuosa evadant; sicuti Naaman Syro aquas Jordanis salutares, & salubres redi.

dedit, quarum ei Helisæus, esto ratio humana reclamare, & aliud suadere videretur, usum præscripserat.

Quarto: nihil porro in hujusmodi ariditatibus, & sterilitatibus utilius, fructosius nihil, quam contentiose, & efficit non desiderare, ut ab eis liberemut: non quasi non possimus simpliciter desiderare, ab iis liberari, sed non perdite, & magna contentione: quod in specialem DEI providentiam nos resignare debeamus, ut, quamdiu placuerit, nostra ille opera has inter spinas, & intensa desideria utatur. Illi ergo in tempore dicamus. *Pater mi, si possibile est; transfer calicem hunc a me; sed simul magna cum generositate, & resignatione addamus: Verumtamen non mea, sed tua voluntas fiat;* & quam possumus maxima animi quiete in hoc nos detineamus. Deus quippe sanctam hanc nostram indifferentiam videns, per plurimas nos gratias, & favores consolabitur: sicuti, dum Abramum Patriarcham jam paratum, resolutum ad filium suum Isaac immolandum vidit, satis ei fuit, puram hanc in ipso resignationem, & indifferentiam vidisse; unde suavissima deinde visione, & dulcissimis benedictionibus eum est consolatus. Itaque in omni afflictionum tam corporalium, quam spiritualium genere, & in ipsis sensibilis devotionis subtractionibus,

&

& distractionibus, quæ nobis subinde contingent, & ex toto nos corde, & profunda quadam cum nostri ipsorum submissione dicere oportet: *Dominus dedit mibi consolationes, Dominus easdem mibi abstulit, sit sanctum ejus nomen benedictum!* Si enim in sancta hac humilitate perseveremus, consolatorias suas gratias nobis reddet? sicuti olim Jobo, qui in omnibus afflictionibus suis id genus verba assidue, constanterque repetebat, eas restituit.

Quinto: in omnibus ariditatibus, & sterilitatibus nostris animum non despondeamus, Philothea, sed patienter exspectantes, usque quo consolationes redeant, solitum nostrum agendi modum semper retineamus; neque ullum illarum causa devotionis exercitium omittamus; imo, si fieri potest, bona opera nostra inaugeamus, & multiplicemus, & cum tragemata, & salgama liquida charissimo sponso nostro dare nequeamus; demus arida; perinde enim id ei est, dummodo cor, a quo hæc illi offeruntur, perfecte sit ad illum amandum paratum, & resolutum. Si quando amœnum, & gratum est ver, plus apes mellis progignunt, & apiculas pauciores; nam sereniore illa aura ille&tæ, usque adeo mellis per flores collectioni incumbunt, ut nymphularum suarum productio-
njs propemodum obliviscantur; at ubi ver
im-

immite, & acre est, nymphulas plures, & mellis minus conficiunt: quod enim ad melillegium foras provolare nequeant, sui ipsarum multiplicationi sese applicant. Sic saepe fieri videmus, Philothea; ut, cum anima se in amœno consolationuu spiritualium vere agere videt, ita eisdem colligendis, & exsugendis incumbat, ut in suavum deliciarum suarum abundantia pauciora multo bona opera faciat: & e contrario, mediis in ariditatibus, & sterilitatibus spiritualibus, cum se suavius devotionis sensibus privatam videt, solida pietatis opera eo magis multiplicat, & in intentiore vererum virtutum, puta patientiæ, humilitatis, sui ipsius abjectionis, resignationis, & amoris proprii abiiegationis, generatione productioneque abundantior est.

Errant ergo multi, & præsertim fœminæ gravissime, dum putant, id quod Deo sine ullo gustu interiori, sine cordis teneritudine, & sensu impendimus obsequium, divinæ illius Majestati minus gratum esse; cum e contrario actiones nostræ sint ad instar rosarum, quæ cum recentes sunt, plus quidem præferunt elegantiae, & nitoris, at cum arefactæ, plus odoris, & virium exerunt: par modo, esto opera nostra in sensuali cordis teneritudine facta nobis sint gratiore, magisque placeant (nobis inquam, qui nonnisi pro-

propriam delectationem, & recreationem spe-
ctamus) in ariditate tamen, & sterilitate
obita plus in DEI conspectu odoris, & va-
loris continent. Vere, Philothea, cum in
tempore ariditatis nostræ nos voluntas velut
vi quadam compulso abripiat ad DEO ser-
viendum, necesse proinde est magis ea hinc
vigoris, & constantiæ præferant, quam in
tempore teneritudinis, & consolationum.
Multum certe is non præstat, qui tempo-
re tranquillo, & medias inter aulæ obiecta-
tiones Principi famulatur; at vere is se con-
stantem, & fidelem erga eum ostendit, qui
durissimo belli tempore medios inter tumul-
tus, & persecutio[n]es ab ejus obsequio non
recedit. Unde B. Angela de Fulgino illam
DEO orationem dicebat acceptissimam esse,
quæ vi, & coacta fit, id est, ad quam nos
non tam propter gustum aliquem, quem in-
de habere speramus, neve ex affectu, & in-
clinatione erga eandem, sed pure ad DEO
placendum applicamus; quo nostra nos vo-
luntas velut invitos, & coactos impellit,
ariditates, & repugnantias in hoc occurren-
tes fortiter perfringens, & superans. Idem
de reliquis omnibus bonis operibus censeo:
quo enim majores in iis obeundis contradi-
ctiones, ac repugnantias tam exteriores, quam
interiores sentimus, eo illa pluris a DEO fi-
unt, majoremque mercedem habebunt. Quod

in virtutum prosecutione, & exercitio minus proprii commodi a parte nostra apparet, eo divini amoris puritas magis in ipsa relucet, tunc matrem puellus nullo negotio osculatur, cum hæc illi saccharum dedit, sed, si post datum absinthium, & amarulentiam nihilominus eam osculetur, signum est, magnō sane in illam amore ferri.

C A P U T X V.

Superiora illustri quodam exemplo confirmantur, & illustrantur.

VERUM ut omnis hæc doctrina fiat evidenter, & manifestior, quamdam hic evita S. Bernardi historiæ partem visum est adscribere, quam in docto æque, ac prudenti scriptore reperi; sic igitur ea habet: omnibus prope Deo primum servire incipientibus, & qui nondum per experientiam didicerant, quid sint illæ gratiæ, subtractiones, ac vicissitudines spirituales, ordinarium, & solenne est, ut sensibilis devotionis sapore, & gustu nec non jucundo illo lumine, quod, ut in via Domini festinent, ipsos invitat, & allicit ipsis deficiente statim animo penitus cadant, pusillanimes fiant, & quandam cordis tristitiam sentiant. Cujus rei hæc a peritis spiritualium redditur ratio, quod natura ratione prædita diu famem pati, & diu sine aliqua dele.

delectatione cœlesti æque, ac terrena vivere nequeat. Porro sicut animæ, quæ per superiorum delectationum experimentum, & sensum super se evectæ sunt, visibilia objecta nullo negotio contemnunt; ita dum, divina providentia sic disponente, gaudium spirituale ab illis aufertur; hinc, quod ex una parte nullas consolationes terrenas habeant, ex alia vero nondum longo usu didicerint, veri solis redditum in patientia expectare, ipsis videtur, quod nec in cœlo, nec in terra agant, & perpetua quadam in nocte velut sepultæ mansuræ sint: unde ad instar parvulorum ablactatorum a suis uberibus avulsæ languent, dolent, gemunt, molestæ, & importunæ redduntur, ac maxime erga seipsas. Hoc ergo, eo in itinere, de quo hic loquor, contigit cuidam e comitibus nomine Ganfredo Peronensi, qui non ita pridem Dei sese obsequio manciparat. Hic ergo derepente redditus aridus, consolatione spirituali destitutus, & tenebris interioribus obseptus, in memoriam sibi reducere incepit, amicos, quos in mundo habuerat, consanguineos item, & facultates, quas jam nuper repudiarat, unde tam gravis cum tentatio cœpit invadere, ut cum eam exteriori vultus, & corporis compositione celare non posset, amicorum ejus intimus illam facile perceperit, unde blando ser-

mone , & compellatione in ejus se collo-
quium insinuans , in aurem ei iususurravit:
Quid hoc est Ganfrede frater ? Cur præter-
quam soles , ita cogitabundus , & contrista-
tus es ? Cui Ganfredus , alto ex animo du-
ctis suspiriis nunquam , inquit , quoad vi-
vam , perfecte lætabor frater. Alter hæc au-
diens sortem ejus miseratus , & fraterno mo-
tus zelo , communem utriusque patrem adiit
S. Bernardum , rem omnem ex ordine ei re-
ferens. Bernardus Ganfredi viso discrimine
proximam est Ecclesiam ingressus , quo De-
um pro ipso deprecaretur. Interea Gan-
fredus tristitia cor ejus premente , & obsi-
dente , caput in lapidem reclinans obdormit.
Non multo post uterque surrexerunt , ille
ab oratione votorum factus compos : hic a
somno , sed facie adeo hilari , & ad lætiti-
am composita , ut amicus ille ipsius tam evi-
dentem , & repentinam in eo mutationem
miratus , non potuerit eum non amice repre-
hendere ob ea , quæ paulo ante ibi dixerat.
Tum Ganfredus , si ante paulo nunquam me,
quoad vivam , gavisurum dixi , jam e contra
assero , nullam me unquam post hac tristi-
tiam sensurum.

Is fuit temptationis pii hujus viri eventus:
qua in historia notare te velim , Philothea
mea , primo Deum ut plurimum iis , qui ob-
sequio suo primum se dedicant , quendam

cœlestium deliciarum prægustum, & promul-
siderem dare solere, quo eos, & a terrestri-
bus voluptatibus avocet, & ad divinum
amorem consecrandum exstimatelet; sicuti ma-
ter, quo parvulum suum ad ubera sugenda
pelliciat, papillas illice melle illinere consue-
vit. Secundo, hunc ipsum bœnum Deum
subinde pro sapienti dispositione, & provin-
tia sua consolationum nobis lac, & mel au-
ferre, ut hac ratione velut ablatati aridum,
& solidiorem virilis cujusdam devotionis, quæ
spirituales desipientias, & tentationes ferre
didicerit, panem comedere assuescamus. Ter-
tio, nonnunquam vehementes quasdam ten-
tationum tempestates medias inter ariditates,
& sterilitates exoriri solere: ac tum viri-
liter contra has ipsas decertandum esse, ne-
que a Deo eæ proveniunt ariditates: tamen
magna sunt cum constantia, & generose fe-
rendæ, quod ad nostri exercitium Deus no-
bis eas immittere soleat. Quarto, non de-
bere nos unquam, quantumvis interea tæ-
dia, & pressuræ intensa sint, prorsus ani-
mum abjecere, nec cum Ganfredo illo dice-
re: *Nunquam exinde ullam amplius læti-
tiam sentiam;* Si quidem tenebrosa duran-
te nocte expectanda lux est, & vice versa
quantumlibet pura serenitate spiritus gaudeat,
nunquam dicere debere: *Nunquam contri-
stabor, nec animum contraham,* quia, ut

monet Sapiens, in die bonorum non debemus immemores esse malorum; in adversis, & laboribus semper speranda meliora; in prosperis vero timendum, unde tam in illis, quam in his nos coram Deo humiliare debemus. Quinto, singulare cumprimis remedium esse, amico cuiquam spirituali, a quo solatum, & subsidium exspectemus, morbum, & malum, quo preminur, detegere.

Denique ut huic doctrinæ adeo necessariæ finem imponam, hoc animadverti, quem admodum omnibus in rebus, ita & in his Deum Optimum Maximum, & cacodæmonem inimicum nostrum diversa prorsus spe-
ctare, & discrepantes intentiones habere. Deus quippe per has ad insignem cordis puritatem, ad totalem proprii nostri commodi, quantum ad obsequium ipsius attinet, abnegationem, ad perfectam nostri ipsorum renunciationem nos conatur perducere; at diabolus ad hoc connitur, ut animum nos despondere, & ad sensuales delectationes propendere, & inclinare faciat; denique tam nobis ipsis, quam aliis molesti, & tædiosi simus, ut hac ratione sancta devotio traducatur, & infametur. At, si, quæ tibi tradidi documenta, observes, perfectionem tuam in eo, quod durantibus hisce afflictionibus internis facis, exercitio maximopere inaugebis. Antequam vero huic tractatui

finem imponam, unum hoc addam, nimirum, ipsas aridates, sterilitates, & tædia spiritualia interdum ab ipsa corporis indispositione locum habere, uti dum quis ob nimis vigilias, labores, jujunia exhaustus, defatigatione, languido corpore, capitis gravidine, & aliis id genus infirmitatibus oppressus gemit; quæ licet proprie a corpore dependeant, spiritui tamen, & animo, quod summa sit inter utrumque conjunctio, & vinculum, etiam nocent. Hoc ubi continet, meminerimus semper plurimos virtutum actus, spiritus, & voluntatis superiores ad miniculo exercere: nam esto universa anima nostra dormire, & sopore, & lassitudine penitus oppressa videatur, non tamen ideo spiritus nostri actiones Deo quam maxime placere desinunt. Ideoque tunc temporis cum Sponsa sacra dicere possumus: *Ego dormio, sed cor meum vigilat.* Et quemadmodum supra monui, licet hoc in exercitio, & sic faciendo, minus saporis, & gustus sentiamus, plus tamen in eo meriti est, & virtutis majoris occasio. Sed optimum tuum remedium est legitima aliqua recreazione, & oblectatione honesta corpus revigorare, & sibi quodammodo restituere. Quapropter S. Franciscus ita fratres suos laboribus, & austeritatibus corporalibus voluit incumbere, & talem in iis moderationem ad-

hibere, ut per easdem spiritus fervorem, & vigorem non adobruerent.

Et hinc ipse generosus Pater Franciscus (quod optime huic meo proposito quadrat) tempore quodam tam gravi fuit spiritus tristitia, tædio, & melancholia obrutus, ut non posset illam exterius non prodere: si enim cum Religiosis suis conversari volebat, minime ad hoc se inducere poterat; si ab iis se subducebat, malum suum, & tædium tunc sentiebat inaugeri: abstinentia, & carnis maceratio spiritum obruebant; nullum denique oratio ei dabat alleviamentum. Bienno toto hoc in statu egit, adeo ut plane a Deo suo derelictus videretur: sed tandem postquam magna animi humilitate gravem hanc concussionem, & vexationem pertulisset, optatam animi serenitatem, & quietem in momento ei Dominus restituit. Quod ideo retuli, ut hinc appareat, etiam maximos, & singulares Dei famulos id genus vexationibus, & afflictionibus interdum exagitari, ac proinde minores mirari non debere, si subinde in hujusmodi amaritudines, & desolationes spiritus incident.



INTRODUCTIONIS

P A R S Q U I N T A.

**Ea complectens exercitia, & monita,
quæ ad animam renovandam, & in de-
votione confirmandam conducunt.**

C A P U T I.

*Bona proposita per sequentia exercitia si-
gulis annis sunt renovanda.*

PRimum exercitiorum horum pun-
ctum circa hoc versatur, ut co-
gnoscamus, & noverimus, quan-
ti illa sint momenti. Etenim natura nostra
humana ob carnis nostræ fragilitatem, &
in malum inclinationem, quæ nimirum ani-
mam aggravat, & illam semper ad inferiora
vergere facit, nisi illa quadam bonorum, quæ
concipit, propositorum violentia sæpe se in
altum efferre conetur, facili negotio bonos
suos affectus obliviscitur, & ab iisdem deci-
dit; quemadmodum & aves statim in ter-
ram delabuntur, nisi alarum suarum libra-
menta, & motus, ut hac ratione volare per-
Ee 5 gant,

gant, identidem iterent, ac multiplicent. Quapropter necesse est, charissima Philothea, bona, quæ ad Deo serviendum fecisti proposita, sæpe repetere, & subinde renovare; ne forte, si id facere negligas, ad priorem statum tuum, aut alium etiam multo pejorem relabaris: nam spirituales lapsus ut plurimum ad inferiorem, ac profundiorē ejus locum dejiciunt, quam erat is, ex quo ad devotionem alias ascendimus. Nullum est horologium quantumvis bene libratum, quod non bis quotidie, mane nimirum, & vesperi intendi, & restitui ponderibus suis debeat: necesse præter hoc est, ut ad minimum semel in anno ipsum penitus, & per omnia membra dissolvatur, ad rubiginem, si quam contraxit, auferendam, ferramenta, si laxata, confractaque, restituenda, & ea, quæ continuo usu detrita sunt, restauranda. Pari modo quisquis sedulo charum suum corrare vult, & vere de eo solicitus est, mane, & vesperi in Deum illud per ea, quæ supra notavi, exercitia debet intendere, præterea statum illius sæpius examinare, ipsum restituere, ac resarcire; denique saltem semel in anno illud quodammodo per partes dissuere, ac dissolvere, & eas singulas accuratius inspicere, omnes, inquam, illius affectiones, & passiones, ut, quotquot in eas irrepere, defectus restauret, ac repareret. Et

sicuti horologiarius unguine quodam tenuissimo, & mollissimo omnes horologii sui rotas, foramina, vertebrae, & mobilia inungit, ut motus illius fiat suavior, & minus rubiginem ferramenta contrahant; sic deatus, postquam cor suum hoc pacto per partes excusserit, & inspexerit, quo bene ipsum renovet, Sacramentis Confessionis, & divinissimæ Eucharistiæ illud oportet inungat. Hoc quippe exercitium vires tuas diuturnitate temporis nonnihil collapsas restituere, & evigorabit, animum calefaciet, ac bona tua proposita revirescere, & spiritus tui vires faciet resuscitare.

Prisci Christiani ipso, quo Salvatoris nostri JESU Christi baptismus, anniversaria celebritate in Ecclesia recolitur, die, hoc facere quam diligentissime solebant: tum quippe, ut Sanctus Gregorius Nazianzenus testatur, professionem, & protestationes hoc in Sacramento fieri solitas solenni ritu renovabant. Idem, & nos faciamus, charissima Philothea, quam lubentissime ad hoc nos prius disponentes, & dein quam diligentissime hoc exercitium obeuntes.

Postquam ergo ex patris tui spiritualis praescripto conveniens, & idoneum ad hoc tempus delegeris, ac solitudinem sive spiritualem, sive etiam realem, majorem solito colere jam decreveris, super sequentia pun-

&ta

Etia juxta modum, & methodum, quam in secundi libri parte tibi præscripsi, unam, duas, sive etiam tres meditationes institues.

C A P U T I I.

*Expenditur, quantum DEI sit beneficium,
quod nos ad suum servitium vocat, juxta
protestationem superius positam.*

Considera primo protestationis tuæ puncta, Primum est, quod peccatum mortale in perpetuum deserueris, rejeceris, detestata sis, & renuntiaris. Secundum, quod animam, cor, corpus tuum, & quidquid ad illa ullo modo pertinet, Dei amori, & obsequio dedicaris, & consecraris. Tertium, quod si forte in aliquod opus malum te continget labi, mediante Dei gratia quamprimum resurgeres. An non hæc pulchræ, justæ, dignæ, & generosæ sunt resolutiones, & proposita? Intra temetipsam ergo cogita, quam hæc protestatio sancta rationi consentanea, & optabilis sit.

Secundo: considera, cuinam hanc spionem, & protestationem feceris. Deo, inquam; si enim sponsio æqua, & cum ratione coincidens homini facta ad fidem præstandam, & liberandam nos obligat, quanto magis illa, quæ facta est Deo, dicebas David: *Tibi dixit cor meum; eructavit cor meum*

*meum verbum bonum tibi, non obliuiscar
tui in æternum.*

Tertio: perpende, coram quibus spōn-
sionem hanc feceris: videlicet coram univer-
sa curia cœlesti; etenim Beatissima Virgo,
Sanctus Joseph, Angelus tuus Custos, S.
Ludovicus Rex, omnis illa Beatorum multi-
tudo te intuebantur, & supèr verba tua spi-
ritum gaudii, & approbationis aspirabant, &
ineffabilis cujusdam amoris oculis, cor tuum
charum Salvatoris J E S U pedibus postratum,
quod illius sese obsequio mancipabat, respi-
ciebat. Unde peculiari quodam gaudio om-
nes cœlestis Jerusalem cives tunc plaudebant,
& exultabant; cuius ipsi hodie etiam com-
memorationem, & memoriam facient, si sin-
cere, & ex corde bona tua proposita reno-
ves.

Quarto considera, quibus potestationem
tuam modis feceris. Quam ergo tibi Deus
Optimus Maximus illo in tempore benignus
fuit! sed dic mihi in veritate, an non dul-
cibus Spiritus Sancti provocationibus, & in-
vitationibus ad hoc faciendum pellesta fuisti?
An non funes, quibus cymbulam tuam De-
us ad salutarem hunc portum attraxit, fuerat
amoris, & charitatis: Quomodo divino sac-
charo suo, Sacramentis inquam, pia lectio-
ne, & oratione ipse te adescavit, & allexit?
Dormiebas, ah! Philothea mea, & Domi-
nus

nus, super te excubabat, cogitationes pacis super cor tuum cogitabat, & meditationes amoris propter te meditabatur.

Quinto considera, quo te Deus tempore ad singulares has resolutiones faciendas attraxerit scilicet in ætatis tuæ flore. Hem! quanta felicitas tempestive, & cito addiscere id, quod non possimus scire, nisi nimis sero! S. Augustinus cum anno ætatis trigesimo a Deo vocatus esset, hoc modo exclamabat: *O antiqua pulchritudo! quam te sero cognovi? Eheu! videbam te, & tamen non considerabam te.* Tu vero merito dicere poteris: *O antiqua dulcedo! cur te citius non gustavi, aut cognovi?* Et tamen, ne tum quidem forte eam nosse promerebaris, ac proinde agnoscens, quantam tibi Deus gratiam te a juventute tua ad se trahendo fecerit; dico cum Davide: *DEUS docuisti, & illustrasti me a juventute mea, & usque nunc pronuntiabo misericordiam tuam.* Sin autem in senectute tua te vocaverit, Philothea, gratia Dei est, quod, postquam annos tuos priores ita perperam, & prave traduxisti, nihilominus ante mortem tuam te vocaverit, & miseriæ tuæ cursum inhibuerit: tunc, cum si in eodem ulterius perrexisses, in æternum periisses misera, & miserabilis.

Sexto considera vocationis hujus effetus, & reperies haud dubie egregias, & salutares in te mutationes, si quod modo es, cum eo, quod olim fuisti, compares. An non felicitatis cuiusdam in numero reponis, quod per orationem cum Deo iam colloqui noris, quod eum amandi desiderium, ac propensionem habeas, quod multas, a quibus oppugnabarisi, & inquietabarisi, passiones edomueris, & ad quietem composueris, quod per confessionem multa peccata, & conscientiae turbam ita evitaveris, quod delique toties sacræ sis communionis facta particeps, & ad supremum æternarum gratiarum fontem, unione quadam intima cum eo facta, accesseris? Quod antea toties non fecisses. An non hæ eximiae, & singulares quædam gratiae sunt! quæ pondere sunt sanctuarii ponderandæ, Philothea: etenim manus Domini fecit hæc omnia. *Dextera Domini*, ait Psaltes: *fecit virtutem, dextera Domini exaltavit me, non moriar, sed vivam, & narrabo corde, ore, & operibus mirabilia bonitatis ejus.*

Post omnes has considerationes, quæ, uti vides, plurimos bonos, & pios affectus suggerunt, cum gratiarum actione, & ferventi quadam oratione, qua profectum inaugeri petamus, finiendum est, & summa eum humilitate, & in Deum fiducia inde sur.

surgendum, hoc observando, ut propositorum renovationem, & vim post secundum exercitii hujus punctum faciamus.

C A P U T I I I.

Animæ nostræ status examinandus, & vindendum, quem in vita devota progressum fecerit.

Secundum hoc exercitii punctum paulo longius est. Non autem id totum simul, & continuato actu peragendum, sed per partes, & divisim; ut nimirum primo examines, quomodo te gesseris erga Deum; secundo, quomodo erga teipsum; tertio, quomodo erga proximum; quarto denique, quomodo sese habeant passiones, & affectus. Opus præterea non est, uti nec expediens, ut flexo genu examen hoc instituas, nisi forte sub ejus initium, & in fine, cum de affectibus agitur. Alia ejus puncta utiliter facere potes obambulando, quin etiam utilius in lecto decumbendo, si aliquantis per ibi insomnis agere, & vigilare possis: sed ut, prout oportet, id facias, ea ante diligenter prælegas, necesse est. Requiritur tamen, ut totum hoc secundum punctum ad summum tribus, vel duabus noctiætus absolvias, ex unaquaque die, & nocte horam aliquam, id est, aliquantum temporis, prout tibi commodum erit, & expediens, tibi feligendo.

Si

Si enim hoc exercitium nonnisi temporibus valde disjunctis, & a se nimium remotis fieret, robur suum amitteret, & nimium languidas operationes ederet. Post singula examinis puncta notabis, qua in re te defecisse deprehendes, & ubinam erres, & impingas, & quæ præcipue impedimenta hactenus senseris, quo te deinde ad consilium capendum, propositum bonum faciendum, & spiritum tuum corroborandum, alteri declarare possis. Esto necesse non sit, ut quibus diebus hoc exercitium, & alia obibis, penitus, & absolute te ab omni hominum conversatione sequestres; aliquo modo tamen ab illa te avoces, oportet, maxime circa vesperam, quo & tempestivius cubitum concedere, & corporis æque, ac spiritus quietem considerationi pernecessariam captare queas. Per diem vero frequentes ad Deum, Beatam Virginem, Angelos, & universos cœli cives aspirationes identidem faciendæ sunt. Necesse denique est, ut omnia ex corde, Dei, & perfectionis propriæ amante fiant. Ut autem examen hoc benigne, debitoque modo instituatur.

Constitue te primo coram DEO. Secundo, Spiritus Sancti opem invoca, lumen, & claritatem ab eo, ad te ipsam cognoscendam, postulans una cum Sancto Augustino, qui in spiritu humilitatis sâpe ad Deum clamabat:

*Domine noverim te, noverim me, & cum Sancto Francisco, qui Dominum interroga-
bat dicens: Quis es tu Domine? Et quis
sum ego?*

Protestare quoque, ideo te profectum tuum inquirere, & notare nolle, ut intra temetipsam ob eum stolide tibi complaceas, & gaudeas, sed tantum ut in DEO exultes; neque ut inde glorieris, sed gloriam omnem DEO adscribas, eique propterea gratias agas.

Protestare te, si (uti præsumis) parum te profecisse, aut potius defecisse, & recef-
fisse deprehendas, propterea animum nullatenus abjecere, vel per aliquam pusillanimita-
tem, aut inertiam nolle refrigerescere, imo e contra animum majorem te capere, magis te animare, teque humiliare, & mediante DEI gratia defectibus mederi velle.

Hoc facto, suaviter, & tranquille consi-
dera, & examina, quomodo usque in præ-
sentem horam erga DEUM, proximum, &
temetipsam te gesseris.

C A R U T I V.

*Animæ status examinatur, quomodo se-
erga DEUM gesserit.*

Quomodo est cor tuum erga peccatum mortale animatum? Firmumne, & so-
lidum propositum fecisti ad nunquam ipsum qua-

quacunque demum de causa admittendum? Hoccine propositum duravit jam inde a prima protestatione tua usque ad tempus præsens? In hoc autem proposito vitæ spirituалиis fundamentum consistit.

Secundo: quo est cor tuum modo erga Dei mandata affectum? Eane tibi videntur bona, suavia, grata? Cujus, o filia! gustus bonus est, & stomachus salubris, bonos is cibos quærit, & noxios rejicit.

Tertio: quo est cor tuum modo erga peccata venialia affectum? Non possumus quidem plane iis carere: sed estne aliquod, erga quod speciali modo inclines? Quod autem longe foret deterius, estne aliquod, erga quod affectu, & amore feraris?

Quarto: qualiter est cor tuum erga exercitia spiritualia dispostum? Eane amas, & magni facis? An non illa tibi tædiosa, & gravia sunt? Non alieniore ab iis es animo? Erga quod magis, aut minus propendes? Verbum Dei audire, vel legere, de Deo loqui, meditari, & ad eum aspirare, peccata confiteri, ad sacram se communionem disponere, & eam adire, affectus reprimere; quidnam ex illis est, quod animo, & affectui tuo repugnet? Et, si quid deprehendas, erga quod cor tuum minorem inclinationem sentiat, examina, unde prava illa inclinatio-

tio, & aversio veniat? Et quænam illius sit causa.

Quinto: quale est cor tuum erga ipsum Deum? Anne gratum ei est, DEI sui recordari? An ex ejusdem recordatione singularem quandam percipit dulcedinem? *Memor,* inquit Propheta, *fui DEI mei, & delectatus sum.* Sentisne in corde tuo quandam ad Deum diligendum facilitatem, nec non peculiarem quandam gustum in amore hoc degustando? An non gaudet cor tuum, & exultat, dum de DEI bonitate, immensitate, & dulcedine recogitat? Num etiam medias inter mundi occupationes, & vanitates DEI tibi memoria nonnunquam occurrat, & an tunc reliquæ cogitationes ei non cedant? Num cor tuum ipsa occupet? Num cor tuum in partem illius tibi videatur propendere, & ei quodammodo obviam procedat? Sunt quippe animæ, quibus hoc solenne, & commune est.

Si cujuspiam uxoris maritus elonga peregrinatione domum redeat, mox ut illa illius redditum percipit, & vocem audit, esto variis tunc occupationibus distineatur, atque etiam vehemens aliqua earum cogitatio, & reflexio mentem illius tum occupet; cor tamen ejus liberum retineri nequit, sed reliquas omnes cogitationes a se excludit, quod de marito cogitet. Simili modo animæ De-

um perfecte amantes, esto, dum DEI recordatio illis incidit, impeditissimæ per alia negotia sint, nihilominus ad reliqua omnia vix advertunt; & eorum sensum prope omnem amittunt, idque præ gaudio, quod ex eo, quod amicam illam recordationem sibi rediisse vident, in animo sentiunt. Et hoc est valde bonum signum.

Sexto: quale est cor tuum erga JESUM Christum DEUM, & hominem? Anne jucundum tibi est apud illum versari? Apes libenter apud, & circa mel agunt, & circa putifcentia corpora crabrones: ad eundem modum sanctæ, piæque animæ gaudent apud Dominum J E S U M versari, tenerrimoque quodam erga eundem amore feruntur at improæ, & negligentes vanitatibus interesse.

Septimo: qualiter erga Beatam Virginem, Sanctos, & Angelum tuum Custodem affecta es? Valdene eos diligis? peculiaremne in favore illorum fiduciam ponis? Placentne tibi eorum imagines, vitæ, & præconia?

Octavo: quod ad linguam attinet, quo de Deo tuo modo loqueris? Anne tibi jucundum, & placet bene de eo pro conditione, & talento tuo loqui? Volupene tibi est hymnos, & cantica spiritualia canere?

Nono: quod ad opera, cogita, num exteriorem DEI gloriam cordi habeas, &

gaudio tibi sit aliquid ad honorem ipsius facere: qui enim DEUM amant, una cum Deo domus illius decorem diligunt.

Vide, an notare possis, aliquem te propter DEUM affectum reliquisse, & rei alicui renuntiasse: etenim bonum amoris signum est, aliqua se re in gratiam illius, quem diligimus, privare, quid ergo propter DEUM haec tenus deseruisti, & renuntiasti.

C A P U T V.

Examinatur animæ status erga seipsum

Primo: quomodo amas teipsum? An non plus æquo propter hunc mundum te amas? Id si fiat, semper in eo remanere desideras, & summa contentione conniteris, ut hac in terra rem tuam constabillas? At si te ames propter cœlum, desiderabis, aut saltem facile annues, nec abiuies hinc excedere eo tempore, & hora, qua Deo te videbitur ex hac vita, & mundo educere.

Secundo: rectumne in amore tui ordinem servas? Nam per solum inordinatum nostri ipsorum amorem destruimur. Porro ordinatus amor exigit, ut plus animam diligamus, quam corpus, plus virtutibus, quam alteri rei cuiquam comparandæ insistamus, maiorem denique honoris cœlestis, quam terreni, & caduci rationem habeamus. Cor bene,

ne, recteque ordinatum sæpius intra semet ipsum dicit: quid dicent Angeli, si tali de re cogitent: quam quid de eo dicent homines?

Tertio: quomodo cor tuum diligis? An non grave tibi est illi in suis ægritudinibus inservire, illi succurrere? Eheu! & ut ei succurratur, curare teneris, quando ipsum suis a passionibus exagitatur, & opprimitur, & propterea cætera omnia negligere.

Quarto: quam te coram Deo facis? Nihil certe, neque enim magna est in musca humilitas, quod scse intuitu montis nihili faciat; uti nec in aquæ guttula, quod parvise ducat cum oceano comparata: uti nec in scintilla, quod pro nihilo se reputet cum sole collata. Verum in hoc sita humilitas est, quod aliis nos minime anteponamus, aut digniores æstimemus, imo nec aliis anteferri velimus, quomodo vero hac in re te gesisti?

Quinto: quoad linguam, an non hac re te jactas, aut alia? An non, dum de teipsa sermo incidit, tibimet adularis, & plaudis?

Sexto: quoad opera: an non recreatio- nes eas consecutaris, quæ valetudini tuæ con- trariæ sunt, & noxiæ? Recreationes, in- quam, vanas, & inutiles; item nimias vigilias sine causa, & alia id genus.

C A P U T V I.

Examinatur animæ nostræ status erga proximum.

A More dulci, traquillo, forti, constanti, & continuo, & quidem ante, & super omnia amandus est maritus, & uxor, quod hunc Deus amorem præcipiat, & id fieri jubeat. Idem de prolibus, cognatis, & consanguineis, quin & amicis pro gradu, & ordinum proximitate dicendum est.

Sed ut in genere loquar, qualiter cor tuum erga proximum dispositum, & affectum est? Amasne illum toto ex corde, & quidem propter Deum? Quod ut bene internoscas, tibi proponas, oportet, quosdam valde tetricos, morosos, & molestos. Erga hos namque ipse in proximum amor exercetur; & magis adhuc erga eos, qui malum nobis faciunt, & inferunt, sive facto id fiat, sive verbis. Vide, & examina, num cor tuum quoad illos nullius sit culpæ consciūm, & num magnam in illis diligendis intra te ipsam repugnantiam, & contradictionem sentias.

Esne proclivis, & facilis ad sinistre de proximo loquendum, atque imprimis de iis, qui te non diligunt? Num proximo sive directe damnum, aut injuriam ullam infers? Dummodo vel parum rationis, & judicii habeas, statim id advertes.

C A P U T V I I.

Examinantur animæ nostræ affectus.

Puncta hæc, in quorum examinatione spiritualis, quem fecimus, profectus cognitio sita est, sic explicando difusius extendi: nam quod ad examen peccatorum spectat, id proprium est eorum, qui de progressu in spiritu non admodum solicii sunt, dum confessionem instituere volunt.

Non est necesse, ut anxie in singulis his articulis disquirendis nos torqueamus, sed suaviter hoc examen fiat; considerando quo in statu cor nostrum quoad illa, jam inde a postrema nostra resolutione, & proposito fuerit, & quosnam notabiles defectus in ipsis commiserimus.

Sed ut omnia illa velut in compendium redigantur, examen hoc solum circa passionum nostrarum statum institui potest. Et si forte grave, & molestum nobis sit, ita singillatim omnia (uti dictum est) excutere, & considerare, sic nos examinare possumus: quales fuerimus, & qualiter nos gesserimus.

In amore nostro erga Deum, proximum, & erga nos ipsos.

In odio nostro, erga peccatum, quod in nobis deprehendimus, & erga id, quod in aliis apparet: nam tam hujus, quam illius exterminationem velle debemus.

In desideriis nostris, quibus aut facultates & opes, aut voluptates, aut honores habere desideramus.

In timore periculorum peccati, & jacturam bonorum hujus mundi, si nimirum plus æquo hujus jacturam timuerimus, & illius æquo minus.

In spe, fortasse plus æquo in hoc mundo, & in creaturis, & minus in Deo, ac rebus æternis collocata.

In tristitia, si ea nimia fuerit propter res vanas, & transitorias.

In gaudio, si nimium id fuerit, & pro rebus indignis, ob quas gaudeamus.

Quales demum affectus cor nostrum præpediant, quæ ipsum passiones occupent? in qua potissimum defecerit, aut impegerit.

Ex animæ namque passionibus de illius statu optima fieri potest conjectura, unam post aliam inquirendo, & excutiendo. Nam sicuti fidicen omnes testudinis suæ chordas digitis explorans, eas, quas dissonas, & discrepantes reperit, reliquis attemperat, illas vel intendendo, vel remittendo; sic si post quam amorem, odium, desiderium, spem, tristitiam, gaudium animæ nostræ exploravimus, eas pro carmine, quod modulari volumus, gloriæ inquam D E I dissonantes comperiemus, mediante illius gratia, & bono Patris nostri spiritualis accidente consilio,

ad concordiam , & harmoniam eas adducere poterimus.

C A P U T V I I I .

Affectus quidam sunt post examen hoc excitandi.

Ubi ergo leniter , & suaviter unumquodque examinis punctum jam examinaveris , & quomodo in singulis constituta fueris, deprehenderis , affectus hoc modo excitabis.

Gratias age Deo de aliquantula illa emendatione , quam in vitæ statu jam inde ab ultimo tuo proposito deprehendisti , & fatere, solum misericordiæ illius eam adscribendam esse , qua in te & pro te eam est operata.

Valde te coram Deo humilia , & agnoscere , quod si forte non multum progressa fueris , ex tuo id defectu accidisse ; eo quod nec fideliter , nec generose , nec constanter iis , quas tibi tum in oratione , tum alibi dedit , inspirationibus , illustrationibus , & nutribus responderis.

Promitte te in perpetuum illum ob præstitas tibi gratias , ac misericordias , ut te ex inclinationibus tuis ad aliquantulam hanc emendationem perduceret , deprædicaturam.

Veniam illum roga , quod tam infidam , & perfidam te in illis inspirationibus respondendo exhibueris.

Of.

Offer illi cor tuum, ut plenam ipsum
in id sibi jus, & imperium vendicet.

Illum ora, ut exinde te per omnia fide-
lem faciat.

Sanctorum, Beatae Virginis, Angeli Cu-
stodis, Patroni tui, B. Josephi, & aliorum
patrocinium implora.

C A P U T I X.

*Considerationes quædam ad bona nostra pro-
posita renovanda accommode proponuntur.*

POstquam examen hoc debite peregisti, &
PUcum perito, prudentique consultore de
defectibus tuis, deque eorum remediis con-
sulisti, sequentes considerationes usurpabis,
& quidem singulis diebus unam per modum
meditationis, dedicatum orationi tuæ tem-
pus ei impendendo, & dedicando, & qui-
dem eandem semper methodum quoad præ-
ludia, & affectus servando, quam in pri-
mæ partis meditationibus adhibuisti, & secu-
ta es. Ante omnia porro in DEI præsentia
te constituendo, illius gratiam implorabis,
quo te in sancto ejus amore, & obsequio
constabilias, & solides.



C A P U T X.

Consideratio prima de animarum nostrarum dignitate.

Perpende animæ tuæ dignitatem, & eminentiam, utpote quæ intellectum habet, qui non solum mundum hunc visibilem, quantus, quantus est, cognoscit, verum etiam novit, & intelligit, & Angelos, & cœlum, ad hæc, & Deum esse, eumque supremum, optimum, ac ineffabilem: item æternitatem esse; insuper, quid nam ad bene in visibili mundo vivendum, ad Angelorum in cœlo contubernium acquirendum, Deoque in æternum fruendum necessarium est.

Habet præterea anima tua voluntatem plane liberam, & nobilem, utpote quæ Deum amare potest, eum in seipso non odire. Vide, quam cor tuum sit generosum, & quod sicut apes in nulla re putrida sedem figunt, at solos flores consequantur; ita cor tuum nullam nisi in solo Deo habere requiem possit, & nulla creatura ipsum satiare queat.

Repete tecum ipsa audacter cogitatione charissimas, & dulcissimas recreations, & oblationes, quibus aliquando perfusa es, & in quibus cor tuum requiem invenit: & sincere, vereque judica, an non hæ mole-

stis-

stissimam quandam inquietudinem , solicitas cogitationes , & importunas anxietates , & curas in se continuerint , quibus cor tuum undique angustiatum , & laceratum vere miserabile erat ,

Cor nostrum , eheu ! dum creaturas impense , & avide consequatur , efficitur , & anxie in illas ruit , dum suo in illis desiderio , & appetitui plane satisfieri posse putat : sed , mox ut eas jam habet , & fruitur , videt omnia velut frustra esse , ac nulla omnino re sese posse satiari , Deo minime permittente , ut ullum cor nostrum locum inveniat , in quo secure requiescat ; uti columbae ex arca Noe egressæ olim contigit , quo ad Deum suum , a quo egressum est , denuo revertatur . Ah ! quam naturalis , & nativa cordis nostri pulchritudo est ; cur ergo ipsum invitum , & reluctans creaturis famulari compellimus ?

Sic ergo animam tuam compellare poteris : Potes , o anima mea , Deum intelligere , & velle , cur ergo rei alicui , quæ eo minor sit , consequendo , & appetendo incumbes ? Æternis , & æternitati intendere : cur ergo momenta , & momentanea avide adeo captabis ? Unde hoc inter alia filius prodigus deplorabat , quod cum in domo , & mensa paterna affluere deliciis , & regifice refici posset , siliquas comederet cum suis . Tu es , ani-

anima mea, Dei capax, eumque comprehendere, & habere potes; vñ ergo tibi! si qua re, quæ eo minor sit, contenta sis. Animam tuam in hac consideratione quam maxime exfusca, & exstimpla, ostende illi, quod æterna, & æternitate digna sit, ac proinde hujus occasione ei animum addito.

C A P U T X I.

Consideratio secunda, de virtutum præstantia.

Considera, virtutes, & devotionem solas plenum, & perfectum hoc quidem in mundo animæ tuæ afferre gaudium posse, & ipsam satiare. Vide, quam eæ sint pulchræ: Virtutes ergo cum vitiis, quæ ipsis contraria sunt, velut in bilance appende, & compara: quanta est in patientia suavitas, intuïtu, & respectu vindictæ, quanta in benignitate, si cum ira, & indignatione comparetur; quanta in humilitate, si arrogantiam, & ambitionem intuearis; quanta in liberalitate, avaritiam si inspicias; quanta in charitate, injuriæ collata; quanta in sobrietate denique, si luxum, & crapulam ei opponas?

Hoc quippe virtutes admirabile, & consideratione dignum habent, quod incredibili quadam suavitatem animam jam exercitæ delent,

Etent, & repleant, cum vitia econtra eam tristem, & male habitam relinquant, cur ergo hanc nobis dulcedinem comparare non studebimus.

Quisquis e vitiis nonnisi parum habet, quietus, ac contentus non est; qui vero multum etiam inquietus: at e virtutibus qui vel modicum habet, quietem etiam, ac recreationem habet, & quo longius progreditur, semper sentit majorem. Quam o vita devota pulchra, jucunda, grata, & suavis es! Tu tribulationes dulcoras, & desolaciones etiam suaves, sapidas, & optabiles reddis: sine te bonum fit malum, & voluptates plenæ inquietudine, molestia, ac defestationibus. Qui te nosset, dicere cum Samariana posset: *Domine da mibi hanc aquam;* quam aspirationem S. Mater Theresia de JESU, & Sancta Catharina Genuensis, diverso licet intuitu, ac occasione saepius in ore habebant.

C A P U T X I I.

Consideratio tertia ab exemplo Sanctorum.

Considera sanctorum omni in genere hominum, & vitae exemplum, quid hi non fecere, quo Deum diligenter, ejusque clientes, & amici fierent? Considera illos Martyres suis in propositis, ac resolutionibus in-

insuperabiles, quos hi non ad eadē constanter exequenda cruciatus, ac tormenta subiere? Atque in primis illustres, & inclytas illas virgunculas super lilia puritate candidas, super rosas charitate rubicundas; quarum haec duodecimo, tertiodécimo, & quintodécimo, illæ vigesimo quinto ætatis anno sexcenta suppliciorum genera perpeti maluere, quam a suo non fidei modo profitendæ, sed deovationis etiam suæ exercendæ proposito vel latum unguem deflectere; dum haec quidem, ne virginitatis florem amitterent, illæ, quod ab afflictis Christianis obsequium præstando, suppliciis affectos consolando, & vita defunctorum sepulturæ tradendo cessare nollent, mortem non dubitarunt oppetere. Quantam, Deus, bone! sexus hic fragilis similibus in rebus, & occasionibus constantiam, & generositatem prætulit?

Intuere tot Confessorum millia, quanta illi constantia, & robore mundum hunc contempserunt! quam suis in resolutionibus, & propositis invincibiles extitere! nihil quidem eos ab iisdem divertere, aut avocare potuit, sine ulla restrictione, & limitatione eadem sunt amplexi, ac sine ulla exceptione ad finem usque in iisdem perseverarunt. Quid non Sanctus Augustinus de matre sua Monica scribit? Qua illa constantia, & intensione

suum DEO in conjugali æque, ac viduali statu serviendi propositum est prosecuta? Quid non Sanctus Hieronymus de charissima filia sua Paula, idque tot inter casus, tot adversitates, & rerum humanarum vicissitudines? Quid autem ipsi, tam præclara ante oculos habentes exempla, non præstemus? Erant id, quod sumus, ejusdem Dei causa id faciebant, & easdem propter virtutes: quid ergo idem in nostro statu, & juxta vocacionem nostram, quo propositum, & sanctam protestationem nostram constanter urgeamus, præstamus?

C A P U T X I I I.

Consideratio quarta de amore, quo Redemptor noster JESUS nos est prosecutus.

Considera amorem, quo Dominus noster JESUS Christus, tam multa, & varia in hoc mundo pertulit, & monte Calvariæ. Amor hic te unam respiciebat, & omnibus illis cruciatibus, & laboribus bona a DEO patre cordi tuo obtinebat proposita, & protestationes, simul quoque, quidquid tibi est ad proposita illa conservanda, fovenda, corroboranda, & perficienda necessarium. Quam, o resolutio, & propositum res es pretiosa, cum

cum tali sis matre, passione, inquam, Domini mei J E S U Christi progenita! quam te anima mea charum habere debet, & complecti, cum JESU meo tam chara extiteris. Tu, o Salvator animæ meæ mortuus es, quo mihi resolutiones, & proposita mea comparares, gratiam ergo mihi præsta, ante ut moriar, quam eisdem excidam, aut amittam.

Vides, Philothea mea? Certum est, Domini nostri JESU Christi cor jam inde ab arbore crucis tuum intuitum esse, & dilexisse, & per hanc dilectionem omnia illi bona obtinuisse, quæ nunquam es habitura, atque inter cætera nostra proposita, & resolutiones. Unde, quotquot sumus, dicere cum Ieremia Propheta, Philothea, possumus; *Antequam essem, Domine, videbas me, Et nomine meo compellabas me.* Quod divina illius bonitas, in amore, & misericordia sua vere omnia tam generalia, quam particularia salutis nostræ media, & consequenter proposita nostra disponeret, & præpararet. Vere quidem, nam quemadmodum mulier prægnans cunas, fascias, lineam puerperii supellestilem, quin & nutricem proli, quam sperat, præparat, esto ea nondum in lucem edita sit; ad eundem modum Redemptor noster JESUS, cum bonitas illius te velut

in utero haberet, & te imprægnata esset, & ipse saluti te parere, ac filiam suam facere vellet, jam inde in arbore crucis præparabat, quidquid tibi, & cunis tuis spiritualibus necessarium erat, linteamina, & fascias tuas, nutricem quoque tuam, & quidquid ad beatitudinem, & felicitatem tuam ullo modo expediebat; omnia, inquam, media, invitationes, & gratias, quibus animam tuam allicit, provocat, conducit, & ad perfectionem suam attrahere conatur.

Quam hoc, Deus bone, profunde memoriæ nostræ deberemus insculpere? Fierine potest, me a Domino meo JESU derelictam fuisse, & quidem tam suaviter, ut mei particulatum, & in omnibus illis modis, & casibus, quibus me ad se invitavit, & allexit, recordari non sit dignatus? Quam ergo, & quomodo omnia illa diligere, complecti, & in nostram nos utilitatem convertere oportet. Est hoc certe cogitatu quam suavissimum, benignissimum, & amantissimum, DEI mei cor Philotheæ recordabatur, eam diligebat, milleque ei salutis media; & vias procura bat, tanquam si nulla in mundo anima existisset, cuius is memoriam haberet, & curam, perinde ac sol unam terræ partem illustrando non minus illam illustrat, quam si nullam, aliam, & nonnisi illam solam illu stra-

straret; eodem modo Redemptor noster JESUS ita omnium filiorum suorum curam habebat, deque iis solitus erat, ut de unoquoque nostrum ita cogitaret, tanquam si de reliquis omnibus non cogitasset, sed eos neglexisset. *Dilexit me,* inquit Apostolus, *Tradidit semetipsum pro me:* quasi dicat, pro me solo ita impense, tanquam si pro reliquis omnibus nihil penitus præstitisset. Hoc animæ tuæ insculptum esse debet, Philothea, ut, quod fecisti propositum, utpote quod Salvatoris nostri cordi adeo charum exstitit, & pretiosum, diligas, charum habeas, & foveas.

C A P U T X I V.

*Confederatio quinta, de æterno DEI
erga nos amore.*

Considera æternum, quo te Deus Optimus Maximus prosecutus est, amorem: nam etiam antequam Dominus noster JESUS Christus, in quantum homo, in cruce patetur, divina illius Majestas in suprema sua bonitate te sibi proponebat, & summo te amore prosequebatur. At quando primum te amare incœpit? Tuin, cum cœpit esse

Deus, quando autem incepit esse Deus? Nunquam: semper quippe fuit sine principio, & sine fine, proinde etiam semper ab omni æternitate te dilexit. Hinc jam inde ab eo tempore, quas tibi præsttit, gratias, & favores præparabat. Quamobrem per Prophétam ait: *Charitate perpetua dilexi te, Et ideo attraxi te miserans*, quod tam tibi in particulari, quam aliis omnibus in genere ait. Ergo inter alia cogitavit, & præparavit, ut quæ ad illi serviendum concepisti proposita, te concipere ficeret.

Qualia ergo, Deus bone, sunt hæc proposita, ut quæ Deus jam inde a sua æternitate decrevit, præmeditatus est, & sibi objecit; quam ergo nobis illa debent esse chara, & pretiosa? Quid non subire nos oporteat potius, quam vel latum ab illis unguem recedere? Imo ne quidem, esto etiam totum terrarum orbem intercidere oporteret, nam ne totus quidem orbis, quantus quantus est, cum animæ unius valore, & pretio potest æquiparari; anima porro sine nostris resolutionibus, & propositis nihil omnino est, & nullius momenti.



C A P U T X V.

*Generales super præcedentibus consideratio-
nibus affectus, ac simul exercitii bujus
conclusio.*

VOS, o illustria, & chara proposita, estis
præstans illa vitæ arbor, quam sua Deus
meus manu in cordis medio plantavit,
quamque suo Redemptor meus sanguine, quo
fructum aliquem producat, irrigare cupit.
Sexcentas potius perferam mortes, quam ut
ab ullo vos turbine, ventove eradicari sinam.
Certe neque vanitas, neque deliciæ, non di-
vitiæ, non tribulationes a meo me proposito
facient recedere.

Sed tu, o Domine! arborem hanc pul-
chram plantasti, & in paterno sinu tuo pro
horto meo reservasti. Ah, quam multæ sunt
animæ! quibus hanc tu benevolentiam, &
beneficium non exhibuisti? Quomodo me
ergo unquam satis coram tua misericordia
humiliem?

Si vos, o illustria, & sancta proposita,
ego conservem, vos me conservabitis; si in
anima mea vivatis, anima vivet in vobis.
Æternum ergo vivite, o sancta proposita!
quæ in Dei mei misericordia fuistis æterna:
æternum in me manete, & vivite, & nun-
quam ego vos deseram.

Post hos affectus excitatos disquire, & dispone in particulari apud te ipsam media, quæ ad chara hæc proposita conservanda requiruntur, & coram Deo protestare, & propone, fideliter te iis uti velle, uti sunt frequens orationis, Sacramentorum, bonorum operum usurpatio, defectuum in secundo puncto perspectorum emendatio, pravarum occasionum evitatio, eorum, quæ tibi quo-ad hoc suggerentur bona consilia, ample-xatio.

Hoc peracto, tanquam si novum spiritum jam attraxisses, novumque robur colle-gisses, millies protestare te in propositis, & resolutionibus tuis remanere velle, & tan-quam si cor, animam, & voluntatem tuam in manibus haberet, Deo illam dedica, con-secra, sacrificia, & immola, nunquam exinde amplius eam te repetituram protestans, sed in divinæ ipsius Majestatis manu eam re-licturam, quo illius præcepta, & voluntatem in omnibus, & per omnia exequaris. Deum roga, ut te plane innovet, & novam reno-vet, tuæque novæ protestationi benedictio-nem suam addat, ipsamque corroboret. In-voca quoque patrocinium, & opem B. MA-RIÆ Virginis, Angeli Custodis, Ludovici, & aliorum Sanctorum.

Corde sic excitato, & inflammato, ad Patris tui spiritualis pedes te abjice, & primaria, gravissimaque, quæ te jam inde ab ultima confessione tua commisisse deprehendes, peccata confitere, & eodem modo eorumdem absolutionem admitte, quo priorem protestationem quoque tuam coram eo pronuntia, & manu tua signa. Denique corruptum jam renovatum principio, & Salvatori suo, sanctissimo inquam Eucharistiaæ Sacramento, fac unias.

C A P U T X V I.

Quales post hoc exercitium peractum in anima sensus sint, & motus conservandi.

EO, quo hanc spiritus renovationem fecisti, die, nec non aliis sequentibus saepius tum animo, tum etiam ore ardentia illa S. Pauli, S. Augustini, S. Catharinæ Genuensis, & aliorum verba repetas, oportet: jam non sum amplius mea, sive vivam, sive moriar. Salvatoris mei sum; Non habeo amplius Ego, vel Meum. Meum Ego est JESUS: Meum Meum est, quod ipsius sim. Tu, o monde semper es tu, & ego semper fui ego; at posthaec non amplius ero ego, non, non amplius erimus nostri, habebimus quip-

pe cor aliud, & immutatum, & mundus, qui usque adeo nos decepit, jam decipietur, & falletur: in nobis etenim mutationem nostram nonnisi paulatim percipiens, putabit nos semper esse Esau, & nos comperiemus nos esse Jacobos.

Necesse autem est, ut omnia exercitia in corde requiescant, & maneant, ut, jam a consideratione, & meditatione surgentes, paulatim, sensimque in negotia, & conversationes cum hominibus nos ingeramus, ne forte collectus propositorum liquor subito effundatur; etenim per omnes animæ partes bene is penetret, & se diffundat, oportet, attamen sine ulla id violentia aut spiritus, aut corporis fiat, necesse est.

C A P U T X V I I.

Respondeatur ad duas, quæ contra hanc Introductionem objici queant, objectiones.

Dicit tibi mundus, charissima Philothea, hæc exercitia, & consilia tam multa numero esse, ut, quisquis illa observare vult, vix aliis rebus commode vacare, & intendere possit. Ah! mea Philothea, esto nihil aliud faceremus, quam hæc, satis haud dubie faceremus, eo quod faceremus id, quod

quod hoc in mundo nos facere oportet, sed an technam, & imposturam illius non vides? Si quidem omnia hæc exercitia quotidie nos obire oporteret, totos, fateor, nos occuparent, sed nonnisi tempore, & loco suo illa, prout unumquodque necesse est, & occurret, sunt usurpanda. Quam multæ sunt in Digestis, & Codice leges civiles, quæ omnes sunt exakte observandæ: sed nonnisi cum earum usus, & necessitas eas observari requirit, non autem quasi omnes quotidie, & singulæ sint ad praxim redigendæ. Cæterum David Rex gravissimis negotiis impeditissimus, etiam plura obibat exercitia, quam hic tibi præscripsi. S. Ludovicus Rex, bello juxta, ac pace admirabilis, quiue incomparabili quadam cura & justitiam administrabat, & negotia regia tractabat, quotidie duas audiebat Missas, Vesperas, & Completorium cum suo recitabat facellano, meditationem quotidianam instituebat, valetudinaria obibat, singulis feriis sextis confessio nem instituebat, & corpus flagellabat; verbi divini prædicationi sæpe intererat, frequenter de rebus spiritualibus cum aliis conferebat; interim tamen ne vel minimam boni exterioris, & publici curandi, cui impense vacabat, occasionem negligebat, ejusque aula longe erat speciosior, & florentior, quam

præ.

prædecessorum ejus omnium fuerat hactenus. Audacter igitur exercitia hæc, prout illa tibi præscripsi, suscipito, & satis tibi Deus otii, & roboris ad reliqua exercitia tua obeunda suppeditabit: imo etiamsi in tui gratiam solis motum deberet sistere, uti olim factum tempore Josue, semper, aut satis, superque facimus, cum Deus nobiscum operatur, & collaborat.

Dicet præterea mundus, ubique pene me præsupponere Philotheam meam orationis mentalis donum habere; & tamen in omnibus passim dari non solere: ac proinde hanc Introductionem non fore omnium, nec omnibus profuturam. Hoc, fateor, præsupposui, uti etiam fatendum est, omnes orationis mentalis donum non habere, at simul hoc verum est, fere omnes id habere posse, etiam stupidissimos quosque, dummodo bonos, & peritos conductores habeant, & si, prout res ipsa meretur, ad eam comparandam velint conniti, & elaborare: si quem vero invenire sit, qui nullo in gradu donum hoc habeat (quod nonnisi quam rarissime contingere posse existimo) prudens, & peritus Pater spiritualis defectum hunc facilitio in illo corriget, & supplebit per attentionem, quam illum ex earum considerationum, quas in meditationibus præscripsi, lectione, auditioneque habere faciet.

C A P U T X V I I I .

*Tria ultima, & primaria Introductionis
hujus monita, ac præcepta.*

PROTESTATIONEM, quæ in prima libri parte post meditationes collocata est, primo quoque mensis die reitera, & repete, & ad singula momenta illam te observare velle, protestare, dicens cum Psalmographo : *In æternum non obliviscar justificationes tuas, Domine, quia in ipsis vivificasti me.* Unde etiam ubi aliquo te modo deficere, & collabescere senties, protestationem hanc tuam in manus sumito, & in spiritu humilitatis prostrata, ex toto corde tuo eam pronuntia, & haud dubie singulare quoddam animi solatum, ac alleviamentum persentisces.

Palam, & aperte profitere, te devotam esse velle ; non dico, te devotam esse, sed, esse velle ; neque probro, & dedecori tibi sit, communia, & necessaria opera obire, quæ ad DEI nos amorem perducant. Audacter quoque profitere, & dicito, te conari meditari, & malle mori, quam mortale peccatum committere ; velle te Sacra menta frequentare, & directoris tui (esto

(est) s^ep^e eum necesse non sit nominare, idque ob plurimas rationes) consilium sequi : h^ac libertas profitendi , quod D^eo servire velimus , quodque amori ejus e spe ciali quodam affectu nos dedicaverimus , divinæ ejus Majestati longe gratissima est , quæ nos aut tui , aut crucis suæ nullatenus pudere vult. Deinde multis ea invitationibus , & illecebris , quas in contrarium mundus objicere vellet , viam præsecat , nosque ad eam opere exequendam etiam , ne quod fama detrimentum capiat , obligat. Philosophi ideo se Philosophos profitebantur , ut Philosophorum ritu , & modo vivere permitterentur : nos vero ideo nos devotionis amantes , & φίλουσ profiteri debemus , ut devote vivere sinamur. Si quis tibi dicat , etiam sine horum exercitorum , & præceptorum praxi devote quem posse vivere , concede fieri id posse ; sed dic eam tuam infirmitatem esse , ut pluribus juvari subsidiis , & admiculis debeat , quam alii opus habeant.

Denique , adjuro te , charissima Philo thea , per quidquid in cœlo simul , & terra sacrum est , per Baptismum , quem olim recepisti , per ubera , quæ Redemptor noster JESUS suxit , per flagrans charita te


te cor ejus, quo te dilexit, & per viscera misericordiae illius, in quam speras, ut in felici, & beato hoc vitæ devotæ, quam inivisti, proposito constanter pergas, & perseveres. Dies nostri prætereunt, mors ante fores est: *Tuba*, inquit Sanctus Gregorius Nazianzenus, *canit receptui, ut quisque se ad abeundum præparet: quia iudicium instat.* S. Symphoriani mater videns filium ad mortem, & martyrium abduci, illi jugiter inclamabat: Memento fili mi vitæ cœlestis, & æternæ; cœlum intuere, & illic regnantem ante oculos habe; finis proximus brevem vitæ hujus cursum brevi in momento terminabit. Idem tibi inclamabo, Philothea mea, & dicam: Cœlum respice; neve ipsum cum terra commuta: infernum respice; nec propter momentanea in illum te præcipitem dato: J E S U M respice, nec propter mundum eum abnegga; & cum vitæ devotæ labor tibi videbitur durus, & gravis, dicio cum Sancto Francisco: *Labor omnis voluptati mibi est, cum, quæ exspecto gaudia, considero: Tanta est gloria, quam exspecto, ut omnis me pæna delectet.*

VIVAT JESUS, cui cum Patre, &
Spiritu Sancto sit honor, & gloria,
nunc, & semper, & in secula seculorum,
Amen.

F I N I S.



IN-



INDEX CAPITUM PARTIS PRIMÆ,

	Pag.
CAP. I. <i>Vera devorio describitur.</i>	5
2. <i>Devotionis proprietas, & excellentia.</i>	10
3. <i>Devorio omnigenæ hominum vocationi, & statui convenit.</i>	14
4. <i>Ad devotionem auspicandam directore opus est.</i>	17
5. <i>Ab animæ purgatione incipiendum est.</i>	21
6. <i>De primo purgationis genere, quæ est a peccatis mortalibus.</i>	24
7. <i>De secunda purgatione ab affectu erga peccatum.</i>	27
8. <i>Quarantone secunda hæc purgatio instituenda.</i>	30
9. <i>Meditatio de creatione.</i>	32
10. <i>Meditatio de fine, ad quem conditi sumus.</i>	35
11. <i>Meditatio de divinis beneficiis.</i>	38
12. <i>Meditatio de peccatis.</i>	42
13. <i>Meditatio de morte.</i>	45
14. <i>Meditatio de judicio.</i>	50
15. <i>Meditatio de inferno.</i>	54
16. <i>Meditatio de Cœlo.</i>	56
17. <i>Meditatio per modum electionis cœlestis gloriae.</i>	60
18. <i>Meditatio per modum electionis vitæ devote.</i>	63
19. <i>Quomodo Confessio Generalis instituenda?</i>	67
20. <i>Authentica protestatio ad propositum, & penitentiæ actus concludendos.</i>	69
21. <i>Conclusio primæ purgationis.</i>	73
22. <i>Affectus ad peccata venialia expurgandi.</i>	75
23. <i>Affectus erga res inutiles expellendi.</i>	79
24. <i>Animus ab inclinationibus malis expurgandus.</i>	81

INDEX CAPITUM.
PARTIS SECUNDÆ.

	Pag.
CAP. I. <i>De orationis necessitate.</i>	83
2. <i>De brevi meditandi methodo, & de præsentia DEI.</i>	88
3. <i>De invocatione.</i>	92
4. <i>De mysterii propositione.</i>	94
5. <i>De consideratione.</i>	95
6. <i>De affectibus, & propositis.</i>	97
7. <i>De conclusione.</i>	98
8. <i>Utilissima circa meditationem documenta.</i>	100
9. <i>De ariditate.</i>	104
10. <i>De exercitio matutino.</i>	106
11. <i>De examine vespertino.</i>	109
12. <i>De recollectione, & quiete spirituali.</i>	111
13. <i>De orationibus jaculatoriis.</i>	115
14. <i>De Sanctissimo Missæ sacrificio,</i>	124
15. <i>De aliis exercitiis publicis.</i>	128
16. <i>De Sanctis honorandis.</i>	130
17. <i>De auditione, & lectione verbi DEI.</i>	132
18. <i>De inspirationibus divinis.</i>	135
19. <i>De Santa Confessione.</i>	139
20. <i>De frequenti Communione.</i>	147
21. <i>De modo communicandi.</i>	152

PARTIS TERTIÆ.

CAP. I. <i>De electione in virtutum exercitio.</i>	157
2. <i>De virtutum delectu.</i>	165
3. <i>De patientia.</i>	172
4. <i>De humilitate quoad exteriora.</i>	179
5. <i>De humilitate quoad interiora.</i>	184
6. <i>De humilitate, quod abjectionem amare faciat.</i>	192
7. <i>Quomodo famam tueri oporteat.</i>	198
8. <i>De mansuetudine, & iræ remedio.</i>	205
9. <i>De mansuetudine erga nos ipsos.</i>	212
10. <i>De negotiis anxie non gerendis.</i>	217
11. <i>De obedientia.</i>	220

I N D E X C A P I T U M,

	PAG.
CAP. 12. <i>De necessitate castitatis.</i>	225;
13. <i>De præceptis conservandæ castitatis.</i>	231
14. <i>De paupertate spiritus inter divitias.</i>	236
15. <i>Quomodo paupertatem dives exercere possit.</i>	240
16. <i>De spirituali opulentia in paupertate.</i>	247
17. <i>De amicitia mala.</i>	250
18. <i>De amorculis amatorum.</i>	254
19. <i>De variis amicitiis.</i>	261
20. <i>De discrimine inter veram, & vanam amicitiam.</i>	266
21. <i>De remediiis contra pravam amicitiam.</i>	270
22. <i>Alia monita de eadem materia.</i>	276
23. <i>De mortificationis exterioris exercitiis.</i>	279
24. <i>De conversatione, & solitudine.</i>	289
25. <i>De modestia, & uestium decentia.</i>	294
26. <i>Quomodo de DEO loquendum.</i>	297
27. <i>De verborum honestate.</i>	299
28. <i>De judiciis temerariis.</i>	303
29. <i>De detractione.</i>	311
30. <i>Documenta ad locutionem.</i>	320
31. <i>De recreationibus licitis.</i>	324
32. <i>De lusibus vetitis.</i>	326
33. <i>De tripudiis.</i>	328
34. <i>Quomodo ludere, vel tripudiare sit licitum.</i>	332
35. <i>In magnis & parvis fidelem esse oportet.</i>	334
36. <i>Animum rationis ductum sequentem habendum esse.</i>	339
37. <i>De desideriis.</i>	342
38. <i>Consilia pro Conjugatis.</i>	346
39. <i>De thori conjugalis puritate.</i>	359
40. <i>Monita pro viduis.</i>	365
41. <i>Monita ad virgines.</i>	374

P A R T I S Q U A R T Æ.

CAP. 1. <i>De non curandis obloquiis, & sermonibus.</i>	375
2. <i>De animo ob adversa non abjiciendo</i>	380

INDEX CAPITUM.

	PAG.
CAP. 3. De natura tentationum.	382
4. <i>Duo insignia exempla.</i>	386
5. <i>Anima in temptationibus constituta animalatur.</i>	392
6. <i>Quomodo tentatio, & delectatio possint esse peccatum.</i>	394
7. <i>De remediis in temptationibus.</i>	398
8. <i>Temptationibus parvis resistendum.</i>	401
9. <i>Quomodo parvæ tentationes superanda.</i>	403
10. <i>De animo contra tentationes corroborando.</i>	405
11. <i>De inquietudine.</i>	407
12. <i>De tristitia.</i>	412
13. <i>De consolationibus spiritualibus.</i>	416
14. <i>De ariditatibus spiritualibus.</i>	420
15. <i>Exemplo confirmingantur superiora.</i>	438

PARTIS QUINTÆ.

CAP. 1. De propositis renovandis.	445
2. <i>De beneficio DEI, quod nos ad servitium suum vocaverit.</i>	448
3. <i>De examine animæ status, & profectus.</i>	452
4. <i>De animæ statu erga DEUM.</i>	454
5. <i>De animæ statu erga seipsum.</i>	458
6. <i>De animæ statu erga proximum.</i>	460
7. <i>De examine affectuum.</i>	461
8. <i>Affectus post examen excitandi.</i>	463
9. <i>Considerationes ad renovanda proposita.</i>	464
10. <i>Consideratio de animarum dignitate.</i>	465
11. <i>Consideratio II. de virtutum præstantia.</i>	467
12. — III. ab exemplo Sanctorum.	468
13. — IV. de amore JESU Redemptoris.	470
14. — V. de amore DEI erga nos.	473
15. <i>Affectus, & exercitii conclusio.</i>	475
16. <i>De conservandis motibus in exercitium animæ.</i>	477
17. <i>Respondeatur ad objectiones.</i>	478
18. <i>Introductionis ultima monita.</i>	481